

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



et 7895:41

HARVARD COLLEGE LIBRARY



FROM THE FUND GIVEN
IN MEMORY OF
GEORGE SILSBEE HALE
AND
ELLEN SEVER HALE



INSTRUCTIONEU

Santel

AR ER GURIONNÉEU

PRINCIPAL

AG ER RELIGION,

RIT

BOUT LEINET EN TIGURAHEU, HAC EIT CHERVIGE D'EXPLICATION D'ER HATECHÉN.

Declina à malo, et fac bonum.

Peèlleit doh en droug, ha groeiter mad. Ps. 36.



É GUÉNED,

E TI DE LAMARZELLE, IMPRIMOUR-LIVROUR,
AR EL LICEU.

1848.

Cell 7895:41

JUN 7 1932 LIBRARY

AVERTISSEMANT.

N'EN des quet paud a quemb itre en Instructioneu · santel-men hac er-ré zou hanauet a uerço é-mésq en dud diar er mæzeu : rac copiet int bet a greihue ar er-ré-zé. Laqueit-ç'ou neoah amen calz a dreu ne oent quet er-re guettan, el mei en Explication a Symbol en Apostolet, a Ourhæmeneu Doue ha re en Iks. ag er Pater, ag en Overen, a certæn Ceremonieu pratiquet en Ilis, etc. Pe vehai quemeret quemend a sourci de studial er gurionnéeu comprenet èl Lior-men, èl e guemér en darn-muyan de zésquein amocedage ha bamage er béd, ne vehai quet quemend a Grechénion ignorand a zivoud en affær ag ou salvedigueah. Er bihan a boén e laquér de studial hur Religion santel, e zou caus d'er malheurieu e arribue bamdé en Ilis. N'en dé quet diæz laquad un dal de ziourchein ag en hend dréd, nac chué laquad un ignorant de gredein ur faus doctrin. Ul lod-vad e vehai marcé coutant a zésquein hac a ooud instruget, p'ou devehai Lioreu, pé ma cavchent requis unan benac charitabl erhoal eid ansaignein dehai er peh zou eit bout salvet Hama el Livr-men e goutantou er-ré e ouair leine hac en dès gréd de zésquein ou Religion, hac e ziscoei dehai é hès un œor a charité é instrugein en dud ignorant, huc e tifari er-re zou goal hend. Peb Chapistr a nehou e rescond d'ul Lecon-benae ag er Hatechen, de béhani é chereige d'Explicat on.

AVIS.

Aveit rein d'en dud péré ne hanauant quet er Chiffreu Romæn en æzemand de gavouet, èl Livreu-Breton-aral e zou bet imprimet, pé ér-ré e zeli bout imprimet goudé, er Chapistreu, Articleu, pé Figurieu de béré henneu ou hass liès, ni hun nès credet necessær laquad amen un daulèn ag er Chiffreu-zé, guet ou zalvouédigueah exprimet é Chiffreu Arab (*). Er Chiffr Romæn n'en dai composet meit ag er seih Lettrèn-men C. D. I. L. M. V. X. Er C e tall cant, en D e tall pemb-cant, en I e tall unan, en L e tall hantér-hant, en M e tall mille, er V e tall pèmb; hac en X e tall dec.

1	Senefi pé e tall	1	XV Senefi pé e tall	ı 5
II		2	XVI	16
111		3	XVII	17
1V		4	XVIII	18
\mathbf{v}		5	XIX	19
VI		6	XX	20
VII		7	XXX	3 0
VIII		7 8	XL	40
IX.		9	L	5o
\mathbf{X}		30	LX	6o
XI	·	1 t	LXX	70
XII		12	LXXX	80
XIII		13	XC	gυ
XIV		14	C	100
			•	

Remerquet a p'en dès un X é raug un L en er bibanna a zec : a p'en dès un I é raug ur V en er bihanna a unan; hac er memb I é raug un X er bihanna ehué a unan.

^(*) Er Chiffreu Arab e zou er-ré a béré en hum chervigér ordinæremant; èl mei, 1, 2, 3, 4, 5, etc.



INSTRUCTIONEU SANTEL.

CHAPISTR QUETTAN.

Obligationeu ur Hrechen.

OL é tougamb en Hanhue inourabl a Grechén; mæs dibaud e hum boeni eit hanauein hac accomplissein erhad ou obligationeu. Eit bout Crechén réd-é bout badèét, credein ha gobér profession ag en Doctrin a Grechéneah. Idan en tair-condition-ze en en dès Doué hur hemérét eid é vugalé ha grateit temb é Ranteleah. Ol é homb bet conceuét ér péhet : mæs Doué, dré é visericord, en dès preparét temb ur remæd ér Sacremand a Vadient. Er-ré-zou bet badéét hac e varhue quênd en oaid a ræson, e zou salvét dré vertu er Sacremant-ce; mæs ur uéh ma vér deit d'en oaid a ræzon, réd-è opèn, eit bout salvét, credein ha gobér profession ag en Doctrin e a nsaign demb en Ilis a berh Jesus-Chrouist, hac e zou comprenét é berr-guirieu é Symbol en Apostolèt.

Seellet ha comprenet enta, é-mé S. Yéhan, pèh quer bras-e en hur hevir carante hun Tad, a p'en des vennet ma vezemb hanhuet, ha ma vezemb e gurionné bugalé de Zoué! Er béd, de larèt-è, er-ré e gar er bed, ne hanauant quet peh quer bras bonheur hac inour-è quement-ce aveid-omb, rac ne hanàuant quet Doué. Lod e hum hlorifi én ou leigné: lod én ou danné: lod én ou vaillantis: lod ne chongeant meid a glasq plijadurien er vahé. Mæs ur guir Grechén ne hum blorifi quet én é dud; rac ma houair é mant ol bugalé cablus d'un tad criminel (Adam): ne hum vantt quet ag é nærh; rac ma houair n'en dai capabl (hemb secour Doué) d'obér nitra eid é salvedigueah : ne laq quet é chonge guet en treu ag er béd; rac ma houair en ou huittei quênt peèl: ne glasq quet plijadurieu er vuhé nac æzemand er horv: rac ma houair é ma crouéét eit joyeu éternel. Diazéét-è mad én é galon er honzeumen e larai S. Pierr d'er Grechénion guharal : Huizou, é-m'ean, un Nation choæget guet Doue... ur Bobl santel, ur Bobl prenet dre Oaid precius Jesus-Chrouist. Ne oaih quet guharal e Bobl; mæs bermen e hoh Pobl en Eutru-Doue: n'hou poai quet bet misericord; mas bermen e ma accordet tech. O Crechénion! é-mé S. Leon, hanàuet enta pèh quer bras bonheur-è aveid-oh boud é gurionné bugalé de Zoué hac hériterion d'en Nean, ha ne yet quet d'ancoehad un avantage quer caër, eit hum durel én ur vouillèn a bep-sort-infamité,

Er Sænt e hanàuai erhad pèh quer bras bonheur hac inour-è bout Crechén, a p'ou dès cavét inoura-ploh er galité-ze, eit quemènt tra e eèllehai boud istimettan ér béd. Gùel oai guet S. Loëis bout hanhuét Loëis a Poissi, rac ma hoai bet badèét é Poissi,

eit hont hanhuét Loëis Roué a France. Er Vartirèt n'ou doai quin de rescond d'er pèk e oulennait guett'ai, meit. me zou Crecken, hac inde gavai é hoai un inour bras aveit-t'ai souffrein ha merhuel eid un Hanhue quer santel. Ol é tougamb ehue en Hanhue-ze: mæs méh hun nès quasi é tiscoein é ramb profession ag er péh e senéfi. Pihue ne vang a gourage én amzér-men, a pe vai necessær dihuèn Jesus-Chrouist; a pe uélen offancein dréen touvereaheu, er blasfæmen hac er peheden horriplan? Mèn é vou cavét bermen tud e gredou hum laquad guet er-ré e glass gobér én ur hanton un établissemantbenac eit gloër Jesus-Chronist ha salvedigueah en ineanneu, pé corrigein un desordr hac arrestein ur scandal-benac? Pihue e ra er péh e lar demb Jesus-Chrouist hur Mæstr dré guêneu S. Pierr : Ne ret jamæs droug eit droug, nac offance eid offance; mæs quentoh reit hou pennoh d'en ol, rac ma houzoh é ma eit quement-ce e hohgalhuet d'er Grecheneah, eit ma receuehait el heriterion mat, er venidiction e oarn Doue deoh eid er vuhé-men hac er vuhé-aral. Er memb Apostol e lar hoah én un andræd-aral: Mem berder, heurus-oh mar souffret er meh, en amjuheu ha tourmanteu eit Jesus-Chrouist.... Mæs ne faut quet ma verstehait souffrein rac ma hoh multrer, lair, goal-gonzour, wins: mas mar souffret èl ur quir Grechen n'hou peet quet meh; melet quentoh en Eutru-Doue, rac ma hok affliget eid e Hanhue. Arlerh quemènt-ce, me oulen hoah gueneoh : én ol poénieu, miserieu, colleu, afflictioneu ha clinhuedeu, pihue e lar : Me zou Chrechen, er Groes e zeli bout me fartage er bed-men?

Quement-ce hun nes neoah grateit de Zoué a p'hun nes larétar er Fonce a Vadient : Me renonci

d'en diaul ha d'e avreu, d'er bed ha d'e vobanceu, d'er hiq ha d'e fal phijadurieu; ha m'en dès Doué hur hemérét eid é vugalé hac hériterion d'é Rante-leah, guet ma vehèmb fidel de virèt é Lezèn èl m'hun nès grateit.

Ur Hrechén e zeli bout grucifiét eid er béd, hac er béd grucifiét eit-t'ou : rac ur memb tra-è bout Crechén ha boud obligét de vihuein eit Jesus-Chrouist, de souffrein eit Jesus ha guet Jesus ha de verhuel eit Jesus, èl m'en dès bihuét, souffrét ha m'en dai marhuét aveid-omb-ol. En-n'emb e fal dehou donnet ar me lerh, é-mé Jesus, renoncieet dehou e hunan, douqueet e Groes bamde, hac helieet me. Mæs en hanine quemer quet e Groes ha n'em heliquet. n'en dai quet dign a hanan, na ne véritt quet bout lodêq gueneign. Quemènt-ce e ra de S. Paul larèt : Doue re-viret ne hum hlorifiehen e nitra meid e toug Croes Jesus-Chrouist ur Salver. Ha mar dai quement-ce ur folleah de chonge er-ré e hum blige doh hum goll; er-ré e zezir hum salvein ne gaveint jamæs brassoh inour, eid é toug Croès Jesus-Chrouist.

Ne hum drompamb quet: ul lod vad en dès croezieu ou goalh de zoug ér béd-men: mæs èl n'ou dougant quet eit Jesus-Chrouist, ind e goll er méritt ag ou foén. Rac-ce é lar S. Yéhàn: En hani e lar é chom é Jesus-Chrouist, e zeli quérhèt èl m'en dès querhet; de larèt-è, gobér èl m'en dès groeit, hac a balamor dehou: rac en hani e hum zalh staguét doh Jesus dré garanté ha dré er santeleah ag é vuhé, ne zeli chongeal a souffrein nac a vihuein meid aveit Jesus.

O me Salvér Jesus l'assurét e hoès temb é hoh er gùir hènd, e zeliamb héli; reit temb sclærdér eit hanàuein hou volanté santel, ha conduiet hur pazeu eit ne fariehèmb quet ag er routt e hoès merchét temb eid arribue ér Baraouis. Amen.

ARTICLE I.

Ag er Vertuyeu é géneral.

Comprênét-è tout er péh hun nès d'obér, ér berrguirieu-men: Peèlleit dok en droug, ha groeit er mad. Eit peèllad doh en droug réd-è pratiquein er Vertuyeu: raç ma n'en doh quet vertuus, hui e vou quasi sur péhour. Ur Vertu a Grechéneah e zou un donæzon surnaturel e chom én inean, e zoug hac e secour mab-dén d'obér vad ha de beèllad doh en droug. Me lar un donæzon surnaturel; rac ne fehèmb quet hé méritein nac ur bout hi a hanamb hun hunan: de Zoué hemb quin en hun nès obligation a guemènt-ce. Me lar un donæzon... e chom én inean.... rac un action vat hé hunan ne véritt quet d'hé dén en hanhue a vertuus; réd-è eit quemènt-ce m'en devou ur certæn hac acustumance d'obér er mad.

Bout-ç'ou deu-sort-Vertuyeu: bout-ç'ou tair hanhuét Theologal, rac ma tougant a bèn-caër d'inourein Doué: ol er-ré-ral e zou hanhuét Moral, rac ma chervigeant de reglein mab-dén én é gomportemant. En tair-Vertu Theologal e zou er Fé, en Espérance hac er Garanté: dré er Fé e credamb é Doué; dré en Espérance é homb ingorto a er possidein; dré er Garanté en er haramb. Er Vertuyeu Moral e zou ol diazéét ar bedair-principal hanhuét Cardinal, èl pe¶areheoh gondeu er Vartuyeu; rac ma teli ol er Vertuyeu-aral troein ar er pedair-ze, èl un or ar hé gondeu. Er guettan e zou en Avis-mat pé Prudance; en eil é zou én Nærh; en dairvet, en Tamperance, hac er bedairvet, er Justice.

En Avis-mat e ra demb difforh er peh e blige de Zoué, doh er péh en offance; er péh hun tosta de Zoué, doh er péh hur peèlla doh-t'ou; er péh-zou mat, doh er péh-zou droug; hac e ra demb istimein en distérran ævr-mat groeit eit Doué, guel eid en ol actioneu inourabl groeit eid er béd.

En Nærh e ra demb feahein ol er péh-zou diæz én hènd a hur salvedigueah; e ra demb resistein doh tantationeu er goal-speret, doh er béd, doh er péhet; hac e ra demb courage d'andur quêntoh er marhue eit gobér nitra e zispligehai de Zoué.

En Tamperance e zistag hur halon doh en treu crouéet, doh er plijadurieu, hac e ra demb hum chervige a nehai eit hun dobér hemb quin ha soulagemant hun Nessan, dré en dezir e laq én hur halon de glasq drès peb-tra er madeu hac el lehuiné éternel.

Er Justice e ra demb hum aquittein ag er péh e zeliamb de Zoué, demb-ni hun hunan ha d'hun Nessan, guet ur grèd perpet ampert ha carantéus. Hanhuein e rér ehue Justice en assamblage ag en ol Vertuyeu, hac un dén santel e hanhuér un den just.

Ol er Vertuyeu en des dobér a Brudance, a Nærh, a Damperance hac a Justice. A Brudance eit goud choæge er fin, er moyandeu hac er circonstanceu jaugeabl eid en excelcice a bep-Vertu. A Nærh eit ne veher quet distroeit ag en exelcice ag er Vertuyeu particuliér, dré zougeance nac espérance er bet. A Damperance eit ma vou groeit quemend èl e faut, ha non pas mui eit ne faut. A Justice eit ne vanquehèmb quet ér pratiq a bep-Vertu d'er péh e zeliamb de Zoué, demb-ni hun hunan, ha d'un Nessan.

Ag er pedair-Vertu principal-ze é ta hilfeih a Vertuyeu-aral : é han de gonz a lod a nehai.

En Humilité, e ra demb avouéein n'en domb nitra, n'hun nès nitra; hemb græce Doué n'eèllamb gobér nitra a vad eit hur salvedigueah. Peèl dohemb enta er vanité, en istim a hanamb hun hunan, en disprisance ag er-ré-ral, hac en dezir de vout mêlét ér béd.

En Douster, e ra demb mouguein hur holèr, torrein hur fal-imur, goasquein ar hur proutitud, ancoehad en anjulieu, pardonein en offanceu. N'en domb roq, brusq ha revait, meit rac ma hum gavamb un dra-benac. Désquet gueneign, é-mé Jesus-Chrouist, é kon douce hac humbl a galon.

Er Batiantæt, e ra souffrein a galon vat ha hemb hum glem en ol poénieu, clinhuedeu, trebilleu e arrihue guenemb a berh Doué, pé dré é bermission.

Carein er *Peah*; dré un imur mat ha dambonær peèllad doh en tabut; dihoal doh en dissancion; arrest er-ré coleret; laquad er peah é mésq er-rézou é caz; jamæs chican na procès hemb ur gùir ræzon.

Er Burtæt, e ra ehuehad doh en amitié tinèr ha doh en hantiss didalvé; feahein en ol tantationeu; resistein doh er chongeu importun; peèllad doh en ol occasioneu; dihoal doh modeuha vanitéeu er béd.

Er Modesti, pé Honestiss, e ra bout pozét é ol conzeu hac obereu; en devout caz hac horreur doh en ol guisquemanteu difourniss, en ol gesteu dijauge, en ol conzeu sot, er bourdeu infam, corolleu, bouffonnereaheu, etc.

Er Moderation a fæd en daibrein hac en ivèt : daibrein hac ivèt eit bihuein, ha non pas aveid er blijadur de hum goutantein; bout reglét ér plijadurien memb inoçant ha permettét; considérein en en dès hun Salvér liès ouilet, mæs n'en dai quet sur en en dès jamæs hoarhét. Malheur, é-m'ean, d'er-re e hum zivertiss, rac ind e ouilou un de e zei.

Er Mortification, e. ra plæguein er fal imurieu, torrein er fal daicheu, renonciein d'er fal acustumanceu; gobér brizél d'er vinceu en ur bratiquein

er Vertuyeu contrel debai.

Er Benigen, e afflige hur halon guet ur regrèd veritabl a hur péhedeu, hac e ra demb distannein colèr en Eutru-Doué dré hun dareu, ha disarmein

é justice dré bun ævreu mat.

Carein el Labour; ol é homb condannét de labourad ha de boéniein peb-unan revè é vacation. Ne chomamb quet enta de boèz, guet eun n'hul laquehai er goal-speret de gouéh ér péhet. En arouaredigueah e zou caus de hilleih a fallante, é-mé er Speret-Santel.

Er Beurante a speret, e zistag er galon doh en ol treu ag er bed; era bout coutant guet er peh e ra Doué demb: mar hun nès treu, en trugairicad; mar ou hollamb, quemér scuir ar en dén santel Job. Én Nean é teli bout hur chonge hac hur halon; rac

inou é teli bout hun tresor.

Dougeance Doué; Douget en Eutru-Doué, é mé er Speret-Santel, ha miret é Ourhæmeneu, rac chetui petra é ra d'un den bout just ha santel. N'en dai quet assès peèllad don en droug guet eun a vout punissét; mæs guet un dougeance carantéus en dès ur hroaidur mad a zispligein d'é dad.

Chetui er Vertuyeu Moral e zeli peb-unan pra-

tiquein a balamor de Zoué, ha non pas rac m'en dint honest, inourabl ha ræsonabl. Lod e chonge gnet-t'ai bout vertuus, rac ne vibuant quet èl erré fallan, rac ne gouéhant jamæs é certæn péhedeu bras ha scandalus, deusto ma hum broant dob péhedeu-aral a béré pe brezant quet cheleuèt er rebræche: lod e chonge bout vertuus, rac ma rant ævreu ha devotioneu caër dirac en dud, rac m'ou dès groeit ou Fasq, pé m'ou dès bet de gommuniein un dé bras a zevotion: deusto m'en dint carguét a vanité, corromplét én ou inean, ha ne dostant d'er Sacremanteu meid eit heli er mod hac er gustum. Ol en dud-ce e hum dromp. (Eit désquein pratiquein erhad peb-Vertu é particulier, leinet guet attantion en drivet Parti ag en Or ag er Vuhe devod dre S. Frances a Sale).

ARTICL II.

Ag er Fe a Grecheneah.

En Fé-zou ur Vertu Theologal dré béhani é credamb ferm ol er péh en dès revelét en Eutru-Doué, hac e ra demb en llis de gredein.

Er Fé-zou ur Vertu Theologal, de larèt-è, ur sclærdér surnaturel péhani e zoug mab-dén bet-ha Doué memb. Er Fé e ra demb credein ferm, hemb doutance er bet, ol er péh en dès Doué reyelét d'en Ilis, hac e ra demb en Ilis de gredein ag é berh, rac ean én dès int larét ha n'eèll quet hum drompein nac hun trompein. Doué, é-mé S. Paul, en dès conzet guharal doh hun Tadeu dre gueneu er Brofætet; mæs goudé ean en dès conzet dohemb dre gueneu e

Vab uniq. Ni e ouair enta sur en en dès conzét: en Ilis el lar demb, hac en Ilis n'eèll hum drompein nac hun trompein; rac er Speret-Santel e zou perpet guet-hi dré é assistance, eit ma vou goarnourès d'er Scritur sacrét, péhani-zou conzeu Doué memb, eit m'on expliquou ha ma hansaignou demb opèn er gurionnéeu deit a vêg de vêg ag en Apostolèt beèd-omb, ha péré, hemb bout comprénét ér Scritur santel. e zou neoah conzeu hun Doué.

Er Fé e sàu mab-den beèd en Nean eit contamplein parfætioneu infini hun Doué, eit considérein en dondæd ag er Misterieu a hur Religion, hac adorein er péh n'eèllamb quet comprenein dré er schærder a hur ræson goann ha dister. Dre er Fé é hanàuamb pèh quer misericordius-è hun Doné é quevir er-ré e zistro doh-t'ou a galon, ha pèh quen terribl vou é vangeance inemp d'er béherion obstinét. Er Fé e lag én hur halon en dougeance santel a zisplige dehou, hac en dezir carantéus d'obér perpet é volanté. Dré er Fé, é hanàuamb pèh quer faus-è plijadurieu er béd, quer bras-è folleah errè e laq ol ou spi de glasq ou æzemant ha lehuiné ar en doar, ha peh quen terribl-è er bunition e reserv Doué dehai ér béd-hont. Mæs hi e zésq demb ehue pèh quer bras-è joé ha coutantemand er-ré e zispris er héd hac é zivertissemanteu, eit chervige Doué guet fidelité, ha doug ou Hroèsarlerh Jesus-Chrouist. Er Fé anfin hul laqua de vout sourcius de feèllet petra-zou dihuennét eit n'er groehemb quet; ha petra-zou ordrenét eit er gobér ne vern petra e von larét a hanamb : hi hun désq de zisprisein er vuhémen, ha de zezirein er marhue, èl un tremén heurus ag er poénieu d'erjoyeu.

Ag en necessité ag er Fé.

Er Fé-zou necessær de bep-unan eit bout salvét; rac hemb er Fe, é-mé S. Paul, ne fehèmb quet pligein de Zoue: hac hur Salvér e lar sclær én Aviél, é vou condannét en hani ne gredou quet. Rac-cè hur Mam santel en Ilis e ansaign demb é ma er Fe er hommancemand a hur salvedigueak. Hemb er Fé n'eèllér enta na pligein de Zoué na bout salvét. Ha hoah, ne hum drompamb quet; peb-sort-Fé n'hur salvou quet: rac er Fé hemb ævreu mat, e zou marhue, é-mé S. Jåq; hac ur Fé marhue ne tall de nitra eid er Baraouis. Réd-è en doud ur Fé bihue, de larèt-è, jaugein hur buhé guet er péh e gredamb, hac èl-ce bout distaguét doh er béd, rac ma ramb profession a gredein guet S. Jåq, penaus en-n'emb e gar er béd, e zou enemis de Zoué.

N'en dai quet assès credein é general ol er péh e grèd en Ilis; rac bout-c'ou gurionnéeu principal e zeliamb goud ha credein é particuliér. Peb-Crechén deit d'en oaid a ræzon, e zeli, idan boén a zannation. goud ha credein é hès un Doué péhani e recompance er-ré vat, hac e buniss er-ré fal : can e zeli goud ha credein Mistèr adorabl en Drindèd, Mistèr en Incarnation, Mistèr er Redamption hac er gurionnéeu-aral comprênét é Symbol en Apostolèt, Gourhæmeneu Doué ha ré en Ilis, hac er péh e seell er Sacremanteu, é spécial er Vadiend, er Sacremand ag en Autær, hac er Sacremand a Bénigèn. Rac-cè, pihue-benac e ra Govezioneu hemb goud er Misterieu-ze, e zou obligét d'ou reparein. Caër hou pou larêt en e hoès ind ancoeheit; er Fé zon necessær beèd er markue, ha ne hoès quet

ancoeheit offansein Doué: caër hou pou hoah larèt, ne hoès quet a vémoër, n'eèllét quet désquein, hui e zésq erhad coroll, sonnein, ha mil-sotiss-aral: abil oh partout meid én hou Lezèn.

Ordrenét-è hoah demb idan boén à béhein marvelemant, goud petra è er Marhue, er Jugemant, er Purgatoër, er Baraouis hac en Ihuern; credein penaus en inean ne varhuou jamæs. Obligét-omb ehue, é-mé en Doctor S. Thomas, de oud ha de gredein Mistérieu Jesus-Chrouist, é spécial er-rézou inourét én Ilis dré ur Gouil hac un devotionbenac. (Hui e gavou quemènt-ce éxpliquét é Gourhæmeneu en Ilis). Ni e zeli hoah goud ha credein é teliamb inoureiner Sænt, respettein hou Relégueu; goud ha credein é hès én Ilis Indulgeanceu, a béré ételiamb profittein; goud ha credein é homb obligét d'aboeissein d'en Ilis, ha n'en dès quet à salvedigueah ér mæz a nehi.

Obligét vér d'obér forh liès Acteu a Fé: 1º A pe vér deit d'en ouid a ræson. 2º A pe vér tourmantét dré un tantation-benac, drès peb-tra, mar bai inemp d'er Fé. 3º A pe bedér. 4º A pedostér d'er Sacremanteu. 5º A pe vér én dangér a varhue. N'en dai quet erhoalh temb hur boud er Fe en hur halon : requisè hoah he avoueein dre hur honzeu: de larèt-è, ne zeliamb hur bout na méh na dougeance é havouéein a voéh ihuel é homb Crechénion, hac é teliehèmb-ni coll hur buhé : rac, é-mé Jesus-Chrouist: en-n'emb em avoueou dirac en dud, m'en handuou ehue dirac me Zad pehanizou en Nean: mæs en hanierenonciou deign dirac en dud, me renonciou ehue dehou dirac me Zad néhani zou en Nean. Réd-è memb ma vou hur buhé ur scuir parfæt a hur hreden, ha ma vou hanàuét hur Fé dohhun obereu. Memberder, é-mé S.

Jâq, petra e chervigeou deoh hou poud er Fe, ma ne hoès en ævreu? Ha hi e eèllou hé hunan hou salvein?

Bout-ç'ou tair-fæçon d'obér profession a Fé: 1º En ur ziscoein é peb-occasion dré hur honzeu hac hur buhé p'hun nès quet méh é heli Jesus-Chrouist. 2º En ul larèt Symbol en Apostolèt. 3º En ur obér Sign er Groès, péhani zou bet instituét eit degass chonge temb ag er Misterieu principallan ag er Fé; eit discoein d'er-ré-ral er péh e gredamb, hac eit tènnein ar-n'amb secour ha bénidiction Doué dré vériteu Jesus-Chrouist marhuét ér Groès. En ur obér Sign er Groès, ni e represantt hilleih a Visterieu én un taul : rac en ul larèt é Hankue en Tad. er Mab, hac er Speret-Santel, ha non pas é Hanhueu en Tad. etc.. ni e hanau n'en dès meid un Doué hemb quin, hac é hès tri-Person é Doué. En ul laquad hun dourn ar hun tàl hac arlerh ar er galon, ni e ra d'antand penaus Mab. Doué, ingal é peb-tra guet é Dad, e zou disquênnét ag en Nean, hac en dès quemérét ur horv haval doh hur ré-ni itré digosté er Uériès Vari. Er figur ag er Groès e formamb ér momant-ce, e zegass chonge temb é ma marhuét Jesus-Chrouist er Groès eit hur péhedeu.

En usage a Sign er Groès en dès commancét guet en Ilis; ha Tertulien e assur é ta demb ag en Apostolèt. Cheleuét é gonzeu : « A pe yamb é » voyage, a pe antréamb én hun tiér, a pe sortiamb, a pe hum usquamb, a pe hum laquamb » doh taul, a pe yamb de gousquèt, hac én hun ol » actioneu, ni e ra Sign er Groès guet respèt ha » devotion. » Eit profittein ag en avantageu e zoug guet-t'ou er Sign sacrét-ce, réd-è dihoal a er gobér dré routin ha dré acustumance; réd-è é contrel er gobér perpet guet modesti, respèt ha devotion, é

spécial a pe ver attaquét guet un tantation-benac, pé ma hum gaver én un dangér-benac. Réd-è er gober ar hur halon, eit he dihuèn doh er chongeu ha dezirieu lous; ar hun divès, eit arrest er fal gonzeu e vehai prest de sorti a hur bêq; ar hun deulegad, eit ou freservein doh er seèlleu dangerus. S. Ignace Martir e lar é touge bras er goal-speret er Sign-ze a hur salvedigueah; ha Lantance e lar é refusas en diaul rescond d'un Ampereura honsultai é présance ur Hrechén péhani en doai groeit Sign er Groès. Julian en Apostad, é-mé S. Gregoër a Nazianz, e hum exelçai mar a uéh guet operationeu magi; hac un déen hum bresantas tehou figurieu quen borribl, ma hum aucochas d'obér Sign er Groès guet er spont en doai bet; ha quentéh é ziaulèt e zisparissas.

Ag er Péhedeu inemp d'er Fé.

Puar-sort-tud e béh inemp d'er Fé: 1º Er-ré ne gredant quet er gurionnéeu e ansaign er Fé, èl mei en Turquèt. er Juivèt hac en Héritiquèt.

2º Er-ré e renonci én exterior d'er gurionnéeuze, pé ne gredant quet discoein en ou hredant, a pe vai requis discoein é vér Crechén, èl mei en Apostadèt hac er Grechénion lache.

3º Er-ré e vihue én un doutance volontær ag er gurionnéeu-ze, èl mei er héherion ahurtét.

4º Er-ré ne brezant quet laquad poén de zésquein er péh-çou necessær goud eit bout salvét; er-ré e hum sau inemp d'er Hatechén, inemp d'en Instructioneu, hac e ra goab a nehai: er-ré e vanq a gass ou bugalé de vout désquét.

Ah! terriplæt ur gontt en devou de rantein de

Zoué er-ré e lausq ou bugalé pé er-ré-zou idan ou berh, ér brassan dangér ag ou dannation, faute a zésquein dehai er péh-ç'ou requis. Fache vehai guett'ai ma varhuehai unan bras-benac én ou zy hemb bout deværét; ha ne rant cas er bet eit gùélèt ou bugalé é verhuel hemb goud na credein er Misterieu ag er Religion. N'ou hassant de govessad meid ur wéh-benac ér blæ, hac hoah a pe vai brassan foul ha prèss, hemb conz tehai a hum éxaminein, na penaus é ma rét gobér eit covessad.

Mar fal deoh bihuein revè er Fé, goulenget guett'hi petra e hoès d'obér a pe dostét d'er Sacremanteu, a pe yét d'en Overèn, a pe yunét, a pe rét alézon... Ne vern petra e yét d'obér, consultét-hi, hac hi e larou deoh er gobér èl pe zeliehoh merhuel

quentéh goudé...

ARTICL III.

Explication à Symbol en Apostolèt.

Symbol en Apostolèt e zou ur fæçon d'obér profession a Fé, en dès en Apostolèt composét ha lausquét guet er Fidelèt. (Er guir Symbol e senési ur merche e rait guharal d'er Soudardèt eit ou distinguein.) Bout-ç'ou én-ou deuzèc-articl, é péré é ma comprènét ol er péh-zou requis d'er Fidelèt credein eit bout salvét. Obligét-omb ol de oud parcul Symbol en Apostolèt; hac er-ré n'eèllehènt é mod er bet en désquein, e zeli ahoël goud é substance er gurionnéen comprènét én-hou. En ol scianceu ag er béd e zou nitra é comparage d'en Doctrin a salvedigueah e gavamb ér Symbol.

Ant. I. Me grèd é Doué en Tad ol-Buissant, Crouéour d'en Nean ha d'en Doar.

Me grèd é Doué; de larèt-è, me mès ur gredèn ferm hac assurét é liès un Doué, me laq én-ou me ol confiance, ha m'er seèl èl me ol vad ha me ol heurustæt.

Doué-zou un isprit infinimant parfæt; rac n'en dès quet a gorv, ha rac m'en dai infini én é ol parfætioneu: ne fehèmb quet er guélèt guet deulagad er horv, na cavouét nombr na fin d'é barfætioneu.

Doué-zou eternel; rac biscoah commancemant

n'en dès bet, na birhuiquin sin n'en devai.

Doué-zou hemb changemant; de larèt-è, a ol éternité é ma bet er péh mei bermen, ha birhuiquin é vou. Er péh-çou bermen én é chonge hac én é volanté, e zou bet a ol éternité, ha birhuiquin é vou.

E vrastæd e zou hemb muzul; rac m'en dai antiér é quemènt tra-zou, hac antiér é peb-parti a guemènt tra-zou : n'en dai comprênét é léh er bet; ha quemènt tra-zou e zou comprênét én-ou.

Doué-zou partout é tair-fæçon: dré é natur é ma én Nean; endoar hac é quemènt tra-zou; dré é bresance ean e gleu tout hac e uèl tout; dré é bus-

sance ean e ra tout hac e gondui tout.

Doué zou Mæstr de quemènt tra-zou, ha nitra ne fehai mirèt doh-t'ou a zisposein èl ma car, a guemènt tra-zou.

É sagess e zou infini; de larèt-è, ean e arranq, e jauge hac e gondui peb-tra de bèn dré voyandeu péré-zou é-raug isprit mab dén : ha mar cavamb guenemb é hès ér béd certæn treu direih ha digampèn, n'en dai quet doh Doué é ma en droug,

mæs dohemb-ni-memb; rac ma houair parfætemant tènneiner reihtæt membag er péh é gavamb direih. Eane brofittag erpéhet memb, péhani zou er brassan desordr e ouhai bout, eit salvedigueah en dud, ha guhavè eit santefication er-réer hommètt. Jamæs ne bermettehai ma vehai commettét en torfæteu e arrihue bamdé ér béd, quenevè ma houair troein quemènt-ce eid é hloer hac avantage é vugalé.

Doué zou infinimant just: é volanté hac é ævreu e zou perpet santel ha just. Ean e recompance er vertu hac e buniss er vince; ha goudé m'en dès chervigét tehou er-ré fal èl benhuéguér eid accomplissein é zesseinneu, ean e ziscarg ar nehai é vangeance eit ou funissein ag en drougueu ou dès groeit d'er-ré just. Ne faut quet bout souhét mar lausq Doué en dud impi de vihuein d'ou chonge ha d'obér ou fantazi; rac ean e ouair sur n'achappeint quet a dré é zeourn mar dalhant mat d'en offancein, hac ean e eèll, a pe garou, ou funissein pé ér bédmen, èl m'en dès groeit mar a uéh, pé ér béd-aral, ma ne hum gonvertissant quênd er marhue.

Doué-zou infinimant mat; de larèt-è, Doué-zou er vadeleah memb, hac e scuil hemb-cèss é vadeleah ar en treu crouéét. Dré un éffæd ag é vadeleah en en dès crouéét en Nean, en doar ha quemènt tra-zou én-ai : dré un effæd ag e vadeleah en ou honserv hac é pourvai é zobérieu de bep-unan. Dré un éffæd ag é vadeleah é ta bamdé en heaul de rein splandér d'er réfal quer clous èl d'er-ré vad, hac é couéh ér glàu é parqueu er péhour quer clous èl é ré en dén just. Dré un effæd ag é vadeleah é vag hur horveu, hac é ra d'hun ineanneu er secourieu necessær eid arrihue él lehuiné ag en Nean. Dré un

éffæd ag é vadeleah en hur souffraren doar deusto d'hur péhedeu, hac en hur gorto d'obér pénigèn. Gûir-è é hès tud péré n'en dint (haval vehai) ar en doar meid eit bout malheurus; mæs ne faut quet credein eit quement-ce n'en des Doué madeleah er bet eid er-ré e lausq èl-ce d'andur : réd-è é contrel considérein é homb ol péherion, hac é véritamb hoah hilleih mui eit n'hun n'ès d'andur. En dud-ce e seèllamb èl malheurus, e zou crouéét eit bout heurus de virhuiquin én Nean, mar carant profittein ag er græceu e ra Doué dehai. Ul lod-vad a nehai en des méritét mil-guéh en ihuern, ha neoah Doué e ra dehai amzér ha moyand d'obér pénigèn. Anfin n'en dès dén quer malheurus ar en doar, ne jouiss ag ur gonsolation-benac; ha n'en d'ai quet éstrange guélèt peurerion é vihuein coutantoh hac heurussoh guet ou miser, eid ul lod-vad a dud pihuiq guet ou madeu.

Adoramb parsætioneu en Eutru-Doué; rac eit compreneinou excellance jamæs n'eèlle-hemb ér vu-hémen. Rac, é-mé S. Augustin, hac é troëhai ol er béd de bapér, ol er gué hac er plandeu de blu, ol er mor de ancr, usét hac impléét vehènt ol, quêntoh eit ma vehai expliquét unan a barsætioneu Doué guet hé ol excellance. Retournamb enta d'en éxplication ag er Symbol.

Me grèd é Doué: de larèt-è, n'en dès meid un Doué, ha n'en dai quet possibl ma vehai istroh eit-t'on. En impi, é-mé or Prosæt, en dès larêt en é galon, n'en dès quet à Zoué. Remerquet erhad er honzeu-ze: paud a dud ou lar hoah én amzér-men; non pas dré ma credant én ésseud n'en dès quet à Zoué; mæs rac ma carehènt ue vehai quet, eit ma

vehènt liproh de goutantein hemb scrupul ou goal inclinationeu.

Me grèd é Doué en Tad. Bout-c'ou tri-Person é Doué: mæs en tri-Person-xe ne rant meid un Doué hemb quin, rac n'ou dès ou-zri meid nr memb natur hac ur memb divinité, péhani n'eèll quet bout dispartiét na partagét. Hennéh è Mistèr en Drinded Santel. En Tad e zou er hettan Person, er Mab e zou en eil, hac er Speret-Santel en drivet. Pebunan ag en tri-Person-ze e zou Doué : quer bras. quer puissant, quer coh., quer parfæt-è en eil èl éguile: ingal indé peb-tra; ha neoah ne rant meid un Doué hemb quin. Rac en Tad er hettan Person, doh hum gontamplein a ol viscoah, e angeandr ur Mab péhani-zou ur memb Doué guet-t'ou hac e zou é pep-tra quemend el d'ou; en Tad er hettan Person, hac er Mab en eil Person; n'eèllant quet boud ur momant hemb hum garein, hac ag er garanté-ze é ta er Speret-Santel, péhani-zou Doué èl en Tad hac er Mab. hac en dès er memb natur guet en eu-Rerson-ze.

En Tad ol-Buissant. De larèt-è, n'en dès nitra impossible de Zoué, hac é heèll gobér ol er péh e gar. Eit bout larét ag en Tad é ma ol-Buissant, n'en dai quet larét n'en dai quet ol-Buissant en eu-Berson-aral: rac dré m'en dint ingal é peb-tra, hanni a nehai ne ra nitra, ne ra ehue en eu-aral.

Croucour d'en Nean ha d'en Doar. Croucein e zou gobér un dra-benac a nitra. N'en dès meit Doué e tell gobér quemènt-ce; hac én éssed ean en dès groeit a nitra en Nean, en doar hac ol quemènt trason én-ai. En ævr caër-ze n'en dès coustét tehou meid ur gonz: Ean en dès laret, ha quenteh e mant bet groeit. (Leinet er guettan Figur a Histoër en ancién Testamand.)

Croucour d'en Nean; de larèt-è, d'er péh e roul drès hur pènneu, èl mei en heaul, el loër, er stirèt; ha d'er péh-zou én Nean memb, èl mei en Ælèt péré-zou chomét fidel de Zoué, hac er-ré-zou bet taulét ag en Nean én ihuern, rac m'ou doai hum revoltét, hac e hanhuér diaulèt.

Ha den Doar; de larèt-è, d'er bed-men hac ol er péh-zou én ou, èl mei er mor, er pésquèt, er gué, el lonnèt a bep-sort, bet-hac er prinhuèt, er hleyon, etc. Doué-è en dès int crouéét hac ou honserv ol: ha penaus-benac ne gomprenamb quet perac en en dès crouéét paud a lonnèt, péré ne zougant (haval vehai) profit er bet de vab-dén, pérézou memb domageabl dehou; réd-è neoah considérein penaus en treu-ze n'en dint deit de vont drouguéahus eid-omb, meid é punition ag er péhet, hac è heèll en distérran ag el lonnèt-ce hun doug d'admirein brastæd en Eutru-Doué, mar considéramb penaus é heèl bout buhé, goaihiad ha nærhenneu é corveu quen distér, ha penaus en hum droant pepunan eit clasq é vouéd ha conservein é vuhé.

Bout-c'ou ardro huéh-mil-vlæ a p'en dès Doue crouéét er béd, ha n'en dès meit-t'ou e oair pegue-hæd é teli hoah padein. Deusto ma heèllai gobér en ævr caër-ze én ur momand, er Scritur e verche é laquas huéh-dé d'er gobér, hac é reposas er seihvet dé; non pas ma hoai fatiquét é crouéein er béd; mæs eit rein demb d'antand é cessas er seihvet dé a grouéein, hac a oudé n'en dès groeit espece nehué er bet, penaus-benac ma conserv dalh-mad er-ré en dès crouéét.

Doué n'en dès quet crouéét ol en ineanneu ag er hommancemand ag er béd : rac-ce hun ineanneu n'en dint quet sortiét a inean Adam; mæs sortiét ind a bèn-caër a zeourn en Eutru-Doué, péhani, ér memb momant ma form ur horv itré digosté ur voès, e groué un inean eit bout joentet doh er horv-cé.

ART. II. Hac é Jesus-Chrouist é Vab uniq hun Eutru.

Hac é Jesus-Chrouist: de laret-é, me grèd é ma Jesus-Chrouist Mab uniq en Tad, é ma en eil Person ag en Drindèd, en en dès hum hroeit Dén aveidomb, hac é ma Doué ha Dén assambl: m'en ador hac e laq én-ou me ol confiance.

Jesus e senefi Salvér, de laret-é, en hani en dès hur sauvet ag er péhet hac ag en ihuern. Chrouist e senefi sacret, de laret-é, en hani zou bet sacret guet Doué eit bout hur Profæt, hur Roué, hur Belêg.

Hun Eutru. Jesus-Chronist revé mei Doué, e zou Mæstr general drès quement tra zou: mæs ean zou hoah dré un droæd particuliér hun Eutru hac hur Mæstr, rac m'en dès hur prenet dré er bris ag é Oaid précius. Rac-cé a pe gonzamb a Zoué, ni e lar é generel en Eutru; mæs a pe gonzamb a Jesus-Chronist, ni er galhue hun Eutru.

Ant.III. Péhani zou bet conceuet dré er Speret-Santel, gannet ag er Uériès glorius Vari,

Pehani zou bet conceuet: Jesus-Chronist e zou é gurionné Doué èl é Dad, hac é gurionné Dén èl omb: de laret-é, queméret en dès ur horv hac un inean haval doh hur ré-ni, hemb cessein a vout Doué: queméret en dès ehué guet er horv-cé hun ol infrimitéeu, nameid er péhet, en ignorance hac en inclination d'en droug. Bout-c'ou enta dihue natur é Jesus-Chrouist, en natur a Zouéhac en natur a Zen, péré eit bout int joentet assambl én ur memb Per-

son, e chom neoah distinguet en eil doh éguilé. Rac-cé n'en dès é Jesus-Chrouist meid ur Person. péhani zou Mab-Doué, ingal é peb tra guet é Dad. ha péhani guet en Tad hac er Speret-Santel ne ra meid un Doué hemb quin hac ur memb Doué. En union-zé a zihue natur distinguet é Jesus-Chrouist e zou caus ma larér en en dès Doué souffret, é ma marhuet, é ma resuscitet ; hac é ma en Dén Mab-Doué, é ma Doué. Mæs n'eèllér quet laret é ma bet conceuet en Tad hac er Speret-Santel, en ou des anduret, é mant marhuet, rac n'ou dés meid ur memb natur guet er Mab, péhani zou bet én effæd conceuet, en dès anduret hac e zou marbuet : rac n'en dai quet doh Person en Tad na doh Person er Speret-Santel é ma bet joentet en natur a Zén; mæs doh Person er Mab hemb quin. Er Mab hemb quin en dès hum hroeit Dén; ha non pas en Tad, nac er Speret-Santel. A pe larer hoah é ma disquennet Mab-Doué ag en Nean eit hum ober Dén aveid-omb, ne faut quet credein en en dès quitteit en Nean na cesset a voud én Nean. Quement-cé n'en dai meid ur fæçon de gonz, eit rein demb d'antand en en dès hum joentet ar en doar doh en natur a Zén, doh péhani ne oai quet joentet a guênt. Er Mister-zé zou hanhuet Mister en Incarnation.

Conceuet dre er Speret-Santel. Jesus Chronist revé mei Doué, en dès un Tad, ha n'en dès quet a Vam; ha revé mei Dén, ean en dès bet nr Vam, ha n'en dès quet bet a Dad. Er horv en dès queméret, e zou bet formet, dré opération er Speret-Santel, a burran goaid er Uériès glorius Vari.

Gannet-e ag er Uéries Vari. Jesus-Chrouist revé mei Doué, e zou a ol viscoah Mab uniq en Tad éternel; ha revé mei Doué ha Dén, é ma Mab d'er Uériès Vari, péhani en dès ean douguet nau mis itré hé digosté, ha péhani, hemb cessein a vout Guériès, er gannas noz Nandelec é Bethléem én ur beuranté vras (Leinet Histoër en Testamand nehué, Figur VII.)

ART IV. En dès anduret idan Ponce-Pilat, e zou bet crucifiet, marhuet hac interret.

En dès anduret. Mab-Doué n'en dès hum hroeit Dén meid eit désquein demb en hènd a salvedigneah, eit rein demb en exampl ag en ol vertuyeu, én ur obéd vad d'en ol, é vihuein guet humilité é creis er beuranté ha poénieu; eit réparein dré é souffranceu en anjuli en doai groeit mab-dén de Zoué dré é orgueil ha dré é ziaboeispance, hac eit en tènnein ag en dannation éternel, en doai meritet dré é béhet. Jesus-Chrouist revé mei Dén e andurai : rac en natur divin ne oai quet capabl d'andur; mæs hi e raî neoah ur bris hemb som d'é souffranceu.

Idan Ponce-Pilat. De laret-é, Ponce-Pilat, péhani e oai nezé Goarnour ag er Judé, e gondannas Jesus-Chrouist d'er marhue, eit pligein d'er Brincet ag er Velean ha d'en Doctoret ag el Lezèn, péré n'eèllènt quet andur er santeleah ag é Zoctrin, nac en hardéhtæd intampius guet péhani é temallai dehai ou buhé direglet, ou orgueil hac ou avarice. Ul lod-vad a incanneu mad en dès hoah bermen de souffrein a berh er fal Grechénion, rac ma clasquant ou distroein ag er goal hènd.

E zou bet crucifiet. Er marhue don er Groès e oai en infaman tourmand én amzér-hont, hac e oai reservet d'er brassan torfæterion. Jesus-Chrouist péhani e cèllai paicin hur rançon dré en distérran ag é actioneu, en dès vènnet andur en tourmant

méhus-cé, èl pe vezai bet un torfætour infam, ha bout tachet doh ur Groès itré deu lair, eit discoein guel péh quer bras é en Doué de béhani é rai satisfaction eid-omb hac én ul léh, péh quen énorm-é er péhet a gaus de béhani é handurai, péh quer pihuiq-é er satisfaction e rai eit ur péhedeu, ha péh quen istimabl-é er bris ag er græceu e veritai demb. Er Mister-zé e hanhuer Mister er Redamption. Quement græce hun nès ér béd-men, ha quemènt mad e esperamb ér béd-aral, e receuamb dré veriten é vuhé, é Bassion hac é varhue, a béhani é ramb el lid canyéus Gùinér er Groès.

Marhuet. Marhue Jesus-Chrouist e zou arribuet èl hani en dud-aral, de laret-é, dré en disparti ag é inean a-zoh é gorv. Mæs en natur divin e chomas perpet joentet doh en inean to doh er horv. Marhuet. é eit péhedeu Adam hac Eve, hac eit ré en ol dud. Groeit en dès satisfaction antiér eid en ol péhedeu deja commettet, hac e vou hoah commettet beèd er fin ag er béd. Mæs eit quement-cé, en ol ne recevant quet er fréh ag é varhue, emé er Honcil a Trante: ha n'en domb quet exant a obér penigèn, a p'en dai gùir n'en domb lodêq én é veriteu meit reve er boén e laquamb d'obér satisfaction de Zoué eit hur péhedeu. Requis oai demb ma vezai deit Jesus-Chrouist ar en doar d'obér satisfaction aveid-omb : rac mabden ne oai quet capabl d'ober de Zoué ur satisfaction dign eid en offance groeit d'é vajesté infini. Doué e oai libr de bardonnein demb hur péhedeu. hemb goulèn satisfaction er bet; mæs é justice ne vai quet bet coutantet, ha ne oai meid un Doué groeit Den capabl d'hé houtantein.

Hac interret. Goudé marhue Jesus-Chrouist, péhani e arrihuas ardro tair ær arlerh creisté, un dén devod hanhuet Jojeb, e yas de outèn é gory guet Pilat, hac el lieinnas én ul lincèll e oai bet reit dré charité: ean el laquas én ur bé nehué en doai groeit gobér én ur roh, é péhani ne oai bet hoah interret hanni. Inou é chomas ag er Gùinér de noz beèd er Sul vitin. Jesus-Chrouist e zou gannet é peuranté; bihuet en dès é peuranté, marhueté é peuranté, hac interreté bet guet peuranté. (Leinet Histoër en Testamand nehué a oudé er Figur LIX).

Ant. V. E zou disquennet d'el Limbeu, hac en drivet dé é ma resuscitet a varhue de vihue.

E zou disquennet d'el Limbeu. Goudé marhue Jesus-Chrouist, é inean dispartiet a zoh é gorv, e zisquênhas d'el Limbeu eit delivrein ineanneu en dud just e oai inou doh er gortoz. El Limbeu e oai ul léh idan en doar, é péhani é reposai incanneu en dud santel hont péré zou bet fidelloh de chervige Doné quent Donnedigueah Jesus-Chrouist, eit n'en dai bermen en darn muyan ag er Grechénion, ha péré e ortai guet hirreah ma vezai deit Jesus d'ou delivrein ha d'ouhass guet-t'ou é triomfi d'en Nean. a béhani è hoai chairret en or don en dud, beèd que n'en devezai Jesus-Chronist hé digueoret dré é varhue. Ne oniamb quet sur hac ean e zelivras ehué er-ré e andurai poénieu tamporel ér Purgatoër : mæs goud e ramb sur ne zelivras quet ér-récondannet d'er poénieu éternel ag en ihuern; rac n'en dès remission er bet eid er-ré-zé. Brassæd é teliai bont joé en incanneu hont a pe arribuas Jesus-Chrouist d'on visitein!

En drivet de é ma resuscitet a varhue de vihue. Er Juivet guet eun ne vezai deit Disciplet Jesus de glasq é gorv, ha n'ou devezai brudet é hoai resuscitet, e siellas er mein e oai é holein er bé, hac e laquas inou soudardet é goard. Mæs d'er Sul a vitinmat, inean Jesus-Chrouist e hum joentas arré doh é gorv, hac ean e sortias lén a hloër ér mæz ag er bé. Dn dé-cé, pehani zou Sul Vasq, ean e aparissas de vérhèt devod péré, guet er gredèn é hoai hoah é gorv ér bé, e oai oueit d'inou eit er baumein. Ardro en noz ean e aparissas ehué d'é Apostolet. (Histoër en Testamand nehué Figur LIX ha LX).

Ant. VI. E zou montet d'en Nean; hac azéet én tu diheu de Zoué en Tad ol-Buissant.

E zou montet d'en Nean. Jesus-Chrouist goudé é Resurrection e chomas hoah ar en doar durant deuuguênt dé, hac e aparissas liès d'é Apostolet, eit discoein splann dehai é hoai resuscitet, eit ou honsolein hac ou instrugein. D'en eu-uguêntvet dé ean e ordrénas tehai perdèg en Aviél partout dré er béd, hac e hratas tehai er Speret-Santel guet assurance e vezai bet guet é Ilis beèd er fin ag er béd, hac en en devai hé honduiet a lein en Nean. Nezé ean ou hassas guet-t'ou ar er Manné Olivet : inou ean e ras tehai é vénidiction, hace sauas d'en Nean én ou fresance. Ag er Mister-zé é ra en Ilis el lid triomflus Rieu en Ascansion. Jesus-Chrouist n'en dès quet manquet d'é bromess : rac eit boud ean montet d'en Nean, ni e ouair é ma hoah guenemb ar en doar én ur fæcon invisibl : rac é ma én effæd hac é gurionné ér Sacremand adorabl ag en Autær; é ma guet é llis ha guet peb Fidel dré é hræce hac é brotection spêcial. (Histoër en Testamand nehué Figur LXI).

Hac azeet en tu diheu de Zoue... Doué zou ur pur Isprit hemb corv; rac-ce n'en des na tu diheu na tu clei. Er Speret-Santel eit hum ober doh hur speret goann ha ponnér, en dès impléet conzeu figuret eit rein demb d'antand penaus Jesus-Chrouist avèl Doué, e jouiss én Nean ag er memb puissance hac er memb gloër à béré e jouiss é Dad éternel, hac avel Doué ha Dén, é ma sauet drès en ol treu crouéet d'en ihuellan rang arlerh Doué. A pe fal demb inourein unan-benac, ne gavamb quet guel léh de rein dehon, eit el laquad de chouquein en tu dihen d'er mæstr ag en ti. N'en dai quet laret eit quement-cé é ma Jesus-Chrouist azéet én Nean quêntoh eid én é sàu, mæs laret-é amen é ma azéet, eit merchein demb en en dès accomplisset hac achihuet tout er péh en doai d'obér eit hur redamption, just-èl mei merchet é Acteu en Apostolet en er guélas S. Stevan én é sàu én Nean, eit discoein demb é ma dalhmad é zeulagad digueor ar é llis, hac é ma prest perpet d'hé assistein ha d'hé secour.

Guélein e rér hoah hinihue én un Ilis e ras Santès Hélèn sehùelarer Manné Olivet en traceue lausquas Treid hur Salvér én doar a pe vontas d'en Nean. Assaiet-zou bet pahuein en andræd-cé: mæs en doar e strinqueai er pahuage dob er vechérerion; ha d'en nivér a zoar en dès douguet er Fidelet dré zevotion ag el léh santel-zé, ne seblantt quet mui eit pe ne uai quet bet touchet doh-t'ou, ha rontt Treid hun Salvér e chom attau quen antiér èl biscoah. Jesus-Chrouist montet d'en Nean, e zou hun Avocat, hur Belèg, hur Bugul, hun Exampl, hur Mæstr, etc. (Leinet er Honsiderationeu santel,

quetan Meditation).

ART. VII. A inou é tei de jugein er-re vihue hac er-re varhue.

A inou e tei de jugein. Jesus-Chrouist péhani

zou bermen é lein en Nean, e vou guélet un dé é tonnet lén a hloër eit jugein en ol dud assamblet én ur memb léh, ha rein de bep-unas er péh en devou meritet dré é ævreu mat pé droug. N'en dès meit Doué en dès en droæd de jugein en dud: mæs Jesus-Chrouist, dré m'en dai hun Eutru rac m'en dès hur prenet dré erbrisagé Oaid précius, en dès ehué receuet er bouvoër d'exelcein é hunan er Jugemantcé én ur fæcon splann ha sansibl; ha rac-cé é ma laret é tei én achémand ag er béd de jugein er-ré vihue hac er-ré varhue. Mæs opèn er Jugemant general, ni e ouair é hès hoah ur Jugemant particuliér, péhani e hum broa ér momand ma varhue peb-unan : de laret-é, ni e grèd ferm guet en Ilis penaus, quentéh èl ma vai dispartiet un inean a zoh hé hory, é compariss dirac Doué, eit receu en arrest a hé bonheur pé malheur éternel; hac er Jugemant general ne changeou nitra ér santance prononcet é Jugemant particuliér peb-unan. Doué ne rei enta er Jugemant general meid eit difforh publiquemand é serviterion fidel doh éenemiset, eit recompancein. pé punissein en dud én ou horv quer clous èl én ou inean, hac eit cresquein gloër er Sænt ha tourmand er béherion, revé m'ou devou meritet en eil hac éguilé. (Leinet er bempet Chapistr ag er Reflexioneuar er pedair fin dehuéhan).

Er-re vihue hac er-re varhue: de laret-é, er-ré zou marhuet à oudé er hommancemand ag er béd, hac er-ré e varhuou quend en amzér-hont; hac er-ré e vou hoah bihue nevé ar en doar. Ne fehai bout uitra paud blaouahussoheid er péh en dès laret Jesus-Chrouist e arrihuou nezé. En dud e séhou guet scontt ag er malheurieu a béré é vou menacet er béd. Er béherion e bedou er mannéeu de gouéh ar

nehai ha d'ou golein. En drougueu e gouéhou ar en dud impi, e vou eit-t'ai èl un ihuern commancet: mæs chervige e reint de burifiein en dud just, ha de gresquein ou honfiance é misericord ou Juge. A pe vou arribue en dé hac en ær ag er Jugemant, ha m'en dou en Ælet sonnet guet hou zrompetteu, erré varhue e resuscitou hac e hum assamblou ag er. puar horn ag er béd él léh destinet eid er Jugemant. Guélet vou Jesus-Chrouist é tésquen ag en Nean guet ur bouvoër hac ur majesté hemb par, ha troha-tro dehou en Ælet hac er Sænt. E Apostolet. revé er promess endès groeit tehai, e vou chouquet guet t'ou eit jugein er béd. Nezé é vou digueoret el livr ag er houscianceu, ha ne chomou nitra cuhet : disoleit vou ol actioneu en dud : hac examinet veint perhuéh. Arlerh en Ælet e zissorhou er-ré fal doh er-ré vat : er-ré vad e vou laqueit én tu dihou de Jesus, hac er-ré fal én é du clei. Nezé er Juge souveræn e larou d'er-ré e vou én é du diheu : Deit hui, pere zou bet beniquet quet me Zad, quemeret position ag er Ranteleah e zou bet preparet tech ag er hommancemand ag er bed. Arlerh ean e larou der re e vou en e du clei : Peelleit doheign tud meliquet, queret d'en tanéternel e zou bet preparet d'en diaul ha de ælet. Quenten er-ré-men e yei d'en tourmanteuéternel, hac er-réjust e yei guet Jesus-Chrouist d'er joyeu éternel.

ART. VIII. Me grèd er Speret-Santel.

Me grèd er Speret-Santel; de laret-é, me grèd é ma er Speret-Santel en drivet Person ag en Drindet: me grèd é ta ag en Tad hac er Mab; é ma Doue èl en Tad hac er Mab; hac en en dès er memb natur guet en eu Berson-zé; m'en ador guet Doué en Tad ha Doué er Mab, èl er vamèn ag er vnhé nehué e mès receuet ér Vadiènt, hac a ol er græceu hac inspirationeu mad e receuan bamdé: me laq én-ou me ol confiance: me zezir ma rei é zamurance ém inean, èl én é Dampl, ma quemérou position a ne-hi, ha ma forbanou a me horv hac a me halon ol er péh e eèllehai displige tehou. (Leineter Honsiderationeu santel, Méditation quetan).

ART. IX. En Ilis Santel, Catholiq, er Gommunion ag er Sænt:

En Ilis Santel. En dud lourd a speret, a pe gleuant conz ag en llis, e antand en Tampleu santel é péré en hum assambl er Fidelet eit pedein. Mæs n'en dai quet honnéh-é er senefication en dès er guir Ilis é Symbol en Apostolet. Petra-é enta en llis? rac n'en dès meid unan veritabl. En Ilis e zou an assamblé a Fidelet Crechénion, péré zou aliet dré er profession ag er memb Fé, dré en usage ag er memb Sacremanteu, ha dré en aboeissance d'en dud a Ilis on Bugulion spirituel: n'eèllér quet bout salvet er mæz ag en assamblé-zé; streàuet-é partout dré er béd, ha padein e rei beèd er finag er béd: er pèn a nehi n'eèll quet bout guélet, e zou Jesus-Chrouist, hac er pèn e eèll bout guélet, e zou hun Tad santel er Pab, Viquel Jesus-Chrouist ar en doar.

En explication-ze ag en Ilis é cavér en ol armage necessær eit combattein ha feahein er faus doctoret, péré e assai hadein un doctrin benac nehué ér Grechéneah: quêstion-é enta a hé homprenein erhad.

N'en dès meid un llis veritabl; rac er Fidelet péré e gompos en assamblé-zé, ne rant ol meid ur horv; n'ou dès ol meid ur memb pèn, ur memb isprit, pehanie ra buhé de tout er horv, ha de beb

mambr bihue ag er horv; n'ou dès ol meid ur memb Fé, ur memb Esperance, hac er memb madeu spirituel. N'en dai ehué meid en assamblé-zé é rantér de Zoué en inour e zou deliet tehou. Mæs pihue e hanhuér Fidelet Crechénion, pé autremant, petra zou requis eit boud ag en Ilis? Hanhuein e rer Fidelet Crechenion er-ré zou badéet, e grèd, hac e ra professiou ag en Doctrin a Grechéneah : hac èl-cé eit boud ag en Ilis, red-é bout badéet, ha gobér profession a gredein é Jesus-Chrouist, hac ol er péh en dès ansaignet ha revelet d'en assamblé-zé. A pe laramb n'eèllér quet bout salvet ér mæz a nehi, ni e antand penaus er-ré ne rant quet profession ag er memb Fé, pé n'en dint quet lodêq én usage ag er memb Sacremanteu, pe n'aboeissant quet d'er Vugulion spirituel, er-ré-zé zou ér mæz, ha n'eèllant quet bout salvet. Rac-cé en Apostadet, de lareté, er-ré e renonci de Jesus-Chrouist ha d'é Zoctrin, hac en héritiquet de laret-é, er-ré en dès santimanteu particuliér ar certæn poendeu ag er Fé hac e refus sentein doh en Ilis, penaus-benac ma rant profession a gredein é Jesus-Chrouist, hac a héli é Zoctria, er-ré-zé zou ér mæz ag en llis; rac n'en dint quet aliet guet er Fidelet Crechénion dré er profession ag er memb Fé.

Er-ré excommuniet, de laret-é, er-ré en dès en llis forhet a gaus d'ou diaboeissance pé a gaus d'ur hrim benac, ag en droædeu ou doai d'hé madeu spirituel, er-ré-zé, penaus-benac ma vihuant gu-havé é mesq er Fidelet ha ma credant ol er peh e grèd en llis, e zou neoah ér mæz a nehi, rac n'en dint quet aliet guet hé bugalé dré en usage ag er

memb Sacremanteu.

Er sysmatiquet, de laret-é, er-ré e resus aboeis-

sein d'er Vugulion spirituel, é spécial d'hun Tad santel er Pab, hac e venn hum gondui d'ou fantazi, penaus-benac ma credant é Jesus-Chrouist, hac of er péh e ansaign en llis a hènd-aral, er-ré-zé zou hoah ér mæz, rac n'en dint quet aliet guet er Fidelet dré en oboeissance d'en dud a llis.

Er béherion pérén'en dint quet excommuniet, e zou mambreu d'en llis; rac Jesus-Chrouist e ansaign demb én Aviél é hès é assamblé er Fidelet ar en doar, plous ha gran mat, tud vat ha tud fal . ha ne veint difforhet meid én achémand ag er béd, a pe zei de rein de beb-unan revé é ævreu.

Santel, Catholiq. A guemènd en dès hum vellet bet-ha bermen a hadein é mésq er bobl ur faus Doctrin benac, n'en dès bet quasi hanni n'en dès brudet é hoai degasset guet Doué eit difari en Ilis. Ol en ou dès hum vantet guéh-t'er-uéh é hoai ou assamblé ind oai veritabl Ilis Jesus-Chronist, ha ne vai bet hanni salvet a guement n'ou héliai quet. En darn muyan, eit cavouet æssoh en tu de drompein er bobl, en dès laret ne glasquent meit guellad er Religion ha creihuad en Aviél. Er fal Grechénion. péré zou scuéh guet Lezèn Jesus-Chrouist, ne zezirant quet guel eit cavouet unan-benac e ansaignou dehai ur Religion d'ou guis ha fantazi. En dud ignorant, peré zou perpet prest de guemér er plæg e assaier rein dehai, e rid arlerh en treu nehué, hac e gav ur blijadur yras è cheleuet er-ré hé lar caër dehai eit ou zrompein. Mæs ind e zeliehai goud penaus Ilis Jesus-Chronist ne change quet, hac en hi dès puar caractær péré hé disting doh en ol assambleieu-aral, péré hum vantt guéh-t'er-uéh a vont veritabl Ilis Jesus-Chronist. Rac n'en dès meid en Ilis Romæn e zou Unan, Santel, Catholiq hac · Apóstoliq.

En Ilis zou Unan; rac en ol mambreu péré hé hompos, n'ou dès meid ur memb pen, péhani zou Jesus-Chrouist, ha péhani en dès reit de S. Pierr, ha d'en ol Pabet ar é lerh, un otorité spirituel ar beb Éscob hac ar beb Fidel. Rac-cé hun Tad santel er Pab, Viquel Jesus-Chrouist, e zou Bugul er Vugulion ha Bugul en devèd. Peb Escob guet é zevèd e form ul lod ag en Ilis general; hac en ol Fidelet guet ou Bugulion, e zou aliet guet hun Tad santel er Pab dré er memb credèn, dré er memb espérance, dré er memb Doctrin, dré er memb Sacremanteu; ha ne rant ol meid ur memb corv.

En Ilis zou Santel: rac n'en dès meid én assamblé-zé é rantér de Zoué en inour e zou deliet tehou: rac Jesus-Chrouist er pèn a nehi, e zou santel hac er vamèn ag en ol santeleah; rac ne grèd na ne ansaign meid en Doetrin santel hi dès désquet guet hé Mæstr divin : rac ul lod-vad a hé mambreu e zou santel, hac ér mæz a nehi n'en dès quet a santeleah nac a salvedigueah : rac conduiet-é perpet dré er Speret-Santel, péhani e ra dehi n'eèll quet bum drompein nac aprouvein er gorruption. Remerquet erhadé hès ép llis deu rum tud; devèd ha Bugulion: d'er Vugulion-é ansaignein; ha d'en devèd-é cheleuet hac aboeissein. D'er Vugulion en en dès Jesus-Chrouist laret: Queret, ansaignet quement Nation zou, ha badeet ind e Hanhue en Tad, hac er Mab hac er Speret-Santel: e hon gueneoh bamde beed en achemand ag er bed : ha d'en devèd en en dès laret: En n'emb ne cheleuou quet en Ilis, e zeli bout trætet el ur Payan hac ur pehour publiq. Mæs remerquet hoah penaus n'en dai quet d'hun Tad santel er Pab hemb quin, na de beb Escob é particuliér, mæs d'er horv general ag er Vugulion spirituel en en dès hun Salver grateit é assistance eit ne hum

Digitized by Google

drompeint quet Rac er Pab deusto ma talh én Ilis er hettan rang a inour hac a otorité, ha m'en dès berh ar beb Escob hac ar beb Fidel, n'en dai quet exantoh a hum drompein eid un aral. Mæs ur uéh ma hum accord en nombr brassan ag en Escobet guet hun Tad santel er Pab de zoug ur Jugemand ar un articl pe affær benac, ne vai quet mui moyand de reculein, hac obliget-é peb Fidel de sèntein doh er Jugemant-cé, idan boén a ziaboeissein d'en Ilis. Honnéh é en Ilis péhani zou assistet guet er Speret-Santel, ha péhani n'eèll quet hum drompein.

En Ilis zou Catholiq: rac ag er hommancemand ag er béd ul lod-vad a dud en dès gorteit guet hirreah Donnedigueah hun Salvér, en dès esperet énou hac en dès bihuet paud santelloh eit ne ra bermen en darn muyan ag er Grechénion. En dud-hont e oai, éu ur fæçon, ag en Ilis en dès établisset Jesus-Chrouist, hac e badoù beèd er fin ag er béd. En Ilis zou hoah Catholiq, rac m'en daistreauet partout dré er bed. En effæd n'en dès canton ar en doar ne gavér inou Fidelet Catholiq; hac ol er vugalé badéet é mésq en Héritiquet ha Sysmatiquet, e zou gùir mambreu d'Ilis Jesus-Chrouist, beèd quene za dehai cousantein ag ou vat volanté d'en Héresi pé d'er Sysm.

En llis zou Apostoliq; rac m'en dai en Apostolet en dès hé streàuet partout ha cimantet guet ou goaid; rac ma crèd ha ma hansaign ol er péh en dès en Apostolet credet hac ansaignet, ha rac m'en dai conduiet dré Escobet, péré en dès queméret carg en Apostolet.

Caër en devou en Heritiquet crial hac hum vantein peb-unan d'é du, é ma ou assambléieu-é veritabl Ilis Jesus-Chrouist: jamæs ne ziscoeint é mant Unan, Santel, Catholiq, hac Apostoliq. Penaus é vehent ind Unan. durand ne hum accordant itréd'ai, meid eit ravagein en Ilis Romæn? Penaus é vehent int Santel, durand ma tigueorant en or d'él libertinage ha d'er gorruption? Penaus é vehent int Catholia, durand n'en dint streauet meid én ur hornig-bro-benac, lod én ur hanton, lod én ur hanton-aral? Goud e rér pegource en ou dès commancet, ha ne chom mui trace er bet ag ul lod-vad a nehai. En effæd n'en dès Héritiq er bet ue vehai cèllet temall dehou er péh e larai Tertulian d'er-ré ag é amzér : « A beban é hoh-hui deit? Déh pé en « dé quênt, ne oai rontt er bet a hanah. » Penaus é vehènt-ind Apostoliq, durand ne rant meit dispèn ha fondein er péh en dès groeit en Apostolet? A berh pihue é mant int bet degasset? Quent mei parisset Luther én Allemagn ha Calvin é France, mèn é hoai er Brotestantet? A berh pihue en en dès Luther ha Calvin receuet er bouvoër de berdêg ou lezèn?

N'en dès enta meid en llis Romæn e eèll hum hlorifiein a voud Unan, Santel, Catholig hac Apostoliq. Hé hanhuein e rér Romæn, rac er pèn visibl a nehi e zou hun Tad santel er Pab, Escob a Rom hac Héritour d'er hettan rang a otorité hac a inour en doai reit Jesus-Chrouist de S. Pierr drès en Apostolet-aral; de béré en en doai reit chué é otorité eit streàuein é llis partout dré er béd. En Apostolet en dés instruget ha casset Escobet, de beré en ou des reiter haractær hac en otorité ou doai receuet guet Jesus-Chrouist : en Escobet-cé en dès reit er memb caractær hac er memb otorité d'er-ré zou deit én ou léh, hac el-cé en llis e bad a rum-de-rum, hac e badou perpet guet er memb caractær hac er memb otorité hi dès receuet guet Jesus-Chrouist dré zeourn en Apostolet. Ne oulen-

Digitized by Google

namb bermenguet enemiset en Ilis meit ma tiscoeint temb ehué en ou dès én ou assambléieu ur rangèn a Escobet, péré en devou receuet a zourn de zourn ou haractær hac ou fouvoër guet en Apostolet. Eit hum sauvein ag en temall-zé e rér dehai, ind ou dès cavet de laret é ma d'er bobl é tegouéh rein ou otorité hac ou mission d'en dud a Ilis. Mæs ind e zeliai considerein penaus un otorité spirituel, èl mei hani en Ilis, n'eèll quet couéh itré deourn er bobl nac en dud carguet ag en affærieu tamporel. Er bobl e eèll goulèn ha presantein; mæs en Ilis hé hunan en dès en droæd de rein d'é Ministret caractær, otorité ha mission; ha pihue benac e antréehai ér hargueu ag en Ilis dré un or aral, è vehai un intru kac ul lair, é-mé Jesus-Chrouist:

Er Gommunion ag er Sænt Dré er guirieu-zé ag en nauvet articl, ni e antand é ma berdér en ol Fidelet Crechénion, hac é ma cummun itré-d'ai en ol madeu spirituel ag en Ilis. Rac èl m'en dint ol mambreu d'ur memb corv; péhani zou en Ilis, ol é mant ehué lodêq én ævreu mat, ér græceu hac ér Sacremanteu en dès laqueit Jesus-Chrouist én Ilis. Ruc-cé er Grechénion péré zou ér stad a græce, e zou lodêq ha participant én ol Overenneu e larér ér Grechéneah, én ol Pedenneu public ha particuliér, én ol ævreu mat, hac én ol vertuyeu e bratiq er Fidelet ne vern mèn-é.

Er Grechenion péré zou ér stad a béhet marvel, n'en dint quet lodêq ér memb fæçon én avantagezé, penaus-benac m'en dint participant én ul lodvad a dreu é Communion er Sænt. Rac en union e gonservant guet en llis, ou dulh perpet én ur stad ma heèllant profitteinag er Pedenneu hacævreu mad e rér én llis, ha meritein guet Doué dré secour er-réral, er græce de hum gonvertissein. Ur péhour

e zou èl ur mambr marhue, mæs aliet-é neoah guet en Ilis dré er profession ag ur memb Fé, hac ag ur memb Espérance, dré en obeissance exterior d'er Vugulion spirituel, ha dré en droæd e gonserv de vout lodêq (mar car) ér memb Sacremanteu. Brassoh-e hoah é avantage eit hani er-ré zou absolumant forhet dré en excommunication-vras a Gommunion en Ilis. Rac er-ré-zé n'ou dès mui lod er bet ér madeu spirituel ag en Ilis. Haval int doh bugalé dissènt en dès ou zad hac ou mam desheritet ha forbannet ag ou hompagnoneah. Mæs èl ma conservant perpét er Vadiènd ou dès receuet, en Ilis e gonserv ehué un droæd ar nehai, hac e eèlt (mar carant) rautein dehai er péh hi dès lamet guet-t'ai.

Remerquet erhad penaus er Gommunion-zé e zou itré er Fidelet. Ne achihue quet guet er vuhémen: padein e ra hoah ér vuhé-aral; ha n'en dès meid er-ré dannet n'ou dès lod er bet én-hi. Rac en Ilis e nélamb ar en doar, n'en dai meid ul lod ag un flis generáloh, péhani e gomprèn ol mambreu Jesus-Chrouist, de laret-é, en ineanneu e zou én Néan, er-ré e andur ér Purgatoër, hac er-ré zou hoah ar en doar. Bout-c'ou un union hac ur Gommunion sterd itré en tair assamblé-zé ér fæcon-men : en hani zou en Nean e oulen guet Doné græceu ha secourieu eid en hani zou ar en doar, ha delivrance pé soulagemand en hani zou ér Purgatoër. En assamblé zou ar en doar, e bédehué eid en hani zou ér Purgatoër, e fourniss a hé lod de hloër en hani zou én Nean, dré er pratiq ag en ævreu mat ha dré er Sacrifice santel e offr de Zoué en he inour : hac en assamblé zou ér Purgatoër, e receu secour ha soulagemant guet en hani zou én Nean, ha memb guet en hanizou ar en doar.

Hanbuein e rer en assamblé ag en Nean, en Ilis

triomflus, rac m'hi dès douguet er victoër ar enemiset hur salvedigueah, ha ma triomfl guet Jesus-Chrouist én é bloër. Hanhuein e rér en hani ag er Purgatoër, en Ilis é souffrance, a gaus d'er poénieu e andur eit gobér satisfaction de Zoué. Hanhuein e rer en hani zou boah ar en doar, en Ilis e brizel, a gaus d'er brizélieu e ra dehi bamdé er goal-speret. er Juivet, er Bayannet, en Héritiquet, er Sysmatiquet, hac er fal Grechénion. En diaul e ra mil tro eid assai trompein ha corromplein er Fidelet; en Huguenaudet e hum laq de unan guet er goal-speret eit ravagein en Ilis : er fal Grechénion hé disinour dré ou modeu hac ou buhé corromplet : caus int m'en dai blassæmet Haphue santel en Eutru-Doué é mésq en dud hèmb Fé ha hemb Religion, péré e gav de laret n'en des quet mui a santeleah ar en doar, hac en en dès Jesus-Chrouist abandonnet é Lis: er goab hac en disprisance e rér ag en devotion, e zistro ul lod-vad a chervige Doué: er goal exampleu hac er scandal e gorrompl en dud youang: er honseilleu fal hac er mélationeu e rér de voden ha custumeu er béd, eantretèn er béherion ér goal hènd; ha contraignet vér d'avouéein é vou bihan en nombr ag er-ré salvet ha bras en nombr ag erré dannet. (Leinet en nauvet Chapistrag er Reflezioneu ar er pedair fin dehuéhan.)

ART. X. Er Remission ag er pehedeu.

Unan a avantageu caërran en Ilis, e zou er bouvoër en dès reit Jesus-Chrouist dehi de bardonein peb sort péhedeu. Gannet omb ol ér péhet, ha ne fehèmb quet bout mambreu d'en Ilis na lodêq én hé madeu spirituel, quenevai ma ta Doué dré é visericord d'accordein demb er Remission ag er pébet originel ér Sacremand a Vadiènt. Mæs Doué e ouair é ma rai oann ha rai fragil mab-dén, eit ma conservehai peèl er guettan græce-zé: rac-cé ean en dès instituet hoab Sacremanteu aral, é spécial er Benigèn, dré béhani é pardon ou féhedeu d'er-ré en dès ag ou fauteu ur gùir Gontrition, hac e oulèn guet-t'ou misericord guet humilité ha ferm propoz d'obér satisfaction a nehai ha de beèllad doh t'ai én amzér de zonnet. Er Remission zé ag er péhedeu e zou ur fréh a Vériteu Jesus-Chrouist, marhuet ér Groès. (Er Chapistr ag er Sucremanteu n'en dai meid ur suitt hac un explication ag en articl-zé.)

ART. XI. Er Resurrection general ag er hiq.

Goudé er marhue péhani zou en disparti ag en inean a zoh er horv, hac e arrihuou guenemb prestoh eit ne chongeamb, hur horveu e retournou de zoar hac hun ineanneu e gomparissou dirac Doué eit bout juget. (Leinet er buarvet Chapistr ag er Reflexioneu ar er pedair fin dehuéban.) Mæs hur horveu ne chomeint quet birhuiquin én doar : rac dé er Jugemant general é resusciteint, eit bout lodèq é bonheur, pé é malheur éternel hun ineanneu. Rac-cé dré er Resurrection general ag er hig ni e antand é tènnou Doué ag er peudr hac ag er gorruption, er memb corv hac er memb quiq hun nès bermen, hac é tei hun ineanneu de hum joentein doh hur horveu, ha jamæs separation ne vou mui itré d'ai.

Olé resuscitehèmb, é-mé S. Paul; mæs boud e vou quêmb itré en dud just hac er béherion. Er-ré e varhue ér stad a béhet marvel, e resuscitou eit bout malheurus durand un éternté, hac eid andur én ou horv hac én ou inean tourmanteu horribl ha continuel : ou horveu e vou lous, eahus ha blaouahus de uélet. Mæs er-ré e varhue ér stad a græce

Doué, e resuscitou eit bout heurus de virhuiquin: ou horveu e vou splann ha ligûernus èl er stirèt; ne veint mui chuget na de gorruption na de zroug er bet; quer scan veint ma passeint én ur momand ag ul leh d'en aral; quer sontil veint ma trezeint hemb poén er bet en treu calettan, ha ne vou nitra capabl d'ou arrest. Ne vou meid er-ré e vou bet santelemant cruel doh ou hory ér béd-men hac en devou bet ur marhue mat, e vou lodêq én avantageu-zé. Rac er ré en dou mignonnet ou horv ha reit dehou é ol coutantemant, e cessou ag er momand ag ou marhue a vout mambreu d'en llis, hac a nezé é hantréeint é assamblé en diaulet. Jesus-Chrouist en dès reit demb splann d'antand é vou hennen vou en nombr brassan, a p'en dès laret é ma frang en hènd e gondui d'en dannation, hac e hès paud e guerh en-ou.

ART. XII. Er Vuhé éternel.

De laret-é, ur vuhé heurus de virhuiquin e vou recompance en dud just, hac un éternité a valheur e vou punition er béherion. Dré en articl-zé ni e ra enta profession a gredein penaus en incanneu e sorti ag er béd-men purifiet ag ou fanteu, e jouiss ér Baraouis ag ul lehuiné hemb par; hac arlerh er Resurrection general é tei ehué ou horveu de vout lodéq én ou bonheur durand un éternité. (Leinet en eihvet Chapistr ag er Reflexioneu ar er pedair fin dehuéhan.) Mæs a fæd er béherion, ni e grèd n'antréeint jamæs én Néan, mar marhuant cablos ha ne vehai meid ag ur péhet marvel; hac é veint tourmantet guet en diaulet én ur ovèll a dan, hemb arsàu na discuéh nac espérance er bet a sorti, nac a uélet jamæs en Eutru-Doué. (Leinet en huéhvet

Chapistrag er Reflexioneu ar er pedair fin dehuéhan.)

Ne fehemb quet gobér guel, a pe laramb en articlmen ag er Symbol, eit considerein a dost é homb crouéet ha laqueit ér béd eit hanàuein, carein ha chervigein Doué, ha dré er moyand-cé gounid er vuhé éternel, Ma ne chongeamb quet ér vuhé-zé durand ma homb ar en doar, pé ma ne chongeamb én-hi meit diar scan, é homb én dangér a hé hol, ha ræson e vehai d'hur seèllet èl tud foll hac amoæt. Rac en ancoehag er bonheur-zé e zou pen-caus de zannation en darn muyan ag en dud, hac er vamèn ag ul lod-vad ag en drougueu e anduramb ér vuhémen. En effæd, ne zougehemb quet er beuranté. en disprisance, en anjulieu, er goal-gonzereah, nac en treu aral guet péré é vemb poéniet ha chagrinet quel liès, pe gonsidérenèmb penaus en ol drougueu-zé e bass én ur momant, hac é heèllamb, dré en implé mad a nehai, méritein ul lehuiné, ur gloër ha madeu péré n'ou devoù queta fin.

REMERQ a gonsequance ar er Symbol,

Ag er gurionnéeu comprênet én articleu ag er Symbol, hout c'ou pedair spécial e omb obliget de oud a uellan m'en domb capabl, îdan boén a zannation: 1° Mistér en Drindèt Santel; 2° Faute Adam; 3° Er reparation en dès groeit Jesus-Chrouist ag er faute-zé: 4° Hun inéan ne varhuou quet.

1º A Vistèr en Drindet Santel. Réd-é goud é hès un Doué; é hès tri-Person é Doué, en Tad-é er hettan, en eil er Mab, hac en drivet e zou er Spèret-Santel. Er Mab e zou angeandret ag en Tad; er Speret-Santel e za ag en Tad hac er Mab; hac en tri Person-zé ne rant meid un Doué hemb quin, rac n'ou dès ou zri meid er memb natur hac er memb Divinité.

2º A faute Adam. Er Fé e ansaign demb é crouéas en Eutru-Doué Adam hac Eve ér stad a hræce hac a innocance, hac é heèllènt bout perpet heurus ér stad-cé, p'ou devezai caret. Pe vezènt bet dalh-mat fidel de Zoué, jamæs ne vezènt marhuet; mæs treménet vezent ag el lehuiné tamporel d'él lehuinééternel, eit péhani e hoènt crouéet. Doué en doai int laqueit ér Baraouis terrestr, hac e lausquas én ou disposition ol er fréh e oai inou, nameid unan, a béhani é tihuènnas doh-t'ai daibrein idan boén a vout punisset ar en tache. En diaul, dré islousi dob ou bonheur, e solitas hur hettan mam de zaibrein ag er frehen dihuennet doh-t'ai; ha goude m'hi doai daibret, hi e ounias ar hé frièd d'obér èld'hi. Quentéh Doué ou hondannas, int hac ol ou bugalé ar ou lerh, de verhuel ha de vout dannet ma n'on devezai groeit pénigèn. Dréziaboeissance hur hettan tad é ma bet corromplet natur mal-dén, hacé homb chuget d'hur bout dalh-mat brizél doh hur goal inclinationeu, péré hun dong hemb cess d'er péhet. ha péré-zou pèn-caus d'en afflictioneu ha clinhuedeu e gouéh ar-namb. Rac-cé mab-dén, péhani e oai bet crouéet guet perfætioneu tostiq haval doh ré en Ælèt. e zou deit dré en débordemant ag é galon. de vout haval doh el lonnèt hemb ræzon.

3º Ag er reparation en des groeit Jesus-Chrouist a faute Adam. Ol è vezèmb chomet idan er bouis ag er gondannation-zé hemb espérance er bet a visericord, quenevé m'en dès Mab Doué, en eil Person ag en Drindèt, hum hroeit Dén, eit gobér satisfaction eid omb de justice é Dad, eit hur prenein ag er pehet hac ag en ihuern, dré er bris ag é Oaid précius. Méritet en dès temb græceu hilleih pihuiqueoh ha creihuoh eid er-ré e oai bet reit

d'Adam ha d'Eve én hou stad a innoçance. N'en dès bet na ne vou jamæs hanni salvet, nameit dré é veriteu.

4º Hun inean ne varhuou quet. Hun inean en dès bet ur hommancemant; rac Doué en dès hé hrouéet ha joéntet doh hur horv ér momand ma homb bet conceuet itré digosté hur mam: mæs jamæs fin n'y devou. Er marhue hé dispartiou a zoh hur horv; mæs er marhue n'en devou berh er bet ar nehi. Arlerh en disparti-zé hi e yei pé d'er Baraouis, pé d'er Purgatoër, pé d'en Ihuern. Mæs dé er Resurrection general, hi e retournou arré de rein buhé d'er horv, hac e yei guet-t-ou d'en Nean devad er-ré heurus, pé d'en ihuern devad en diausès.

ARTICL IV.

Ag en Espérance a Grechéneah.

En Espérance zou ur Verta Theologal e ra demb gortoz guet ferm confiance, dré vériteu Jesus-Chrouist, er madeu en dès grateit temb en Eutru-Doué.

En Espérance zou ur Vertu, de laret-é, un donæzon e ra demb en Entru-Doué, ha ne sehèmb quet hur bout hi a hanamb hun hunan. Hanhuet-é Vertu Theologal, rac m'hun doug a bèn-caër d'espérein é Doué. Hi e ra demb gortoz guet serm consiance.... rac Doué en dès grateit temb er secour ag é hræce ér béd-men, hac er vuhé éternel ér bédaral, ha Doud ne vanquou quet d'er péh en dès promettet. Rac-cé e lar S. Paul: En Espérance è Doud ne dromp quet. Me ouair é pihue en e més siet... Ean-zou ol-buissant ha just; ne vanquou quet deign. N'hun nès enta de zougein meit ne vanquehèmb-ni de Zoué; rac den e ouair hac ean zou é caz pe é carante Doué: ha S. Paul e recommand demb, gober hun salvedigueah guet un dougeance santel. Mæs en dougeance-zé memb e zeli cresquein hac alum én hur halon en desir hac en hirreah de vout guet Doué, dré ma houzamb n'en dès meit-t'ou e eèll hul laquad én abri doh en dangérieu ag er béd; rac m'en dai é hunan hun ol nærh ha secour ér vuhé-men. Me eèll tout, é-mé S. Paul, guet græce en hani em honfort, hac em secour. Rac-cé é larai S. Bernard: « Hac é tehai un armé de gouéh ar- n'an, hac é sàuehai ol ér béd inemp teing, hac é vehai er goal-speret é hudal guet furi tro-ha-tro deign, m'espérou énn'ah, ô men Doué! »

En Espérance e ra demb gortoz.... dre veriteu Jesus-Chrouist: rac Jesus-Chrouist e zou marhuet eit hun tennein a sclavage er péhet, a boénieu en ihuern, ha méritein demb er vuhé éternel, én ur rein ur bris infini d'é souffranceu.

En Esperance e ra demb gortoz....er madeu en des grateit demb en Eutru-Doue, de laret-é, é hræce er vuhé-men hac é Varaouis ér vuhé-aral.

Ur græce e zou un donæzon, ur faveur, e ra Doué d'en-nemb ma car hac èl ma car. Bout-c'ou græceu naturel, de laret-é donæzoneu naturel, e ra Doué d'en dud hemb Fé, quer clous èl d'er Grechénion, d'er-ré méchant, quer clous èl d'er-ré vat, èl mei er yéhæd, en nærh, hac avantageu-aral a gorv hac a speret. Mæs ne gonzamb amen meid ag er græceu surnaturel, de laret-é, ag en donæzoneu e ra demb Doue dre e vadeleah hemb quin, æ gaus de veriteu Jesus-Chrouist eit gober hur salvedigusah. Lod ag er græceu-zé e zou exterior, èl mei

er perdegueu, er honseilleu mat, en instructioneu, en exampleu santel. Lod-aral e zou interior, èl mei en inspirationeu mat, er rebræcheu a gouciance, el lusqueu santel, en donæzon a Fé, a Espérance bac a Garanté, etc. Lod e chom én-namb, hur santesi, hac hur rantt just hac agréabl dirac Doué. Lod-aral n'en dint meid ur secour é tremén, e ra Doué demb eit hun doug de beèllad doh en droug ha d'obér er mat. Mæs er-ré-zé ne zant quet attau d'hur justifiein, hac el-cé ni e eèll hur boud int hemb bout just nac agréabl de Zoué. Goud e ramb sur en hun dougant ol d'obér er mat, hacé rant temb er bouvoër d'er gobér: mæs goud e ramb ehué ar hur houst penaus ne zant quet attau de ben ag er péh e oulennant; rac hun expériance, e tesq demb ne resistamb meit rai-liès doh græceu Doué.

De vadeleah en Eutru-Doué hemb quin en hun nès obligation ag en ol græceu e receuamb : rac pe vehaireit temb ur græce reve ur meriteu, ne vehaiquet mui græce, é-mé S. Paul. Un articl a Fé-é penaus en ol græceu en dès reit Doué d'en dud a oudé péhet hur hettan tad Adam, n'en dint reit tehai meid a gaus de vériteu Jesus-Chrouist; ha dén n'eèll antréein én Nean na boud agréabl de Zoué, nameit dré Jesus-Chronist. Den n'eèll enta a nehou é hupan méritein græce Doué : rac un dra hun nès méritet, n'en dai quet un donæzon, mæs ur recompance. A pe laramb é heèll un dén just dré en implé mad ag ur græce méritein ur græce-aral, n'en dai quetlaret é ma obliget Douéde rein ur græce nehué d'en hani en dès impléet mad er græce quettan : mæs en implé mat-cé, é péhani é consist ol méritt mab-dén hac e za dehou a Jesus-Chrouist, e eèll tènnein ar nehou ur græce-aral; hac èl-cé a græce

de hræce, mab-dén e arribue ér vuhé éternel dré Jesus-Chronist.

Hemb græce Doué n'eèllamb gobér nitra e véritt er Baraouis: rac eit monnèt d'er Baraouis. réd-é miret Gourhæmeneu Doué: mæs hemb græce Doué n'eèllamb quet ou miret èl ma faut, na pedein èl ma faut, na gobér memb ur chonge mad eit hur salvedigueah. Mæs ni e eèll tout guet græce Doué, péhani, é-mé er Honcil a Trante, . Ne or-» drén nitra impossibl : mæs a pe ordrén demb un dra benac, ean hun avertiss d'obér er péh e » eèllamb, ha de oulen é secour eit gobér er péh n'eèllamb quet a hanamb hun hunan, hac ean bun assist dré é hræce, eit ma eèllehèmb er gobér. • En dud santellan en dès dobér é peb momand a græce Doué eit hum zihuèn doh er péhet. Er béherion ne fehènt quet hemb græce Doué sehuel ag er stad a béhet; hac en huéh pazèn dré béré é tispos Doué er péhour de hum gonvertissein, e zou quel liès a græce. 1º Doué e zigneor é speret hac e ra dehou credein ol er péh en dès revelet d'é Ilis. 2º Ean e ra dehou dougein é Jugemanteu. 3º Ean e ra dehou espérein én é visericord dré vériteu Jesus-Chrouist. 4º Ean e inspir dehou ur hommancemand a garanté doh-t'ou èl er vamèn ag en ol santeleah. 5º Ean e laq én é galon caz hac horreur doh er péhet. 6º Ean e inspir dehou ur resolution ferm ha sincèr de govessad é béhedeu. de gondui ur vuhé nehué ha de virèt é Ourhæmeneu ha ré en llis. Mab-den èl-cé renehuéet, e-za de vout ami de Zoué, brær de Jesus-Chrouist, tampl d'er Speret-Santel hac héritour ag en Nean.

Er moyandeu ordinær hun nès de dènnein arn'amb græceu Doué, e zou er Beden hac er Sacremanteu: ha penaus-benac ne zeli Doué nitra demb, ni e cuair neoah ne refus quet é bræceu d'er-ré ou goulèn èl ma faut. Goud e ramb ehué guet S. Paul, penaus Doud e venn ma vou salvet en ol dud, ha ma teint ol de hanauein er urionné. Mæs er volanté general-zé en dès de sauvein en ol, ne vir quet nen dès é Doué ur volanté particuliér de bunissein er-ré cablus : hac èl ma homb ol cablus dré béhet hur hettan tad Adam, ne vehèmb quet souhet mar lausq Doué lod én hou horrompl, durand ma haccord de lod-aral er græce a vocation, a justification hac a perseverance. Doué zou mæstr ag é zonæzoneu; ean ou ra d'en-n'emb ma car hac ér mod ma car : mæs er-ré ne receuant græce er bet, pé e goll er-ré ou devai receuet, n'ou des de hum glèm meid a nehai ou hunan. Quemènt-cé n'arrihue guet-t'ai meid é punition ag ur péhet benac. Rac-cé é lar S. Paul : Er markue éternel e zou ur boen ag er pehet, hac er vuhe eternel e zou ur græce.

Ne hum arrestamb quet de ræzonnein guet Doué, rac ma ta dré un effæd agé visericord de zifforhein lod eit bout heurus guet-t'ou, ha de lausquein lodaral én ou malice dré un éffæd agé justice. Quemèntcé zou ur mistér e zeliamb adorein. Labouramb quentoh d'obér hur salvedigueah guet un dougeance santel. Laquamb hur honfiance é Doué: pedamb hemb arsau: groamb ævreu mat: bihuamb èl gùir Grechénion grucifiet eid er béd hac eid omb hun hunan; ha nezé ni e eèllou larèt èl David: Men Doué, ne més Espérance meid en n'ah, ha ne vein jamæs trompét. Nezé ni e eèllou boud ingorto é seèllou Doué dohemb guet truhé, hac é rei demb en donæzon a berseverance, guet en oi græceu ha

moyanden necessær eid arribue ér porh a salvedigueah.

Græce Doué e zou hemb arvar er préciussan ag en ol madeu en des grateit temb ér béd-mén, mæs dré en Espérance ni e zeli hoah boud ingorto é fournissou demb é Brovidance ol er péh-c'ou necessær eit hur bihuance ha gusquemant : rac é-mé hur Salver, Hou Tad e ouair en e hoes dober a quement-ce ol. Mæs eit ne glasquehemb quet er madeu ag er béd guet un hærr néhançus, hac eit ma rehèmb perpet er breferance d'er madeu ag en Nean, ean e lar quentéh arlerh : Ne hum laquet quet é poen men e cavehait de zaibrein ha de hum usquein : clasquet Ranteleah en Nean de guettan tout, hac hou necessær er bed-men e vou reit teoh open. Doué hul lausq guhavé d'andur, rac m'hun nès mui a sourci a hur hory eid a hun inean : rac ma ramb liès goal-implé ag é zonæzoneu, ha ma hum chervigeamb ag er madeu e ra demb, eit en offancein ha hum goll. Ean e lausq guhavé er-ré vat hemb danné ha hemb commodité, eit ne ranneint quet ou halon, eit ma vou ean memb ou ol trésor, eit ma tougueint ou Hroès ar é lerh ha ma veint heurus de jamæs guet-t'ou goudé.

En Espérance, quer clous èl er Fé, e zou marhue hemb er Garanté; de laret-é, ne brofitt de nitra eid er vuhé éternel. Mæs er guir Espérance e zou bihuet guet Caranté Doué; hac en hani en dès-hi, ne hum fi quet ar er secourieu ag er béd; ne hum hlorifi quet én é isprit, abiltæt, danné, amièt, etc., rac ma houair é ma Doué hemb quin e zeli boud é ol confortance ha secour; ha mar bai guhavé (haval guet-t'ou) abandonnet guet Doué, ean e lar hoah guet David; Sduet e mès men deulagad trema en

Nean: a inou é hon ingorto é tei secour deign, a pe bligeou guet men Doué. Mæs hac é vehai sauet é zourn eit me funissein, m'espérou hoah én-ou. Un dén èl-cé e uel en tampest ag en tantationeu, ol furi er goal-speret, ol malice er béd, er malheurieu brassan é couéh ar nehou, hemb coll er gonfiance carantéus en dès é Doué. Caërræd un exampl e gavamb-ni a guemènt-cé guet en dén santel Job. (Histoër en ancién Testamand, F. CXXXIII.)

Obliget vér d'obér Acteu a Espérance: 1°. A pe vér deit d'en oaid a ræzon: 2°. A pe vér tourmantet dré un tantation-benac, drès peb-tra mar dai inemp d'en Espérance: 3°. A pe bedér: 4°. A pe dostér d'er Sacremanteu: 5°. A pe vér én ur boénvras benac: 6°. A pe vér én dangéra varhue. É creis hou prassant trebilleu. En Espérance, é-méS. Paul, e zeli gobér brassan joé hou calon.... Ne hum affiget quet enta èl er-ré n'ou des quet a Espérance.

Ag er péhedeu inemb d'en Espérance.

Péhein e rér inemb d'en Espérance, é dihue fæçon, dré rai ha dré vihan: dré bresomption ha dré zézespoër.

Péhein e ramb inemb d'en Espérance dré bresomption: 1°. A pe zamb de gredein é heèliamb a hanamb hun hunan ha hemb secour Doué, gobér hun salvedigueah, pé ævren mad e véritt er Baraouis; 2°. A pe dantamb en Eutru-Doué. Tantein Doué-é goulèn guet-t'ou hemb necessité ha hemb just ræzon er bet, er péh n'en dès quet grateit; èl ma ra er-ré zou ingorto doh Doué, pé e oulèn hemb necessité, ma rei ur Miracl én ou hevir, m'ou freservou doh un dangér de béhani en hum exposant dré ou goal; ma rei dehai er péh-çou necessær, hemb laquad poén d'er gounid; ma cheleuou on Fedenneu, a pe bedant hemb preparation ha hemb attantion. Tantein Doué-é boud ingorto é pardonnou demb hur péhedeu hemb gobér pénigèn, pé boud ingorto en hur preservou a béhet deusto ma hum laquamb én occasion a béhein, pé é rei demb er græce de zoug er victoër ar en tantationeu hac ar hur goal inclinationeu, hemb lacad poén de resistein doh-t'ai. Tantein Doué-é hum laquad a vat volanté én dangér d'en offancein, pé en offancein memb é sigur ma homb ingorto en hur pardonnou a pe garehèmb. Guæd e uélér é péhein guet un hardéhtæd effrontet, hac é laret é vou quen æz tehai covessad deu béhet, èl covessad unan.

Péhein e rér dré zésespoër: 1°. A pe zésespérér a vout pardonnet guet Doué, èl ma arrihue guet hilleih a béherion, péré é huélet er stæd eahus hac er vrastæd ag ou féhedeu, e chom scontet ha lorhet, hac e lar é vènt rai vras eit ma heèllehai Doué ou fardonnein. Mæs ind e zeliehai considérein penaus, mar hun nès pèhet, é-mé S. Yehàn, ni hun nès un Avocat dirac hun Tad, Jesus-Chrouist pehani zou just, hac un Hosti a druhé hac a visericord eit hur péhedeu, non pas hemb quin eit hur ré-ni, mæs hoah eit péhedeu ol er béd.

2º. Péhein e rér dré zésespoër a pe zésespérér a zonnet de bèn a hum gorrigein ag er goal inclinationeu, é sigur ma vai nærhus en acustumance, ha ma couéhér bamdé guet-t'ai. Quemènt-cé zou, revé S. Paul, ur vamèn a barèss hac a ahurtemand ér péhet. A pe vai question a gommettein er péhet, er goal-speret ne vanq quet a ziminuein er vrastæd hac er malice a nehou, hac a rein d'antand d'er péhour en hum gorrigeou un dé e zei: mæs ur uéh

ma vai commettet, ean e change a langage eid assai scontein er péhour hac el laquad de gouéh én désespoër, en ul laret tehou : jamæs ne hum gorrige-

kait, jamæs ne changehait.

3º. Péhein e rér dré zésespoër a pe vanquér a gonfiance é Doué hac a résignation d'é Brovidance, ha ma tougér perpet ne zehér d'en devout faute ag er péh-ç'ou necessær. Quemènt-cé zou ur vamèn a fausoni hac a avarice. Aufin pihue-benac é-léh laquad é gonfiance é Doué, e hum fi ar nehou é hunan, pe ar un dra-benac crouéet, e béh dré zésespoër.

ARTICL V.

Ag er Garanté a Grechéneah.

En Garanté a Grechéneah e zou ur Vertu Theologal, dré béhani é caramb Doué drès peb tra a gaus dehou é hunan, hac hun Nessan èl omb hun hunan a balamor de Zoué.

Er Garanté zou un donæzon surnaturel; rac ne sehèmb quet hur bout hi a hanamb hun hunan; mæs laqueit-e bet en hur halon, é-mé S. Paul, dré er Speret-Santel, pehani zou bet reit temb. Hi e ra demb carein Doué a gaus dehou e hunan, ha non pas a gaus d'en danné na d'er gommodité e ra demb: quemènt-cé ne vehai quet er harein a gaus dehou é hunan; mæs carein en avantageu e ra demb. Carein Doué a gaus dehou é hunan e zou er harein a gaus d'er madeu éternel, péré zou possidein Doué ha jouissein a nehou.

Er Garanté e ra demb hosh carein Doué dres peb tra, de laret-é, mui eid omb hun hunan, ha mui eit quement tra zou crouéet, ha bout prest de goll quemènt mat hun nès, er vuhé memb, quêntob eit displigein dehon. A-zé en hum dromp en darn muyan ag er-rée hum vantt é carant Doué drès peb tra, rac ma larant tehou bamdé: Men Doue, m'hou car a greis me halon drès quement tra zou ol... Pe garehent Doué drès peb tra, ne chomehent quet én disposition dalhabl d'obér er péh e oniant e zisplige dehou. Penaus é vehènt-int prest de goll ou buhé quentoh eid en offancein, durand m'en offancant eid ur bagatell? Requis-é neoab boud én disposition de garein Doué mui eid omb hun hunan ha mui eit quement tra zou crouéet; rac, é-mé hur Salvér: En hani e gar é dad, pe é vam guel eid on, n'en dai quet dign a hanan, ha ne veritt quet bout teign. Mar fal de unan-benac bout teign, ha ne gassa quet é dad, é vam, é voès, é vugalé, é verder, é hoærezet ha memb e vuke propr, kennek n'eell quet bout men Discipl. Just èl pe larehai; obliget-on de sentein quentoh doh Doué eit doh en dud ag er béd. ha de ziaboeissein d'hou tud a pe larant teoh gobér droug : de guittat memb hou re tostan, mar mirant dohoh a vout de Zoué, hemb hou pout malice doh t'ai, na desirein droug tehai: consantet ou holl ha tout er péh e hoès, hou puhé memb, quêntoh eit displigein dehou. Glouaihue-é en dud e vihue én disposition-zé: glouaibue-é enta er-ré e gar Doué drès peb tra.

N'en dai quet erhoalh larèt de Zoué en er haramb: rédé er harein en effæd, ha discoein dré hurhomportemant en er haramb. Obliget-omb enta de rein en hur halon er breferance de Zoué ar guemènt tra zou; ha mar dai permettet temb carein un dra-benac-aral, ne zeliamb er harein meid a

gaus de Zoué hac a balamor de Zoué. Mar lausquamb ur garanté-aral de væstroniein én hur halon, quentéh é couéhamb ér stad a zannation. E carein Doué drès pet tra, é ter de vout just : hac é carein en treu crouéet drès Doué, é tér de vout impi ha reprouvet. Ne laran quet é vér obliget é peb momant de laret : Men Doue, m'hou car a greis me halon. Mæs rinquein e rér renehuéein ér galon er volanté hac en dezir de bligein dehou, ahoël ér hommancemand ag en déuéh hac ér hommancemand ag en ævreu principal, revé er péh e lar demb S. Paul : Pe a pe zaibret, pe a pe ivet, ne vern petra

e ret, groeit of eit gloër en Eutru-Doue.

Obliget-omb hemb dispance er bet, d'obér Acteu a Garanté Doué : 1º. A pe gollamb é hræce ; rac n'en dai meidé carein Doué é recourér er græce collet, ha S. Yehan e lar penaus en hani ne gar quet Doue, e chom er markue ag er pehet. 20. A pe santamb é yein Caranté Doué én hur halon. hac é vèmb prest d'hé holl dré en nærh ag er goal inclination. ma n'hé zuemmamb dré Acteu stang ha gredus. 3°. A pe santamb é vèmb tourmantet dré un tantation benac cri ha capabl d'obér demb péhein marvelemant. Peb-unan zou hoah obliget, revé en Doctor S. Thomas, d'offrein de Zoué ur galon carantéus quentéh èl ma vai arribue én oaid a ræson : (Allas I distér-é en nombr ag er-ré en dès soign a zésquein hac a avertissein er vugalé d'er gober.) A pe beder; a pe doster d'er Sacremanteu; a pe vér tantet de hum glem a Zoué, èl mei de larèt ne ra chanche er bet temb; ne ra meit poén demb; é homb ancoeheit guet-t'ou; n'en dai quet just m'hur bou attau poén, etc. A pe vér én dangér a varhue : rac a pe yehèmb dirac Doué, ne

vou quet a Varaouis aveit omb, ma ne gav é Garanté en hur halon. Recommandet-é hoah golér en Actzé a pe uélamb pé ma cleuamb é ma offancet Doué dré en desordreu, en touyereah, er blassæmereah, en disputt. etc., eit reparein a guemènt ma heèllamb en offance hac en disinour e rér de Zoué. Madéhoah golér un Act a Garanté a pe yér de gommance un ævr-mat benac, eit ma vou méritaploh ha profitaploh eit hur salvedigueah.

Quement péhet-ç'ou e zou contrel d'er Garanté. Er péhet marvel hé distruge, hac er péhet viniel hé goanna. É general, ol er-ré e gar er béd hac e héli é vodeu ha custumeu fal, e béh inemp d'er Garanté. (Hui e gavou er Ourhæmen en des Doué reit temb d'er harein, expliquet én eil articl ag er guettan

Gourhæmèn.)

Ag er Garanté e zeliamb demb-ni hun hunan.

Jesus-Chrouist a p'en dès ordrénet demb carein hun Nessan èl-omb hun hunan, e ra d'antand é teliamb hum garein ni-memb, hac é teli er garanté e zeliamb demb-ni, hun hunan, boud er regl ag er garanté e zeliamb d'hun Nessan. Rac pe vehai attau desordr er garanté dohemb hun hunan, Jesus-Chrouist n'en devai quet laret: Hui e garou hou Nessan èl-oh-hui hou c'hunan. Mæs ehué pe vehai perpet leal er garanté-zé, hur Salvér n'en devai quet laret: En hani e gar é vuhé, hé hollou; mæs en hani he hassa ér bed-men, he honservou aveid er vuhé éternel. S. Paul e laq ehué é mesq er béherion er-ré e hum gav un dra-benac, hac e hum gar rai.

Er garanté dohemb-ni memb e zou mat, ma ne hum garamb meid a gaus de Zoué hac a balamor tehou, ha mar domb coutant perpet ag er péh e ra demb ér stad m'en dès hul laqueit. Rac hum glem a volanté Doué, e zou ur merche en hum garambni hun hunan mui eit Doué. Hum garein e zou clasq bout heurus; ha jamæs heurus n'eèllamb bout nameit guet Doué. Rac-cé er garanté santel dohemb hun hunan e ra demb desirein ha poéniein de ounid er madeu éternel, ha seèllet er madeu tamporel èl moyandeu eid arrihue ér madeu ag en Nean : hi hun désq de garein ha de gonservein er vuhé-men. non pas a gaus de joyeu er béd, naca gaus de goutantemanteu er horv, mæs a gaus de Zoué hemb quin, eid er chervige ar en doar, eit gounid ineanneu de Zoué, etc, Er garanté santel-zé hun oblige de dostad liès d'er Sacremanteu eit conservein hac antretenein én-n'amb er græce ag er Vadiènt, pé aveit hé reparein mar hun nès hi collet, hac eit bout courajusson de resistein don hur fal imur ba fal inclination. Dougein gobér er mat guet eun a hum ziæzein, pé hum bligein é hobér droug, e zou ur merche ag ur garanté criminel : rac, é-mé er Speret-Santel, en hani e gar er pehet, en des caz doh é inean.

Obliget-omb de garein hun inean hac hur horv: er horv e zeli plæguein d'en isprit, hac en isprit de Zoué. Deliet-é demb gùellad de glinhuedeu er horv a guemènt ma heèllamb revé Doué, ha conservein en inean ér stad a græce. Rac-cé er hettan devær e ourbæmen dember garanté santel dohemb-nimemb, e zou condui hun inean hac hur horv de Zoué, hac ou laquad ér stad é péhani é houlèn Doué ma veint. Obliget-omb neoah d'hur bout mui a sourci ag en inean eid ag er horv: rac en inean zou er parti noplan a vab-dén, ha Doué ne oulèn a vab-dén na-

meid a gaus d'é inean. Obliget-é enta peb-unan de gùittad ol er péh e eèllehai miret doh-t'ou a gonservein é inean é græce Doué, èl mei er fal daicheu péré e lah en inean ha memb er horv guhavé, èl er horvadeu chervad, er reforcereab, er molliaheu, er horolleu, etc. Obliget-é de guittad ur vechér n'eèll quet derhel hemb péhein pé hemb dangér bras ha tost a béhein, avel hillein a davarnerion. etc. Obliget-é de guittad un amitié rai dinér, un hantiss amourus, un ti dangerus, ha de dorrein, pé de goll memb ur gobr n'eèll quet gounid hemb boud én dangér bras ha tost a gol é inean.

Arlerh hun inean, ni e zeli carein hur horv, rac m'en dai Tampl er Speret-Santel, ha ma teli un dé bout lodeg é bonheur en inean. Obliget-omb enta de zihoal a er houci jamæs dré en infamité a baillardiah, a ivraignereah, na dré béhet er bet. Caz e hoès doh hou corv, ma ret tehou é ol hoand. plijadur ha coutantemant ér béd-men; hac er holl e rehait ér béd-aral. En hani e gar e vuhe èl-ce, he hollou, é-mé hur Salvér. N'en dai quet quemènd el labourieu hac er pénigenneu reglet e dorr er horv, el er fal blijadurieu, er chervadeu hac en débaucheu. Er garanté e zeliamb d'hur horv, hun oblige enta de zihoal doh-t'ai. Mæs hi e zihuèn ehué dohemb a en usein dré bénigenneu divusul ha pennadus. Rac er yuneu diavis hac er hastimanteu rai rust n'en dint quet agréet guet Doué. Chetu en avis e ra demd S. Bernard: Consideret erhad petra e e eèl hou corv andur; examinet hou nærh; ne

ret nitra hemb hum avisal; conservet hou yéhæd

e eit chervige Doué hac hou Nessan.

Er goal-speret e zoug ul lod-vat d'obér pénigenneu rust ha calet eit dihue ræson: 1º A pe uél ur

ré-benac doh hum durel sinceremant guet en devotion, ean e assai ou laquad de gastiein ou horv ha d'en usein é cource, eit ma cavou en tu d'ou dioustein ha d'ou dicouragein, a pe uéleint ne veint mui ér stad d'accomplissein ou obligationeu. 2º Ean e dromp lod-aral én ur rein dehai de gredein é veint santel-bras hac é vihuehènd int d'ou fantazi, meit ma castieint ou horv ha ma reint pénigenneu calet. El-cé en diaul e hum vell ehué guhavé a berdeq er bénigèn. Requis é, me ouair, castiein er hory: mæs er sourci principal e zeli bout de gorrigein er goal imur, de ouasquein ar er prontitud, de vouguein er fal inclination, de gampennein en isprit, de reglein er chongeu, de resistein dob en tantationeu ha fal dezirieu, de beèllad doh en dangér hac occasion a béhet. Er geinance ag er horv ne chervige quet de galz a dra, é-mé S. Paul. Mæs en devotion a galon e zou mad eit peb-tra, ha Doue e bromet er vuhe er bed-men hac er bed-aral d'en-n'emb en dou hi pratiquet.

Requis-é rein é vihuance d'er horv, non pas eid er goalhein, mæs guet ræzon ha musul; rein dehou revé Doué er remædeu a béré en en dès d'obér eit conservein er vuhé; rein dehou un discuéh hac ur repoz benac eit reparein é nærh ha soulagein en isprit. Ne faut quet er mignonein rai, mæs ne faut quet ehué el lahein: hac eit n'arrihuou quet guenech quemér marcé hilleih a boen hemb calz a verit, ne guéméret jamæs pénigenneu extraordinær, ne ret jamæs Rô na Perhindet er bet hemb avis hou Couezour. (Leinet er Chapistr XXI hac er Chapistr XXXI ag en drivet Parti ag er Vuhé devod.)

Arlerh er péh hun nès laret, ne vou quet diæz hanàuein pegource é vai desordr er garanté dohemb hun hunan. En hapi vad e ra demb hum garein a balamor de Zoué, ha claq hun ol heurustæd e Doué, mæs en hani fal e ra demb ne chongeamb meid enn'amb; ne glasquamb meid omb hun hunan ér péh e ramb hac e laramb; ne vihuamb meid eid omb, ha ne laquamb bur spi meit guet hun æzemant hac hur houtantemant, èl pe vehèmb crouéet eid er béd-men hemb quir. (Leinet er Chapistr LIV, Livr III a Imitation hur Salvér.)

Er garanté desordr dohemb hun hunan e zou forh cummun, ha ne chongér quet én-hi: dangérus bras-é, ha ne bum avisér quet bout cablus: hac ur uéh ma tissoh de zallein en isprit, é lausquér Doué a costé eit clasq æzemand er horv, coutantemand er vuhé ha plijadurieu er béd. Ol er-ré ne fal-debai andur nitra, e hum glêm a Zoué, hac e hum sàu inemp d'é volanté ha d'é Brovidance; ol er-re ne glasquant meit coutantein ou speret dré fal chongeu a bloër, a gaz, a baillardiah, a avarice, etc.; ol er-ré e ra d'ou halon tout é hoand ha dezir, ha d'ou horv é oulen a voued-mat, a chervad, a æzemant hac a zebauche; anfin ol er-ré e gar quemènd er vuhé-men, ma carebent chom perpet ar en doar: er sort tud-cé n'en dint quet tost de garein Doué drès quement tra zou ol, muieid ou madeu hac ou buhé, na de verhuel quêntoh eid en offancein.

Ol en dud-cé zou, hemb chongeal, enemiset dehai ou hunan, bac é clasq ou bonheur ér mæz a Zoué, ne gavant meid ou malheur. Rac hur Salvér e lar demb én é Aviél: Ne ounier Ranteleah en Nean meit dre forh palforcein er goal inclinationeu.

Ag er Garanté doh en Nessan.

Jesus-Chrouist e zésq demb penaus eit bout sal-

vet . n'hu nès meid un dra d'obér, carein hun Nessan èl omb hun hunan : ha S. Paul e lar penaus en accomplissemand ag el Lezen e gonsist er Garante; hac, en hani e gar e Nessan èl ma faut, e accompliss ol el Lezen. S. Yehan ne laqua quet a zisserance itré carein Doué ha carein en Nessan. Receuet hun nes quet Doue er Ourhæmen-men, é-m'ean : En hani e gar Doue, e zeli chue carein e Nessan. N'en dai quet memb possibl carein Doué drès peb tra, hemb carein hun Nessan. Rac. é mé S. Yehan, Mar des unan-benac e lar e car Doue, durand ne gar quet é Nessan, hennéh zou ur gueuyad. Jesus-Chrouist e lar é ma doh en accomplissemand ag er Ourhæmèn-zé é tifforhér er Grechénion vat dob er-ré fal. Rac dré-zé é vou hanquet ha ni zou ag é Zisciplet, mar hum garamb en eil equile. Obliget-ver d'accomplissein er Ourhæmèn-zé hemb dispance er bet : ha ne fautehai eit bout dannet, meit manquein a garein en Nessan. Rac-cé, é lar S. Paul : Hac é conzehen-me langage en ol dud ha hani en Ælet memb Hac en em behai-me Fe erhoalh eit changein a leh d'er manneyeu.... Hac e rehèn-me me horv de vout losquet, ol quemènt-ce ne chervigehai deign de nitra, ma n'em behai quet er Garante.

Mæs petra-é carein hun Nessan èl omb-ni hun hunan? Dezirein ha gobér dehou er memb vad e zeziramb hac e rehèmb demb-ni memb revé Doué. Rac-cé er garanté santel dohemb-ni memb, e zeli boud er regl ag er garanté e zeliamb d'hun Nessan; ha n'en dès quet de fari é héli en ihue Ourhæmènmen ag er Scritur santel: Dihoallet, é-mé S. Paul, a ober jamæs d'un aral er peh e vehai fache gueneoh ma vehai groeit teoh. Groeit d'er-re-ral er peh e gareheoh ma rehènt teoh hou c'hunan. Er garanté

santel dohemb hun hunan hun doug de hanàuein, de garein ha de chervigein Doué, eit ma vehèmb heurus guet-t'ou: mæs hi hun doug ehué de zezirein ha d'obér er péh e eèllamb eit ma tei hun Nessan de hanàuein, de garein ha de chervigein Doué, eit ma vehèmb ol assambl heurus guet-t'ou én é hloër.

Er Ourhæmen e ran deoh, é-mé hur Salvér, e zou ma hum garehet en eil-équilé èl me mès hou caret. Comprênet, mar eèllet, el ledandæd, en hirdæd, en dondæd hac en ihueldæd a Garanté Jesus-Chrouist, ha musulet doh-t'hi er garanté e zeliet d hou Nessan. Jesus-Chronist en dès caret ha secouret en ol bet-hac é enemiset brassan. Er Garanté a Grechéneah e oulèn ehué ma carebait, non pas hou c'amiet hac hou quærent hemb quin; mæs hou c'enemiset memb hac é vehènt int prest de blantein er goutell én hou calon, ma pedehait Doué eit-t'ai ha ma rehait vat dehai, idan boén a zannation. Ma ne garet meid er-re hou car, peh recompance hou pou hui, é-mé hur Salvér: ha ma ne saludet meit hou c'ere, petra e ret-hui a extraordinær? Er Bayannet ne rant-ind ehue quement-ce? Permettet-é neoah dezirein doug er victoër ar enemiset er Ranteleah, hac hum rejouissein ma vent bet feahet.

Caran é Jesus én hur hevir n'en dès quet bet a dermén nac a fin : ha gùel oai guet-t'ou coll é vuhé dré ur marhue calet ha méhus, eit coll é garanté aveid omb. Er garanté doh hun Nessan e zeli ehué bout ferm ha padus assès, eit ne vou nitra ér béd capabl d'hé goannad na d'hé yeinnein. Jamæs n'hur bou d'andur a berh hun Nessan quemènd èl en dès bet hur Salvér d'andur a berh en dud; ha neoah ean dès int perpet caret, ha perpet e cri ar-n'amb carein hun Nessan èl m'en dès hur haret.

Jesus en dès hur haret bét-ha disquên ag en Nean eid andur tourmanteu blaouahus hac ur marhue méhus doh ur Groès. Er Garanté a Grechéneah e zeli ehué disquên eit gùélet misèr ha peuranté hun Nessan, hac eit er soulagein a guemènt ma heèllamb. Rac caër hur bou laret é caramb hun Nessan, ma ne hum laquamb é poén a rein secour er bet tehou én é zobérieu. Ne garamb quet a vég hemb quin, é-mé S. Yehàn: mæs caramb é gurionné, ha discoamb dre hun obereu é caramb.

Jesus-Chrouist n'en dès quet hur haret a gaus d'hur mériteu hac avantageu naturel, naca gaus d'é brofitt, mæs aveid en Nean hac eit hur goalhein ag er madeu éternel. Er Garanté a Grechéneah, e ordrén demb ehué carein hun Nessan, non pas a gaus temb, nac a gaus tehou, nac a gaus d'er blijadur ha d'er vad hun nès doh t'ou; (ur garanté naturel-é honnéh, ha méritt er bet n'hi dès aveid en Nean; er Bayannèt e gar ehué èl-ce, é-mé hur Salvér); mæs er harein aveit Doué hac a gaus de Zoué, aveid en Nean, hac a gaus d'er vad éternel e zeziramb tehou: ha mar deziramb tehou nerh, yéhæd, prospérité, commodité ér béd-men, ne zeli bout meit guet en intantion hac en dezir ma rei a nehai un implé mad eid gounid er Baraouis.

Mæs pihue-é en Nessan-zé e zeliamb carein èlomb hun hunan a balamor de Zoué? En ol dut fal ha mat, payan, Juiv, Turq, Héritiq, multrér, lair, etc. Er Garanté a Grechéneah ne zifforh hanni; ha manquein a garein unan hemb quin, e vehai manquein a garein en ol. Ne laran quet deoh é teliet carein en droug e ra hou Nessan: é contrel, dèliet-é deoh hou pout caz doh er péhet partout él léh m'er gùelet; mæs laqueit perpet quemb ha diffe-

rance itré er péhet hac en hani er hommètt. Groeit brizél d'er péhet, ha caret en hani er hommètt ne vern pihue-é; hum rejouisset mar guélet hou Nessan é condui ur vuhé vat ha santel : ha mar dai diranget, groeit hou possibleit er gounid de Zoué; rac, en hani ne gar quet é Nessan, é-mé S. Yehan, chomér marhue ag er péhet.

Recommandet-é deoh gobér a galon un Act a Garanté doh hou Nessan: 1º A pe santet hou calon piquet dré ur gonz luèm pé un anjuli benac. Pedet, é-mé hur Salvér, aveid er-re e ra poen deoh hac hou técri. 2º A pe hum bresantt én ou speret ur chonge benac a gaz, a valice pé a vangeance. groeit un Act a Garanté don hou Nessan. Æssoh-é. é-mé S. Augustin, mirêt dob er malice e antréein én ur galon, eit hé laquad ér mæs ur uéh m'hi dès hé gouniet. 3º Discoeit mercheu a garanté d'er-ré e uélehait é caz dohoh, mar cavet é vou capabl quement-cé d'ou gouvid. Ne faut guhave meid ur guir douce hac amiable eit gobér un ami ag un enemis. Discoeit tehai en ou haret, guet eun ne hum gollehènt mar ou lausquet é caz dohoh : rac Doué e ordren de bep-unan en dout soin ha sourci ag e Nessan.

Penaus-benac ma homb obliget hemb dispance er bet de garein en ol ér mod m'hun nès laret, Doué en dès neoah merchet ur certæn rang de oarn ér garanté hac ér secourieu e zeliamb d'hun Nessan. Par-exampl, deusto ma hon obliget de zezirein d'en ol græce Doué hac er vuhé éternel, me zeli dezirein deign mé me hunan er madeu spirituel dré breferance ar er-ré-ral. Rac-cé ne zelian quet commettein en distérran péhet veniel, hac é vehèn-mé sur dré-zé a sauvein ol er béd: ha mar don obliget de garein en ol, me zeli neosh m'em boud ur garanté brassoh dob me zad, dob me mam, dob er-ré e ra vat teign, dob me bærent, dob m'amièt.

A fæd er secourieu e zeliamb dré garanté d'hun Nessan, a pe n'eèllamb quet secour en ol én un taul, chetui penaus é teliamb hum gomportein: 1º. Hun dobérieu propr e zou perpet er-ré pressettan: 2º. Arlerh. ré hun tad hac ur mam : 4º. Arlerh, ré hur hærent : 4º. Arlerh, ré hun amièt : 5°. Ré hur serviterion : 6°. Ré en dud ag er memb Parress guenemb: 7º. Ré hun amision: 8º. Ré en dud devot ha vertuus quentoh eid er-ré n'en dint quet. Ne faut quet neoah hum drompein: er breferance-zé n'hi dès léh meid é quemènt ma vai ingal partout en dobérieu. Rac pe uélehèn ur fal zén én un dobér bras, hac un dén honest én ur dobér ordinær, ha n'eèllehèn quet ou secour ou deu assambl, obligét vehên de secour en dén mechant-hont quêntoh eid en dén honest; de secour un enemis quentoh eid un ami: de secour en estrén quêntoh eid unan a guærent teign, etc.

Chetui en obligationeu general hun nès é quevir hun Nessan. Passamb bermen d'en obligationeu particuliér. Hanhuein e rér en obligationeu-men Ævreu a visericord. Bout-ç'ou ré e seèll er horv, ha ré-ral en inean. Rac ur Salvér ne ordrén quet demb carein hun Nessan a vêg hemb quin, mæs er harein én effæd hac é gurionné. Ean e zihuèn dohemb enta a en affligein, a er goapad, a en disprisein, a rein goal exampl dehou, a en doug d'er péhet; én ur guir, a obér næz dehou é fæçon er bet én é inean, én é inour, én é gorv, én é zanné, én é guærent, én é amiet. Ne ret quet d'un aral er péh

e vehai fache gueneoh ma vehai groeit teoh. Mæs commandet-é demb en inourein, gobér stad a nehou, er secour d'obér é salvedigueah, suportein é zefauteu guet patiantæt, er honsolein én é drebilleu, er soulageinén é zobérieu spirituel ha corporel. Groeit d'er-ré-ral er peh e gareheoh ma rehent teoh.

En Ævreu spirituel a visericord e gonsist:

1°. E hansaignein er-ré ignorant, èl é tésquein ou Fedenneu, ou Hatechén d'er-ré n'ou gouyant quet:

2°. E corrigein er-ré e ra faute: 3°. É rein conseil vat d'er-ré en dès dobér: 4°. E consolein er-ré affliget: 5°. É suportein guet patiantæt defauteu er-ré-ral: 6°. E pardonnein a galon en offanceu hac en anjulieu e rér demb: 7°. E pedein eider-ré vihue hac er-ré varhue, hac eid er-ré e ra goahan e eèllant temb. Ne expliquehèmb ag en ævreu-zé a visericord meid er-ré a béré en en dès er Fidelèt muyan dobér a voud instrugét.

Ansaignein er-ré ignorant.

Goud e ramb ne vér quet ol ér stad de berdêq de gatechenein, na d'obér d'en Nessan instructioneu studiet: mæs ol é heèllamb hac ételiamb rein dehou exampl vat én ur gondui ur vuhé santel; hac er sqùir vad e zou él ur perdêg mud, péhani zou liès paud profitaploh eid en instructioneu caër ha studiet. Rac-cé é recommand demb hur Salvér hum gomportein én ur fæçon ma chervigeou hun ævreu de zoug en dud de hlorifiein hun Tad péhani zou én Nean. Bout-ç'ou neoah mui eit ne chongér, obliget d'instrugein. Rac pihue n'eèll désquein er vugalé d'obér Sign er Groès? Pihue n'eèll désquein dehai ou Fedènneu, hac un articl benac ag er Hatéchén? Er-ré e ouair ou Livreu hac ou Religion, n'eèllant

quet larêt é gurionné e carant ou Nessan èl-d'ai ou hunan, hac é tezirant tehou er memb vad e zezirant dehai ou hunan, ma ne brezant quet hum laquad de zésquein er-ré ignorant. Ag er-ré e ra instructioneu d'er-ré-ral, en darn-muyan e zistruge guet un dourn er péh e rant guet en aral, faute a bratiquein int memben treu caër e ansaignant. Eit hum aquitteinag en ævr-zé a visericord, n'en dai enta erhoalh teoh instrugein : requis-é deoh hoah rein exampl vat d'er-ré hou cheleu, ha d'en ol.

Corrigein er-re e ra faute.

N'en dai quet quêstion amen ag en obligation en dès en dud é carg, de gorrigein er-ré zou idan ou berh : ne gonzamb meid ag er Ourhæmèn e ra demb Jesus-Chrouist d'avertissein hun Nessan ag é fauteu, eit ma tei de vout guel. Mar en des, é-m'ean, hou prær (hou Nessan) pehet inemp teoh (pé dirac-oh), queret, discoeit tehou, itre ean ha hui, er faute en des groeit.... Corriget hou c'ami, é-mé er Speret-Santel,.... guet eun ne rehai hoah fal. Dré ma homb obliget de garein hun Nessan, é homb ehué obliget d'avertissein en ol ag en droug e rant, guhavé memb er-ré zou drès-omb, guet eun ne hum gollehent. Mæs n'en doh obliget d'er gobér meid a pe hoès léh d'espérein é profitteint a hou c'avis mat : rac mar santet ne rei caz en hani e avertissehait, ag er péh e larehait tehou, hac é rei hoah er memb tra pé marcé goah, lausquetean; mæs pedet Doué eit-t'ou. Allas! n'en dai quet stang er-ré e hum aquitt èl ma faut ag en sbligation-men.

Mar fal deoh ma vou profittabl en aviseu mad e rehait d'ou Nessaneit er horrigein, commancet hui memb er bettan de hum gorrigein a hou tesauteu.

Tennel, é-mé hur Salvér, en trest e zou en hou lagad, ha neze hui e uélou tennein er beudrèn e zou e lagad hou Nessan. Dihoallet ne zehai deoh ham istimein guel eid en hani e fal deoh corrigein : hac eit miret don un orgueil quen dangérus, avertissetean guet humilité, hemb goal imur, hemb pènnad na fantazi, guet un dezir sincèr d'er goun id de Zoué, ha d'obér ou tevær én é guevir. Pede t Doué quent ha goudé, eit ma vou profittabl en avertissemant eid oh hac eid en hani e gorriget. Hum aviset erhad é-raug; choæget un amzér jaugeabl, hac hanauet mat imur en dud m'hou pou affær doht'ai. Queméret lod dré zoustér ha guet ur min amiabl; lod-aral guet un ton ferm ha resolus. Gùéh · é vou ret teoh menace, gùéh suplien, gùéh castiein. De seellet e hoes hoah doh oaid, stad, rang, hac imur peb-unan. Un avis reit é particuliér e zou liès mat guel eid unan reit é publiq. Ne rebræchet quet huerhue er-re ancien. é-mé S. Paul; mæs pedet int quentoh. el ma pedeoh hou tad. Avertisset er-re youang el hou perder : er merhet ancien, el ma avertisseoh hou mam; er re youang el hou hoærezet quet peb-sort honestiss; de laret-é, ne faut ma vou nitra meid mad hac honest én hou tezir. én hou conzeu, én hou gesteu. Mar avertisset er-ré zou drès-oh, n'ancoehet quet é teliet tehai respèt hac inour. Mar doh cablus ag e mremb faute ma fal deoh corrigein hou Nessan, hum humiliet er hettan, huannadethou teu, eithum gorrigein ha changein hou teu. Ma n'en doh quet cablus, trugairicait Doué, ha chonget é hoh quer fragil èl hanni, ha capabl d'obér hoah goah eid er-ré e avertisset.

Bout-ç'ou certæn tud e grèd é rehènt ur péhet bras, pe vanquehènt a avertissein hou Nessan ag en ol fauteu e uélant é é couéh guet-t'ou, ha guet ou honseilleu diavis e ra mui a zroug eid a vad. Eit mirèt dob en ambarras-cé, chonget erhad penaus n'en dès meid er-ré zou carguet é spécial ag er-réral, e zou obliget chué d'éhuehad doh ou defauteu eit ou horrigein. Par-exampl, en tadeu ha mameu équevir ou bugalé; er vestr é quevir er-ré zou idand'ai; er-ré ancien vis-a-vis d'er-re youanq... E general, ol er-ré zou carguet a gondui er-ré-ral, e zou obliget int memb d'ou avertissein ha d'ou horrigein, hac é vehènt int sur ne brofittou quet er-ré cablus ag en aviseu e reint tehai, meit m'ou dou léh de gredein é chervigeou er gorrigemant-cé de zistroein er-ré-ral a gouéh ér memb fauteu. Mæs ma ne hoès nitra de sèellet ar hou Nessan, ne hum vèllet quet a examinein é zesauteu, nac a er horrigein, meit ha leh hou pehai d'espérein é profittou ag en aviseu mad e rehait tehou. Un dra vad-é corrigemand en Nessan, a pe vai groeit erhad : rac petra guel eit laquad unan fariet en hend ag é salvedigueah? Gouyet, é-mé S. Jaq, penaus en hani en dou tennet ur pehout ag er goal hend e sauv inean ur péhour ag er marhue, hac e olo un nombr a béhedeu. Caërræd un avantage! mæs ur gorrigemant diavis e stleige ar hé lerh ur foul a zrougueu, hac é-léh guellad d'en droug, ne ra meid er velimein.

Ma ne uélet quet é tehet hui-memb de ben a gorrigein hou Nessan, hui e rei mat er recommandein de unan-benac e handuehait capabl de rantein dehou ur chervige quer précius. Mæs examinet mad é rang er circonstanceu hun nès merchet ihuelloh. Mar dai hui e glasquér corrigein, receuet guet humilité, aboeissance ha patiantæd en avertissemand e rér deoh : profittet a nehou hac é vehai gùir n'en

dehai quet en aral hum gueméret mad eit hou ç'avertissein. Rac er refus e reheoh a brofittein, e vehai ur merche é hoh glorius, ahurtet én hou péhet, en er haret, hac é hès de zougein bras eit hou salvedigueah. En hani ne gar quet bout corriget, é-mé er Speret-Santel, hennéh e guerh dre hènd er pehour: mæs en hani en dès dougeance Doue, e hum gonvertissou a greis é galon.

Parlonnein a galon en anjulieu hac offanceu e rêr demb.

Ma n'eèllet quet, guet er moyandeu e mès merchet teoh, degass hou Nessan d'er ræzon, er garanté hou c'oblige de suportein é zefauteu guet patiantæt, d'assai dré zoustér el laquad de zistroein doh-t'ou é hunan, ha de bedein Doué aveit-t'ou. Deliet-é deoh dré er memb ræzon suportein guet truhé er-ré en dès defauteu a gorv pé a speret; rac n'en dai quet é dalh guet-t'ai hum gorrigein a nehai. Ne laran quet é teliet darempredein, na gobér cansortiss guet er-ré ne vennant quet torrein ou fal daicheu, meit ha léh hou pehai hui d'espérein é cavehait en tu d'ou houvertissein : ha de zougein hou pehai hoah ne zeheoh de vout haval doh-t'ai. ma n'en doh sonn é vertu hac é devotion. De gonz hun nès bermèn ag un devær e gavér hilleih diæssóh d'acomplissein, hac hun oblige neoah hemb dispance er bet, idan boén a zannation, de bardonnein d'er-ré en dès hun offancet.

Er pardon-zé e gonsist é forbannein a hur halon en ol santimanteu a gaz, a vangeance, ha yeinnion doh hun enemiset. Dihuennet-é enta a ou disprisein, a ou anjuliein, a obér droug tehai é mod er bet, a rein dehai malloh na malediction er bet. Raccé laqueit quer bras èt ma carehait en droug en dou groeit tech hou Nessan, obliget-ch d'er harein a uir galon, de zaccor chervige dehou, ha d'obér vad dehou eid en droug en dès groeit dech. Ne laran quet é teliet carein en droug e ra dech; mæs me lar é teliet dezirein d'en hani e ra droug tech, ha gobér dehou, mar cèllet, en ol vad e zeziret hac e ret dech-hui memb revé Doué.

En dud ag er béd e lar é ma impossibl quemèntné. Mæs, er ræzon hé hunan e lar demb assès n'en
dai quet impossibl er péh en dès Jesus-Chrouist
ordrépet, Cheleuamb er Ourhæmèn en dès reit d'é
vugalé. Cleuet e hoés é-m'ean, é ma bet laret: hui
e garou hon Nessan, hac e gassei hou c'enèmisèt: ha me me lar dech, cæret hou c'enemisèt;
groeit vat d'er-re en dès cax dohoh, pedet eid er re e
ra poén dech hac hou teors, eit ma veheit bugalé d'hou
Tad péhani zou en Nean; ha péhani e ra d'en heauf
sehuel ar er-re fat quer clous èl ar er-re vat; hue e ra
d'er glau couch ar er béherion quer clous èl er-re just.
Doué, Cronéour en Nean hac en doar, hac er
Mæstr drès en ol-é ordrén hac e gommand èl-cé:
pihue e gredou laret; ne sêntem quet.

Eit hun accouragem d'accomplissein er Ourhæmen-zé, Jesus-Chrouist e hum chervige én Aviel a figurieu ha parabolou, é péré é promett demb er pardon mar pardonnamb, hac é assur demb n'hur pardonnou jamæs, ma ne bardonnamb. Mar pardonnet, é-m'ean, d'er-ré-ral en offance ou dès groeit deoh, hou Tad péhani sou en Neun, e bardonneu deoh ehué hou péhedeu; hama ne bardonnet quet dehais hou Tad n'hou pardonnou quet ehué. Raq en dès vènnet memb m'hur bezai prononcet bamdé hur santance:propr, ma ne bardonnamb d'hun enemisiet; a pe laramb: pardonnet temb hun offanceu, èl ma

Digitized by Google

pardonnamb d'er-re en dès hun offancet; just èl pe larehemb : Men Doué, groeit teign èl ma ran d'em Nessan: hac èl ne bardonnan quet dehou en offanceu e ra deign, ne bardonnet quet ehué deign er-ré e ran deoh. N'en dai quet laret eit quement-cé é ma dihuènnet goulèn reparation ag en domage e rér demb, pégoulèn er péhe zou deliet temb guet just ha ræson, mar dai, pë mar bai jamæs hun deléour ér stad d'hur payein. Mæs dihoallamb é sigur reparationeu a zomage hac a inour, ne glasquehèmb coutaptein hun orgueil, hur haz hac hur vangeance. Permettet-é goulèn er péh zou deliet temb, guet en dezir hemb quin a gonservein hur madeu, hur reputation, hun inour, péré zou necessær demb. drès peb tra mar domb én ur garg ihuel, hac eit mirèt ne hum gollehai hun Nessan pe zehai dehou merhuel guet hun tra itré é zeourn. (Leinet er Chapistr VII, Parti III ag er vuhé devod.)

Hur Salvéren dès groeiter hettaner péh e ordrén demb gobér ar é lerh. Guæd en dès ean bet de souffrein guenemb a oudé ma homb ar en doar! Ean e bardonnai a galon d'er-réen anjuliai, e scopai én é face, er stagai doh ur Groès. Ean e excusai memb ou zorfæt, en ul laret: Me Zad, pardonnet

tehai, rac ne ouiant quet petra e rant.

Me bardon d'em enemisèt, e lar anan-benac; mæs m'ou lausq èl me mant; ne zeziran na droug na vad tehai... Hum drompein e ret : ne ret nitra doh hou lezel èl me mant hemb dezirein na droug na vad tehai : Jesus-Chrouist e ordréa deoh ou harein. Hui e garou hou g'enemisèt, é-mean.

Mar pardonnet a galon d'hou c'enemisèt, hui e zeli conz doh-t'ai ha bihuein guet-t'ai èlipe n'ou dehai jamæs groeit poén er bet deoh : ha mar hum

Secret Section Section

bresantt én hou speret, en drespèt d'hou volanté, er chonge ag er péh zou bet groeit teoh, peèlleit hi a zoh hou calon quentéh èl m'hé santet, hac el-cé ne hoès nitra de zougein. Mar pedet eit hou c'enemiset, mar groet vad tehai, mar sàuet én tu guet-t'aié peb occasion ræzonabl, hui e dennou ar-n'ah hac ar nehai peb sort græce, secour ha bénidiction.

Obliget omb de monèt de gavouet hun Nessan eit gober er peah guet-t'ou, a p'hun nès ræzon de gredein en hun nès reit léh tehou de vout fachet dohemb. Mar det de dal en Autær eid offrein hou prov. é-mé hur Salvér, ha mar da chonge teoh inou en en des hou prær (hou Nessan) un dra benac én é galon dohoh, lausquet hou provital en Autær; ha queret de quettan d'ober hou peah quet hou prær, hac arlerh deit d'offrein hou prov. Jesus-Chrouist e ra demb d'antand ne blige tehou hun ævreu er-ré caërran, meid é quemènt ma loge én hur halon er garanté sincèr doh hun Nessan; hac é histim gùel er garanté eid en ol sacrificeu, a p'en dai gùir é tihuèn dohemb a obér nitra én é inour é chongeal e vehai agréet guet-t'ou, meit goudé m'hun nès groeit hur peah guet er-ré en dehai ar ou halon un dra benac inemb temb. D'en hani en dès offancet-é monet de oulèn pardon guet é Nessan : hac en heni zou bet offancet, e zeli perpet pardonnein én donn ag é galon, ha boud én disposition de ziscoein d'en hani en dès ean offancet. quentéh èl ma tei d'er havouet, en en dès deja pardonnet tehou a uir galon. Mæs èl ma ta ordinæremant peb-unan de gredein é vai ean memb e vai bet offancet, en hani e hum santt touchet er hettan, e zeli dré garanté monèt de gavouet en aral, eit hum accordein guet-t'ou, hac er gounid de Zoué: ha ma

ne gar quet cheleuet, réd-é perpet pardonnein dehou én donn ag er galon, hac er harein: mæs n'en dai quet perpet mat rein dehou mercheu exterior a amitié. Rac bout-ç'ou certæn tud péré e santt guet ou faute a pe ziscoer dehai ur min fachet; ha ré-ral e hum humiliou quêntoh, mar hum gomportér guet ur min amiabl vis-a-vis tehai, a p'ou dès manquet d'ou devær. Aufin, meit ma vou er garanté hou conduiou, groeit tout er péh e gavehait jaugeaplan eit gobér hou peah guet hou Nessan, hac er gounid de Zoué.

Ag en Æoreu a visericord reve er horo.

En Ævreu corporel a visericord e gonsist: 1°. É rein de zaibrein d'er-ré en dès nan, ha d'ivèt d'er-ré en dès séhæd: 2°. É logein er beurerion hac en éstrangerion: 3°. É husquein er-ré nuah: 4°. É visitein er-ré clan: 5°. É consolein hac é soulagein er brisonnerion: 6°. É prenein er gaptivèt: 7°. É liennein er-ré varhue. Ne gonzamb meid ag en alézon, péhani e gomprèn a vras en ol ævreu-aral.

Ag en Alezon.

Er garanté e zeliamb d'hun Nessan, hun oblige, hemb dispance er bet, de rein alézon, revé m'hun nès receuet muyoh pé bihannoh a zanné guet Doué. Mar dès unan-benac, é-mé S. Yehàn, hac en dès ag en danne ag er bed-men, hac e uel e, vrær (é. Nessan), é tiover hemb guemer truhe doh-t'ou penaus e chomehai Carante Doué e henneh? S. Yehàn e zésq demb a-zé n'eèller quet carein Doué, ma ne garer en Nessan; ha n'eèller quet carein en Nessan,

ma n'er soulager a guement ma heèller en é zobérieu. Un articl a Fé-é penaus, er-ré en devou manquet d'en devær-zé, e vou trætet avèl en diaul. Ne faut eit bout dannet, meit bout bet cri doh er beurerion. Peèlleit doheign, tud meliquet, larou hur Salvér d'er-ré dannet de er Jugemant, queret d'en tan éternel; rac me mès bet nan, ha ne hoès quet reit deign de zaibrein; me mès bet sehæd, ha ne hoes quetreit teign d'ivet; me zou bet hemb logeriss, ha ne hoès quet me loget; me zou bet nuah, ha ne hoes quet men gusquet; me zou bet clan hac er prison, ha n'en doh quet deit d'em visitein.... Me lar deoh e qurionne, quel lies queh el ma hoes manquet a assistein unan ag er-re disterran-ze, e ma deign-me memb en e hoès manquet. Er-ré n'en dai quet touchet ou haton doh er peur é cleuet er honzeu-zé bermen. en dès de zougein bras ne vehènt prononcet inemp tehai un dé e zei. Rac, é-mé en Apostol S. Jag. en hani n'en doù quet bet truhe, e vou juget hemb truhe, Hac en hani e stang e ziscoharn guet eun h gleuet cri er peur, é-mé er Speret-Santel, e griou ehué ha ne vou quet cheleuet.

Eit discoein deoh péh quer bras vertu-é en alézon, ne larein meid er péh e laras en Ar-hæl Raphaël d'en dén santel Tobie: En alezon, é-m'ean e zelier ag er marhue, e efface er péhedeu, e ra cavouet misericord dirac Doue, ha meritein er vuhé éternel... El ma ta en deur de lahein en tan alumet, é-méer Speret-Santel, èl ce en alezon e efface er péhet. (Non pas neoah hemb Contrition na hemb covessad a pe eèllér er gobér). En alézon zou hoah profittaploh d'en hani er ra, eit d'en hani er receu. Eid ur secour tamporel e ret d'hou Nessan, Jesus-Chrouist e bromètt deoh er vuhé éternel. Deit, e larou ean dé er Jugemant d'er-ré salvet, déid, tud béni-

guet me Zad; quemeret position ag er Ranteleah preparet tech ag er hommance ag er bed : rac me mès bet nan, ha hui e hoès reit teign de zaibrein, me mès bet sehæd, ha hui e hoës reit teign d'ivêt; me zou bet hemb logeriss, ha hui e hoès me loget... M'el lar deok e gurionne, quelliès gueh èl ma hoès groeit quement-ce d'er bihannan a mem berder, e ma deign me en e hoès ean groeit. Ne zouget quet ehué a hum beurrad é rein en alézon. É contrel, ne ouheoh quet cavouet guel movand de binhuiquead ha de dènnein ar-n'ah bénidiction Doué. Reit, é-mé hur Salvér, hac e vou reit teoh : reit vou deoh reve hou tezir ur musul mat, mahet, barr quene scuillou. Biscoah tiegueah n'en dai bet revinnet dré en alézon; ha hilleih e zou couéhet dré en hoarieu, er braguereah, er chervad, en debaucheu, er procæseu, ha marcé, mar seèller a dost, dré ma hoènt calet ha bemb truhé doh er peur. Rac. é-mé er Speret-Santel. N'en dès nitra a vat d'espérein eid en hani e zalh attàu doh en droug ha ne ra quet alezón.

Mæs eit hum aquittein ag en obligation hun nes de rein alézon, peguemènd e zeliamb-ni rein? Tout er péh hun nès de ziovér goudé m'hun nès pourvæet er péh zou necessær eit hur bihuance, eit hur gusquemant, hac eit derhel hur rang guet honestiss. Ma n'en dès hun Nessan meid un necessité cummum, n'en domb obliget de rein meid er péh hun nès de ziovér diar hun dobérien reglet hac honest. Mæs mar dai hun Nessan én un dobér bras, de laret-é, mar dai én dangér a verhuel guet nan, n'en dai quet erhoalh rein er péh hun nès de ziovér; obliget omb nezé de grennein un dra benac diar er péh zou requis temb eid antretenein hur stad, aveit soulagein er peur : ha mar dai hun Nessau én dehuehan necessité; de laret é, é verhuel guet nan

ma ne vai soulaget pront, obliget omb, eid er secour, de hum zizober ag un draiq benac ag er peh zou necessær demb eit hur bihuance ha gusquemant. Er-re n'ou des quin meid ou simpl necessær, n'eèllant quet rein calz a alézoneu: mæt deliet-é dehai boud en disposition a galon de rein hillein,

pe vehènt jamæs é commodité de rein.

N'en dès hanni quer peur ne gav ur uéh-benac peurroh eit-t'ou, ha n'eèll rein ha ne vehai meid ur begad bara, pé ur hanniq deur, pé ur soulagemant distér benac ér circonstanceu-zé. Er Scritur e gonz ag un intanvès péhani n'hi doai eit bihuein hé mab ha hi. meid un dournad blèd, ha péhani er partageas guet er Profæt Élizé eit torrein é nan. Ne hoès nac argand na bara de rein, é-mé S. Augustin; mæs hui e hoès deulagad, eroguet é dourn er-ré dal eid ou hondui: hui e hoes treid, secouret er-ré n'eèllant quet quêrhet; hui e hoès nærh, assistet en dud coh hac en dud clan; groeit ar ou zro, consolet int, leinet tehai ul livr mat benac; laret tehai guet en den santel Tobie : mem brær, pé me hoær. Ne gollet quet courage: peur omb er vuhe-men; mæs en tresor hur bou ér vuhé-aral, e vou bras, mar hun nes dougeance Doue, ha mar domb sourcius de beellad dok er peket, ha de bratiquein er vertuyeu. Ausia, e lar hoah en den santel Tobie: Beaik ch aritabl er mod ma heèllehait.

Ur voes ne zeli quet rein alézoneu a gonsequance inemp de volanté just ha ræzonnabl hé frièd. Er serviterion nac er vugalé ne zeliant quet ehué rein hemb permission ou zud, meit hac ind ou dehai ag ou hani propr de rein. Pihue-benac en des delé, e zou obligettoh d'ou fayein eit de rein alézon. Péhein e ra memb mar manq a bayein é zelé é sigur

rein en alézon, meit hac ean e nélehai ur peur benac én un dobér bras, hac en hani ma teli dehou, én é æz. Un dra cavet pé deliet, me zeli quet bout reit d'er peur, mar gouyér de bihue vai. Anfin n'en dai quet permettet gobér alézon guet un dra a béhani ne vér quet mæstr d'obér er péh e garér.

Eit ma vou profittabl ha méritabl hou c'aléson. 1º. Reit d'er peur èl pe vehai de Jesus-Chrouist é reheoh. Rac ean en des laret : Deign-me memb e ret er peh e ret d'en disterran a me re. Pe uéleheoh Jesus-Chrouist é toul hou tor, n'er refusehech quet; hui e rehai dehou prontemant, a galon vat ha guet joé. Reit ehué d'er peur bean, hemb quæ na chagrin d'er péh e ret : rac. é-mé S. Paul. Deue e gar er-re e ra a galon ha guet joe. 20. A guement ma heèllet, cuhet er charitéeu e ret, guet eun n'hou pehai gloër guet-t'ai. A pe ret en alexon, é-mé hur Salvér, dihoallet ne ouiehai hou tourn clei petra e ra hou tourn diheu. De laret-é, ne glasquet quet bout seèllet na ma vou goniet é hoh charitabl, eit bout mêlet guet en dud. Ne demallet de hanni en alézonneu hou pehai reit tehou; ne hnm vantet quet chué ag er-ré e ret. Er sort tud-cé, é-mé hur Salyer, en des bet ou recompance er bed-men. Vanité e glasquant, é-mé S. Augustin; vanité ou devou eit recompance. 3º. Reit guhavé en alézon dré zeourn hou pugalé, eit ou acource de guemér truhé don en peur, hac eit tennein ar nehai bénidiction Doué hac hani er peur. Rac, é-mé er Speret-Santel, Pedên er peur e yei beêd Doue. 4º Mar da ur peur é toul hou tor durand hou prèd, pé mar gouzah é bès én hou kær unan-benac en dès necessité vras, diovéret un tam benac eit rein dehou. Partaget kon para guet er peur, é-mé er Profæt Isai.

Me ouair, mar domb é commodité, ne zeliamb refus hanni. Rac en dud mechant quer clous el erré santel, e zou bugalé de Zoué hac hur berdér é Jesus-Chrouist. Reit de quement hanni e oulen, é-mé bur Salvér. Mæs er-ré en dès muyan dobér, e zell neoah bout soulaget er-re guettan; arlerb, hur hærent, mar dint peur; hac er-ré en dès groeit vad eid omb. Bout-cou peurerion de béré é ma assès rein a pe oulemant; mæs bout-c'ou tiadeu tud peur mehus péré e zu guet nan hac e vreign guet misèr hemb credein monet de glasq : spiet mèn é vehaf ag er sort-zé, eit ou soulagein. Ne vér quet obliget de rein en alézon d'er-ré zou capabl de labourad. d'er-ré zou guel guet-t'ai bihuein én ou féneantiss ha laireah èl-cé en alézon, eit laquad ou horv d'obét vat. En hani ne fal quet dehou labourad, ne zeli quet daibrein, é-mé S. Paul. Ret vehai neoah bout erí a galon eit manquein a soulagein er-ré en dès volanté vat de labourad, ha ne gavant quet labour. Alézon-é rein labour d'er-ré peur hac ou laquad de ounid ou bouéd, eit miret ne yehent de boæz, ba ne hum acourcehent doh er féneantiss, péhani, 6-me er Speret-Santel, e zou caus de hilleih a fallante. Ne ret quet un droug é refus en alézon d'erré e implé er péh e chairrant, é chervadein, é hivraignein, hac eit condui ur vuhé méhus ha criminel. Reit d'er mat, e-mé er Speret-Santel, ha n'assistet quet er pehour el-ce..... Miret ne vehai bara dehou, mar gouiet é vou quemènt-cé occasion dehou de zerhel doh é fallanté. Ne vér quet quen obliget de rein d'er riderion, èl d'er-ré ag er hartér. Mad-é specah rein dehai un draig benac, ha ne vehai meid eit miret ne doniehent.

Mar hum glem lies er beurerion e ver cri don-

t'ai. ul lod vad e ra ehué léh de hum glem a nehai. Hilleih zou peur dré ou goal, dré ou fal vuhé ha fal venagemant. Hilleih e glasq ou bouéd, hac e cèllehai er gounid : hilleih e ra guhavé goah dispign eid er-ré e ra dehai. Goud e ran penaus peuranté n'en dai quet fallanté. Mæs é-mésq er beurerion guæd e zou a ré fal? Liæssoh en ou gùélér ital en Ilis eid abarh. Hilleih e gonz caër a Zoué, mæs peèll-é ou balon doh-t'ou. Me ouair n'en dai quet hemp quin a gaus d'er peur, mæs a balamor de Jesus-Chrouist, é teliamb rein alézon; mæs er peur e zeli ehué d'é du payein én ur mod benac er-ré er soulage, en ur bedein liès en Eutru-Doué de durel é vénidiction ar er-ré er secour, Pedèn er peur, é mé er Speret-Santel, e ya bet-ha discoharn hun Doue. Mæs eit quemènt-cé, réd-é ma vou groeit mat. Ur peur ne zeli quet en doud ivi dob er péh e rér d'ur peur-aral. Quement-cé e denn lies de valice, de zisput ha de scandal : ne zeli quet ehué iviein danné é Nessan, madeu er-ré pihuig, Er beuranté e gondui d'en Nean en hani hé souffr guet patiantæt : mæs forh malheurus-é eid en hant hé souffr hac e hum sau inemp tehi. Miseraploh-é hoah dirac Doué ur peur e zou bardéh assès eid anjulial er-ré er refus, eit touiet guet-t'ai, eit dezirein droug tehai, eit ou décriein. Doué n'eell quet andur ur peur resolus, é-mé er Scritur santel.

Mar ful deoh gobér deu alézon én un taul, sallet er péh e rehait guet un avis mat benac; de laret-é, én ur rein hou charité d'er peur, reit tehou opèn un instruction, un avertissemant, ur gonsolation benac. Ne ouheohquet cavouét guel taul eit hennéh, de gorrigein hou Nessan, ha de rein d'é inean un alézon précius durand ma ret soulagemant d'é gorv. (Leinet er Chapistren XIV, XV ha XVI, Parti III ag er Vuhé devod.)

◆≈⟨<u>₱₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽₽</u>₽

CHAPISTR II.

Peèlleit doh en droug.

En péhet e zou un diaboeissance de Lezèn Doué: de laret-é, ur chonge, un dezir, ur gonz, un action contrel de Lezèn Doué, pé contrel d'er péh en dès Doué commandet dré d'ou é hunan, pé dré ré-ral. Rac-cé diaboeissein de Lezenneu en Ilis pé d'ordrénanceu en dud é carg, e zou ehué ur péhet; a p'en dai gùir, èl ma lar S. Paul, n'en des otorité me za a Zoue, hac é ma Doué memb e ordréa demb aboeissein, non pas d'en llis hemb quin, mæs ehué d'en dud é carg, meit ne vou quet contrel en ordrén d'er péh en dès commandet a hènd-aral. Boutc'ou Lezenneu hac e gommand; bout-c'ou ré-ral hac e zihuèn. Manquein a obér er péh zou commandet, e zou ur péhet a omission : gobér er péh zou dihuènnet, e zou ur péhet a action; rac ma hès é quement péhet-c'ou, un act ag er volanté dré béhani en ham arrestamb libremant pé de chongeal én un dra dihuènnet, pé de zezirein un dra dihuènnet, pé de gonz ag un dra dihuènnet, pé d'obér un dra dibuènnet. Péhein e ramb enta quel liès guéh ma cousantamb, pé ma hum laquamb a vat ha libr volanté én dangér a gousantein d'ur chonge, pé d'un dezir, pé d'ur gonz, pé d'un action, pé d'un omission e ouiamb, pé e eèllamb hac e zeliamb gond e zou contrel de Lezèn Doué.

Bout-ç'ou deu sort péhet : er péhet Originel hac er péhet Actuel. Er péhet Actuel e zou en bani e

ra peb-unan ag é vat ha libr volanté, goudé bont deit d'en oaid a ræzon; de laret-é, ur chonge . pé un dezir, pé ur gonz, pé un action, pé un omission cousantet inemp de Lezèn Doué, pe inemp de Lezenneu legitim en dud carguet a berh Doué eit condui hun affærieu spirituel pé tamporel. Me lar en hani e ra peb-unan ag évat ha hbr volanté, eit rein d'antand penaus, eit ma vehèmb cablus a béhet, réd-é ma houiehèmb, pé ma vou dré hur faute ma ne ouiamb quet, é ma dihuènnet er péh e chongeamb, pé e zeziramb, pé e laramb, pé e hroamb. pé é homb obliget d'ober er péh e vanquamb a ober; hac opèn, ma cousantehèmb én ur mod benac d'er gober, pe d'el lausquein hemb er gober. Me lar boah goude bout deit d'en oaid a ræzon, eit rein d'antand penaus, er-ré n'ou dès quet en usage ag ou rezon, n'eèllant quet ordinæremant péhein; él mei er vugalé péré ne ouiant quet hoah dissorh en droug doh er mat, en dud innoçant, un dén cousquet, ha memb un den meauet dré avantur hemb ne vai é mod er bet dré é oal. Me lar me béhant quet ordinæremant; rac bout-c'ou circonstanceu ma ta un dén de vout cablus a béhet, penans-benae n'en devai quet ér momant-cé en usage ag é ræzon. Par-exampl, un dén cousquet hac en dès fai huséeu, e zou dré-zé cablus a béhet, quel liès guéh ma hum laq ag é vat ha libr volanté én occasion d'en dout int. Un den meauet dré é oal, e béh dré en ol droug e ra ér stad-cé, deusta n'en devai quet en usage ag é ræzon : rac ur uéb ma vai meauet ag é . vat ha libr volanté, ean en dès cousantet d'en ol drougueu e eèll gobér diarben é ivraignereah. Pihue-benac e hum laq ag é vat ha libr volanté én occasion a béhein, e gousantt, a guement ma heèll,

d'er péhet, ha me chongehai quet ean ér péhet ér momant ma couén guet-t'ou. Dré er memb ræzon, piltue-benac e vibue én acustumance a béhet, ha te laqua quet poén d'hé zorrein, e zou cablus ag en ol fauteu e arribue guet-t'ou dré er suitt ag é acustumance, ha ne chongehai quet ean én-hi ér momant ma couéh. Cablus-é ha cablus vou durand ne renonciou quet sinceremant d'é acustumance, ha n'impléou quet er moyandeu jaugeabl eit hum dènn a nehi.

· Ol er péhedeu actuel e zou pé marvel pé veniel. Arribue e rant pé dré ignorance, pé dré fragilité. pé dré valice. Ou hommettein e rér pé dré chonge. pé dré gooz, pé dré zezir, pé dré action, pé dré omission. Péhein e rér non pas hemb quin a pe rér en droug, mæs hoah a pe rér léh d'er-ré-ral d'er gobér; èl mei er-ré e gommand er gobér, pé e ra conseil, pé secour, pé en tu d'er gobér, pé e vel er-ré er groa, pé ou soutir, pé n'ampechant quet en droug a pe eèllant, drès peb tra, a pe vér obliget de guemènt-cé. Rnc, é-mé S. Paul, Er-re e ra droug, e veritt er morhue; non pas hemb quin er-re er groa, mæs ehue er-re e gousantt guet er re er groa. Anfin bout-cou seil péhet actuel, e hanbuér Capital, rac m'en dai a nehai é ta en ol péhedeu-aral e cèller commettein, èl er branqueu ag er chouche É hamb d'expliquein er péhedeu-zé.

ARTICL I.

Ag er Pehet Originel.

En péhet Originel e zou en hani é péhani é homb bet ol conceuet hac a béhani hur hettan tad Adam en dès hur rantet cablus. Adam hac Eve e oni het crouéet ér stad a bræce hac a innocance revé en inean, ha revé er horv, hemb bout chujet de glinhuet na de boén er bet, na nemb d'er marhue. Ol é vezemb bet crouéet ér stad beurus-cé, pe n'en devezai quet Adam diaboeisset de Zoué. Mæs en diaul péhani é clasq hum sehuel, e oai déjà couéhet én abim éternel, e gueméras ivi doh bonheur Adam, hac eid el laquad de gouéh ag é stad heurus. ean e solitas Eve de zaibrein ag ur frehèn en doai Doué dihuennet doh t'ai. Eve e sèntas doh er goalsperet : e zaibras, hac e ras d'Adam de zaibrein. Quentéh é couéhezant ag ou stad heurus a hræce hac a innocance: Doué ou bouttas ér mæzag er Baraouis terrestr, hac ou bontraignas de hum denn en ur goignel ag er bed eid ouilein ou fehet, eit distrampein ou bara guet en huis ag ou horv; hac e gommandas d'en doar discoein dehai partout traceu ag ou féhet. Quentéh ou speret e hum gavas lén-a ignorance, ou halon lén a inclination d'en droug, ou horv chujet d'er miserieu ag er vuhé, d'er hlinhuedeu, ha d'er marhue. (Histoër en ancién Testamand, Figur III ha Figur IV.)

Adam hac Eve n'en dint quet bet ou hunan cablus ag ou diaboeissance; ol en dud èn des pehet e Adam, é-mé S. Paul, hac er péhet-cé e hanhuér Originel. Ol é tamb ér béd cablus ha lodèq én-ou: n'en dès meid er Uériès Vari e zou bet gorantet a nehou dré ur græce particulier. Chetui penaus, é-mé S. Paul, é ma deid er pehet ér bèd, ha dré er pehet er marhue; hac opèn, er vocèn, er guêrteri, er brizél, er haz, er malice, er hlinhuedeu, er goal amzér, en trebilleu hac en ol miserieu-aral, de béré é homb ol chujet durand er vuhé-men.... Conside-

ret peguemènd é puniss Doué er péhet ér béd-men, ha douget ean; rac ér béd-aral é vou hoah tourmantet rustoh er péhour.

ARTICL II.

Ag er Péhet Marvel.

Penaus-Benac m'en dai diæz bras, èl ma lar S. Augustin, difforh er péhet marvel doh er péhet yeniel, sur-é neoah é hès péhedeu e zou marvel, ha ré-ral n'en dint meit veniel. Er péhet marvel e zou un diaboeissance de Lezèn Doué én un dra a gonsequance chonget, pé deziret, pé laret, pé groeit, pé manquet guet cousantemant parfæt. En hanhuein e rér marvel, rac ma ra er marhue d'en inean en ul lemel guet-hi er vuhé spirituel, ha ma veritt er marhue éternel. Me onair assès hun inean ne varhuou quet : mæs hi hé dès hoah ur vuhé spirituel, péhani e gonsist é græce Doué; hac ur uéh ma commettamb ur péhet marvel, hun inean e goll græce Doué, hac e cess a vihuein ag er vuhéhont a béhani é conzai. S. Paul a pe larai : Nen dai quet me e vihue, mæs quentoh Jesus-Chrouist e vihue én-n'an. Dré ur pébet marvel hemb quin hun inean e za de voud enemis de Zoué; coll e ra caranté Jesus-Chrouist, hac er meritt ag en olævreu mat hi dehai groeit ér-raug. Rac. é-mé er Speret-Santel. Mar da d'en den just quittad e vuhevat ha gober ur pehet marvel...en ol vad en dou groeit a quent, e vou aneocheit eit-t'ou. Ne faut meid ur pehet marvel eit bouttein Doué ér mæz ag un inean : rac Doué n'eèll quet chom él léh ma chom er péhet-cé. Hou pêhedeu, é-mé er Prosæt Isai, en des groeit un disparti itre Doue ha hui.... Havat vehai doh hok vuelet, e heh bihue; mæs e gurionne marhue-oh. Pihue-benac e varhue guet ur péhet marvel hemb quin ar é gouciance, e vou dannet durand un éternité.

Mæs pegource é vai marvel ur péhet? A pe vai é fæd a dra a gonsequance ha m'er hommetter guet cousantemant parfæt. Seèllet e rér èl treu a gonsequance ol er-ré zou dihuènnet pé commandet idan boén a goll caranté Doué : rac n'en dès meid er péhet marvel e ra gronce hé holl. Rac-cé a pe lar Jesus-Chronist én é Aviél, malheur d'un dra-benac. ni e seèll quement-cé el tra a gonsequance : a pe lar er Scritur sacret penaus er-ré e ra en dra-hont pé en dra-men, n'antréeint quet en Nean, ni e seell quement-cé el tra a gonsequance : ol er péh zou dihuènnet idan boén a escommunication, e zou ehué tra a gonsequance : énur guir, tout er péh e forban carante Doué ag un inean, e zou tra a gonsequance; ha mar hum gav guet quemènt-cé cousantemant parfæt, chetui quemènd èl e faut eit gobér ur péhet marvel. Guhavé n'en dai quet requis ma vou parfæt er gousantemand ér momant memb ma commettérer péget ; mæs assès-é ma vou bet cousantet à vat ha libr volanté d'er péh e vai bet caus d'er péhet Bout-c'ou hoah certæn treu ag ur gonsequance quer bras ma hès péhet marvel ha ne vehènt quet groeit guet cousantemant parfæt. Rac-cé é castiai en llis quer rust er-ré e renéai er Fé guharal guet eun a vout tourmantet. Ut lod vad e gred é vent excusabl a béhet marvel rac ma cavant de laret é vai en hærr ag en tantation, pé en dougeance estrange en devai int douguet d'er hommettein, mæs en ou devai quæ ér momant memb m'ou devai ean groeit. En dud-cé e hum dromp a vras : rac ur uéh ma vai é sæd a dra a gonsequance, en hærr ag er goal inclination, pé en dougeance ne vir quet n'en dint libr de gousantein, pé de resistein. A vat ha libr volanté è rant en action; ha guel vai guet-t'ai sèntein doh ou imur ha fantazi eit cheleuet Lezèn Doué en un dra a gousequance. Péhein e rant enta marvelemant; ha laret er hontrel e vehai digueor en or d'el libertinage.

Me ouair ne vér quet ol ér stad de zifforh petra zou a vras consequance doh n'en dai quet. Mar doh ér stad-cé, ne feheoh quet gobér guel éit dizolein reihan ha brahuan ma heèllehait, hou c'affær d'ou Covezour, ha tremén dré er péh e gonseillou deoh. En dischærationeu faus e rér é Covezion, e zou pèncaus d'en darn muyan ag er sacrilegeu. Rac ur uéh ma cav er goal-speret en tu de durel un dén ér péhet marvel, ean e implé é ol ardeu eit miret doht'ou a hum accusein el ma faut, eit en derhel perpet ér péhet has en inclination d'er péhet. Eit ne vehait quet trompet, quentéh èl m'hou pou bet er malheur d'obér ur péhet marvel, hum humiliet dirac Doné; goulènnet misericord ha pardon dré vériteu Jesus-Chrouist; quêret prestan ma heèllehait, de gavouet bou Covezour: disoleit tehou perhuéh er stad a hou couciance guet humilité ha Contrition, ha reparet er Sacremand a Benigen er péh e hoès collet dré er péhet. O Grechénion! e lar S. Augustin, ha hui e hoès hoah nitraïq a druhé dohoh-hui memb? Hui e ouil d'ur horv a p'en dès é inean er huittet, ha ne ouilet quet a p'en dès er pé-het marvel contraignet Doué de gùittad hou c'inean? Hou tareu ne resusciteint quet er horv-cé; mæs er-rée scuillehait ar bou péhedeu eit ou effacein, e resuscitou græce Doné én hou c'inean.

Rai hir vehai conz amen ag er malheurieu en des stleiget hac e stleige hoah er péhet marvel ar é lerh. (Leinet er Chapistreu III, IV, V ha VI ag er Resexioneu ar er pedair sin dehuehan.)

ARTICL III.

Ag er Péhet Veniel.

En disferance e zou itré er péhet marvel hac er péhet veniel, e gonsist é quemènt-men : er péhet marvel e gommand ér galon hac e forban gronce a nehi er garanté a breferance e zou deliet de Zoué drès peb tra. Mæs er péhet veniel e lausq hoah er galon mæstrès a nehi hé hunan, dré ma hoarn hoah er garanté-zé a breferance e zou deliet de Zoué. Er péhet veniel ne lam quet enta gronce hé buhé spirituel guet en inean, penaus benac ma yein ha ma hoanna caranté Doué én-hi; hac el-cé er-ré ne rant quet calz a gas eit commettein péhedeu veniel, e ra un droug bras; rac er péhet veniel e ra offance de Zoué; rac, émé er Speret-Santel, er-ré ezispris er péhedeu bihan, e gouéhou a nebedigueu é ré vras, ha rac ur péhet e gredér ne vai meit veniel, e hum gav liès de vout marvel, pe vai examinet mad en ol circonstanceu a nehou.

Bout-c'ou deu sort péhet veniel, ré e rér dré ur gùir fragilité; en dud santellan n'en dint quet én abri doh er sort-zé; rac er-ré just, é-mé er Speret-Santel, e gouchou seih guch, de laret-é, liés én dé, mæs quentéh ind e sauou a nehai. Ré-ral e gommetter esprès, a vat ha libr volanté, èl mei, revé S. Augustin, daibrein pé ivet hemb dobér; conz mui eit ne faut; colf en amzér é laret conzeu inutil,

chom ér gulé a pe vai mall sehuel de bedein; bout rai friand ha tantet guet er bouéd mat. Laqueit hoah guet er-ré-zé el lizidantæt ha parèss é peèllad er chongeu fal ag en isprit; (ne gonzan quet ag er chongeu inemp d'er burtæt, d'er Fé, de Zoué, etc. Rac er parèss é peèllad er sort-zé, e zou quasi attàu péhet marvel.) Me gonz ag er chongeu a yeinnion doh en Nessan, ag er chongeu a hloër, a ivi, a zisprisance, a hum glèm eit tra distér a hur méstr: me gonz hoah ag en dibarfætioneu pé parèss é terhel hun isprit én hur pedenneu; ag er gueuyér distér; ag en attahign e rér d'er-ré-ral eit hoarhein; ag er goab, en dambrîs e rér a unan-benac....

Ne seèllet quet er péhet veniel èl ur bagatèl, ha ne laret quet en hou calon : Me fehedeu zou dister ; ne ran quet droug vras é chom én-ai. Ne ret quet droug vras, é-mé S. Bernard? Ah! quement-ce zou un obstination veritabl, ur blassæm inemp d'er Speret-Santel. Rac-cé é lar S. Augustin ne vehai quet quer bras droug revinnein ha distrugein er béd ha quement tra zou ol, el offancein Doué dré ur péhet veniel : rac en distérran offance groeit d'er Hrouéour, e zou goah eid en ol drougueu e eèllehai couéh ar en treu crouéet.... Er péhet veniel e gouchi en inean, hac e oanna én hi caranté Doué. Bout-c'ou péhedeu, é-mé S. Augustin, péré ne lahant quet en inean, mæs neoah int he houchi, he golo a oulieu, hac e vir doh Doue a he cherissein Er péhet veniel e gondui d'er péhet marvel, dré ma yein caranté Doué, ha ma ra d'en inean coll hilleil a græceu actuel, pérézou requis dehieit resistein guet courage ha perseverance doh en tantationen creihue.

Er pehet veniel ne véritt meit poénieu tamporel; mæs eit quement-cé ne ouhèmb quet a hanamb hun hunan, na dré hur mériteu propr, hur boud er remission ag er fauteu distérran e arrihue guenemb de bep cource. N'eèllamb bout pardonnet a hur péhedeu pé marvel, pé veniel, nameit dré vériteu Jesus-Chrouist. Doné eit discoein demb en offance e ra debou er péhet veniel, en dès ean liès punisset én ur fæçon terribl. Moès Loth eid ur seèl curius, e oai bet changet én ur yoh halén: Moyse eid ur mini-défiance, e varhuas hemb antréein én doar a Chanaan e oai bet quel liès grateit tehou: David eid un tamiq vanité, e gollas é tri dé dré ur vocèn ter-

ribl, tri-uguent-mil ag é bobl.

Mæs désquênnet a speret er Purgatoër, ha marcé hui e gomprenou petra-é er péhet veniel. Eit sauteu e seèllamb èl tra distér, Doué e buniss inou inéanneu santel, ineanneu é amiet, dré un tan rustoh ha calettoh eid ol er péh e eèllehèmb hur bout de soussrein ér béd-men. Doué en dès permettet ma vezai diæz dissorh, ahoèl é certæn treu, er péhet veniel doh er péhet marvel, eit ma vezèmb bet guel ar hur goard doh peb sort péhet. Mar caret enta en Eutru-Doué, hui e zeli quêntoh merhuel eid en offancein é mod er bet. A pe gouéhet én ur saute benac, groeit bean un Act a Gontrition, queméret ur bénigèn jaugeabl eit hum bunissein a nchi, hac eit miret a gouéh én un aral. Ma ne ret cas ag er péhet veniel, ean hou condayou d'er péhet marvel, ha d'er marhue éternel. En hani e gar Doué, é-mé er Scritur, ne zispris nitra, eit pligein dehou parsætemant.

ARTICL IV.

Ag er Pehedeu a Ignorance.

Bour-ç'ou calz a dreu ne ouyamb quet, ha n'en domb quet obliget d'ou goud; rac-cé ne vehèmb quet rescondabl a nehai dirac Doué. Mæs bout-c'ou ehué e eèllamb hac e zeliamb goud, hac ag er-ré-zé é homb rescondabl. Mar dai dré hur faute ne ouiamb quet er péh e cellamb hac e zeliamb goud, n'en domb quet exant a béhet quel liès guéh ma hroamb dré en ignorance-zé un dra benac inemp de Lezèn Doué, pé de hani en llis. Mar dai question ag un dra diæz eid omb de zésquein, hun ignorance e ziminu er péhet: mæs mar dai quêstion ag un dra hur bezai eèllet forh æz désquein, hun ignorance é léh bihannad er faute, hé hrésq hoah guhavé, dré ma joent ur péhet a lizidantæt ponnér ha yeuhêq guet un diaboeissance de Lezèn Doné. Par-exampl, peb-unan e zeli goud é ma ret hanauein, carein ha chervige Doué, ha jamæs en offancein : é ma ret carein, inourein ha respettein hun tad hac hur mam : ne faut gober d'er-ré-ral meid èl macarehèmb ma vehai groeit demb-ni memb. Peb unan e eèll hac e zeli goud ne faut gobér infamité er bet inemp d'er burtæt, na guet-t'ou é hunan, na guet ré-ral. Couciance er-ré e gomniett er sort torfæteu zé, ne vang quet a ou fiquein, ma carant hé cheleuer : rac Doué en dès scribuet el lezen a burtæd é calon peb-unan : hanhuet-é el lezen naturel, ha Doué ean memb n'eèll quet hun dispansein a hé accomplissein. Peguement neonhag en oaid a groaidut, pé én ou yountiss, e hum gouchi dre beb sort lousteri, hac e grèd bout divlam é sigur ne oai quement-ce meit bugaléage, pé ne oni meit l'ai ou

hunan! Peguemènd e gousantt hemb scrapul d'un afin a oal chongeu, é sigur ne garehent quet gobér er péh ou dès én ou speret! Peguemènd ér stad a briedereah e hum abandon de bep sort infamité, én ul laret é ma tout permettet! Douget a hum drompein esprès, hac a hum goll.

e Er Bavannet, é-mé S. Paul, en doai hananet · Doué dré er péh e uélènt dirac ou deulagad : (rac e er béd zou èl ul livr caër, é péhani é heèll pebunan goud leine). Mæs rac n'ou dès quet prezet en inourein èl ma telient, ha m'ou des bet recour · doh er goal-speret dré ou superstitioneu, Doué en dès ind abandonnet d'en dalledigueah ag ou speret, d'er fallanté ag ou halon, ha d'ou dezirieu méhus ha criminel; ha disinouret ou dès ou · horv dré bep sort infamité : ha dré ou dalledi-· gueah é mant deit de vout tud avaricius, paillard, malicius, ivius, multrerion, attabignus, rappor-« terion, goal gonzerion, corromplet én ou buhé. enemiset de Zoué, prest de sal obér d'er-ré-ral. direspet ha diaboeissant d'ou zad ha d'ou mam: e én ur guir, tud hemb avis, hemb henestiss, hemb caranté, hemb fidelité, hemb truhé. Chetui petra e ra en ignorance. Hui e vlam er Bayannet rac n'ou doai quet cheleuet ou houciance, na sèntet doh er scierdér ag er ræzon, péré e zeliai assès rein d'antand tehai é hoènt péhedeu. Ha hui e grèd é vehait-hui divlam, rac m'hou pou mouguet er rebræche a hou couciance? Er hatecheneu, en instructioneu e hoès cleuet, en aviseu mad e zou bet reit teoh é Covezion, e zou hoah quel liès a voéh e hum sàu inemp teoh eit hou c'acusein. Brassoh ha criminelloh-é hou talledigueah eit hani er Bayannet. Me ouvir é hès paud a dreu n'en dint quet scri-

huet èl-cé én donn a bur balon, ha ne vou quet goulènnet contt guenemb a nehai é Jugemand en Eutru-Doué, pé rac n'en domb quet obliget d'ou goud, pé rac ne vern peguemènd a boén hur bou queméret, n'hur bou quet eèllet ou désquein. Mæs a fæd er Misterieu principal ag el Lezen'a Grechéneah, peb-unan zou obliget d'ou goud idan boén a zannation. Ne vehèmb quet cheleuet de laret: Nemès quet eellet ou desquein... Ancoeheit int teign... Eit pihue é rér er Hatechén? Ul lod vad en dès mui a zobér eid er vugalé, a monet d'er hleuet. N'en dai quet erhoalh en désquein, hac en ancoehad goudé: n'en dès dén n'en dai obliget idan boén a zannation de oud beed er marbue er Misterieu principal ag er Religion, hac er Sacremanteu e zeli peb Crechén receu. Goud e ran hoah é vér guhavé ambarrasset a gaus de dreu ne ouiér quet hac ind e vai mat pé droug. Arrihue e ra liès quement cé ér hontradeu, ér marhadeu, é certæn actioneu inemp d'en honestiss, ér remedeu doh en dud, pé doh lonnet... Goulènnet nezé avis guet tud abil hac a gouciance vat. Rac er-ré e ya d'ou chonge, mat pé droug èl ma vou, e gouéh liès é trompereah en diaul.

Deliet-é deoh guélet bermen dalledigueah estrange hilleiha dud, pérégoudé m'ou dès commettet er péhedeu horriplan, e lar ne zougeant nitra, ou houciance ne rebræche nitra debai... Naren, rac dré sorh péhein ind ou dès hé mouguet, ha bermen haval guet t'ai ne béhant mui : pé goudé m'ou dès hum gouchiet dré en infamitéeu abominaplan, ne berzant quet ou hovessad, hac ind e grèd é mant quitt én ul laret, ne ouyènt quet é hoènt pehedeu a p'ou groent. Mæs en dud-cé e zeliehai considérein ne vér exant a behet meid é quemènt ma heèl-

lér laret : n'eèllèn na ne zelièn quet goud é hoai péhet... Honnéh-é er regl e zeliet é couciance héti.

ARTICL V.

Ag er Péhedeu a Fragilité.

Pénein e ret dré fragilité a pe hum lausquet de monet d'er pehet dré en hærr ag un tantation; creihue; el a pe laret ur fal gonz én ur gohad colér; el a pe ret ur faute pé ma vanquet én ou tevær, guet eun ag ur holl pé domage benac; guet eun a vout goapeit, pé décriet, pé disinouret; guet eun a zisplige, pé a goll un ami mat, pé guet eun a vout goal drætet. Dré ur fragilité el-cé é nahas S. Pierr é Væstr.

Guæd e gouéh ag er sort péhedeu-zé guet en ineanneu lache ha goann, péré ne zalhant doh ou resolutioneu meidé quemènt ma ha tout d'ou chonge ! Guæd e zou ehué a fal Grechénion péré e drahiss bamdé Jesus-Chrouist, guet eun a goll ur marhad pé ur fal brocèz benac; guet en dezir de ounid ar goust er-ré-ral, de hum denn ér béd dré finèss, de hum excusein ag un droug groeit, pé eit peèllad ur fal affær benac a ziar nebai; pe guet eun a gouéh idan conzeu en dud hac a vout discoeit guet er biz... Ha hoah é mant dall assès eit chongeal n'ou dès quet péet; rac, é-m'en dint, er-re n'ou des quet, e qurehai ou devout... Er-re zou e fal affær, e garehai boud er mæz... Er-re zou clan, e garehai boud yah... Quasi requis oai gober el-ce... Red-é hoah laret n'en dai quet péliet en trompereab, er multr ha cant péhet aral e gommetter hamdé é sigur meint necessær eit hum denn, pe ma ver forcet d'ou gober...

El pe vehai cavet jamæs ur ræzon legitim d'offansein Doué: èl pe vehèmb quet obliget d'er harein mui aveit hur madeu, hur hærènt, hun amièt, hur buhé, ha mui eit quemènt tra zou ol: èl pe ne zeliehèmb quet bout perpet én disposition de verhuel quêntoh eid en offansein! É gurionné, distérræd-é en nombr ag er-ré e gar Doué a greis ou halon, drès quement tra zou! Hilleih el lar; mæs diband en accompliss.

ARTICL VI.

Ag er Pehedeu a Valice.

Ne gonzan quet amen ag er malice e oarn er fal Grechénion doh ou enemiset. Ne gonzan meid ag er péhedeu e rér esprèss, dichonge caër, dré fal volanté, èl ma ra certæn tud, péré e hum rejouiss a p'ou dès fal hroeit, hac e hum vantt ag ou brassan fallanté: pé er-ré e hanàu assès volante Doué, hac er péh e ordrén debai; mæs ne vennant quet er gobér, na ne hum sourciant quet bligein dehou.

· Pehein guet ur malice certæn, e-mé en Doc-· tor S. Thomas, e zou choæge en droug, pé dis-

troein of er péh è éllehai tènnein er péhour ag
er péhet : de laret-é, volanté désordr er péhour

e gar mui en treu tamporel, èl mei en danne'.

er faus plijadurieu, etc., eit ne gar pé er scler-

dér ag er ræzon, pé Lezèn Doué, pé Caranté Doué, etc. Rac-cé é vehai gûel gaet-t'ou gobér

e gueu dob é inean, eit souffrein ur holl-benac én

e é vadeu tamporel, pé én é fal plijadurieu : pé

e ean e choæge andur ur holl spirituel, eit en dout

· pé ur profitt pé ur blijadur tamporel. •

Er péhedeu-zé zou brassoh, peb-unan d'é sort, eid er-ré a béré en e mès conzet ihuelloh, dre m'ou groér esprèss guet hanàuedigueah splann; ha S. Thomas ou galhue péhedeu groeit guet malice certæn. Er sort-zé zou inemp d'er Speret-Santel, ha ne veint quet pardonnet. é-mé Jesus-Chrouist, ér béd-men, nac ér béd-aral; de laret-é, diæz braz int de vout pardonnet, rac m'en dint un disprisance ag er græceu ha secourieu e ra demb er Speret-Santel, pé eit peèllad ha dihoal doh er péhet, pé eit hum dènn a nehou a pe vai commettet.

Bout-c'ou, revé S. Thomas, huéh péhet inemp d'er Speret-Santel. 1°. En désespoér: 2°. Er bresomption: 5°. En ahurtemand e goal stad: 4°. En obstination: 5°. Hum sehuel inemp d'er urionne hunduet: 6°. En ivi doh mat spirituel hun Nessan.

- Ou difforh e rér en eil doh éguilé revé ma rant
 d'er péhour pé distroein pé disprisein er péh e
 - der penour pe distroein pe disprisein er pen e
 vehai capabl d'en tènnein ag er péhet, pé de vi-
 - ret doh-t'ou a er hommettein. 🕨
 - 1°. Dré en Espérance e hum dènn er péhour • ag er péhet, a pe za dehou hum chongeal ha
 - considerein misericord en Eutru-Doué, péhani e bardon er péhedeu, hac e recompance er mad
 - e pardon er penedeu, nac e recompance er mad
 e rér. En Espérance-zé e gollér dré en désespoër,
 - péhani e ra d'er péhour malheurus laret avel
 - Cain: Rai vras-e me fehet eit ma vehen pardon-
- e net a nehou guet Doué. Mæs ean e zeliehai considerein é ma hoah brassoh misericord hun Tad péhani zou én Néan, hac é ma perpet prest de bardonnein.
- aº. Er péhour zou distroeit ag er péhet dré en
 dougeance, a pe za dehou considerein justice en
 Eutru-Doué, péhani e buniss er péhet : hac en

dougeance-zé e gollér dré er bresomption, pé-· hani e arrihue a pe chonge unan-benac é heèll e gounid en Nean hemb laquad poén d'obér ævreu mat, pé é vou pardonnet ag é béhedeu hemb pénigèn. Dré er bresomption zé é ta er béherion d'obér outrage d'er Speret-Santel, a pe laquant termén eit hum gonvertissein; èl pe vehai en amzér ha græce Doué é dalh guet-t'ai. D'er-ré-zé-é é lar Jesus-Chrouist: Hui em hlasquou, ha hui e

varhuou en hou pehet.

· 3º. Ag en donæzoneu e ra Doué d'er péhour e eit hum dennein ag er péhet, bout-ç'ou deu sort : e er hettan zou en hanauedigueah ag er urionne. c inemp de béhani en hum sau er péhour a pe gome bat, pé ma hassai nahein ur urione handuet èl · Articl a Fé, eit bout liproh de béhein. El-cé é ta er fal Grechénion d'ohér goab a Aviél Jesus-Chrouist, a pe zecriant guet malice er peh zou santellan ér Religion, a pe daulant ou velim ar en dud a Ilis, a gaus d'en ansaignemanteu e rant tehai, a pe zisprisant er benigen, ha ma larant : N'en des quet a ihuern... Ou lorhein e glasquer... Red-e de beb-unan vantein e varhadoureah .. Perac ne nahant-ind ehué en heurustæd ag er Baraouis? Er memb Doué en dès revelet unan, en dès chué revelet aral; ha mar meritt bout credet a pe lar é hès ur vuhé heurus de virbulquia én Nean, ean e véritt ebué bout credet a pe lar é hès én ihuern un éterpité a boénieu. Chetu petra zou caus de gondannation er sort tud-zé, é-mé S. Yehan, er sclerder zou deit tehai assès eit gober mat p'ou devai caret; mæs ind ou des caret guel en tihoeldæd ag ou dalledigueah, eid er sclerder : rac ou obedereu e ogi fal.

e 40. En eil donzezon zou er secour ag er græce a interior, inemp de béhani é ma en ivi doh sante-· leuh en Nessan: de laret-é, er péhour n'en dès quet hemb quin ivi doh é Nessan; mæs caz-é hoah guet-t'ou guelet græce Doué e cresquein ér • béd. • El-cé é ta er fal Grechénion d'attahignal er-ré santel, d'ou disprisein ha d'obér goab a nebai. Un taul caër é cavant mar eèllant laquad un dén santel benac d'offancein Doué : goab-é guet-t'ai cleuet conz ag er Missioneu, ag er Retrædeu, ag en Devotion.... En diaul ne ra quet goah. Dre ivi en diaul e ma deit er marhue er bed-men, é-mé er Speret-Santel.... Hac en hant e hum blige e huelet revin ha coll un aral, ne chomou quet kemb bout punisset... Ur guir garacté n'en dai jamæs ivius. Ne faut quet enta gober el Cain, pehani e oai croaidur d'er goal-speret, hac e lahas e vrær. Perac en el lahas ean? Rec e obereu ean e oai fal, ha re e vrær a oai just, mat hac agréet guet Doué.

a 5°. Deu dra e eèll hoah secour er péhour de hum dènn ag er péhet: 1°. En desordrag é fal action, 2°. Hac er méh ag er péhet. Rac quê-e mènt-cé e ra d'er péhoùr distroein doh-t'ou é hunan, mar hum laq erhad de hum chongeal ha de hum gonsiderein. Inemp de guemènt-cé é ta en ahurtemand é goal stad, hemb prézein gobér pénigèn. > Ur uén ma vai couénet ur péhour ér stad miserabl-zé, ne brez quet mui cheleuet er Speret-Santel é crial ar-néhoù : Ne dardet quet ur hum genvertissein; ne laquet quet termén a zé de zé, rac calèr en Eutru-Doué e gouchou ar-n'ah év un taul, hac en dé ag é vanguance onn hou vollou.

En eil tra e eèlt secour er péhour de hum

En eil tra e cell secour er péhour de hum
 dènn ag er péhet, e zou en distér ha bèrr avan-

c tage e eell cavouet én-ou... Inemp de guementcé é ma en obstination, dré béhani é ta er péhour e de zerhel don er péhet. » El-cé é ta er péhour de vout enemis dehou é hunan, hac en hum obstin de vout malheurus ér béd-men hac ér béd-aral. Rac ur néh ma couéh ér stad-cé, caër zou en avertissein, ne sentt meit doh é fantazi. Ean e resist doh er rebræcheu ag é gouciance : ean e seèll ur Hovezour cheritabl. èl un den nehançus, hac e ra goab a nehou. Ah miserabl! did-é é lar er Roué Profæt: Mar cleuet hogh both en Eutru-Doue, ne galettet guet hou calon.

Examinat bermen a-be-ban é ta deoh couéh lièssan ér péhet : rac ol er péhedeu e zou pé péhedeu a ignorance, pé péhedeu a fragilité, pé péhedeu a valice. Er péhedeu zé zou pé inemp de Zoué, pé inemp d'en Nessan, pé inemp demb-ni hun hunan. Ou hommettein e rér pé dré chonge, pé dré gonz : pé dré zezir, pé dré action, pé dré omission.

ARTICL VII.

Ag er seih Pehet Capital.

En seih péhet Capital, pé èl pe lareheoh, er seih pèn ag er péhedeu, e zou : 1º. En orgueil; 2º. En Avarice: 3º. Er Paillardiah, 4º. En Ivi; 5º. Er Gourmandiss: 6°. Er Golèr: 7°. Er Parèss. Ou banhueio e rér Capital, rac peb-unan a nebai e zou ur vamen frontal a hilleih a behedeu aral, ha rac a nehai é ta en ol péhedeu e eller commettein.

Ag en Orgueil.

En Orgueil e zou ur garanté deserdr en dès un

dén doh-t'ou é hunan, ha doh en avantrgeu e grède en dout drès er-ré-ral, e ra dehou hum istimein mui eit-t'ai, ha clasq hum sebuel ihuelloh eit-t'ai.

En orgueil zou er hettan, er brassan, hac en dangerussan ag en ol péhedeu. Er hettan-é, rac ean-é bet péhet en diaulet, hac hani hur hettan tad Adam. Er brassan-é, rac en orgueil drès en ol péhedeu aral, e hum guemér a ben-caër doh Doué, hac ol er péhedeu aral e zou ur suitt a hennéh. En dangerussan-é, rac, èl ma lar S. Augustin, en orgueil e hum voutt ér vertuyeu memb. En hur halon é tougamb er vamèn a nehou; hennéh-é er vince dehuehan a béhani en hum gorrigér, hac ur uéh ma hourièn én ur galon bet-ha commandein én-hi, en er seèllér ordinæremand èl ur merche a zannation Eèllein e rér couéh er péhet-cé é pedair fæçon:

1º. A pe hum hlorisiamb én-n'amb hun hunan ag er péh hun nès, hemb obligation er bet de Zoué, pé ma hum gomportamb èl pe n'hur behai receuet nitra guet-t'ou. El-cé é tamb de hum hlorisiein a hun nærh, a hur vaillantiss, a hur danné, a hun isprit, a hun abiltæt, èl pe ne vehai quet guet Doué en hur behai int receuet? Petra e hoès hui n'hou pehai receuet, é-mé S. Paul? Mar e hoès intreceuet, perac en hum hlorisiet-hui a nehai, èl pe n'hou pehai quet int receuet?

2º. A pe chongeamb en hun nès méritet mad un dra benac hun nès receuet mui eid er-ré-ral, hac é ma en Eutru-Doué deléour demb. En dén humbl e hanàu n'en dès nitra a vat hemb græce Doué, ha n'eèll a nehou é hunan meritein nitra. En effæd, n'en domb meit corrompl ha misér, hemb bout capabl, èl ma

lar S. Paul, d'ober ur chonge mad eid en Nean, ma ne za Doue d'hur secour dré é bræce. 3°. A pe hum vantamb a avantageu n'hun nès quet, hac e fal demb ma vou credet en hun nès int. En dén humbl e guh peèllan ma heèll en donæzoneu en dès receuet guet Doué, ha n'ou disco meid a pe gommand er garanté. Ur vertu caër-é, é mé S. Bernard, hum zisprisein veritablemant, ha boud istimet guet er-ré-ral: mæs un defaut méhus-é ehué hum istimein, ha bout veritablemant dispriset guet er-ré-ral. En n'emb e hum istim un dra benac, durand n'en dai nitra, e hum dromp, é-mé S. Paul; rac én effæd n'en dai nitra.

4º. A pe hum gavamb mui eid er-ré-ral, ha ma tamb èl-cé d'ou disprisein ha d'obér goab a nehai. En dén humbl, sèl mui ma hum gonsider, distérroh-distér en hum gav, ha muyoh mui é histim er-ré-ral, ha mar guél un defaut benacén é Nessan, ean e chonge quèntoh a lemel en trest ag é lagad ean, eid a lemel er beudrèn a lagad é Nessan. Allas, miserablet ma homb! Ni hun nès hun defauteu-ni ardran hur hain, ha defauteu er-ré-ral dirac omb.

Ma n'en dès quet enta er-ré-ral quemènd a zanné, a isprit, a nærh, a vaillantiss, mar dint stropiet pé mahaignet, ne ret quet goab a nehai; Doué en dès permettet ma veint èl-cé rac-cé n'ou dispriset quet: Mar ou dès groeit ur faute benac, n'en doh hui capabl d'obér hoah goah, ma n'en doh secouret dré hræce Doué? Remerquet penaus ér pedair circonstance e mès merchet, en orgueil ezou quasi attau péhet marvel, drès peb tra, mar der, èl maarrihue ordinæremant, bet-ha disprisein en Nessan.

Ag er Péhedeu e za ag en Orgueil.

En orgueil eit boud ean er vamen ag en ol péhedeu, en des neoah dec branq mignon, péré zou:

1º Er væn gloër: 2º Hum vantein hemb nécessité: 5º. En hypocrisi: 4º. Chongeal bout dihaval doh er-ré-ral hac abilloh: 5º. Boud ahurtet en é chonge: 6º. Bout diæz d'accord guet er-ré-ral: 7º. En disputt: 8º. En ambition: 9º. Er bresomption: 10º En diaboeissance. Seellet mar doh teichet d'ur ré-benac: én hou calon é ma er ourièn.

1º. Er væn gloër. En orguail zou ur garanté desord en dès un dén doh en avantageu en dès, pé e grèd en dout drès er-ré-ral, hac er væn gloër e zou un hoand bras ha desordr ma vou hanauet en avantageu-zé, eit bout seèllet, intimet ha mélet. 1. En dezir-zé zou descordr a pe glasquér bout mélet eit fal actionneu; par-exampl, rac ma ivér hilleih hemb meàuein, rac ma houier corolle mæstr, pe sonnein, pé gourén, pé foëttal, pé mellad, etc. É gurionné, red-é bout scan a speret eit hum vantein guet treu e veritt quentoh bout blamet eit bout mélet. 20 Væn gloër e hoah, a pe rér actionneu mat, non pas eit pligein de Zouè, mæs eit boud istimet hac inouret; él er-ré zou curius de zésquein leine, eit ma vou laret é mant abil; er-ré e lar pedenneu caër, eit ma vou laret é houiant pedein Doué; er-ré e ra yuneu hac alézoneu, eit ma voutlaret é rant pénigèn. eit ma vou conzet mad a nehai... Me ouair n'en dai quetattàu un droug ma huélou er-ré-ral en ævreu mad e ramb: mæs un intantion e zeli bout d'inourein Doué dirac en al, ha de zoug en ol d'en inourein guenemb. Hou c'ævreu mat, e lar demb bur Salver, e zeli splannein dirac en dud, eit m'ou gueleint ha ma rantein gloër d'hou Tad pehani zou en Nean.

Ne veaih quel amoèdet, é-mé S. Paul, guet er gloër ha quet istim en dud. Rac billeih hou mêlou

dirac-oh, hac hou tisprison ardran hou cain. Eit peèllad a zohoh er chougeu a væn gloër, hac eit mouguein er vanité, goulènnet guet Doué er græce de hum bligein é vout goapeit, dispriset, anjuliet: hac a pe gouéhou ur méh benac ar-n'ah, dihoallet a hum néhancein, nac a vurmurein: trugairicait quentoh en Dutru-Doué, ma ra deoh en occasion-zé deziscar hou vanité, ha de bratiquein en humilité.

2º. Hum vantein hemb nécessité. El mei hum vantein é houier armerh, hum dénn guèl eid er-réral; pé hum vantein ag é guærent, ag é amiet, ag é ampertiss, ag er péh e rér ha ne rér quet. Un debauchet e hum vantou memb ag é fallanté, hac e larou liès mui eit n'en dou groeit, pé ag en infamité en dàs commettet, pé groeit d'er-ré-ral commettein. Ur faus devod e sàuou ihuel é Govezioneu, é Gommunioneu, é yuneu, é alézoneu, è Bedènneu.

Jamas ne hum velet, é-mé er Speret-Santel; lausquet guet er-re-ral er sourci d'hou mélein: meit-ha requis vehai deoh, èl ma hoai bet de S. Paul guharal, eit otorisein er péh e hoès de laret, pé d'obér eit gloër en Eutru-Doué. Rac doh hum vantein a hou c'ævreu mat, hui e goll er mérit a nehai; ha mar daia hou fal obéreu en hum vantet, n'en doh meid ur miserabl.

3º. En hypocrisi. Bout hypocrit, pé faus devod, e zou gobér sebland a vout mat pé guel eit ne vér, eit bout istimet guet en dud. Un hypocrit en dès sourci bras a reglein en dianvès, mæs n'en dès quet paud a soign ag en diabarh: eit bout seèllet èl un dén a gouciance vad, can e bay é zelé bihan, mæs ean e lausq er-ré-vras: can e ra er charité é publiq, hac e lair é couache: ean e hum glèm hemb cess ag en desord hac a fallanté er béd, hac e gommett

é secrèd er péhedeu brassan: ean e vourr beut peél ital treid ur Hovezour, mæs é-léh disclæriein reïh er fal blægueu ag é gouciance, eit hum humiliein ha bout pardonnet a nehai, ean e govessa fauteu er-ré-ral; ean e guh é-ré-ean, hac e hum escus a nehai guet eun ag er méh, pé a goll istim é Govezour: soldet-é guet certæn pratiquen a zevotion, a béré e conzou liès, durand ma vanq a accomplissein é obligationen brassan: mar dai peur, ean e rei en dén santel eid atrapen alézon, hac eit bout deit mad én ur hartér; mæs peèl vou liès doh er santeleah. N'en dai quet laret é péh en hypocrit marvelemand én ol circonstanceu-zé, meit-hac ean e hum chervigehai ag er Sacremanteu, eit golein er fallanté ag é vuhé criminel.

Ne laran quet é teli er fal Grechénion hum ziscoein d'en ol él me mant: quemènt-cé e vehai laret tehai rein goal exampl d'er-ré-ral; er péh n'en dai quet permettet: mæs me lar ne zéliér quet gobér sebland a vout mad eit bout istimet guet en dud, na hoah bihannoh, eit trompein ha couchi er-ré-ral. Malheur deoh, hypocrit, e lar Jesus liès én é Aviél. Ean e gomparage er sort tud-cé doh ur bé guennet hac auzet caer a zianvès, mæs carguet a gorrompl hac a lousteri a ziabarh. Haval int hoah doh bleidi goleit guet crohèn un oén; hac ur momand goudé m'ou devai hoariet rol ur Sant én Ilis, en ou guélér é hoari rol un diaul ér hompagnoneaheu. Dihoallet doh-t'ai.

4°. Chongeal bout dihaval doh er-re-ral hac abtlloh. Jamæs ur glorius ne fal dehou gobér èl er-réral : ean e ouair tout er péh ne ouair quet er-ré-ral : fæçonnieu nehué en dès attau de gonz, de douiet, de sacrein, de hum usquein, de hum alège ha de ziffædein: ean e ouair mui eid ur Perdegour, mui eid ur Hovezour hac eid é Berson. Ean e assai èl-cé lorbeip er-ré-ral, hac ou laquad de goll er Religion.

5°. Bout ahurtet en é chonge. Ur glorius, gùir pé gueu, ne héliou meid é chonge ha ne sèntou meit doh é fantazi. Caër hou pou laret tehou é ma péhet corol, fraudein, chervadein, trompein, (é spécial mar dai bet trompet), etc., mar dai teichet de guemènt-cé, jamæs nitra ne ouniehait. Mar dai ur chicannour, ne gonzou meid a procèzein doh hennont ha henneu; jamæs ne vai er guen doh-t'ou: er-ré-ral ne ouzant quet petra e larant; mæs ean n'en dai quet capabl de hum drompein... Réd-é ma vou credet... Ne hum fiet quet ar hou ç'abiltæt, é-mé er Scritur santel. Diæz-é ne vehai quet trompet en hani ne cheleu meid é fantazi.

6°. Bout diæz d'accord guet er-er-ral. En orgueil e ra d'é zén boud attau contrel d'er-ré-ral: mar fal deoh un dra, ean e vènnou un aral. Mar soul guet-t'ou, ean e hum sàuou inemp d'er urionné ha d'er mat, just èl inemp d'er gueu ha d'en droug. É blijadur-é resistein don é dud, don é véstr, don er mad e glasquer gobér en un tiegueah, en ur partage, en ur Barrèss; hac ean e gav ur missi hac ur gloër bras tènnein sourci ha poén d'er-ré-ral.

Douget un antètemant requinus èl-cé; rac a-va-ze, é-mé S. Gregoër, eta er honzeu lùem, e sau en disput, e halum er golèr en hum piq er galon, hac e collèr er peah. Mar doh ingaget én un devotion benac, ne yet quet dré ur faus gloër hac ur sod antètemant, ha disprisein devotioneu er-ré-ral, èl pe ne vehai mat meit hon c'hani. Ol é mant mat mar conduiant de Zoué; ha peb stad e zou santel, mar quemérér er boén de hum santesiein én-hou.

7º. En disputt. Ag en orgueil é ta liès-mad en dissancion. Ne ver a betra é conzer, ur glorius e vènn en doug ar en ol : ean e zalh doh en ol : réd-é ma criou ihuelloh eit hanoi, ha dré forh crial, ean e grèd en dout ræzon. Quemènt-cé e dènn liès de zisprisance, de yeinnion, de gaz, de valice, de zis-

putt, de douyereah, de foëttereah, etc.

8º. En ambition. Un ambitios e zezir attàn er péh e eèll gobér inour dehou. Dehou é ma deliet el léh inouraplan, er gonz dehuehan, en déguemér caërran: meit ma vou inouret ha ma vou er-ré-ral izelloh eit-t'ou, chetui quemend el a faut. Er merhet e zou teichettoh eit hanni, de vout ambitius, Ur voès e zougou hé frièd d'obér digueoreu caër. de hum vouttein é cargueu ihuel, de brenein dillad, léhieu caër ar zelé cuhet, eit ma vou credeten ou dès danné, eit diméein guel ou bugalé; ha nezé ind e ra goab ag er-ré e jauge doh-t'ai, hac e glasq er-ré e ra goab a nehai. Ur vèrh e sal dehi bout brahue, e laquei poén de hum alége, de hum usquein eit bragal, eit ne vou seèllet meit doh t'hi én assambléyeu ha memb én llisieu; caz hac ivi hidevou, mar guél un aral é tiffædein guel eit-hi, Liès mad a pe vou én llis, é vou hé deulagad é considérein mar bai ur-ré benac gusquet brahuoh eit-hi: ha liès é clasq bout hoanteit, mêlet hac inouret. bi e goll hé inean hac hé inour.

Boud inouret dirac en dud é fall deoh? Cheleuet er péh e lar Jesus-Chrouist: Doué e handu en donn a hou calon; er péh-zou ihuel dirac en dud, e zou abominabl dirac Doué... En hani e hum

sau, e vou humiliet ha discarret.

9°. Er bresomption e ra hazardein mui eit ne vér capabl d'obér, ha boud ingorto a vout salvet

hemb laquad poén d'obér ævren mat. Guæd a dud e hum grev èl-cé dré ou molliaheu ha reforcereah, é houren, é sehuel béhieu, é saillein, é vèllad, é hivèt par ivi péhani e ivon muyan. Guæd e gouéh houh éu ihuern dré en hardehtæt guet péhani en hum laquant bamdé én dangér a behein, èl mei é hantein tiér dangérus eid er burtæt, compagnoneaheu dissolitt, é spécial a dud youang hardéh en eil-doh-éguilé, é monèt d'en deværranceu ag er béd.... Er mod, er gustum-è, e larou ur-ré-benac..... Mæs er Speret-Santel e lar deoh. En hani e gar en dangér, è hum gollou én ou.... Ne hum sauet quet, é-mé S. Paul, ne hum hlorifiet quet é resistehait; mæs douget, ha peèlleit èl é

raug ur serpand.

10°. En diaboeissance. En orgueil e ra cavouét perpet un dra-benac de larêt pé inemp d'en hari e gommand, pé inemp d'er péh e gommand, pé inemb d'é fæçon de gommandein. Honnéh-è er ourien ag en dirangemand én tiegueaheu, ér Parræzieu, partout hac é peli-stad. Rac er miserabl brasoni-zé e laq hilleih de ziaboeissein d'on zud. de zisprisein er-ré zou drès-t'ai, ha de dorrein Gourhæmeneu Doué ha ré en Ilis. Mar arribue miserieu ér béd. credamb erhad é ma ni zou caus; rac ze brezamb quet sentein don er-ré en des Doué la queit de gommandein ar-n'amb Ma ne sentet quet, é-mé er Scritur Sacret, dok boek ha Gourhæmeneu Doue hou Mastr., peb-sert malediction e gouehou, ar-n'ah: méliquet-vehait en hou ti, méliquet-vehait en hou parq: malédiction Doue e gouéhou ar hou graniel. ar er madeu e koës dastumet, ar hou pugale, ar hou lannet, has al er peh e zou deab: ean e zegassou ar-n'ah querteri ha famin, hac e daulou e valediction ar er peh e rehait.

Digitized by Google

Peb unan enta, é-mé S. Paul, e zeli aboeissein d'er-re en des berh ar-n'amb, rac n'en des otorite er bet ne za a Zoue... En n'emb e resist doh t'ai, e resist doh Doue, e denn èl-ce ou hondannation ar nehai ou hunan. Credet enta é-ma æssoh aboeissein eit commandein.

Chetui en orgueil ha lod ag er péhedeu e za a nehou. Dougeamb ne guemérehai gourien én hur halon ha ne ouniehai ar hur speret; rac Doué e resist doh er-re orgueillus, hac e ra græce d'er-re humbl: rac ni e gouéhehai idan bili Lucifer roue er-re glorius, ha ni e zouguehai partout, revé S. Gregoë, er merche a hur dannation. Er remæd doh en orgueil e zou en humilité; vertu hemb péhani ne yehèmb jamæs d'en Néan, é-mé Jesus-Chrouist. (Mar fal deoh goud é petra é consist er gùir humilité, leinet er Chapistreu IV, V ha VI, Parti III ag er Vuhé devod).

Ag en avarice:

En Avarice e zou ur garanté desordr don er madeu tamporel. Me lar ur garanté desordr don er madeu, ha non pas er jouissance à vadeu bras : rac eèllein e rér bout pihuiq, hemb boud avaricius, just èl ma heèllér bout peur, ha boud avaricius. Me lar hoah ur garanté desordr, rac n'en dai quet avarice-é carein er madeu é quemènt m'en dint necessær, pé aveit gobér un implé mad a nehai.

En avarice, é-mé S. Paul, e zou er vamen ag en ol drougueu; hac handuein e rér un avar don unan ag er pemb-merche-men: 1°. A pe hum abandonnér d'er brassan joé, durand ma possédér danné ha d'er brassan chiff hac anquin a p'eu holler. 2°. A p'ou gouniér én ur dorrein Gourhæmeneu

Doné, pé m'ou goarnér inemb d'é Lezèn ha d'é volanté. 3°. A p'ou blasquér guet rai a brèss, ha m'ou goarnér guet rai a sourci, hemb chongeal calz nameid én-ai. 4°. A pe n'ou dezirér meid eit hum goutantein, eit hum abandonnein d'er plijadurieu, d'er chervadeu, d'er gloër, etc. 5°. A pe ne rér quet d'er peur er péh e chom opèn en necessær re-

vé stad peb-unan.

Péhein erér marvelemant dré avarice, a pe garér mui en danné ag er béd-men, eid en Eutru-Doué; èl pe vér én disposition de dorrein é Lezèn quèntoh eit manquein ur gounid benac, pé eit conservein madeu deja gouniet. Pe vehai seèllet mat, n'en dès quet calz a dud ér béd n'en dint avar. N'en dès exant ag er vince-zé nameid er-ré e zalh ou halon absolumant distag doh er madeu tamporel. El-cé en dud peurran e eèll boud avaricius, mar carant en danné, ha mar seèllant ou feuranté èl ur malheur. Er-ré zou bihannan avaricius, en dès eun a vout; hac er-ré zou, ne fal quet dehai credein nac avoué-ein é mant. En avarice e za ag en orgueil, ag en dezir de gondui train er béd, ha de goutantein er hory.

Ag er péhedeu e za ag en Avarice.

Ur malheur bras-é m'en dai quer cummun en avarice ér Grechéneah, ha ma hès quer bihan a dud e hum gav cablus ag er vince-zé. Hanàuet ahoël er chouche doh er branqueu. S. Gregoër e gontt seih pénet, péré e za liessan ag en avarice. 1°. En treizoni. 2°. En trompereah. 3°. Er gueuyér. 4°. Er faus touïadelleu. 5°. En nehance. 6°. Er carnagereah. 7°. Er gomportemant calet ha didruhé é quevir er beurerion.

1º. En treizoni. Un avar e dreissehai é dad, é vam, é verdér, eid en dout danné. Eid argant ean e uerhehai é inean. En avarice en doai groeit de Judas guerhein Jesus-Chrouist. Nitra abominaploh

eid un avar, é-mé er Speret-Santel.

2º. En trompereah. Un avar e uerh ur varhadoureah é léh un aral: ean e gaige er fal é mésq er mat, ag e douiou ag é nærh eit golein sieu é varhadoureah. Ean en dès deu sort musul, unan bihan eit daccor, hac unan bras eit quemér: faus balanceu ha pouizeu aveit trompein; deusto m'en dai a ominabl dirac Doue en hani e ra en draze Er péh zou fallan én é di, e rei de Zoué, avèl Cain.

3°. Er gueuyer. N'en dès gueu n'en dai capabl un avar de laret eid atrap, eit guerhein quirroh ha prenein guèl marhad. Haval vehai n'eèller mui gober marhad er bet hem gueuyer, hem touiet. Ne ouier mui é pihue fiein: rac er-re ne zougeant quet a offancein Doué, ne zougeant quetehué a drompein.

- 4°. Er faus touïadelleu. Touiet é gueu ne goust nitra d'un avar, mar cav é brofitt. Ne gleuér quin ér soërieu, ér marhadeu... Petra sou caus meid en avarice? Malédiction Doué, é mé er Prosæt Zachari, e gouehou ar di ur lair, un trompér, ar di un touyour-Hanhue-Doué é gueu; ne lamou quet a ziar-nehou, has hi er revinou beèd er hoæd har er vein.
- 5°. En nehance. Jamæs un avar ne gav en dès assès a zanné. Sorbet-é dalh-mat guet en hoand d'en devout: hac en eun a goll er pé en dès, e dourmant hemb cèss é speret. Ean é lausq é dud hemb pédèn, hem ansaignemant, guet eun ne gollehènt ou amzér. Bihuein e rant é creis en damné, èl tud goué, hemb lezèn, hemb instruction, etc.

Daibret vent guet en anstu, hac un druhégueah vai guélet ou dillad a billen é vraignein doh-t'ai...

6º. Er carnagereah. Un avaricius e garnage, e palforce de zaccor dehou mui eit n'en dès reit, d'obér dehou deu blijadur eid unan, etc, E serviterion, é ounidion, é varhadision e zou fal bayet: ur hrignage benac en dou attàu. Eid er horvæyeu, eid en drougueu e zeli, ean e daul tout er beh ar er-ré-ral. Er païemand e hoès refuset d'er-ré en dès hou cherviget, e gri vangeance inemp teoh, é-mé S. Jâq; hac ou hri e zou oueit bet-ha Doud. Malheur, é-mé Jeremi, d'en hani e sau é di diar goust er-ré-ral, e ra gueu doh é Nessan, hac e refus rein é recompance dehou.

7º Er gomportemant calet ha didruhé é quevir er beurerion. Ne vou quet guet un avar é cavou er peur soulagemant. Mui a sourci en dès ag é lonnet, eid a dorrein nan é Nessan. Er peur Lazar e hum bresantai bamdé é toul dor er faus pihuiq; mæs rac m'en doai refuset a er soulagein, é vou refuset ehué dehou un dapen deur e oulen a oudé tri-huén-cant vlæ-ç'ou, eit dispèlhein é dead. En hani, é-mé er Speret-Santel, e stanq é ziscoharn guet eun a gleuet er peur é crial ha dob hum glèm, en dou é dro chué de grial; mæs ne vou quet cheleuet na secouret. Diboallet a vout calet ha hemb truhé doh er peur : rac ér Jugemant general, haval vehai n'en devou en Eutru-Doué meid er péhet-cé de rebræchein d'er-

Seellet ha dihoallet doh en avarice, é-mé hur Salver: raq n'en dai quet é creis en abondance é loge calz er santeleah: hum goutantet entu a hou pihuance ha gusquemant, é-mé S. Paul; rac er-re e fal dehai donnet de vout pihuiq, e gouch é tantation,

ré dannet

hac é laceu en diaul, hac en dannation. Er remædeu don en avarice, hac er moyandeu de zistag er galon don er madeu ag er béd-men, e zou er Bedèn, en alézon, er beuranté a speret hac a galon, hac er gonsideration ag er marhue, péhaní e lamou guenemb én drespet temb, en danné hur bou caret ar en doar. (Leinet er Chapistreu XIV, XV ha XVI, Parti III ag er vuhé devod.)

Ag er Baillardiah.

Er Baillardiah e zou ur garanté don er plijadurieu dishonest. En apostol S. Paul ne fal quet dehou ma vou conzet ag er péhet infam-zé é-mésq er Grechénion: rac-cé ne larein quet peéd sort péhet a baillardiah-ç'ou, nac er circonstanceu a nehai. Ne lareih memb meit lod ag er péh e eèll couchi en inean. Er péhedeu a lubricité e zou perpet marvel, mar dai parfæd er gousantemant: rac quêstion vai perpet ag un dra a vras consequance, ha n'en dès meid er manq a gousantemant parfæt e eèll diminuein er péhet. Rac-cé é lar S. Paul: Ne hum drompet quet; nac er-ré paillard, nac er-ré e hum gouchi int memb, nac er-ré e gouchi er sort guet-t'ai.... ne yeint jamæs de Ranteleah Jesus-Chrouist.

1º. Hum gonchi e rér dré chongeu lous é tair fæçon: 1º. A pe gousantet de chongeu dishonest guet er volanté, pé en dezir d'obér er péh evai én hou chonge. 2º. A pe hum arrestet guet plijadur d'ur chonge lous, hac é vehai gùir ne gareheoh quet gober er peh e chonget. 3º. A pe hum arrestet a volanté vat de chongeal é treu lous, hac é vehai gùir ne gueméret quet plijadur én-ai. Eit bout cablus a lubricité, n'en dai quet enta requis gobér en action; er chongeu cousantet, er plijadurieu a

chonge, en dezirieu a galon e zou ehué péhet: rac, é-mé hur Salvér, ag er galon è ta er fal chongeu, er multr, er baillardiah, el laironci; hac er sort treu zé e gouchi en inean: hac en hani en dès seellet ur voès guet fal dezir, en dès deja groeit er pehet en é galon. Dré er ræzon contrel, en dirangemanten e santet, er chongeu e za én hou speret, n'en dint quet péhet, ma ne hoès reit dré hou faute occasion dehai, mar groant poén deoh quentéh èl m'ou santet, mar ou feèllet dohoh prontan ma heèllet. Er péh e souffrehait én drespet teoh, ne

vou quet péhet aveid-oh.

2º. Hum gouchi e ret é laret conzeu lous ha dishonest, dré gonzeu a zihue antand, conzeu alleuret, mæs ampouisonnet, conzeu doubl... Rac er sort bourdeu-zé ne zant lièssan meid ag ur galon corromplet. Ag er peh mei carguet er galon, e conz er beg, é-mé hur Salvér Brassoh-é hoah er péhet mar e hoès int laret ésprès eid alum é calon er-ré-ral en tan infam a lubricité, pé guet en intantion de ounit ha de solitein unan-benac d'er péhet. N'ancoehet quet a expliquein quement-ce é Covezion. Mar e hoès commettet pé chonget, pé deziret commettein er péhet lous-cé guet unan-benac, réd-é expliqueic erhad hou stad-hui, ha stad en aral; hac ean e oai youang, ha hui ehué; ha hui hou pehai ean contraignet én ur mod benac; hac ean e oai diméet, ha hui ehué; hac ean e oai car deoh pé aliet; hac ean e oai ingaget én ur stad santel benac, pé hui marcé, etc.

3º. Hum gouchi e rér hoah dré er squendeu naturel. *Dré en eulagad*: a pe hum arrestér hemb necessité de seèllet pé tud, pé treu dangerus, pé de leine un dra benac contrel d'er burtæt... *Dré en*

discoharn: a pe cheleuér guet plijadur conzeu lous. bourdeu infam, sonnenneu sot, pé treu aral inemp d'en honestiss. Dreer oust : é taibrein pé é hivetetc. treu e eèllet hac e zeliet goud hon tougon d'el lubricité... Dre en deourn ; èl mei en hogrieu dourn. erbouffonnereah, en tastournereah pé e ret hui hou c'hunan, pée ret, pée souffret guet ré-ral... Dré er gesteu dijauge, dréer gusquemanteu dissourniss, etc. Dre er fri : é santein er péh n'en dai quet permettet. Tud youang, ne hum zallet quet : douget ha creinet; rac en isprit e zou pront, hac er horo e zou goann ha lache... Prieden, ne hum drompet quet; n'en dai quet tout permettet d'er-ré diméet, èl ma chonge ul lod vat, péré e hum zann en eil-éguilé dré ur gomportemand infamoh eit hani el lonnet brutal.

En orgueil, revé er Profæt Ezéchiel, er chervad. el larganté, en arouarediguesh, bout calet ha hemb truhé doh er peur, e zou quel liès a vamèn a lubri-. cité; hac en experiance pamdièq e zisco penaus en hantiss a dud youang pautret ha merhet, er horolleu, en assamblégeu bobançus, etc., e zoug bras d'er baillardiah. Er péhet infam-zé e stleige ar é lerh en dalledigueah a speret, en obstination a galon, en dirangemant én tiegueaheu, en ancoéh a Zoué hac ag er salvedigueah, en eun horribl a verhuel, en amoédigueah, er revin ag er yéhæt, en dibarfætion hac er valigueance ér resolutioneu. en aburtemand é goal stad, ba liès mad en désespoër ér momand ag er marhue. Doué en dès a oal viscoah discarguet é vrassan colèr ar er péhet-cé, hac ér béd aral ur ovel a dan hac a chouffr berhuet e vou parjage er-repaillard, é-mé S. Yehan, én Apocalyps.

Remædeu doh er Pehet lous.

En diaul a baillardiah n'espergn hanni, ha de zougein e zou ag er péhet-cé quasi ag er hettan mo-mand ag er vuhé beèd en dehuehan. Eit húm breserveina nehou, péeit sorti mar e hoès bet ermalheur de gouch en-ou. 1º. Peèlleit dob en occasioneu, hac é general doh tout er péh e eèll tènnein d'er péhet-cé; èl mei er hompagnoneaheu dangerus, er bouffonnereah, er horollen, en hantiss hardéh é spécial itré pautret ha merhet, en amitié tinér... (Leinet er Chapistr XVIII, parti III ag er Vuhe devod.) 20. Pedet liès ha chonget én hou pedair fin dehuehan : ne leinet meit livreu capabl de douchein hou calon ha de rein sclérdér d'ou speret. 30. Dihoallet doh en arouaredigueah ha féneantiss : ur féneant e vai liès impudiq. Castiet hou corv dré el labour; er yuneu, er penigenneu... 4º. Occupet dalh-mat hou speret hac hou calon guet Doué; drès peb tra a pe za deoh ur goal chonge pé un tantation benac, hum recommandet d'er Uériès santef ha d'hou c'Æl-Gardien. 5°. N'arrestet quet hou tenlagadar nitra capabl dezegass teoh ur fal chonge; ha laqueit quentoh hou tourn én tan, eid el laquad d'ober ur sai action. 6º. Ne lausquet quet hou calon de vout gousiet guet er væn curiosité, nac hou speret de voud amoèdet guet en amourustæt : ne laquet james hou chonge guet hanni é sigur taillein el lis. 7º. Hum zefiet a hanah hou c'hunan: beain é goard don en diaul ha don er béd; bratiquet en humilité, ha chonget hemp græce Doué n'en deh capabl de nitra eit hou salvedigueah. Ul lod vad e gouén é peb sort infamité méhas, é punition ag ou orgueil ha vanité, 8°. Quêret liès de govessad, ha hum zizoleit d'hou Covezour guet un humilité ha hardéhtæt santel: hilleih e chom é liamen Lucifer guet ur stæd eahus a sacrilegeu, hac e hum zann; rac er méh e vir doh-t'ai a govessad ou féhedeu. (Leinet er Honsiderationeu santel, Meditation ar el Lubricité, hac er Chapistreu XII ha XIII, Parti III ag er Vuhé devod, pé er Hombat spirituel, Chapistr XVIII.)

Ag en lvi.

En Ivi e zou un anquin, ur chagrin hun nès é huélet bonheur er-ré-ral, e seèllamb èl un droug aveid omb.

En ivi e za ordinæremand ag en orgueil: rac ne vai fache guenemb gùélet er-ré-ral avantagettoh pe quen avantaget èl omb, nameit rac ma hum istimamb mui eit-t'ai. Remerquet neoah, n'en dai quet ivi-é hum affligein rac ma huélamb unan-benac én ur garg, a béhani é hès léh de zougein en hum chervigeou eit gober poen demb ha d'er-re-ral. hemb ræzon er bet : dougeance-é quemènt-cé. N'en dai quet ivi-é boud affliget é huéleter-ré-ral mat, rac ma carehèmb bout quer mad èl-d'ai : un hoand, un dezir de vout guel-é quement-cé. N'en dai quet ivi-é boud affliget é huélet danné, pærh. véhæd d'er-ré-ral, rac ma hum chervigeant a nehai eid offancein Doué : drespet doh en droug-é quemèntcé. N'en dai quet ivi-é hum rejouissein ag un droug, ag ur hlinhued arribuet guet un ivraign. guet ur paillard... rac ma hès léh d'esperein é chan. geon guet é glinhuet; pé hum rejouissein m'en dai punisset ur fal zén, rac ma rai poén d'er-ré-ral : dezirein ur guir vad d'en Nessan-é quemènt-cé. Douget neoah n'hou touguehai er fal inclination a bou

calon de gassad er péhour, ha non pas é béhet. Caret perpet er péhour; mæs casset é fal daicheu.

Mæs mar hun nès anquin é huélet bonheur hun Nessan, rac ma tougeamb n'en douguehai ar-n'amb, rac ma fal demb hur boud en inour hac er rang drès-t'ou; henneh zou ivi. Mar hum chagrinamb rac ma carehèmb ma collehai en avantageu en dès drès omb, pé ma vehai lamet guet-t'ou er mad en dès, eit er rein demb; hennéh zou ivi. Mæs marcé hui en hanàuou gùel doh er branqueu. Ag en ivi é ta: 1°. Er baz. 2°. Er raportereah. 3°. Er goalgonzereah. 4°. Er joé é huélet droug en Nessan, pé er boén é huélet é vad.

10. Er haz. En ivius ne grèd quet é heèll bout heurus durand ma huélou ur vad benac é harrihue guet é Nessan. Rac-cé ean e rechign, hac e zezir droug tehou, hemb gober cas ag er péh e ordrén demb Jesus-Chrouist, de hum garein en eil-éguilé; rac en hani en dès eaz doh é Nessan, e zou multrér.

1º. Er raportereah. En ivius e daul é velim ar guemènt hanni e nel pé istimettoh eit-t'ou, pé ihuelloh eit-t'ou, pé avantagettoh eit-t'ou. Ean e assai ou duein guéh dré finèss, guéh a voéh ihuel: er raportereah guir pé gueu ne goust nitra dehou, meit ma cavou en tu d'ou decriein ha d'ou brouillein guet ou amiet. En ivius e zeliehai ahoël chongeal en hum zisinour ean memb é sigur desinourein er ré-ral; rac, é-mé er Speret Santel, Un den a zeu dead e gouch er fallan disinour; hac er raportour e denn ar nehou er haz, er malice hac en decriance.... Er goal gonzerion e secret, en teadeu a zeu luèm e vou meliguet, rac ma laquant dissancion è mésq er-ré e vihuai é peah hac amitié.

3º. Er goal-gonzereah. Mar fal deoh gober pli-

jadur d'un ivius, goal-gonzet dirac-t'ou ag er-ré e ra droug d'é zeulagad; ean e larou hoah goah eidoh, mar eèll. N'en dès nitra e ra mui a boén dehou, eit cleuet mêlein er-ré m'en dès ivi doh-t'ai. Raccé. er goal-gonzereah e zou mechér carettan un ivius.

40. Er joë e huelet droug en Nessan. Un ivius e hum rejouiss mar guél droug é couéh guet en Nessan: hac e hum fache ag er mad e arribue guet-t'ou. Caz-é guet-t'ou m'er mêlér, ha joé m'en décriér... Dre ivi en diaul e ma deit er marhue er bed.

En ivi e zou ur péhet bras ha marvel ag é natur. a p'en dai guir é laq S. Paul en ivius ér memb rang guet er-re ne veint quet receuet en Nean: ha S. Basil e hanhue er vince-zé « Un ansaignemand ag » er hoh serpand, un ard ag en diaul, un arrès ag · er bunition éternel, un ampechemant d'en de-» votion, un hènd d'en ihuern.... » Er péket cé e rantt é zén haval doh er goal-speret, péhani ne glasq hur holl nameit dré ivi dohemb; rac facheé gnet-t'ou ma vehèmb heurussoh eit-t'ou. En ivi n'en dai neoah meit veniel, a pe ne vai meid é fæd a dra distér; a pe ne zistruge quet er garanté ér galon; a pe ne rér quet dehou ur gousantemant parfæt.

Er remæden doh en ivi e zou en humilité, er mortification, en distag-a-galon doh er madeu ag er-bed-men. Rac mar pratiqueamb en tair vertuzé, ne garehemb nac en inourieu, nac er plijadurieu, nac en danné; hac èl-cé ne zouguehèmb quet ivi d'er-re en dès, pe e zou er stad d'en dout er

faus avantageu-zé.

Allas! cummunæd-é er péhet-cé é mésq en dud! Quentéh èl ma hueler en en dès unan-benac vaillantiss, commodité, istim, isprit, abiltæt, devotion, etc., en ivi e luèm mou en teadeu inemp tehou. El
labourision, en artisandet, er vechérerion, ér varhadision, en dès en eil doh éguilé er maliciussan
ivi. En ivi e daul memb é velim ar santeleah er-ré
e chervige Doué hac e vihue én é hræce. Clasq e
rér en tu d'ou dibauchein; gobér e rér goab a nehai;
assai e rér ou gounid dré fal gonzeu: un taul caër
é cavér mar eèllér ou laquad de béhein. N'en doh
hui ag en nombr-zé? Er péhet-cé zou inemp d'er
Speret-Santel, ha diæz de vout pardonnet. Er-ré
ivius, é-mé S. Chrisostom, e zou haval doh en diaulet, pé goah eit-l'ai; rac er-re-ze ne glasquant quet
gobér poèn na droug en eil d'équilé.

Ag er Gourmandiss.

Er Gourmandiss e zou ur garanté rai vras don er plijadurieu en daibrein hac en ivet. Cavein mad er boued e zaibrer; cavein goust d'er peh e iver, n'en dai quet gourmandiss. Mæs dinuennet-é daibrein pe ivet rai; dihuennet-é daibrein pe ivet mui eit n'en dai requis eid antretenein ha conservein er yéhæd, ha hemb quin dobér meit ma caver goust é taibrein pé é hivet.

Péhein e rér dré gourmandiss é huéh fæçon: 1°. A pe zaibrér pé ma hivérrai, de laret-é, mui eitne oulèn er ræzon. Mab-dén ne zeli daibroin nac ivet meid er péh zou requis eit maguein er horv, en derhel ér stad de chervige Doué ha d'obér é labour. Malheur, é-mé Jesus-Chrouist, d'er-re n'ou dès quin chonge meid a garquein ou horv, rac ind ou dou nan goudé. 2°. A pe vér tavantéq ha goubehet é taibrein pé é hivet, ha ne vai quæ meit d'er péh e chom arlerh; èl ma ra certæn tud péré e zaibr guet

ou deulagad er péh e bresantér dirac-t'ai . hac e garehai ou dout tri pé puar cov de garguein, a pe gavant un dra benac d'ou goust. En den just, émé er Speret-Santel, e zaibr eit sustantein e vuhe; mæs cov er-re fal ne vai jamæs goalhet. 30. A pe rér dispigneu dijauge eit en dout friantage, bouét mat, treu delicat eit coutantein er oust; èl ma ra er-ré e zistro treu ag en tiegueah eit cass d'en tavarneu, pé e lair ou zud eit gobér friantage. 40. A pe glasquér er bouéd guellan, pé ivage delicat, eit cavouét mui a blijadur; èl ma ra er-ré e glasq a beess er predeu mat, hac e rid d'er festeu é péré é vou muyan chervad d'obér. 5°. A pe orter er prèd guet un hirreah ha dibatiantæt quer bras, ma taibrér hemb necessité quênd en amzér reglet, drès peb tra en déieu-yun, èl ma ra er-ré ne hanàuant quet cource doh cource, ha n'ou dès, haval vehai, quin mechér meit daibrein, ha rideq a davarn de davarn. 60. A pe zaibrér pé ma hivér hemb nécessité treu dihuênnet, pé e ouyér e rei gueu dob er yéhæd; èl mei daibrein hemb necessité quiq d'un dé-vigil, pé torrein ur yun commandet.

Er gourmandiss e zou ur sort péhet a idolatri, a pe lar S. Paul ag én dud gourmand n'ou dès quin Doué meid ou hov; en hum gollant int memb, hac é laquant ou gloër ér péh e ra ou méh ha disinour. Er gourmandiss n'en dai quet neoah attàu péhet marvel, meit ne vou quet considerabl en dirangemant, ha ne garehér quet er chervad bet-ha mouguein caranté Doué ér galon.

Er gourmandiss e us er hov, e oanna er ychæd, e bonnéra en isprit hac e laq burhud d'amoèdein : ean e zioust ag en treu spirituel, e yein en devotion, hac e ra liès lausquein en deværien a Grechéneah

guet er chonge ag er bouéd. En dangerussan branq en dès er gourmandiss e zou en ivraignereah.

Ag en loraignereah.

En ivraignereah e zou ivet bet-ha troublein en isprit. Eit péhein dré ivraignereah n'en dai quet requis, èl ma crèd ul lod vad, coll er ræzon, pé turel a ziar er galon. Rac eèllein e rér péhein bras hemb coll er ræzon, hac eèllein e rér turel a ziar er galon hemb péhein. Eit péhein assès-é ivet mui eit n'en dai necessær; ha malheur, é-mé er Profæt Isaï, d'er-re zou creihue a ben eid wet, ha vaillant. eid ivraignein. Jugein e rér-é vai istroh eid en necessær é ivér, a pe eèllér laret ne vehai quet ivet pe vehai deur vehai. hac èl m'hun nès deja remerquet, jugein e rér é vai péhet mavel un action, a pe brononce er Scritur santel malheur inemp d'erré hé groa. Peb sort dereglemand én ivage n'en dai quet neoah marvel, mæs en imur, er seell, er gonz changet guet en ivage, e zou ur merche ag un dirangemant marvel. Ne yet quet ha laret, jamæs en ivage ne ra poén deign; me ive, ha jamæs ne gollan me santimant : rac inemp d'er sort tud-cé é prononce er Speret-Santel malheur, a pe lar dré guêneu er Profæt Isai: Malheur deoh, pere e sau a vitin eid ivraignein, hac e zalk taul beed en noz, beed quene vai tuemmet teoh guet en ivage.

Douget en ivraignerean, péhet infam é pebunan, mæs hoab infamon ha dangerusson ér merhet; rac en drougueu estleige guet-tou, e zou hemb nombr. 1°. Un ivraign e hum laq én dangér de gommettein er péhedeu, brassan. Én ivage e ma en touyerean, er holèrieu, er foetterean, er scandal, er gloër, er begaden lous, er bouffonnereaneu infam, en dezirieu criminel, er baillardiah abominabl, etc. Ne veduet quet, é-mé S. Paul; er guin e ma er baillardiah.

2°. Un ivraign e zispign é zanné, e revin é diegueah, e ra poén d'é dud, e lausq é vugalé hemb ansaignemant, de zuein guet nan ha misèr. Ur mechérour ivraign ne vou jamæs pihuiq, é-mé er Speret-Santel. Ean e goll é inour; dén ne fi én-ou; é zelé e chom hemb bout payet; hac anfin ne goust nitra dehou laireah ha friponein eit en dout d'ivet.

3º. Un ivraign e goll é speret a nebedigueu, e bonnérra é ben, e us é yéhæd, e chairr clinhuedeu bras, hac e hast é varhue dré é gorvadeu. Ne hum garguet quet a ivage, é-mé hur Salvér, guet eun a vout somprenet guet er marhue. Guet pihue é harrihuou malheur, é-mé er Scritur? Guet pihue é harrihuou en tabut? Pihue e gouéhou er fozieu? Pihue e vou blesset! Guet pihue e harrihuou ma tihoellei ou deulagad, nameit guet er-re e gar en ivage?.... En ivraignet ne yèint jamæs de Ranteleah en Eutru-Doné, é-mé S. Paul.

Opèn er péhet e zou é hivet bet ha troublein er speret pé er ræzon, en ivage e zoug hoah de hilleih a fauteu: 1°. A pe rér gueu doh er yehæd; 2°. A pe vanquér d'un devær benac; èl a gleuet en Overèn un dé a obligation, a obér ur yun commandet, a laret er Pedenneu ordrénet, etc. 3°. A pe zispignér er péh e zou necessær eid en tiegueah; 4°. A pe hum laquér ér mæz a stad de bayein en delé; 5°. A pe vanquér a secour er peur én é vrassan necessité; 6°. A pe rér goal-exampl d'er-ré-ral; 7°. A pe santér é vou caus en ivage de douiet, de golèrein, de gonz sot, pé d'obér un infam sotiss benac, etc. Unan itré deu ùin e vai liès hardéhoh d'en droug.

Péhet-é hoah solitein er-ré-ral, pé rein dehai de veàuein. Ur faute bras-é enta, 1º. Meàuein unanbenac esprès. 2º. Manquein a viret doh er ré-ral a veàuein, a pe vér obliget de guement-cé, pé ma heeller æzemand er miret. Malheur enta d'en davarnerion, péré e ra d'er-ré en dès deja assès, pé e ouair é veaueint guet er péh e rant tehai; pé e ra d'ivet durand en Office de dud ag er hanton, pé deit a ziabeèl esprès eit corvadein. Malheur dehai mar goarnant deu pé tri dé ivraignet én ou zi; mar rant ivage eit dillad, pé treu aral lairet; mar rant retirance de sal dud ha de sal actioneu én ou zi; mar soutirant en dud youang, pé mar rant tehai d'ivet inemp de volanté just ha ræzonabl ou zud, etc.: mar dai ou zi ur scoll a fallanté, a oal gonzereah. a zissancion, a douyereah, a libertinage, etc. Allas! ne uélér meit rai ag er sort-zé.

Hilleih e béh hoah é hobér corvéeu, chairréeu, leigneu bras, etc., hac é sigur gobér inour d'ou zud, ou solitt d'ivet, hac e ra dehai de veauein. Quer goah-e hoah en æredeu bras, é peré é tolpér nombr a dud, non pas eit pedein Doué de rein é venidiction d'er priedeu, mæs eit gobér chervad, coroll hac ivraignein. Ne vai quet mad er fest, ma ne vai meàu er-ré couviet hac er seèllerion. Un digaré caër e gavér é laret é ma er gustum hac er mod gobér èl-cé. Mæs Crechénion péré n'ou dès quin regl eis hum gomportein, meit Lezèn Doué, e zeli ou dout caz doh moden er béd, péré e zispligo quemènt de Zoué.

Er remæd doh er gourmandiss e zou bout reglet mad en daibrein hac én ivet, yunein, gobér pénigèn, chongeal liès ér marhue hac én nan ha séhæd en dès anduret eid omb hur Salvér. Mar chonget erhad ér vistr hac ér gùin-aigr e oai bet reit dehou eit dispèlhein é séhæd, hui e zésquou hum goutantein ha cavouet mad er bouéd e ra Doué deoh, hac e ouyou gùel hum oarn doh er gourmandiss hac en ivraignereah. O men Doué! preservet-ni doh en ivraignereah hac er baillardiah: rac en eu vincezé é spécial e zou diæz bras de dènnein ag ur galon é péhani é vènt ur uéh gouriennet.

Ag er Golèr.

Er Golèr e zou un tærision divad ag er galon, e ra demb hum revoltein guet dibatiantæd inemp d'er péh e zisplige temb. Me lar un tærision divad ag er galon : rac ur golèr reglet mat n'en dai quet ur péhet, a pe ne hum laquér é colèr meid eit gobér ur vad, pé miret un droug. Jesus-Chrouist en dès reit temb un exampl a guemènt-cé a pe hnm laquas én ur golèr santel inemp d'er-ré e brofanai en Tampl a Jerusalem. Requis vai guhavé colèrein eit laquad d'obér er mad, eit corrigein er-ré n'er groant quet. Eneffæd, bout-cou certæn tud a béré n'eèllér tènnein vad er bet, ma ne gonzér rust doh-t'ai. Er golèr reglet dré er garanté n'en dai quet vélimus. Un tad hac ur vam e fache doh ou bugalé, rac ne brezant quet chervige Doué de noz ha de vitin. ne dostant quet d'er Sacremanteu, pé rac ma hantant fal gompagnoneah; rac ma cleuant ou zud, ou serviterion é touyet, é conz sot, etc. Deliet-é dehai ér sort occasioneu-zé on horrigein ferm, mæs hemb amportemant na taul brutal; rac ou holèr e zeli bout revé Doué, ha non pas revé ou fantazi hac imur.

N'en dès enta meid en tærision divad ha desordr e zou péhet, ha malheurusemand e arribue liessoh

eit ne chongér. 1º. A pe zezirér de unan-benac un droug n'en des quet méritet; èl ur prièd brutal e hum laq é colér doh é voès, rac ma rebræche dehou é zefauteu a fallanté. 20. A pe zezirér ma vou punisset unan-benac mui eit n'en dès méritet; èl mei certæn tup furius pé é ziscarg ur foul anjulieu ha tauleu ar ou bugalé, ar ou serviterion eit fauteu distér. 3º. A pe gastiér unan-benac hemb en dout berh ar nehou, eit coutantein un dahinat colèr pé malice. 4º. A pe bunissér unan-benac eit hum vangein ha torrein er fantazi ar nehou, quêntoh eit guet er chonge a bunissein en offance en dès groeit de Zoué : èl-cé ur vam e hum laquei én ur -golèr vras doh é bugalé mar manquant tehi; mæs ne rei cas er bet eit ou guélet é hossancein Doué. 5º. Anfin er golèr e zou desordr a p'hun troubl, a p'hun dirange bras a ziabarh, drès peb tra mar guélér splann quemènt-cé ar-n'amb. Rac. é-mé a S. Gregoër, er golèrmad e droubl un tamiq en isprit; mæs er golèr fal en dall.... » Quemènt-cé e zisco é ma diæz colèrein hemb péhein; ha S. Francæs a Sale e lar é ma æssoh hum viret a monet é colèr, eit hum viret a béhein a pe hum lausquér de golèrein.

Er golèr e za ag en orgueil, ag en ambition, ag en avarice; rac a-va-zé é ta er gorruption a galon mab-dén; hac hun experiance e zésq demb é homb douguet dré natur de hum sehuel inemp d'er péh e resist doh hun dezirieu. Ag er golèr é ta en drespet hac er haz doh en Nessan, en tabut, en dissancion, en anjulieu, en dezir de hum vangein ha d'obér droug, en touyereah, er blassæmereah, er foëttereah, er multr, etc. Hac én ol circonstanceuzé é hès quasi perpet péhet maryel, drès peb tra,

mar daı rai zivad en tærision, mar maguer rai beèl er goler er galon; mar hum gav huet-t'ou ur scandal considerabl....

Ne hum excuset quet en ul laret, ne douiet jamæs en hou colèr; ne zeziret jamæs droug d'er-ré ral; jamæs ne ret hou malloh de nitra: rac n'en dai quet requis quemènt-cé eit pèhein. En-n'emb e hum laquei è colèr doh è Nessan, é-mé hur Salvér, e vou punisset dre er Jugemant: en hanie larou dehou Raca, de laret-é, ur guir a zisprisance, e vou condannet dre er Honseill; hac en hanie larou dehou Fol, guir anjulius, e véritou en ihuern. Arlerh quemènt-cé penaus é crèd en tadeu ha mameu colèrus rein d'ou bugalé hanhueu horribl ha scandalus?

Ne laret quet hoah é ma forh diæz ha burhud impossibl deoh miret a golèrein guet er sourci hac en tergassag un tiegueah. Rac mar dai dizz guhavé miret a santein er prontitud, eèllein e rér ahoël hum viret a gousantein, ha guet græce Doué er mouguein quentéh èl m'er santér. Désquet goasquein ar hou c'imur dré er reflexioneu-men: 1º. Dré er golèr hui e gollehai er batiantæt necessær deoh eid accomplissein Lezèn Doué: Hum anduret en eil-equile, é-mé S. Paul, hac èl-ce hui e accomplissou Lezen Jesus-Chrouist. 2º. Dré er golèr hui e gollehai en doustér, hemb péhani n'hou pou géet en inour a vout galhuet bugalé de Zoué: Heurus er-re dambonær, é-mé hur Salvér, rac galhuet veint bugate de Zoue. 3º. Dré er golèr hui e gontraignehai er Speret-Santel de guittad hou calon; rac ne chom quet en troubl ag er galon, émé er Scritur. 4º. Én hou colèr ne ouzoh petra e ret, na petra e laret; jamæs ne gredet é vai er gueu

dohoh, durand ma hum sauet inemp d'er urionné; rac er golèr, é-mé S. Jaq, ne ra quet er peh zou ræzonabl dirac Doue. 5°. Dré er golèr hui e goll hou c'amiet, opèn ma ret poén d'er-ré e chom gueneoh. Rac-cé é lar er Speret-Santel: Ne veaih quet ami d'un den colèrus; ne chomet quet guet ur furius... Guel vehai bihuein en un deserh guet èl lonnet goué, eit chom guet ur voès attahignus ha colèrus:

Remæd doh er golèr. 1º. El S. Françæs a Sale, groeit ur hontrad guet hou tead, eit ne larou guir a pe santehait hou coal imur. 20. Hum dennet ag en occasion mar dai possibl deoh, pé souffret guet patiantæt, hac hou toustér e changeou bean en bani zou é colèr. 3º. Goulènnet liès guet Doué er græce de dorrein hou fal imur, rac un dra caërrohe, é-mé er Speret-Santel, feahein er goler, eit gounid ur guær. 4°. Diazéet sonn én hou calon er honzeu-men : Désquet gueneign, é-mé hur Salvér, e hon douce hac humbl a galon, ha hui e gavou er peah d'hou g'ineanneu. 5°. Mar e hoès er malheur de golèrein, ne faut quet, é-mé S. Paul, ma cousquou en heaul ar hou coler. Cousquet guet er goler e zou cousquet guet ur serpand. (Leinet er Chapistreu VIII ha IX, Parti III ag er Vuhé devod.)

Ag er Parèss.

Er Parèss e zou un dioust ag en treu spirituel, e ra demb delezel hun deværieu, pé hum aquittem a nehai guet lézidantæt, quêntoh eit hum gontraignein é fæçon er bet. Péhein e rér dré barèss: 1°. A pe gollér courage é huélet er boen e zou ret quemér eit feahein en tantationeu, eit torrein er fal daicheu, eit gounid er Baraouis: hilleih e goll en espérance ag ou salvedigueah a pe larér dehai guet

Jesus-Chrouist: Ranteleah en Nean e oulen narh ha courage, ha ne vou meid er re e hum gontraignous

hac e hum boéniou. e yei d'inou.

2°. A pé bassér en amzér é feneandal, pé é hobér bagatellage, é ridêq a di de di, é tiscoural ar dreu inutil, é hoari, é teværral, é léh en impléein d'obér er mad a béhani é vér capabl. En dud fèneant en dès de zougein ne gouéhehai guet-t'ai er péh e lar hur Salvér ag er servitour paressus: Taulet ean en tihoeldæd izellan; inou ne vou meit dareu a zésespoër ha tarhereah dènd.

3º. A pe laquér termén a vomand de vomand, eit hum aquittein ag én deværieu a obligation, guet eun ag er geinance e zou doh ou gober; èl derænein ul labour, tardein a monet de govessad, a oberpénigén. Goah-é hoah mar hum zioustér doh en deværieu bet-hac ou lausquein ol. Ar er sort-zé é cri er Profæt Jeremi malheur, a pe lar: Méliguet-

e en hani e ra ævreu Doue guet lezidantæt.

4º. A pe ne brezér quet hum boéniein eit pratiquein er moyandeu jaugeabl eit peèllad doh er péhet hac avance ér vertu; èl er-ré en dès dongér doh er Govezion, doh er yuneu, doh en instructioneu; pé e guemér caz ha drespet doh er-ré e ra dehai aviseu santel, pé e zisco dehai exampl vat....

5°. A pe rér d'en isprit ha d'er chonge liberté de vout digambèn ha de valé durand en Overèn, er Pedenneu, pé en Instructioneu, etc. A pe ne rér cas hum geinein eit chongeal é Doué, eit profittein ag er chongeu mad e zegass de beb-unan, eid offrein dehou er galon hac er poénieu, etc.

Ag en orgueil, ag en avarice, ag en dezir de goutantein er horv hac er goal inclinationeu é ta er parèss. Rac ne vanquamb d'hun deværieu, pé ne hum aquittamb a nehai guet lézidantæt, nameit rac ne sal quet demh hum geinein na hum gontraignein eit resistein doh hur sal deicheu. Er parèss a zou dangerus, hac ur vamèn ampouisonet a vinceu. Caus-é ma quemérér caz doh el labour, ma hum daulér rai guet er housquæt, ma collér courage, ha ma couéhér en desespoër, ma hum inzrouguér deh er urionné ha doh er-ré e lar hur profit temb, ma lausquér tout é liberté guet en isprit, ma hum ahurt er galon; hac er péh zou hoah goah, ne vourrér meid ér horrompl hac en insamité, etc. En hani zou perpet occupet mat, n'en dès meid un diaul doh en tantein: mæs en hani ne ra quæt, en dès seih.

Ol e homb gannet est labourad, é-mé en dén santel Job, peh-unan revé e vechér ha vacation. hac er-re e dremen ou amzer e plijadur hac en æzemant, en un taul, en ur momant e lisquennant en ihuern. Cleuet e mes, é-mé S. Paul d'er bobl a Thessaloni, é hès en hou mesq tud arouareq ha curius, ne rant meit rideg duhont ha dumen eit cleuet nehuetædeu : me ordren dehai e Hanhue Jesus-Chrouist labourad ha gounid ou boued... Ha mar des unan-benac ne senti quet doheign, merchet ean el un den escommuniet: ne faut quet m'en dou hanni commerce er bet quet-t'ou, eit m'en dou tout er meh hac en dismour. N'en dai quet laret eit quement-cé é ma attau er parèss ur péhet marvel : rac, ma n'en dai quet considerabl el lézidantæt, ma ne ya quet bet-ha forbanein caranté Doué ag er galon, nezé er parèss n'en dai meit veniel.

Mæs n'en dai quet erhoalh chongeal attau ér vuhé. Ruc kac é ounisheoh ol er béd, é-mé hur Salvér, petra é chervigeou quement-ce deoh, mar det ha coll hou ç'inean. Hur chonge principal e zeli boutguet en affær a hur salvedigueah. Ne dar det quet ahum gonvertissein, é-mé er Speret-Santel, ne zerænet quet a ze de ze; ne ortet quet peelloh, rac coler en Eutru-Doue e gouehou ar-n'ah en un taul, hac en de ag e vangeance ean hou collou. Ne zougeamb quet er boén e zou doh hum salvein : er vrastæd ag er recompance e zeli hum accouragein. Hum boéniamb de hanauein ha d'accomplissein hun deværieu general, de laret-é, en deværieu cummun itré en ol Grechégion; hun deværieu particuliér, de laret-é, en deværieu en dès peb-unan revé é stad ha vacation: hac hun deværieu-ni hun hunan, de laret-é, en deværieu hun nès d'accomplissein revé en differant circonstanceu ag er vuhé. N'en domb quet Crechénion ma n'en domb sourcius de banàuein petra e oulèn Doué guenemb é peb occasion; ma n'en domh fidel de heli é volanté. Péhein e ramb dré barèss mar manquamb a zésquein en deværieuzé, pé mar manquamb dré lézidantæd a ou accomplissein.

Remæd doh er parèss. 1°. Consideret peguemènd en dès Jesus-Chrouist poéniet ha souffret aveid-oh: petra e hoès hui groeit eit-t'ou? Petra ne hoès hui groeit inemp tehou hac eit hou tannation? 2°. Chonget liès èn noz-hont ag er marhue, é péhani den neèllou gobér nitra, é-mé S. Yehan. 3°. Tosteit liès d'er Sacremanteu eit quemér nærh ha courage de feahein ol er péh e gavet diæz én hènd a hou salvedigueah, ha groeit hou ç'ol obéreu èl ma careheoh hou poud int groeit én ær ag er marhue. 4°. Chonget liès é vou requis temb daccor contt de Zoué a hun ol chongeu, conzeu, dezirieu, ævreu, ag en ol amzér, ag er secourieu ha græceu en dès reit temb: réd-é enta profittein perhuéh a nehai. 5°. Ne glasquet quet coutantein hou falinelinationeu,

6-mé S. Paul; rac ur galon e gar plijadurieu er béd, e hum zioust é-cource ag en treu spirituel. 6°. Pedet, hum impléet perpet, castiet hou corv. meditet hou pedair fin dehuehan; hennèn-é er remæd general doh en ol vinceu. (Leinet er Hombat spirituel, ag er fæçon de gombattein inemp d'er parèss, Chapistr XIX.)

◇<u>ଝଡ଼େଟେଟେଟେଟେଟେଟେଟେଟେଟେଟେଟେଟେଟେଟ</u>ଟେଏ

CHAPISTR III.

Groeit er mad.

Desouein e rér demb a vihan é ma é viret Gourhæmeneu Doné é tiscoamb en hun nès er Garanté a Grechéneah. Rac eit carein Doué, ne faut quet m'hur bou quin volanté meid é hani, ha réd-é gobér er péh e ordrén. Doué en dès reit temb dec Gourhæmèn, e omb obliget de viret idan boén a zannation. Mar fal deoh arrihue er vuhe eternel, é-mé hur Salvér, miret er Gourhameneu: ha pihuebenac e dorr unan hemb quin a nehai dré ur péhet marvel, e vou dannet, ma ne ra pénigèn ag é faute quent merhuel. A hanamb hun-hunan n'en domb quet capabl de viret Gourhæmeneu Doué: mæs guet er secour ag é hræce ni e èèll ou miret ol, ha Doué ne refus quet é secour d'er-ré er goulèn a galon : rac èl ma lar er Honcil a Trante arlerh S. Augustin, · Doué ne gommand quet treu impossibl; mæs a pe gommand, ean hun avertiss d'obér er • péh e eèllamb, ha de oulèn guet-t'ou secour eit · gobér er péh n'eèllamb quet a hanamb hun hunan, hac ean hun assist eit ma heèllehèmb doue net de ben. > En tair hettan ag er Gourhæmenenzé é ma comprênet hun obligationeu é quevir en Eutru Doué, hac ér seih aral, hun obligationeu é quevir en Nessan. Jesus-Chrouist en dès memb laret é ma comprènét tout el Lezèn hac ol er péh en dès laret er Brosætet, ér Ourhæmen en dès reit Doué demb d'er harein ha de garein en Nessan. Expliquet hun nés deja er Oarhæmen zé en articl ag er Garanté a Grechéneah; rac-cé ne hum arrestehèmb quet paud amen ar er poènd-cé. Quênt commance en explication, remerquet mat penaus ag er Gourhæmeneu é general, lod e gommand, ha lod e zihuèn; ha peb Gourhæmèn é particuliér e gommand hac e zihuèn un dra benac. Ind e oblige d'obér er mad, hac e zihuèn gobér en droug; ha chetui en differance e zou itré-dai revé ma hordrénant pé ma tihuènpant : revé ma tihuènpant, ind e oblige perpet, é peb momand ha circonstance; rac péhein e zihuènnant; ha jamæs n'en dai permettet offancein Doue. Mæs reve ma commandant, n'obligeant quet perpet hac é peb circonstance: rac ne vér quet é peb momand hac é peb circonstance ér stad hac én accomod d'ober er mad e ordrénant.

ARTICL I.

Ag er guettun Gourhæmen.

Un Donéhemb quin e adorei, Ha parfætemand e garci.

En Ourhæmèn-zé hun oblige de buar zra: 1°. De gredein é Doué; 2°. D'hur boud espérance én-ou; 5°. D'er harein drès peb tra; 4°. Ha de n'adorein

meit-t'ou é hunan. Hi e zihuèn dohemb a béhem inemp d'er Fé, inemp d'en Espérance, inemp d'er Garanté, hac inemp d'er Religion. Expliquet hun nès en tri poènd quettan ag er Ourhæmèn-zé én articleu ag er Fé, ag en espérance, ag er Garanté a Grechéneah. Mæs quènt passein d'er buarvet, péhani zou en adoration, laramb ur guir pé deu ar er vrastæd ag er Ourhæmèn en dès reit temb Doue d'er harein, eit ma comprenehèmb penaus ha pegue-

mènd é homb obliget d'hé accomplissein.

Un Doctor ag er goh Lezèn e oulènnas guet hur Salvér péhani oai er vrassan ag en ol Gourhæmeneu: ha chetui er rescond e ras tehou: Hui e garou er Mæstr hou Toue a greis hou calon, ag en dondæd a hou g'inean, a hou g'ol speret, hac a hou c'ol n'ærh. Honneh-e, é-m'ean, er quettan hac er vrassan. Gouhæmen. Honnéh é er quettan, rac Doué en dès hé scribuet én hur haloneu. Honnéh é er vrassan, rac n'eèller quet miret parsætemand er Gourhæmeneu-aral, hemb carein Doué, rac hi e badou de virhuiquin : ol en treu crouéet e dreménou, mas er garante ne dremenou jamas, é-mé S. Paul. Honnéh-é er vrassan, de laret-é, Gourhæmen un Doué e oulèn tout hur halon; ha mar permèit demb carein un dra-benac, red-é ma vou caret a gaus tehon hemb quin hac a balamor tehou. N'eèllamb quet, é-mé Jesus-Chrouist, chervige deu væstr assambl; de lare -é, hur halon n'eèll quet bout partaget itré Doué hac en danné, itré Doué hac er plijadurieu criminel, itré Doué hac un ami e garér rai, ha ne garér quet eit Doué. Hun Tad ne vènn quet ag un hantér calon; ean hé goulèn tout ha hemb partage, ha chetui petra-é carein Doué a greis hur halon, de laret-é, er harein a guement mei capabl ur galon de garein.

Carein Doué ag en dondæd a hun inean, e zou reglein hun ol squendeu naturel, hun ol inclinationeu ha dezirieu révé é volanté eit ne rehèmb na ne zezirehèmb nitra dihuénnet.

Carein Doué a hun ol speret, e zou chongeal é Doué guet ur grèd carantéus; studial é Lezèn eit n'hur bou quin volanté meid é hani; cavouét plijadur ésèntein don é Ourhæmeneu; offrein dehou hun ol chongeu hac obereu...

Carein Doué a hun ol nærh, e zou bout courajus de feahein en ol tantationeu ha diæzemand e arrihue guenemb én hènd a hur salvedigueah; bout ferm ha fidel de bratiquein er veatuyeu d'aboeissein perpet de Zoué én drèspet d'en diaul ha d'er béd.

N'en dès quet a zoutance arlerh quement-cé é homb obliget d'obér hun ol actioneu eit gloër en Eutru-Doué: 1º. Rac ean en dès hur hrouéet ha conservet; 2º. Rac ean en dès soign a hanamb é quement-momant-c'ou; 30. Rac ean en des groeit, hac e ra hoah bamdé vad aveid omb; 4º. Rac-Jésus-Chrouist en dès hur prenet; 5°. Rac Doué zou hur fin dehuehan hac hun ol heurustæt. Just-é enta ma hoffrehemb de Zoué en ol dezirieu a hur halon, en ol chongeu volantær a hur speret, hac en ol actioneu a hur buhé. Doué ean-memb en ordrén: cheleuet é gonzeu: Er Mæstr hou Toue e zou er Mæstr hemb quin, hui e garou er Mæstr hou Toue a greis hou calon, ag en dondæd a hou c'inean, hac a hou col nærh. Er honzeu-ze e vou scrihuet en hou calon: hui ou larou d'hou pugale; hui e chongeou en-ai a pe vehait azeet en hou ti, a pe vehait en hend, de noz a pe vehait dihun , ha de vítin a pe zihousquehait. O men Doué! pehèb méheit bugalé, meit obligét ou Zad de gommandein dehai er harein!

Dré er guirieu-men ag er guettan Gourhæmen, un Doue hemb quin e adorei, Doué e ordrén demb en adorein hac er chervige é hunan. Adorein Doué hac er chervige e zeu rantein dehou en inour, er respet hac en aboeissance e zou deliet tehou èl d'er Hrouéour ha d'er Mæstr general drès quemènt tra zou. Sclær-é dn uélet n'en dai deliet en adoration meit de Zoué hemb quin ; rac Doué é hunan zou er Mæstr general drès quemènt tra zou. En disposition-zé a speret hac a galon, péhani e ra demb rantein de Zoué en inour, er respet hac en aboeissance e zou deliet tehou èl d'er Hrouéour ha d'er Mæstr general drès quement tra zou, e zou hanhuet er vertu a Religion, péhani zou en excellantan ag er vertuyeu moral, ha péhani hur gloéstr antieremant de chervige Doué.

Er vertu a Religion e ra demb adorein ha chervige Doué é dihue fæçon : 1º. Dré Acteu interior, pé a speret; 2º. Dré Acteu exterior, pé a gorv. Doué doh hur hrouéein, en dès reit temb un inean hac ur horv : rac-cé é homb obliget d'ou impléein ou deu d'en inourein ha d'er glorifiein. En Acteu interior a Religion e gonsist é Acteu a Fé, a Espérance hac a Garanté. Dré Acteu a Fé é hanàuamb hac é hinouramb Doué èl er urionné souveræn: dré Acteu a Espérance éhinouramb é justice hac é vadeleah souveræn; ha dré Acteu a Garanté é hinouramb é ol parfætioneu. Rac-cé é lar quel liès S. Augustin n'eêllér adorein ha chervige Doué a speret hac é gurionné, nameir dob er harein; hac él cé er-ré e gar er béd hac e héli é vodeu ha custumeu, n'adorant quet Doué a speret hac é gurionné.

En Acteu exterior a Religion e gonsist é certæn actioneu dre béré é tiscoamb a ziauves er respet e

zeliamb de Zoué; èl mei stouyein ar en eulin, souplein er pèn, joentein en deourn, bout modest én Ilisieu, én hur Pedenneu, én hur honzeu, én hur seèlleu, én hur gesteu, eit ne scandalehèmb quet hun Nessan; bout modest én hur particulièr, a pe ne véhai dén doh hur seèllet, dré er respet e zeliamb de bresance Doué péhani zou partout hac e uél tout.

En adoration interior e blige muyan de Zoué; de laret é. Doué e oulen principalement ma hanquehèmb n'en domb meit peudr ha ludu dirac é vajesté ol-buissant, ha n'hum nès nitra n'hur behai receuet guet-t'ou : ean e oulèn ma hum gonsacrehèmb dehou, guet er péh hun nès, hur speret, eid aboeissein d'en ol hurionnéeu e ansaign demb en llis; hun ol hoand ha dezir, dré ur ferm confiance én é vadeleah hac én é visericord; hur halon, dré ur garanté sincèr eit-t'ou, ha dré ur haz nærhus doh en ol péhedeu ha fallanté ag er béd. Honnéh-é en adoration e oulen Doué guenemb é spécial. Mæs ean e oulen ehué en adoration exterior : èl ur siga ag er santimanteu guet péré é teli bout trezet hur halon én é guevir. Er haerran, er brassan hac en excellantan Act a adoration exterior e fehemb rantein de Zoué, e zou er Sacrifice ag en Overèn.

Mæs en adoration exterior n'eèll boud agreabl de Zoué, meid é quemént ma vai joentet guet en hani interior. Rac-cé er-ré en dès ou halon carguet a vanité, a folleaheu ha bobanceu er béd, e zou hypocrit ha gueuyad quel liès guéh ma stouyant dirac Doué ha ma larant tehou en en adorant, ma n'ou dès ahoël en dezir de hum gorrigein. Rac n'adorér Doué a speret hac é gurionné, nameid a p'er harér, é-mé S. Augustin: ha goud e ramb assès é

ma impossibl carein er héd guet é vobanceu, ha Doué assambl. En dezir sincèr de hum gorrigein a zou neoah ur hommancemand a garanté dob Doué.

Er vertu a Religion, é-mé S. Thomas, hun tosta mui de Zoué, eid vertuyeu moral aral. Dré er Religion é payér en deaugeu d'en llis, èl er prémidi ag er blæad; é rér er proveu; é rér laret Overènneu; é rér fondationeu; é hantretenér er Chapélieu, en Ilisieu; é rér ou bihuance d'er-ré zou obliget dré ou stad de bedein aveid en ol, d'ansaignein er bobl ha de rein er Sacremanteu. Dré er Religion en hum hloestrer de Zoué dré er rô a burtæt, a obeissance, etc. Pé en hum obligér d'un ævr mat benac inourabl aveit Doué, ha profittabl aveit hur salvedigueah. Dré er Religion é vai galhuet Doué eit bout test ag er péh e larér, pé e bro-

mettér, a pe douyér é justice.

Dré er Religion é stouvamb dirac er Hroezieu ha Limageu hur Salvér, non pas eid adorein er boæd, er vein pé er figur ag er Groès; mæs eid adorein Jesus-Chrouist péhani zou bet staguet doh-t'hi eit hur Salvedigueah. Dré er Religion é hinouramb er Uériès Vari mui eid en Ælet hac er Sænt, rac m'en dai Mam de Zoué. Mæs deusto d'hé halité. n'hé adoramb quet, rac en adoration n'en dai deliet meit de Zoué hemb quin; hac adorein er Uerhiès e vehai un abomination hac un idolatri. En Ælet hac er Sænt e inourér èl serviterion fidel hac amiet en Eutru-Doué: hac a pe stouyer dirac ou Limageu, n'en dai quet er hoæd, er vein, er papér, nae er pentadure inourer; mæs er peh e repræsantant. Er Religion e gommand ehué inourein Relégueu er Sænt, rac m'en dint er restageu precius a gorveu péré zou bet Tampleu er Speret-Santel, hac e resuscitou lén a bloër.

Ni e inour enta er Uériès Vari én ur fæçon particuliér, rac m'en dai Mam de Zoué, rac m'en dai Rouannès en Nean hac en Doar, rac m'en dai sauet én Nean d'er hettan rang arlerh Doué, rac m'en dai hur Mam hac hun Avocadès, etc. Ni e inour en Ælet. rac m'en dint Ministret fidel en Eutru-Doué; rac m'ou dès ol un devær benac én hur hevir... En nombr quasi hemb fin ag en Ælet, e zou partaget é nàu Cairr, pé rum: 1°. Er Serafinet; 2°. Er Cherubinet; 3°. En Troset; 4°. En Dominationeu; 5°. er Puissanceu; 6°. er Principautet; 7°. er Vertuyeu; 8°. en Arh-Ælet; 9°. en Ælet-Gardién.

Devær er Serafinet én hur hevir, e cou hun désquein de garein Doué parfætemant. Devær er Cherubinete zon désquein demb en hènd mat, hac hun difari ag er goal hènd. Devær en Tronet e zou laquad én hur halon ur gùir peah guet devotion, guet caranté doh en Nessan, ha caz dohemb-ni hun hunan. Devær en Dominationeu e zou reglein hun. affærieu én Nean. Devær er Puissanceu e zog hur gorantein doh ardeu ha finesseu en diaul. Devær er Principautet e zou secour en Ilis hac er Brincet Crechénion eit dihuèn er Religion. Devær er Vertuyeu e zou preservein en æd doh goal fortun, hac hur goarn doh en tampest, gurun, etc. Devær en Arh-Ælet e zou annoncein ar en doar er marveilleu extraordinær, distroein en drougueu a béré é vai menacet en Ilis pé er Ranteleaheu. En Ælet-Gardién e hum vèll a gondui en dud, hac en treu ér bed. Peb den, peb Ranteleah, peb Escopti, peb Parræs, peb tiegueah en dès é Æl-Gardién: ou devær e zou hur gorantein én dangérieu a hur buhé, presantein hun dobérieu de Zoué, quemér sourci ag en treu zou idan ou goarnation.

Ni e inour er Sænt a gaus d'er græceu abondant ou dès receuet guet Doué; a gaus d'er victoërieu ou dès douguet ar en doar; a gaus d'er gloër a béhant é jouissant én Nean, hac a gaus d'en union sterd ou dès guet Jesus-Chrouist, ar béhani é couéh en inour e rantér d'é serviterion. Doué en dès otoriset dré hilleih a Viracleu en inour e rantamb de Relégueu er Sænt. Squæd S. Pierr é couéh ar er-ré clan, e uellai dehai; ha mouchædeu touchet doh corv S. Paul, e uellai de bep sort clinhuedeu hac e zipositai en diaul.... Laquad e rér én Ilizieu Croezieu ha Limageu eit chervige de Livreu d'en dud ignorant, revé S. Gregoër; eit ma tei chonge temb doh ou guélet, ag er Misterieu e represantant; eit ma tei demb quemér scuir ar er Sænt, a pe uélamb ou Limageu.... N'atandamb quet é hès vertu er bet èl Limageu-zé; ne laquamb quet hur honfiance én-ai; èl ma laquai an Idolatret én ou idolet : n'en dai quet el Limageu, mæs er péh e represantant. e inouramb.

Fari e ra enta en Héritiquet péré e demall demb è homb Idolatr rac ma hinouramb Limageu er Sænt. Sclær-é de bihue-benac e venn comprenein, é ma er haz hac er furi ou dès doh en llis Catholiq, e ra dehai decriein en duda Ilis; hac é ma eit laquad er Fidelet d'ancoehad lezèn Jesus-Chrouist, é tispènnant en Ilizieu, é fondant er Hroezieu hac el Limageu, péré e represantt er Misterieu a hur Religion, pé e zegass chonge temb ag en dud santel, péré en dès anduret, lod er marhue, lod aral poén fatiq ha misèr eit streàuein er Grechéneah ér béd. En Ilis conduiet dré er Speret-Santel, en dès inouret a viscoah er Hroezieu hac el Limageu ér mod m'hun nès laret, hac ou inourou beèd er fin ag er

béd: ha n'en dès meit hé enemiset ha ré Jesus-Chrouist e eèll prononcein ur blassæm quen horribl èl mei laret en hi dès hum drompet é quemènt-cé.

Er Religion e ourhæmèn demb ehué pedein er Sænt eit meritein ou intercession ital en Eutru-Doué. Mæs n'ou fedamb quet ér memb fæcon ma pedamb Doué : rac ni e bèd Doué el er vamen ag en ol madeu de rein demb en treu a bèré en hun nès dobér: ha ni e bèd er Sænt, hac en Ælet de oulèn en treu-zé guénemb hac aveid omb, é Hanhue Jesus-Chrouist. Ur ré-benac e larou é ma guel hum adressein a bèn-caër doh Doué; ha mé me lar é ma surroh hum adressein doh er Sænt; rac èl meint justoh hac amiettoh de Jesus-Chrouist, eit omb. bout-c'ou leh d'espérein é veint cheleuet guel eid omb. Er Sænt hac en Ælet en Nean e bresantt, é-mé er Scritur, hur Pedenneu de Zoué, hac e hum rejouiss a gonversion er béherion : doh ou fedein ni e ra enta un dra agreabl de Zoué.

Er Religion e ra demb respettein en dud consacret de Zoué, èl er Velean, er Venéh, etc. Hi e ra demb secour revé hur moyand er-ré e hum zispos de vout tud a Ilis. Er Religion e ra demb impléein erhad en déieu consacret de Zoué, èl er Sulieu hac er Gouilieu; respettein en doar beniguet, el léhieu santel, èl er Venæd, en Ilizieu, er Chapélieu. Er Religion e ra demb respettein en treu santel ag en Ilis, er Haliceu, en Orlemanteu, en deur beniguet, er Bara beniguet, en Oleàu sacret, er Prehecioneu hac en ol Ceremonieu aral ag en Ilis....

Digitized by Google

Ag er Péhedeu inemp d'er guettan Gourhæmèn.

Er guettan Gourhæmèn hun oblige d'adorein Doué hemb quin, ha d'er harein parfætemant; hac e zihuèn dohemb ol er péh zou contrel d'er garanté parfæt ha d'en adoration e zeliamb tehou é hunan. Er péhedeu inemp d'er Fé, d'en Espérance ha d'er Garanté e zou ol dihuènnet dré er guettan Gourhæmèn. Conzet hun nès a nehai; ha ne gonzehèmb amèn meid ag er péhedeu inemp d'er Religion, péré zou en Idolatri, er Sacrilege, hac er Superstition.

Ag en Idolatri.

Bout Idolatr e zou adorein un dra crouéet; de laret-é, rantein d'un dra benac crouéet en inour brassan, péhani n'en dai deliet meit de Zoué é Grouéour. Allas l Quênt m'hur boai receuet er sclerdér ag er Fé; en darn muyan ag en dud e oai Idolatr. Lod e adorai en heaul, en tan, en deur, etc., hac e gredai é hoènt Doué. Lod aral hoah dalloh, e rai Figurieu a argant, a vein, a græd, pé a zoar, hac ou adorai. A-dra-sur, en dud-cé e oai guel eid er péh e adorènt. Lod anfin e adorai lonnet brutal, e hum bloestrai dehai, e oulènnai ou secour don er miserieu ag er vuhé, hac e laquai ou honfiance én-ai.

Er Grechénion e hoarh bermen ar goust en Idolatret, rac ma hoènt dall assès eid adorein un Doué en doai groeit ou deourn. Mæs hilleih, hemb gobér èl-d'ai, n'en dint meit rai haval doh-t'ai. Hilleih en dès doh-t'ai ou hunan ur garanté desordr, e cheeuant hac e héliant quêntoh eit volanté Doué: en amour propr e adorant, henneh-é ou idol. Hilleih e dorr Gourhæmeneu Doué eit coutantein ou avarice hac ou inclinationeu lubriq: ha goud e ret é lar S. Paul penaus en avarice hac er paillardiah e zou un idolatri. Ne uélér quet er Grechénion é hobér un Doué a goæd, doh en adorem ar ou deulin, èl en Idolatret-hont. Mæs ul lod vate laq én ou halon en ivi, er haz, er malice, er vanité, en ivraignereah, el lubricité, etc. D'ou zeiche mignon é consacrant ou chongeu, ou dezirieu, ou sourci, ha liès-mat ou inean.

Seèllet petra-é hou c'idol: examinet péh teiche e ouni ar-n'ah, ha credet é hoh Idolatr én interior, mar en dès ur péhet benac er breierance én hou calon ar Lezèn Doué. Quemènt-cé zou. Un abomination horribl èl leh santel; rac Doué zou hanhuet en Doué jalous a hur halon, un Doué e fal dehou bout hemb quin caret, é-mé er Scritur.

Ag er Sacrilege.

Er Sacrilege zou ur profanation ag en treu santel, pé consacret de Zoué. Bout-ç'ou tri sort treu santel: 1°. En dud consacret de Zoué; 2°. En treu beniguet; 3°. El léhieu beniguet. 1°. Ur sacrilegeé goal-drætein en dud consacret de Zoué, hac escommuniet-é en hani zou malheurus assès eid er gobér drévalice. 2°. Ur sacrilege-é gobér guet er sort tud cé ur péhet lous benac. 3°. Ur sacrilege-é blessein dré valice beèd er goaid unan-benac én llis pé ér Venæd; 4°. Gobér inou actioneu inemp d'er burtæd, a béré n'en dai quet permettet conz; 5°. Interrein inou unan-benac éscommuniet, denoncet dré é hanhue, pé unan-benac ne vai quet badéet; 6°. Receu ér stad a béhet marvel ur Sacremant

benac, é spécial er Sacremand adorablag en Autær; 7°. Gobér goab ag er Pedenneu pé Ceremonieu ag en Ilis; 8°. Profanein en treu sacret, pé en Orlemanteù beniguet; doh ou laireah, etc. Gobér un action benac dijauge hac apjulius de Groès Jesus-Chrouist, d'el Léhieu santel, de Limageu pé de Reléhueu er Sænt; 9°. Laireah en Ilizieu, er Chapélieu, er Hovandeu, er Fondationeu: guerhein pé prenein Chapelenageu, etc.

Ag er Superstition.

Er Superstition e ra rantein de Zoué pé d'er Sænt un inour dinaval don en hani zou otoriset dré en llis; pé hum chervige inemp de Lezèn Doué pé de hani en llis eit donnet de bèn ag un dra benac, a voyandeu péré ag ou natur n'ou dès vertu er bet eid en dra-zé; èl mei, hum chervige ag en oleàu, a zeur beniguet, a oleu beniguet, a gonzeu ag er Scritur santel, etc., eit gobér ur maginage benac, pé guellad d'un droug benac, pé hum breservein don ur malheur benac...

Ur Superstition-é hum siein ar bedenneu saus, èl er pemzec joe... ha credein é ma ret attau ou laret pé quent pé quentéh èl sau-heaul, eit ne varhueher quet subit... Superstition-é hum chervige dré vaginage a lezeu pé ag ur péh argand, eit miret doh droug... Laret oræzoneu, pé croèsein, pé discontein eit guellad de glinhuedeu. Superstition-é hum rein d'en diaul, pé gobér un accord benac guet-t'ou, èl er maginerion hac er sorcerion, eit donnet de ben ag un dra benac; èl mei, eit cavouet argand, pé treu cuhet, eit gond er péh zou de zonnet, remerquein péh ær, péh dé, péh suhun commance un assert pe autremant ne yei quet mat; hum cher-

vige a gonzeu eit chalmein haquebuteu, eid arrest un taul guerén, eit guellad de dud, pé de lonnet... Superstition é consultein un divinour... Turel dré vaginage, pé clasq turel droug ar unan-benac pé ar é lonnèt... (Leinet el Livr Pedenneu, ar en Examen a Gousciance.)

Er superstition e zou un dra abominabl dirac Doué, hac e zoug de hilleih a behedeu aral. N'eèl-ler quet hé excelsein, hemb manquein e promesseu ag er Vadient. Doué ne ra quet èl-cé treu extraordinær eit coutantein hur fautazi pe curiosité; n'en dès enta meid en diaul e cèllehai marcé ou gobér, eit distroein en dud a ou dout recour dou Doué, eit hum assurein a nehai, hac ou holl guet trompereah. Doué en dès punisset er superstition én ur fæçon terribl; hac en tiegueaheu é péré é rér pé é souffrer gobér maginage èl-cé, pé aveit tud, pé aveit lonnet, e zou ordinæremant malheurus ér héd-men.

ARTICL II.

Ag en eil Gourhæmèn.

Hanhue Doué heinb ræzon ne douyei quet, Na dre nitra en des croueet.

Dré en eil Gourhæmèn Doué e zihuèn dohemb a brofanein é Hanhue santel; hac e ordrén demb en inourein.

Inourein e rér Hanhoe en Eutru-Doué: 1º. Dré er Bedèn; 2º. Dré en dévizeu devod; 3º. Dré ur vuhé santel hac a scùir vat; 4º. Dré-er rô; 5º. Dré er sermant just ha legitim. En disinoureia e rér s

1º Dré en touyadelleu diavis temerær; 2º. Dré er parjur 3º. Dré er blassæm. Hui e gavou er Bedèn expliquet arlerh er Sacremanteu. En ole ouair petra-é en discourieu devod, hac ur vuhé santel hac a scùir vat. Ne gonzehèmb enta meid ag er rô, ag en touyadelleu, hac er blassæm.

Ag er Rô.

Ur Ro e zou ur promess groeit de Zoué ag un sevr mat benac, arlerh en dout hum aviset mat.

Me lar ur promess, ha non pas ur simpl resolution. Ruc ur simpl resolution e guemérehen de monet de visitein unan clan, n'em obligehai quet quemènd èl pe larehen : me bromet de Zoue, pé me ra ro a monet de visitein unan clan. Me lar ur promèss groeit de Zoue : rac pensus-benac ma heèllér gobér ro idan protection, pé é inour ur Sant benac; de Zoué vai neoah é promettér, ha non pas d'er Sænt. Me lar ur promèse ... ag un œvr mat benac : de laret é, er peh e hrater, e zeli bout mat hac agreabl de Zoué: rac a vihannoh n'en dès na rô nac obligation; é contrel, ur profanation a Hanhue santel en Eutru-Doué vehai. Par exampl. gobér goab a Zoué vehai laret : me bromet de Zoué é hein de goroll, pé en hum vangein... Ne hum ingager ordinæremant dre ro nameit de dreu péré n'en dint meit conseillet, èl mei goarn er verhtæt, vanein certæn déi eu peb suhun, etc. Penaus-benac me he èllér ehué hum ingagein de dreu commandet, èl mei, ne veàueher jamæs, ne lareher jamæs gueu er bet, ne hanteher jamæs bobanceu er béd... Er sort treu zé é hès doubl obligation : en obligation ag er Ourhæmèn, hac en hani ag er ro. Anfin me lar ur promess... arlerk en dout hum

aviset mat : de laret-é, quênt hum ingagein, réd-é examinein mat ha goud de betra en hum ingagéri. hac opèn bout libr de hum ingagein. Ul lod vad e hum gav forh ambarrasset, mang a gonsiderein just ér-raug de betra en hum ingageant. Par exampl. unan e larou : me bromèt de Zoué ne ziméein quet ; mæs a pe za goulèn guet-t'ou péh intantion ou doai ér momant-hont, ne ouair petrà rescond. Lod aral én un dangér, pé én ur hlinhued, e bromèt perhindedeu, pé treu aral, péré ne vent quet é dalh guet t'ai d'accomplissein. Hanhuein e rér quemènt-· cé ur rô diavis, ha ma n'eèll en dud-cé accomplissein ou fromèss bemb diæzein bras er-ré en dès berh ar nehai, pé hemb gobér gueu doh únan benac, ind e zeli hum adressein doh er-ré carguet a oarn hac a gondui en Ilis, eit bout dispancet ag ou rô, pé eit ma vou changet tehai én un dra benac aral. Mæs pihue-benac e scrappehai un dispance, pé ur changemand ag ur rô dré ur gueu, pé hemb ur gùir ræzon, ne cessehai quet a voud obliget, opèn ma commettehai ur pehet bras.

Eèllein e rér hum ingagein dré ro absolumant ha hemb condition; par-exampl: me bromèt de Zoué é hoarnein er uerhtæt; me ra ro é rein cant scouét d'er beurerion... Remerquet amen penaus mar dai argant pé madeu e hoès promettet, hou c'hériterion e vou obliget d'aquittein hou promèss, mar marhuet hemb hé accomplissein. Eèllein e rér ehué hum ingagein idan condition; par-exampl; me bromèt é yunein peb Guiner, mar recouran er yéhæd; a-zé ne hum obliget nieid a pe vou accomplisset er gondition e hoès laqueit. Eèllein e rér hoah hum ingagein eid un amzér; par exampl: me ra ro a oarn er uerhtæt durand ur blæ... Obli-

get-oh durand en amzér e hoès merchet; mæs ur uéh en amzér-hont treménet, hou c'obligation e cèss, meit-ha hui hé renehuéehai.

Quênt gobér rô, seèllet má petra e yet d'obér; hac ur uéh m'hou pou ean groeit, ne vanquet quet a en accomplissein. Rac, é-mé er Scritur, guel vehai paud ne vehai jamæs groeit rô, eit manquein a ou aquittein a pe vent groeit.

Ag en Touyadellen.

Touyet, pé gobér sermant, e zou quemér Doué eit bout test ag er peh e larer, pé e rér, pe e bromettér. Quemènt-cé e arrihue istroh eid én ur mod; rac er memb tra-é laret: Doué zou test a me honzeu; pé laret: Doué e ouair... Quer sur el n'en dès meid un Doué... Men Doué... Ya sur, etc., mar e hoès intantion de douyet ha de guemér Doué eit bout test ar hou conz. Er memb tra-é hoah laquad en dourd ar en Aviél; rac inou é ma conzeu Doué; pé ar er Groès, pé ar er Relégueu; pé touyet dré en Nean, dré en doar, pé dré en treu crouéet, rac Doué en dès int groeit hac ou honserv.

Inourein e rér Hanhue en Eutru-Doué én touyadelleu, a pe vènt just ha legitim; de laret-é, a pe
vènt groeit guet en tair condition-men: gurionné,
justice ha necessité. 1º. Gurionné; de laret-é, rédé ma vou gùir ha veritabl er péh e assuret dré sermant; ha mar dai promettein e ret, réd-é m'hou
pou ur gùir intantion d'accomplissein er péh e hratet. Eit quemènt-cé réd-é ma vehait sur é ma gùir
er péh e douyet. 2º. Justice; de laret-é, réd-é ma
vou just hac honest er péh e douyet, ha ma vou dré
ordr ré en dès otorité de oulèn èr sermant gueneoh, é touyehait. El-cé é rér d'ur oard-minouret,

d'un tresclér ag un Ilis, d'un test ar ur monitoër, ar un dispance de ziméein, pé ar un affær benao a gonsequance, touyet en hum acquitteint erhad ag ou obligation. 3º. Necessite; de laret-é, réd-é ma vou absolumant requis touyet, pé ma vou quêstion ag un dra a gonsequance e zou requis gobér credein, ha n'eèllér quet gobér credein én ur fæçon aral.

Er sermant groeit guet en tair condition-zé, e zou un Act a Religion hac agréabl de Zoué. Mæs mar manq unan hemb quin a nehai, ne vér quet exant a béhet quel liès guéh èl ma touyér. 1°. Mar touyet inemp d'er urionné, bui e gommèt ur péhet horribl e hanhuér parjur; rac ma ret de Zoué un outrage hemb par doh er hemér eit bout test a hou fallanté ha fausoni. Er ré e vanq a hum aquittein ag er péh ou dès touyet, e gommèt chué ur parjur, ha liès mad un injustice. Er ré douy dre acustumance hemb seèllet hac ean e vai guir pe gueu, e zou é goal stad. Petra chongeal enta ag er-ré e ra gueu doh ou minouret; e ra gueu doh en Ilizieu, e laqua argand er Chapélieu én ou implé int, pé de brenein gageu...

2º. Mar touyet inemp d'er justice, de lareté, rehait un dra fal, èl touyet en hum vangehait a hou c'enemiset, é tallehait un dén dehai é peb occasion; touyet é recompansehait unan e fal deoh disinourein, etc., hui e gommèt arré ur péhet enorm. Rac outragein Doué-é er hemér eit bout test é rehait er péh e zispltge tehou. Er sort touyadelleu-zén'en dint quet just. Péhein e rér doh ou gobér, ha péhein e reheoh hoah é hober er péh e hoès promettet. Rac pe vehai permettet accomplissein er sort promesseu-zé, Herod n'en dehai quet péhet é hober dibènnein S. Yehan er Badéour eit coutantein

ur miserabl corollerès. (Histoër en Testamand

nehué, Figur XXVIII.)

3°. Mar touyet hemb ne vai necessite, de lareté, eid un dra distér, pé eid un dra n'en dai quet requis ma vou credet; hui e beh hoah; hac hou péhet e zou marvel mar touyet dré ur certæn malice, pé disprisance, pé guet standal eit hou Nessan. N'en dès paud guir necessité de douyet meid a pe vér galhuet é Justice eid un affær benac. Petra e vou laret enta ag er ré douy eit guerhein pé eit prenein? Ag en dud youanq sodet en eil guet éguilé, péré eit hun hardéhad d'er péhet, e douy en hum gaveint? Ha quemènt-cé inemp de volanté ræzonabl ou zud. Er-ré en dehai neoah tènnet unanbenac d'er péhet dré ur sermant faus pé injust, e zou obliget d'er reparein.

Æssoh-é hum viret a douvet, eit hum viret a béhein a pe donyér. Rac-cé en hun avertiss hur Salver: Me lar deoh me, ne douyet jamæs e fæçon er bet, na dre en Nean... na dre en Doar... mæs assès vou deoh laret, en dra-zé-zou; en dra-zé n'en dai quet; rac er péh zou opèn, e za ag en droug. N'en dai quet permettet goulen ur sermant guet unan e ouyér e douyou é gueu, pé e douyou hemb intantion d'obér er véh e bromèt. Bacn'en dai quet permettet rein a volanté vat d'en Nessan occasion d'offancein Doué. Ur ré-benac e gredou ou dout un digaré d'ou zouvereah, rac m'ou dès un acustumance quer bras de douvet, n'en dai quet é dalh guet-t'ai, e-m'en-dint, hé zorrein; rac m'en dint quer pront, ma hachap en dra-zé guet-t'ai én un taul, hac é ma sottoh eit-t'ai er-ré e hanau ou frontitud, ha ne zihoallant quet a ou l'aquad de douyet.

Mæs er ræzonnieu-zé n'excusant quet dirac Doué.

Mar e hoès ur malheurus acustumance de douyet; groeit hou possibl eit hé zorrein; pedet unan-benac d'hou ç'avertissein a pe achappou gueneoh touyet: pedet, yunet, reit alézon eit goulèn guet Doué er græce de changein: douget er menaceu men ag er Scritur: En hani e douy liès, e vou lên a fallante, ha goalèn Done ne lamou quet a ziar é di: heliet en avis e ra déoh S. Jâq: Drès peb tra, é-m'ean, ne douyet quet... Hun goulantet a laret, èl-cé-é; pé n'en dai quet èl-cé-é, a celfin nc vehait quet condannet. (Leinet el Livr Pedenneu, ar en Examèn a gousciance.)

Ag er Blasfæm.

Er Blassæm e zou ur gonz anjulius de Zoué, un offance d'é inour, pé de hani er Sænt; èl ma vehai laret: Doué e zou cruel... Doué n'en dai quet just... Doué ne hum sourci quet a hanamb... Doué ne hum vell quet a affærieu en dud... Mar dai just en Eutru Doué perac e souffr, ean en dra-men hac en dra.... perac ne ra ean danné d'er révad, ha nan pas d'er ré fal? Pé laret guet disprisance : je-reni-di... mort-di... tête-di... vantre di... trand..., etc. Conz guet disprisance ag er Uériès glorius Vari, pé ag er Sænt: pé laret un dra benac inemp d'en inour ha respet e zou deliet dehai, etc.

Er blassæm e zou er brassan péhet, é-mé S. Thomas, hac en horriplan, é-mé S. Jerom. En diaulet hac er-ré dannet e valloh hac e vlassæm hemb cèss inemp de Zoué, ha n'en don quet souhet : rac inde sant é peb momand er bouis ag é vangeance. Mæs un dra horribl-é cleuet Crechénion doh hum sehuel inemp d'un Doué, péhani é véritt queméutt bout caret, inemp d'un Tad, péhani en dès que-

mènd a sourci a nehai. É vangeance e gouéh abrèd pé dehuehad ar er vlasfæmerion hac ar er-ré ou souffr, èl meien tadeu ha mameu, er vèsir ha mæstrezet, en dud a Justice, hac ol e-ré en dès droæd hac otorité, ma ne brezant quet hum laquad é

poén a gorrigein e vlasfæmerion.

N'en dès nitra e expos mui de douyet ha de vlasfæmein eid en tavarneu, en hoarieu, er hompagnoneaheu debordet, er respet ag er béd, péhani e ra gobèr èl er-ré-ral guet eun a vout goapeit; er vanitè, dre ma credér é hès un inour é houd touyet. Malheur d'er-ré e ra diguemér mat ha ti d'en dud malheurus-cé, péré ne zigueorant ou bêg meid eid offancein Doué. Él Lezèn ancién é hoai ordrénet lahein a dauleu mein en hani e vezai bet malheurus assès eit blasfæmein: ha S. Loëis, Roué a France, en doai ordrénet toullein guet un houarn ru tead ha divès er vlasfæmerion.

Quènd achique en articl-men, laramb petra-é en execration hac en imprecation pé goal-bedèn. En execration e zou un douyadel dré béhani en tou-your e gousantt bout punisset guet Doué, mar lar gueu, pé ma n'accompliss er péh e lar, èl pe larér: Doué d'em punissein, ma n'en dai guir er péh e laran.... Re-varhuein ar en tache, ma n'accomplissan en dra-ze... Ar me housciance, pé ar men dannation.... N'en dès quet brassoh touyadèl eid en execration, revé S. Augustin; penaus-benac mei mat ha permettet guet e tair condition hun nès merchet ihuelloh, eid er sermant.

En imprecation pé goal-bedèn e zou un douyadèl horribl e rér en ur venacein a obér droug de unan-benac; èl pe larér : Doue d'em dannein, mano-ran en droug-men hac en droug... Ne fal quet deian quelet arhouah, ma ne tallan un den dehou... El ma vai ordinæremand er haz hac er gounar e ra prononcein er sort conzeu-zé, caïgein e rér gubavé guet-t'ai blastæmeu épouvantabl, èl mei er bonzeu meliguet men e gleuer quel liès guet certæn tud hanter goue, pere n'ou des meid en hanhue, a Grechénion : Oh! n'en dai quet hoah marhue Doue na clan e Vam; ha ne ortein quet ma hei de di en diaul eit payein drign quement ce. Er mallohen, hac er malédictioneu e. rèr en eil-d'éguilé, e zon hoah branqueu ag en imprecation. Hérissein e rér é cleuet Crechénion, prièdeu doh hum argarhein bac é sacrein en eil guet éguilé a vitin beèd en noz; un tad hac ur vam é rein ou malloh d'on bugalé; bugalé é tezirein er brassan drougueu d'ou zud; er verder dob hum anjuliein; en amision en areih hac é counar é rein ou malédiction en eil d'éguilé; tud furius é rein d'en diaul tout er péh e zisplige dehai, etc. Hum chongeal e rér bout burhud é toul dor en ihuern, a pe gleuèr ar en doar el langage e gonzér inou.

Touyet guet un dra benac, pé rein hou malloh d'en treu crouéet, é spécial d'en dud, e zou ur péhet enorm, é-mé S. Thomas. Malédiction ur vam ar hé bugulé. e zistruge un ti beèd en dondæd, e-mé er Speret-Santel: hac ur hroaidur e ra é valloh d'e dad pé vam, e vou laquest d'er markue. Ne ret hou malloh de nitra; rac é-mé er Proset David, en hani e gar er malédiction, er malédiction e gouéhou ar nehou, ha beèllei quet a zoh t'ou.

Romerq. En-n'emb en dehai groeit ur sermant benac, hac e hum gavehai ambarrasset pé rac ne vehai quet ér stad d'en accomplissein, pé rac n'eèllehai quet é cousciance er gobér, e zeli, èl m'hun nès laret ag er rô, hum adressein doh é Escob, pé doh unan-benae carguet ag é berh, eit bout dispancet ag é bromèss, pé eit goud guet-t'ou petra en dès d'obér.

En eil Gourhæmèn e zihuen hoah a brononcein en Hanbue santel a Zoué, en Hanbue sacret a Jésus, Hanbue er Uériès ha hani er Sænt, dré acustumance, hemb attantion, hemb respet, hemb devotion.

ARTICL III.

Ag en dairvet Gourhæmèn.

Cèss peb Sul a labourad, Aveit chervige Doué devod mat.

Douk dré er Ourhæmèn-zé e ordrén demb santefiein er Sul, hac e zihuèn dohemb pel sort labour terrién én dé-zé, eit ma vehèmb liproh d'er chervige én ur obér ævreu a zevotion hac a Religion.

Doue, é-mé er Scritur suntel, en dès groeit e huéh de en Nean, en doar, er mor, ha quement tra zou én ai, hac e reposas ec seihvet de : rac-ce ean en dès reit é venidietion d'er Sadourn, hac en dès ean santefiet. Eit quemènt-cé é suntesiai er Juivet er Sadourn, péhani e senési de a repoz en Eutru-Doue. Mæs en Apostolet conduyet dré er Speret-Santel en dès queménet er hettan dé ag er suhun, hac en dès ean hunhuet de d'en Eutru-Doue; rac én dé-cé é hoai resuscitet Jesus-Chrouist, hac én dé-cé é tegassas er Speret-Santel aré Apostolet, eit rantein en Ilis ferm ha parfæt èl Lezèn a garanté en doai reit tehi.

Désquet quet er Juivet penaus é teliet santesiein er Sul; rac ne hoès meid en dé de changein. Hou

peet chonge, e me Doué, a santefiein er Sadourn : (ha d'er Grechénion ean e lar : Hou peet chonge a sautefiein er Sul.) Hui e labourou huch de. ha hui e rei ol hou lobour durand en amzer-ze : mæs er seihved e zou en de a repoz Doue hou Mæstr; ne labourehet quet e tra er bet en de-ze, na hui, nac hou pugale, nac hoù servitour, nac hou mateh, nac hou lonnet, nac en estrangerion pere e chom queneoh. Doué e lausq guet er Grechénion, èl guet er Juivet, huéh dé eit gobér ou labourieu pamdièq, hac er Sadourn e zou unan ag en huéh dé-zé. Ur folleahé enta chongeal, èl ma ra hilleih, n'en dai quet mat commance labour ér bet d'er Sadourn, na néein d'er Sadourn de noz, etc. Liès mad er sort tud-cé n'ou dès scrupul er bet eitlausquein labour ag er Sadourn beèd er Sul d'obér, nac eid avance ag er Sul ou labour a bèn el Lun.

Deu dra zou necessær eit santefiein er Sul: 1º. Lausquein en dé-cé peb sort labourieu terrién ; 20. En impléein de chervige Doué. 10. Réd-é lezel d'er Sul quement sort labour e ra un den eit gounid é vouéd, pé eit bout payet; èl néein, brochènnein, guentad, alége gran, charrèad, malein, pobad, etc., meit ha requis vehai labourad en dé-cé. Par-exampl. n'en dai quet un droug laquad de séhein d'er Sul bugadeu e vehai é riscl a vraignein, charrai pé ahuélein foén péré e gommance tuffein; mèdein pé indram mèll e ya de goll; pé gobér ul labour aral; mæs ordrénet-é goulèn, mar eèllér permission guet er Person. Dihuènnet-é d'er Sul gobér foërieu, marhadeu, contradeu, guerhein ha prenein, meit ha requis vehai, rac ne vehai quet cavet en occasion un de aral. Er Sul n'en dai quet groeit eit monet de giboès, eit gober voyageu, nac arrangein affærieu tamporel. Peb-unan e zeli ag en dé

quênt pourvæein én é diegueah bouéd d'el lonnet, deur, quenæd, ha tout er péh e vou ret tehou cavouét, eit n'en dou quin sourci en dé cé meit chervige Doué: ha drè er memb ræzon, ne zeliér gober d'er Sul aitra ag er peh e eell bout derænet beèd el Lun. Er péh e laran eid er Sulieu, e seèll ehué er Gouilieu miret. Dihuènnettoh é hoah én deieu santel-zé er horolleu, er festeu, en daremprèd ag en tavarneu, el leigneu bras, er chervadeu. en assambléieu safarus ha bobanceu er béd, hac é general peb sort desordr ha péhedeu aral; rac quement cé e zistro mui a chervige Doué, eid el labour terrién, péhani a nebou é hunan e zou mat bac innocant; ha S. Augustin e lar é rehai en dud hilleib guel é labourad d'er Sulieu ha d'er Gouilieu. eit dob hum abus de veàucin ha de goroll; hac é vehai honestoh d'er mèrhet boud é néein ou héguilliad, eit hum gavouét ér hompognoneaheu debanchet.

2°. Réd-é impléein er Sul de chervige Doué, én ur obér ævreu a zevotion hac a Religion. En Ilis n'ordrén demb meid un dra d'er Sulieu ha d'er Gouilieu: assistein én Overèn. Mæs é gurionné ne vou hanni e gredou é heèller santefiein un dé a bedair ær ar-n'uguent, dré un Overèn péhani ne bad quet guhavé un hantér-ær. Forh æz-é de bep-unan goud é houlen guenemb en Eutru-Doué un dra benac opèn. Rac bout-ç'ou circonstanceu ma vér dispancet a gleuet en Overèn d'er Sul; ha neoah ne vér quet dispancet a santefiein en déieu consacret do chervige Doué. Bout-ç'ou enta un dra benac a béhani n'eèllér quet boud absolumant dispancet; de laret-é ehnehad dohemb hun hunan eit n'offansehèmb quet Doué en dé-cé; hac impléein d'obér

ævreu a zevotion en amzére chom guenemb arlerh hun occupationeu ordinær. Chetui lod ag en ævreu a zevotion e recommand temb er Religion én dé santel-zé: peb-unan zou libr de choæge er-ré e jaugeou muyan doh é stad hac é zispositioneu interior. Ne gonzan quet ag en obligation d'assistein én Overèn. N'en dès hanni ne ouair hoah é ma obliget idan boén a béhet de monet d'en Overèn-Brèd d'é Barræs, d'er bihannan a bep tri Sul unan: hac Ordrenanceu en Escobet a Uénèd e venace a escommuniein er-ré e vanq de guemènt-cé hemb escus mad er bet.

1º. Er Religion e recommand assistein ér Gospereu hac Officeu aral, én Instructioneu, ér Hatechén, etc. 20. Tostad, mar eèller, d'er Sacremanteu, eit trugairicad Doué ag er græcen recenet durand er suhun treménet, ha quemér nærh eid impléein mad en hani de zonnet. Ma n'eèllér quet covessad, examinein aboël penaus é vai bet treménet er suhun; goulen guet Doué pardon ag er péhedeu e vai bet commettet; en trugairicad ag en ævreu mad e vai bet groeit, ha reglein penaus é telier bihuein er suhun de zonnet. 3º. Peb-unan e zeli en déieu-zé studial é Religion; gobér ur reflexion benac ar é vuhé, leine, pé pedein unan-benac de leine dehon ul livr mat benac; laret er Rosær; mar bér tost d'en llis, monet d'adorein hur Salvér ér Sacremand ag en Autær; gobér er muyan e eèllér a ævreu mat... Lo. En tadeu ha mameu ne sehènt quet gober guel eid assamblein ou bugalé hac ou serviterion, eid ou interrogein ar er peh e vai bet laret ér Hatechén, ér Pron, pé ér Perdèg... 5º. Er-re zou ér stad de reinalezon, e zeli er gober é spécial en déieu-zé, pé ahoël difforh a costé en

alézoneu e fal dehai rein durand er suhun. 6º. Rédé ehué visitein er-ré clan; laret tehui ur guir benac a gonsolation; ou désquein d'andur guet patiantæt ha resignation de volanté Doué; ou avertissein de govessad é cource, etc. En ur guir, rédé, hum gomportein én ur façon ne vou pas memb un ær ag en déieu santel-zé, ne vehai quet santeliet dré un exercice benac a zevotion pé a charité.

Péhein e rér inemb d'en dairvet Gourhæmèn:

1º. A pe labourér d'er Sul hemb necessité ha hemb
permission; 2º. A pe vanquér hemb ræzon legitim
a gleuet en Overèn, pé m'hé hleuer a gorv ha non
pas a speret; 3º. A pe dreménér er rest ag en dé é
debauche, é hoari, é coroll, pe é divertissemanteu
aral ag er béd; én ur guir, a pe vanquér d'en deværien hun nès expliquet, pé ma vér caus d'er-réral ma vanquant dehai.

Er Grechénion vad é santefiein er Sulieu ér mod m'hum nès laret, e denn bénidiction Doué ar nehai hac ar ou madeu tamprel. Mæs er fal Grechénion péré ne seèllant meit dob er gustum hac exampler-ré-ral, e brofitt ag er Sul eit commettein mui a beheden, eit n'ou devai groeit durand er Subun. Diar sàu en Overèn, lod e ya d'en davarn, lod d'er fal gompagnoneaheu, lod d'er horolleu. Durand ma vent én Ilis, é vai ou deulagad é considerein pibue e vai gusquet brahuan : a pe . zant ér mæz, é vènt é seèllet mèn bum laquad eit bout guelet.... Durand en instructioneu, lod ne chongeant meid én ou labour, en ou danné hac ambarrass : lod arul ép ou hoari ha divertissemant. Canneine rér guet en llis mélodi de Zoué de vitin, ha sonnenneu sot d'anderhue. Chelenet e rér conzeu Doué de vitin, ha bourden dishonest pé dangérus quênd en noz. Monet e rér. èl er-ré-ral, d'en llis guet un apparance bras a Religion, èl pe vehai eid adorein Doué; mæs mui a hoand e vehai de monet de certæn léhieu é péré é cavér perpet compagnoneah bourus hac amiabl... Ne zeliér quet bout souhet arlerh quemènt-cé mar dai fachet Doué dohemb, ha mar couéh misérieu ar-n'amb. Ne rér quet goab a Zoué, ha nitra ne ouniér é monet inemp tehou. Ma ne buniss quet attau én ur fæçon splan ha visibl er-ré e vanq a santefiein en déieu consacret d'er chervige, ean er groei én ur mod benac abrèd pé dehuehad; ha sèl mui ma terænou, sèl terriploh vou en taul ag é vangeance.

ARTICL IV.

Ag er bedairvet Gourhæmèn.

Tad ha mam a galon vat car, Aveit bihuein peèl ar en doar.

En Ourhæmèn-zé egomprèn deværieu er vugalé é quevir ou zad hac ou mam: deværieu er Grechénion é quevir en dud a llis, hac er-ré en dès ar nehai un otorité tamporel benac: deværieu a vinouret é quevir ou goard: deværieu serviterion é quevir ou méstr: deværieu en dud youand é quevir en dud coh, etc. Comprênet-é ehué én-hi deværieu er-ré en dès un otorité benac é quevir er-ré zou idan ou berh; èl mei en tadeu ha mameu é quevir ou bugalé; er Vugulion ag en Ilis é quevir ou devèd, etc. È hamb d'expliquein er-ré principallan ag en deværieu-zé, berran ma vou possibl demb.

1º. Decærieu er vugale e quevir ou zad hac ou mam.

Goudé m'en dès Doué reglet temb dré en tair Gourhæmèn quettan hen deværien én é guevir, ean e gommance er Gourhæmeneu e seèll hun Nessan dré reglein demb hun deværieu é quevir hun tad hac hur mam, de béré en hun nès muyan obligation arlerh Doué, hac ean e gommand temb ou harein a galon, ou respettein, sèntein doh-t'ai, hac ou assistein revé er horv ha revé en inean.

1º. Ur hroidur zou obliget de garein é dad hac é vam mui eit hanni aral, non pas hemp quin eit dezirein dehai commodité. yéhæd ha coutantemand ar en doar, mæs eit dezirein dehai græce Doué ér béd-men, hac er Baraouis ér déd aral. Er garantézé ne zeli quet enta boud én apparance hac a zianvès eit hum gaërrad doh-t'ai, hac eit tènnein guet-t'ai; mæs ur garanté sincèr, ur garanté a galon revé ma command en Eutru-Doué: Tad ha mam a galon vat car... En hani e inour é dad hac é vam, é-mé er Speret-Santel, è zou èl un dèn e zastum un tresor: ean e gavou é ol joe én é vugalé, ha cheleuet vou quet Doué én dé ag e bedèn.

2º Er vugalé zou obliget de respectein ou zad hac ou mam. A pe gonzant, réd-é ou cheleuet; a pe gommandant, réd-é sèntein; a pe venaçant, réd-é dougein; a pe gorrigeant, réd-é profittein, hemb jamæs ou dambriss ma gobér goab a nehai nac ou dilaret, meit-ha Lezèn pe gloër en Eutru Doué e ordrénehai quemènt-cé, ha hoah red-é er gobér guet er brassan douster hac humilité. Mar ou dès defauteu, red-é ou suportein hac ou huhein, ne vern é peh stad en hum gavant, ha ni ehué; jamæs ne zeliamb ou dishanàuein. Er-ré en dès dougeance

Doué, e respett ou zud, é-méer Speret-Santel; hac en hani e seèld é dad hac é vad avèl méstr en dès reit Doué dehou eit er hondui ér béd-men, e ra inour dehai dré é obéreu, dré é gonzeu, dré en douster ha patiantæd eu dès en ou hevir. Un dra horribl-é guelet hugalé é tisprisein ou zad hac ou mam, é rein dehai goal seèlleu, rescondeu drougueahus, é hoarhein ar ou defauteu, é hobér bourdeu malicius ar ou houst, e regarli guet t'ai, é tezirein er martue dehai, marcé memb doh ou scoein, etc. Él Lezèn ancién é hoai ordrénet laquad d'er martue en hani e oai malheurus a sès eit scoein é dad pé é vam, pé eit rein é valloh dehai.

3º Er vugalé zou obliget de sèntein doh ou zad ha doh on mam. Bugale, é-mé S. Paul, aboeisset d'hou tad ha d'hou mam ol er peh zou revé Doué, rac quement-ce zou just... S'entet parfætemant doht'ai e peb tra, rac quement-ce e blige de Zoue. De laret-é, sèntet doh-t'ai ol er péh n'en dai quet inemp de Ourbarmeneu Doué na de résen Ilis : ha mar dehènt a laret teoh gobér un dra benac dihuènnet, ret vehai rescon tehai guet S. Pierr, e ma justok aboeissein de Zoue aveit d'en dud. Obliget ver de sentein ol er peh e seell en tiegueah hac el labour. ha hoah davantahe ér péh e seell er vuhé vat. Rédé enta sèntein mar ordrénant chervige Doué, monet Ger Hatechén, tostad d'er Sacremanteu, quittad er fal gompagnoneuheu, renoncein d'er fal hantiss ha deværranceu dangérus, etc. En aboeissance eit ma vou méritabl dirac Doué, e zeli bout prontt, joyus, carantéus ha hemb bum glêm. Mæs allas! . haval vehai e vehai deit en amzer-hont a béhani é conz S. Paul : Donnei e rei, é-m'ean, un amzer epchanie vou tud e hum garou ou hunan... tud glorius... diaboeissant d'ou zad ha d'ou mam, tud ingrad, hemb Lezèn ha hemb dougeance Doué. El Lezèn ancién é hoai ordrénet d'en tadeu ha mameu péré en doai bugalé dissènt ha ne brezènt quet aboeissein goudé bout bet avertisset, ou hondui dirac er-ré ancién ag er guær, ha laret tehai: Chetui hur mab péhani zou ahurtet ha dissènt; a p'en avertissamb, ean e ra goab a hanamb... Nezé er bobl ag er guær er golei a vein, hac el laquei d'er marhue... El-cé é punissait guharel er vugalé diaboeissant. Douget ehué; rac justice Doué ne change quet.

4º. Anfin obliget é er vugalé d'assistein ou zad hac ou mam revé er horv ha revé en inean. Soulaget hou tad en é oaid avancet, é-mé er Scritur, ha ne ret anguin er bet dehou durand e vuhe. Mar commance ponnerrad e speret, escuset ean; n'en dispriset quet a gaus d'en avantageu e hoès drès t'ou; rac er charite hou pou en e quevir, ne vou quet ancoeheit. Hum gomportet er memb fæcon e quevir hou mam, rac Doue hou recompançou ag er batiantæt hou pou bet e souffrein he defauteu. Infammæd-e en hant e abandonn e dad; ha pequemènd e ma meliguet dirac Doue en hani e laqua isprit e vam d'aigrein. Ur broaidur zou obliget de zésquein é dad hac é vam. mar dint ignorant ; d'ou avertissein de dostad d'er Sacremanteu; d'ou soulagein en ou blinhuedeu, d'obér ou deværien prontan ma heèllou; d'obér dehai reglein ou affærieu é cource; de bayein ou delé, ha d'obér pedein aveit-t'ai durand ma vihuou.

Petra e larehèmb-ni bermen ag er vugalé dinatur péré e abandon ou zud én ou brassan d'obér? Péré e zispign mal-a-propos én hoarieu, én tavarneu, é breguerisseu er béh e ouniant, hemb hum sourciein ag ou zud e lausquant marcé de zuein guet en nan, etc. Lode zou crihoh hoah a galon, hac e lair ou sud e zeliehent soulagein guet ou hani propr. Malheur d'er sort tud-cé: rac, é-mé er Speret-Santel: er malheurieu ne lameint jamæs a ziar ti en hani e rantt en droug aveid er mat. Ah! é-mé S. Bernard, calettæt vou Doué e quevir er-re e vou bet calet e quevir ou zud.

2°. Deværieu en tadeu ha mameu é quevir ou bugalé.

En tadeu ha mameu e zou obliget de zessau ou bugalé, d'ou instrugein, d'ou horrigein ha de rein

exampl vat tehai.

1º. Ur voès saisi e zeli hum gonservein erhad, guet eun a vout multrerès d'er fréh e zoug itré hé digosté, dré ur mollish benac, dré un taul coler dré ivraignereah, dré brontitud, pé dré fantazi brutal ur prièd rust hac infam. Quasi hanni ne vai goah ag ul labour reglet; mæs er Vedecinerion abil e lar é ma dangérus bras eid ur voès ér stad-cé néein guet ur rod, dibun pé pèllenein næd, etc. A pe vai arribue bé zermén, ne faut quet manquein a galhuein é cource unan abil'benac d'hé secour. Me lar unan abil, rac ne faut quet hum fiein é certæn mèrhet péré e hum vantt é houiant tout, hac èl-cé e lag é dangér bras buhé er vam, buhé hac inean ur broaidur. Hanni ne zeli hum vellein ag er vechér-zé hemb congé er Person ag er Barræs, revé en Ordrénanceu ag eu Escopti a Uénêd.

2°. Quentéh èl ma vai gannet ur hroaidur, ne zeliér quet tardein a obér er badéein: ne zeliér choæge eit bout Parèn ha Marén meit tud honest hac a scuir vat; ha réd-é dihuèn doh-t'ai a er hass ag en Ilis d'en davarn. Dihuènnet-é ehué doh en tad ha doh er vam a el laquad de gousquet ér gulé guet t'ai quent dé ha blæ, idan boén a escommu-

nication. Ne zeliant quet hoah el lansquein é hunan, pé idan goard bugalé distér-aral, péré en dehai mui a sourci a hoari eid a nehou, guet péré é eèllehai couéh ha bout marcé estropiet.

3º. Un tad hac ur vam e zou obliget de zessau ou bugalé, de laret-é, de bourvæein dehai bihuance ha gusquemant revé ou moyant. Ret vehai bout dinaturroh eid ul Lion eit manquein d'en devær-zé. Ma ne koës quet int maquet, é-me S. Ambroës, hus e hoès int lahet... Guzed e uélér neoah a dud ivraign. ha dispignerion, péré ne chongeant meid a hum zivertissein, durand ma vai ou famill é tuein guet en nan; ha houh ne faut quet hum glêm na demantt. Peguemènt hoah a dadeu avar en dès mui a souréi ag ou lonnet, eit n'ou dès ou bugalé? Petra laret ag er mameu e lausq ou bugalé de vreignein én ou lousteri, de vout daibret guet en aostu. e dro cain dehai eit daibrein er péh e ra vat d'ou halon, pé ou lausq de grial durand ma ridont a di de di de durantal un tam mat benac? Petra laret chué ag er-ré e zimé un eil gueh, hac e abandon liés mad ou bugalé quettan eid er-re dehuehan? Quein vugalé! ar nehai é couéh tout er béh, el labour calettan, er fallan e zou perpet eit-t'ai. Ou diméein e rér prontan ma heèller, eit bout digarg a nehai, ha liès mad hemb goulen guet-t'ai hac ind zou coutant.

Hilleihe gouéh én ur scossèl aral quen dangérus. Racé-sigur m'ou dès bugale de zessau ha d'avance, ne guemérant guet en ouar de bedein Doué, ne oarnant na Sul na Gouil èl mei deliet, ne rant repos er bet d'ou zud; réd-é m'ou d'hou donné ne vern penaus é teint: réd-é ma vou pihuiq ou bugalé, hacé teliehènt-int hum zannein. Queih tud! mar laus-

quet hou pugalé de vout sul, iad ou dou perpet rai a zanné; mar ou dessauét é dougeance Doué,

ind ou dou perpet assès.

4º. Peh-unan zou obliget de bourvæein d'é vugale ur gusquemant honest revéé stad hac é voyand. Rac ur sotiss-é ou laquad de vragal eit en dout gloër guet-t'ai, èl ma ra ul lod vat péré e olo ou ré a sel hac a zantell, eit ma veint seellet. Lod aral n'où dès quin pen-conz meid ag ou bygalé, ha ne vehait quet deit mat guet-t'ai, ma ne laret é mant brohue, é mant dresset èl ma faut, Hilleih e gass ou ré de ziscoein d'en assambléyeu, hac e ham gav pavet mad ag ou foen, mar cleuant ou mêlein. En ur guir, en darn-muyan e ra d'ou bugalé a vihan leconnieu a vanité; ou désq de garein er braguerisseu ha modeu er bed, doh ou mêlein a p'ou devai treu nehué, é vantein dehai er bobanceu, é tisprisein dirac t'ai er-ré e vai fal usquet, etc. Ne faut quet enta bout souhet mar dai quer' soder youantiss quet braquereah ha vanité. Gusquet-int honest ha modest : rac en honestiss hac er modesti e zon vertuyeu; mæs er vanité, el lux hac divodestiss e zou vinceu. Ne zeliér quet rein de unan mui eit d'un aral; rac er garanté en dès un tad pé ur vam doh ur hroaidur mui ei doh e verder, e denn lies de ivi, de gaz, de ualice, de scandal, ha goah guhavé. Er Patriarch Jacob n'en doar reit d'é vab Jogeb nameid ur sai un tamiq brahuoh eit d'é vugalé aral; ha quemènt-cé e oai bet éaus ma queméras é verdér caz doh-t'ou.

5°. Un tad hac ur vam e zeli désquein é cource ou bugalé de boéniein ha de ounid ou bouéd : rac mar dai dangérus ou occupein a gommonce gues labourieu rai caiet, dangerussoh-é hoah ou laus-

quein de boëz é sigur ma vent en un oaid tiner. En arouaredigueah e zou porpet dangerus, é spécial eit tud vouang, ha memb eit bugalé. A pe za en oaid tehai, é vér obliget de seèllet de beh stad é mant galhuet : réd-é ou éprouvein, mæs non pas ou forcein : de laret-é, ne faut quet attau ou lezel de monet d'où fantazi; mæs ne faut quet ehué ou hontraignein de monet inemp d'ou volanté. Rac, é mé er Scritur, un tad hac ur vam e eell rein ti ha danne d'ou bugale: mæs de Zoue-e rein dehai ur parti guet pehani é heèlleint hum salvein. Réd-é pourvæein d'avancemand ur broaidur, ha rein un danné benac tehou; mæs ne faut quet grateah hemb intantion de rein, na mui eit n'eèller rein, na manquein a rein er péh e vai bet grateit. Réd-é partagein just é lod de beb-unan revé Doué, ha rein dehai er movand de vihuein èl tud honest. Ne laran quet nech rein en tout dehai; rac, é-méer Speret-Santel, durand hou puhé ne ret quet d'hou mab .. otorité arn'ah; ne ret quet er peh e hoès d'un aral, guet eun n'hou pehai que, ha ne veheoh obliget goude d'er pedein de rein deuh....

6°. Un tad hac ur vam e zou obliget d'instrugein ou bugalé. En hani, é-mé S. Paul, ne guemér quet sourci ag é ré... e renonci d'er Fe hac e zou goah eit un Infidel. Nitra inouraploh de Zoué eit formein dehou serviterion mat : ha pihue er groei gùel eid en tadeu ha mameu? N'en dai quet erhoulh ou désquein de ounid ou bouéd : necessærroh-é hoah ou ansaignein d'obér en affær-hont péhani zou hé hunan necessær. Réd-é enta ou désquein é cource d'obér Sign er Groès, de brononcein guet respet en Hanhue santel a Zoué, d'er pedein guet devotion. Réd-é rein dehai d'antand é mant crouéet non pas eit hoari ha hum zivertissein, mæs eit ha nauein, carein ha chervigein Doué, ha dré er moyand-cé bout heurus guet-t'ou én é hlodr. Réd-é expliquein dehai, guellan ma heèllér, Misterieu en Drindet santel, en Incarnation hac er Redamption; conz tehai liès ag er pedair fin dehuehan, ha profittein ag en accidanteu, ag er miserieu ag er vuhémen eit ou disposein de garein er vertu ha de guemér caz doh er péhet, pehani zou pèn-caus d'en drougueu e arribue guet mab-dén.

A vusul ma cresquant én oaid, réd-é ansaignein dehai guet brassoh sourci en obligationeu hun nès de Zoué; ou désquein d'obér tout én én é hloër, de gomprènein é Ourhæmeneu ha ré en Ilis, eit ma tihoalleint doh er péh çou dihuènnet, ha ma reint erhad er péh çou commandet. Réd-é ou désquein d'assistein guet devotion éu Overèn, de hum zerhel guet respet én Ilis; ansaignein dehai er fæçon de govessud, ou hass abrèd ha lies; dihoal a vourdal dirac-t'ai ar er Govezion, a ou attahignal ar guemènt-cé: a ou menace ag ou Hovezour nac a obér eun dehai ag en dud a Ilis: rac quemènt-cé zou caus de hilleih a sacrilegeu. Réd é ehué au hass é cource d'er Hatechén ha d'er scol a guemènt ma vai possibl.

A pe gommanéant hanàuein er béd, sourci brasson un tad hac ur vam e zeli bout d'ou avertissein de zerhel doh en hènd mat, de reglein ou buuhé doh er gurionnéeu e zésquér er Hatechén, de laquad ou studi principal de bligein de Zoué, de zihoal doh er fal gompagnoneaheu hac a hantein er-ré mechant, en ul laret tehai er bonzeu-men ag er Scritur santel: Me hroaidur, mar clasq er beherion hou counid dre honzeu caër, ne sentet quet doh-

t'ai, ne yet quet quet-t'ai, ne laquet quet hou troæd en hend ma querhant; ne yant meit d'ober droug. È gurionné, un dra horribl-é guelet é péh fæçon é vinue en dud youanq assambl. Ne uélér guet en darn-muyan meit hantiss dangerus, meit gesteu dijange, meit bouffonnereaheu méhus, meit bour-deu insam, etc. En tadeu ha mameu n'en dint quet hemb goud quemènt-cé; hac hauni ne ra cas. Ah! buyalé, é-mé er Speret-Santel, beèd pegource é carehait huien amouèdage? Beèd pegource er-re hemb speret é tezireint ind er folleah ag er béd péhani ou holl? N'en dai quet quemènt-cé e hoès grateit de Zoué én hou Padiènt.

7°. Un tad hac ur vam e zou obliget d'avertissein, de gorrigein ha de gastiein ou bugalé revé Doué. Ne zouget quet castiein ou croaidur, é-mé er Speret-Santel, rac mar er fouëttet, ne varhuou quet... ha hui e breserv einean don en ihuern. Plæguet ean enta a youanq... guet eun ne yehai ha cafettat, ne vanquehai a sèntein dohoh; ha ne zehai de vout chif hac anquin hou calon. Er-ré n'ou hortigeant quet, n'ou harant quet; mæs er-re ou har, e laqua poén e peb momant d'ou ansaignein... Mar ou lausquet de monet d'ou chonge, hui hou pou méh guett'ai. Mar ou désquet erhad, int hou consolou en hou poénieu.

Réd-é enta avertissein er vugalé; rac mab-den, é-mé er Scritur, e zou douguet d'en droug a vihan. Mæs mar guélér ne rant cas arlerh meint bet avertisset ur uéh pé dihue, réd-é ou hastiein guet doustér ha caranté, eit corrigein ou vinceu, eit ou laquad de vout mat, parfæt ha santel. Doné e gommand ou hasticin; mæs ean e zihuen a er gobér dré golèr, dré gaz, dré amportemant, dré fantazi, dré fal imur, etc. N'eu dai quet erhoalh fouettal na

Digitized by Google

corrigein; réd-e er gobér a balamor de Zoué, hac ér mod ma command en Eutru-Doué. Malheur enta d'en tadeu ha mameu péré é sigur corrigein ou bugalé, ou ra d'en diaul, e zezir er marhue pé un droug horribl benac dehai, e ra ou malloh dehai.. Er vugalé, é-mé S. Chrisostom e vou lén ag er goal-speret, a pe vai ou zud malheurus assès eit ou rem dehou. Benidiction un tad, é-mé er Scritur, e laq ti é vugalé de vout sonn: mæs malediction ur vam en distruge a blad-nuah. Hui e zezir droug d'hou pugalé! Doué e rei deoh hou coulèn: droug e arrihuou guet-t'ai abrèd pé dehuehad.

Ne faut quet castiein bugalé ma n'ou dès méritet ha hemb ræzon: ne faut quet ou goal drætein nacou bourreàuein é sigur ou horrigein : mæs rédé ou hastiein revé er ræzon hac ou oaid, guet un doustér ferm, guet caranté dob Doué ha dob-t'ai. eit ma veint guel, parfættoh, santelloh. A pe uélér guet-t'ai un dra benac e eèllehai ou doug d'offancein Doué, réd-é ou avertissein guet doustér, ou menace guet caranté, ha mar bai ret, ou hastiein eit Doué: rac ne zeliér quet scoein hemb avertissein ha laret perac vai. É gurionné, ne ouzan quet penaus hanhuein certæn tud-c'ou péré eid un nitraiq ma vang ou bugalé, e sco ar nehai goah eit pe vehènt lognet brutal; ha ne rant cas eit ou guélet é péhein : ind e gav memb ur bourd ma houyant offaquein Doué. O tud hemb Religion!

8°. Anfin un tad hac ur vam e zou obliget de rein scuir vat d'ou bugalé; de laret-é, ou désquein mui dré ou obéreu eit dré ou honzeu : rac, é-mé S. Leon, en exampleu e zon creihuch eid er honzeu. Dihoalleënt enta, é-mé S. Jerom, ne uélehai ou bugalé guet-t'ai un dra benac. e vehai occasion

dehai d'offancein Doué. Caër en dou un tad hac ur vam rein aviseu santel d'ou bugalé; mar dislarant ou honzeu dré ou obèreu, ind e rei, peb-unan d'é sort, goah eit pe larehènt gronce dehai gobér en droug. Caër ou dou mèlein dehai en tamperance, er vertu a burtæt, ma ne uélant guet-t'ai meit debauche, chervad, ivraignereah, gesteu dijauge,

actioneu impudiq, etc.

N'en dai quet erhoalh de dad ha de vam rein schir vat d'ou bugalé, réd-é hoah ma spieint erhad doh-t'ai eit ne veint quet couchiet dré oal-exampl er-ré-ral. Rac er goal speret e hum chervige ag en dud memb eit coll en dud; ha liès ean e goll ér mæz er-ré n'eèll quet coll én ti. Ne faut meid ur hroaidur couchiet én ur hanton, eit couchi ol erré-ral: rac er goal exampl, ha conzeu en dud lous el ur gangren e ouni, ol ur harter, é-mé S. Paul. Eit miret doh un droug quer bras, un tad hac ur vam ne zeliant jamæs laquad ou bugalé de gousquet guet-t'ai, na pautrèt ha merhèt assambl, nac ou lausquein, a guement ma heelleint, de monet de hum zivertissein, de hoari, de oarn ol lonnet assambl: rac, é-mé er Hatechén, en hantiss a dud youang pautret ha merhet hardeh en eil doh éguile. e zou un occasion tostan a behet, doh pehani e ver absolumand obliget de beellad. Hilleih e ouair quement-cé ar ou houst, ha neoah n'en dint quet sourciussoh ag ou bugalé. (Ar er fæçon de zessàu et vugalé. ha memb de bratiquein Gourhæmeneu Doué ha ré en Ilis, leinet Magasin spirituel er Beurerion.)

Tadeu ha mameu, chetui ou teværieu principallan é quevir hou pugalé. Dessàuet int, instruget int, corriget int, reit perpet exampl vat dehai. Rac eit boud int sortiet a hou ti hac a zan hou perh, n'en dob quet hoah digarg a nehai. Obliget oh hoah de seellet penaus en hum gomportant, ha de rein dehai en aviseu mad e gavehai necessær. A pe santehait é tostei deoh er marhue, galhuet ind eit rein dehai hou pénidiction, èl er Patriarch Jacob. Ne ouheoh quet testamandein dehai nitra guel eid en aviseu e ras en dén santel Tobie d'é vab quênt merhuel.

· Me mab, é-m'ean, laqueit donn én hou calon e er péh e laran deoh : A p'en dou Doué receuet · me inean, interret me horv; inouret ha respettet . hou mam durand ma vihuou... Chonget é Doué . e bamdé, ha dihoallet a gousantein jamæs d'er péc het, hac a vanquein de Ourhæmeneu hun Doué. Reit en alézon ag er peh e hoès, beaih charitabl e er mod ma heèllehait. Mar e hoès hilleih a zanné. reit hilleih a alèzon : ma ne hoès quet calz, reit a volunté vat ag er péhiq e hoès... Rac en alézon e zelivr ag er péhet bac er marhue, ha ne · lausquon quet un inean de gouéh en tihoéldæd ag en ihuern. Dihoallet dob peb sort lousteri a · baillardiah; ne lausquet quet er golèr de ounid . hou speret nac hou conzeu. A p'en dou unanbenac labouret eid-oh, payet ean quentéh... Di-· hoallet a obér jamæs d'er-ré-ral er péh ne gare-· beoh quet ma vehai groeit deoh : goulennet pere pet conseil guet un den parfæt hac aviset mat. · Mêiet Doué é peb amzér; pedet ean d'hou condui attàu dré en bènd mat : me mab, ne zouget quet; gùir-é é homb peur; mæs ne vou quet danné e vanguou demb, mar hun nes dougeance Doué, « mar hum viramb doh peb sort péhet, ha mar e groamb ævreu mat. D caërræd un Testamant!

3º. Hun Deoærieu e queoir en dud a Ilis.

Er bobl e zeli d'en dud a llis inour, respèt, aboeissance hac assistance.

1º. Réd-é inourein en dud a Nis hac ou respettein: rac ma talbant leh Jesus-Chronist ar en doar: rac m'ou des receuet guet Doué puissance hac otorité ol ar er peh e gondui d'en Nean; rac m'en dint hur Bugulion spirituel, ha Medecinerion hun ineanneu; rac m'hun nès én ur fæcon brassoh obligation dehai eit n'hun nès d'hun tad d'hur mam. dré m'en des reit Doué demb dré ou deourn madeu préciussoh eid er-ré en dès reit temb hun tud. Ne faut quet hou disprisien é sigur m'en dint sauet a dud peur, pé rac ne vihuant quet revé er santeleah ag ou stad. Rac Jesus-Chrouist n'en doai choæget meit tud peur eit boud é Apostolet; ha ne larér quet deoné teliet inourein er Velean rac m'en dint a noblance pe a leigné vras; mæs rac ma talhant léh Jesus-Chrouist. Mar ou des defauteu, hui e zeli chairrein hou teulagad ar nehai, ha non pas ou décriein nac ou disprisien én hou calon: rac en disprisance e rer ag en dud a llis e ya peelloh eit ne chongér, a p'en dai guir en en dès hur Salvér laret tehai: En hani hou tispris, em dispris me; hac en hanî em dispris me, e zispris Doué me Zad, pehant en des men degasset ar en doar. En disprisance e rér ag en dud a llis hac ag er péh e ansaignant, e zou ur merche en hum goll er Religion. én hur mésa.

2°. Réd-é aboeissein d'en dud a llis ér péh e seèll hur Salvedigueah. Aboeisset d'hou Pugulion epirituel, é-mé S. Paul, ha sèntet doh-t'ai ér péh e lareint teoh: ind ou dès ou deulagad attau ar-n'ah

hac e zihoal dohoh; rac ma teliant daccor contt de Zoue a hou c'ineanneu. Ne uélér néoah meit rai a dud péré e hum sau inemp d'ur Person rac ma ra é zevær, péré e gav un taul caër en anjuliein ha gobér er hontrel d'er péh e ansaign. Er sort-zé e zou caus ma couéh vangeance Doué ar er-ré-ral ou souffr hac ou cheleu. Ne fall quet deoh sentein doh Bugulion mat ha santel! lamet veint gueneoh, é-mé un Doctor bras (Origèn), ha nezé e harrihuou gueneoh en amzér-honta behani é conzer Profæt Amos: Me zegassou, é mé en Eutru-Doué, ur guerteri ar en doar; non pas ur guerteri a vara hac a zeur; mæs ur querteri a gonzeu Doue. Deit é just en amzer-ze bermen. Er vugale en des goulennet er bara a gonzeu Doué; é-mé Jeremi, ha ne oai hanni de drohein dehai.

Jamæs neoah en oboeissance d'en dud a llis ne zeli boud ar goust heu g'inean. Rac mar behai hanni malheurus assès eit hou solitein d'obér droug, ne sentet quet; ne gueméret quet scuir ar en droug e rant, mæs groeit, é-mé hur Salvér, er mad e ansaignant... Rac en hamou cheleu, em cheleu me...

30. Réd-é assistein en dud a Ilis; de laret-é pourvæein dehai ou bihuance hac ou necessær. Er Velean pere e hum aquitt erhad ag ou harg, é-mé S. Paul, e zeli boud doublemand mouret ha recompancet, é special er-re e laq poen de berdeg ha d'antaignein er bobl; rac peb mecherour e veritt e recompance... Mar hun nes reit dech er madeu spirituel, n'en dai just m'hur bou hur bihuance tamporel? Den ne ya d'arad hemb esperance a æstein; den ne blantt ur unieq, hemb boud ingorto a brofittein. S. Paul e ra d'antand é ma bet ordrénet a viscoah rein ou bihuance d'er Velean, ha payein en deau gueu d'en

Ilis. Ne dardet quet à bayein en deaugueu hat er premidi, é-mé Moys d'er bobl Juiv, rat en deaugueu ag en doar e zou deliet de Zoué. Ansin er Speret-Santel ne laqua meit Doué é-raug er Velean: Douget en Eutru-Doué ag en dondæd a hou c'inean, ha respettet er Velean: caret hou Crouéour, ha n'abandonnet quet er Velean: inouret Doué a greis hou calon, groeit inour d'er Velean ha payet en deaugueu el m'en dai ordrénet. (Eccl. 7. V. 31.)

Ne hum arestamb quet amen de verchein deværieu er Vugulion spirituel é quevir ou devèd. En ol e ouair é mant obliget: 1°. De rein exampl vat d'er bobl; 2°. d'ou instrugein; 3°. d'ou secour; 4°. de bedein aveit-tai.

4°. Desærieu er bobl é quesir er-rézou carguet a gondui ou affærieu tamporel.

Ne hum arrestehèmb quet ehué d'expliquein en deværieu zé. Assès vou laret de bep-unan é ma obliget de respettein er-ré en dès berh ar nehou, èl mei en dud a Justice, hac en Duchentil de béré é ma chuget; d'aboeissein dehai ér péh e seèll ou otorité, non pas dré zougeance a vout punisset, mæs a volanté vat hac a balamor de Zoué péhani e ordrén quemènt-cé; de bayein dehai perhuéh-mad en taxeu ha droædeu aral; de bedein Doué d'ou honservein; de zihoal a vurmurein inemp tehai, a oal gonz a nehai hac a ou zroublein én exelcice ag ou hargueu....

Deværieu en dud é carg é quevir ou sujité, e zou conservein er peah, rantein Justice de bep-unan, punissein en dorfæterion, recompancein er vertu, ampeche hac arrest er scandal, gobér miret Lezèn

Doyé, Lezèn en Ilis, hac en Ordrénanceu; anfin gobér bonheur ha lebuiné er bobl....

Deværieu minouret é quevir ou goard n'en dint quet dihaval dob ré er vugalé é quevir ou zad hac ou mam: hac ur oard e zeli en doud ag é vinouret er memb sourci e zeli un tad hac ur vam ou doud ag ou bugale. Ur oard e zou neoah obliget d'en doud ur soign particulier a zunné é vinouret, ha de glasq moyandeu just ha legitim eit ou laquad de brofittein, pé de zoug rantt...

En dud youand, revé S. Paul. e zeli considerein en dud con èl ou zud, ou inourein, ou respettein, suportein ou defauteu, hac ou assistein, a guement ma heèllant, en ou dobérieu. En dud con e zeli considerein er-ré youand el bugalé, ou désquein de zisprisein er bed, de bratiquein er vertu, ha rein

é peb mod exampl vad dehai.

Er beurerion e zeli goud grad d'er-ré ou secour, rantein chervige dehai a pe cèllant, ha drès peb tra pedein Doué eit-l'ai. A fæd er-ré n'ou secourant quet penaus-benac m'ou dès er moyant, ind e zeli perpet ou inourein, ou respettein; dihoal erhad a vurmurein hac a hum sehuel inemp tehai. Expliquet hun nès en ur gonz ag en alézon, deværieu en dud pihuiq é quevir er beurerion. Me lausq ehué beèd en explication ag er Sacremand a Briedereah, de gonz a zeværieu en dud diméet en ell é quevir éguilé.

5º. Decœrieu er serviterion è quevir ou mestr.

Stad er serviterion e zou paud scannob eit han i er vestr. Ur servitour n'en dès de rescond meid a nehou é hunan : mæs ur mæstr en dou de rescond a nehou hac a guemènt hanni zou idan-d'ou. Er serviterion e zeli enta considerein é ma Doué en dès intlaqueit ér stad-cé, ha hum aquittein erhad ag ou deværieu, peré zou carein ou méstr, ou res-

pettein aboeissein ha bout fidel dehai.

1º. Ur servitour e zeli carein é véstr; dezirein dehai er madea éternel hac er madeu ag er vuhé; assai ou gounid de Zoué dré é gonzeu mat, dré é Bedènneu, ha dré en exampl caër ag ur vuhé santel. Ean e zeli ehué conz mad a nehai partout; excusein ou defauteu guellan ma heèllou, hemb jamæs dizolein nitra ag er péh e bass én ti. Rac méliguet-é, é-mé er Spèret-Santel, ur raportour hac un den a zeu dead, rac ma laq en dissancion strè er-rè e oai é peah.

2º. Ean e zeli ou respettein, ou rescond guet doustér, conz a nehai guet inour; ha mar behai requis, tehou ou dislaret, ne zeli er gobér meit guet er vrassan humilité, en ur chongeal é ma Doué en des reit tehai otorité de gommandein. Er respèt-zó e zeli neoh bout revé Doué. Rac pe zehai d'er véstr commandein on dra benac contrel de Lezèa Doué pé de hani en Ilis, er serviterion ne zeliant quet aboeissein; ret vehai quêntoh ou huittad, hac

é teliehènt-int coll ou gobr.

30. Ur servitour e zeli aboeissein d'é vestr. Serviterion, é mé S. Paul, aboeisset d'hou mestr tamporel, guet dougeance, guet respêt, guet ur galon simpl, èl de Jesus-Chrouist memb. Nou cherviget quet hemb quin rac m'en dint doh hou seèllet, èl pe vehai d'en dud é falehai deoh pligein; mæs hum gomportet èl serviterion mat de Jesus-Chrouist; groeit quement ce a galon vat ha hui e rei volanté Doué... Rac ma houzoh e rei Doue deoh e héritage aveit rocompance. Serviterion, é-mé S. Pierr, abocusect

d'hou mestr guet un dougeance vras, non pas hemb quin d'er-re zou douce ha patiant, mæs memb d'er-re zou rust ha diæz; rac un dra agreabl de Zouee suportein a gaus tehou en ol affictioneu e rer demb

souffrein hemb ræzon.

4º. Er serviterion e zou obliget de vout fidel d'ou méstr. Jamæs ne zeliant gobér, guou doh-t'ai, na rein nitra ag en ti hemb permission, na lezel hanni, pas memb er vugalé, d'obér domage er bet dehai, na quemér nitra dré-zan dourn, pé é sigur hum zigoll, rac ne gavehènt quet en ou dehai gobr assès, pé eit gobér chervad, na memb eit rein en alézon. Ind e zeli campènnein d'ou méstr, hemb discouffi nitra; labourad èl pe vehai eit-t'ai é labourehènt, revé Doué: ha mar guélant er serviterion aral, pé memb er vugalé ag en ti doh hum zirangein pé é laireah ou méstr, ind e zeli miret pé ahoël avertissein. Rac ma lausq ur servitour gobér gueu doh é væstr, obliget von de restituein.

S. Paul e ourhæmenai d'é ziscipl Tite desquein er serviterion de voud aboeissant d'ou mestr, de blæquein dehai é peb tra, hemb ou dislaret, hemb gober gueu doh-t'ai; mæs de rein dehai é peb occasion ur merche ag er vrassan fidelité, a-celfin ma hinoureint é peb tra Doctrin Doue hur Salver. S. Paul e ra splann d'antand a zé é ma doh hum aquittein erhad ag ou deværieu é consist er vellan devotion eid er serviterion. Hum drompein e ra enta er-ré e hum glèm rac ne rér quet dehai amzér d'ou chonge de laret hilleih a Bedènneu; rac n'eèllant quet cleuet dihue pé tair Overèn bamdé, na monet a pe garant d'en Ilis, ná bout d'er Sul ha d'er Gouil a vitin beèd en noz én ou devotioneu, etc. Doué ne onlèn quet quemènt cé guet-t'ai: ha serviterion guet de-

vetioneu pennadus el-cé e zou lies caus d'ou mestr, de golèrein, de douyet, de zecriein en devotion, ha de vlassamein inemp de Zoué ha d'é Lezèn. Ne vou enta meid é accomplissein ou obligationeu ér mod m'hun nès laret, é reint inour de Zoué ha d'en devotion.

C. Obligationeu er oestr è que i ou serviterion.

Er véstr a digueab e zeli bout, revé S. Augustin, bugulion santel ou zud, eid ou hondui hac ou désquein erhad, aveit ma taccoreint de Zoué ur gontt vad ag er-ré zou idan-d'ai. Obliget-ind enta de gonsiderein: 1º. Penaus ou serviterion e zou bugalé de Zoué ha mambreu de Jesus-Chrouist quer clous èl d'ai, é mant ou berdér, hac en ou dès é Nean un tad cummum, péhani ne seèllou quet doh er-ré en dou commandet, na dob er-ré en dou cherviget, mæs e rei de bep-unan er recompance en dou meritet én é stad. 2º. Obliget-int de ziboal ne vehai hanni én on zi ne ouvehai quetier Misterjeu principallan ag er Religion, hac er peh zou necessær eit bout salvet; ha mar behai unan-benac èlcé ind e zeli er hass d'er Hatechén pé en désquein int-memb. 3º. Ind e zeli gobér ma vou laret er Beden assambl de noz ha de vitin, ha laquad poén ma tostei liès ol ou zud de hovessad. 4º. Ne faut quet lezel hanni a nehai de goll en Overèn d'er Sul ha d'er Gouil, na hanni de labourad en déieu santel-zé : é control, réd-é gobér dehai monet d'en Officeu, d'en Instructioneu ha d'en Devotioneu aral ag er Barræs. 5º. Er-ré zou er stad hac én oaid. e zeli van en déieu ordrénet dré en Ilis. 6°. Eid ou

distrooin ag er fol deværranceu ag er béd, ingageent ind de hum laquad en ur Verdiah benac a zevotion, eit m'ou dou mui a gourage d'ober ævreu mat. 7º. Ne souffreent jamæs hanni én ou zi de douyet, de sacrein, de vlasfæmein, na hanni e gonzou sot, pé e rei un dra benac dijauge ha dis dishonest. Er mæz e zeli bout d'er sort tud-cé. 80. Ne zeliant quet ebué andor én ou zi hoari fal eit collargant, na tolo digampèn er bet, na coroll, na filage. 9°. Jamæs ne zeliant andur é mésq ou zud fal livreu péré e gouchi en isprit hac er galon; mæs ind e zeli ou doud ul livr mat benac, buc én ou discuéh, pé a pe veint ol assambl, unan e leinou a voéh ihuel eit ma clepou er-ré-ral. 10º. Ma ne brez quet er serviterion arlerh m'eint bet avertisset. hum aquittein ag ou deværieu, pé torrein ou fal daicheu, pé renonciein d'er fal hantiss, pé d'er fal gompagooneahen, réd-é rein ou hongé debai, cousteet e goustehni.

Chetui lod ag en obligation en dès merchet S. Charles Boromé én drivet Concil a Vilan, d'er véstr é quevir ou zud. Mæs Doué ér Scritur santel, e ordrén hoah dehai: 1º. Payein perhuéh mat gohreu ou serviterion, a pe veint paré. Ne oarnet quet gueneoh, é-m'ean, beèd en trenoz payemand en hani en dès labouret eid-oh... Hou peèt chonge, é-mé S. Jaq, penaus er payemand e zalhet gueneoh has e zou deliet d'er-ré en des chairret hou ç'æst, e gri inemp teoh, has er hri zé e zou oueit bet-ha discoharn hun Doué. Quemènt-cé e ra reih d'antand ne zeliér gobér gueu er bet doh er serviterion, na tardein rai a bayein dehai ou gobreu, etc.

29. Commandet-é ehué d'er vestréarein ou serviterion. Ne oal drætet quet ur servitour pehani e labour guot fdelité, é-mé er Speret-Santel, nac ur gounides pehani e hum ra tout deoh... Caret ean el oh hou c'hunan, ne refuset quet hou el liberté e veritt, ha n'el lausquet quet de gouéh é peuranté. Mar da d'ou serviterion gobér ur faute benac, ind e zeli ou avertissein guet charité ha non pas guet colèr.

3º. Anfin er véstre zeli, èl en tadeu ha mameu, rein exampl vat d'ou serviterion. Ind e zeli boud ér-ré guettan é hobér er péh e ordrénant dehai ; dihoal a ou anjuliein, a ou goal drætein, a douvet bac a golèrein guet-t'ai. Malheurussæd-é er véstr péré ne bum sourciant quet péh buhé e gonduiou ou serviterion! Hac é vehènt int touyerion, blasfæmerion, paillardet, ivraignet, debauchet, hemb Lezèn na dougeance Doué, ne rant cas er bet meit ma reint ou labour. Miseraploh-é hoah er-ré e vehai fache guet-t'ai ou doud én ou zi tud honest . tud fidel de chervige Doué de noz ha de vitin, de dostad liès der Sacremanteu; etc. Ne fal dehai ou dout dah ou chervige meit tud ou secourou de fal obér, de drompein, de laireab, de fraudein, ha d'obér fal droyeu aral. Méh em behai é conz ag er-ré e glasq esprès tud corromplet, eit ma caveint æssoh en tu de goutantein ou inclinationen infam.... Jugemand or re e gommand, e vou er halettan.... Hac en tourmant brassan e vou cid er-re puissantan, émé er Scritur santel.

Péhein e rér inemp d'er bedairvet Gourhæmen, a pe vanquér d'en deværien hun nès merchet amen. Doué en dès grateit er vuhé éternel ér béd-hont, d'er-ré e hum aquitt a nehai, hac ér béd-men bémidictioneu tamporel : mæs er-ré e vanq dehai, e zon menacet ag er marhue éternel, ha liès vangeance Doué e gouch ar nehai ag er vuhé-men.

ARTICL V.

Ag er bempèt Gourhamèn.

Ne veès multrér de zèn er bet A volanté nac a effæd.

Doug dré er Ourhæmèn-zé e zihuèn dohemb a hum lahein ni memb, a lemel dré hun otorité propr er vuhé guet hun Nessan, hac a vout caus dehou de béheia é fæçon er bet; hac ean e ordrén demb dezirein ha gobér d'hun Nessan en ol vad e zeziramb hac e rehèmb demb-ni hun hunan revé Doué, ér mod m'hun nès laret en articl ag er Garanté Grechéneah.

1º. Dihuènnet-é dohemb dré er bempèt Gourhæmèn a hum lahein ni memb, a hum vlessein, a obér gueu én ur mod benac doh hur yéhæd, a hastein hur marhue dré resorcereah, pédrézebaucheu, pé memb dré gastimanteu rust ha diavis, a zezirein er marhue demb-ni hun hunan dré imur pé dré zésespoër, etc. Guæd e zou cablus ér poénd-cé!

2°. Dihuènnet é dohemb a lemel dré hun otorité propr er vuhé guet hun Nessan, a hastein é varhue è mod er bet, a er scoein, a er blessein, a zezirein er marhue dehou dré fal imur, pé eid en doud é zanné, e oarn ivi, pé caz, pé malice doht'ou, rac, é-mé S. Yehàn, en hani en dès caz doh é Nessan, e zou ur multrer. Dihuènnet é ehué a gonseillein d'en Nessan gobér un droug benac d'un aral én é gorv; a en droug de golèrein doh un aral, pé de hum vangein ar nehou. Multrer vér hoah a pe vanquér é quevir en Nessan de certæn deværieu a justice pé a charité, ha ma ta dehou

merhuel faute a vout bet assistet. Par exampl, hui e hanau tud péré zou én dehuehan necessité; cablus vehait ag ou marhue, mar eèllet ou secour, ha n'ou secouret quet. Hui e uél un dén é monet guet un hènd é péhani é couéhou droug guet-t'ou; cablus vehait ag en droug cé, ma n'en avertisset quet.

Peb-unan e ouair en en dès Doué reit d'en dud a Justice carg de bunissein el lairon hac en dorfæterion : mæs er-ré-zé n'er groant quet dré ou otorité propr, mar jugeant revé er regleu en dès merchet Doué degai. Ne vehai quet memb permettet demb lahein un den e uélehemb dob hul laireah : rac un dén èl-cé e vehai ér stad a béhet marvel, ha doh el labein, ni e vehai marcé caus d'é zannation. Mæs petra gobér mar hum gavér én dangér a vout lahet. ma ne lahér? En Theologionnet e lar é teliér én ur circonstance èl-cé assai cubein pé téheid én ur mod benac; ha ma n'eèllér quet absolumant, é ma permettet hum zihuen, ha memb trættein hun enemis én ur fæçon ne vou quet capabl d'obér droug temb. meit ne vou quet er golèr hac en dezir de hum vangein e rei d'emb er scoein, ha n'hur bou jamæs bet intantion d'el labein.

3º. Anfin dihuènnet-é dré er Ourhæmèn zé a vout caus d'en Nessan de béhein é fæçon er bet. Multrér vér d'en Nessan én é inean, a pe rér esprès certæn treu péré en dougou de fachein, de hum vangein, de douyet, de vlasfæmein; a p'er scandalisér. Er scandal e zou ur gonz, pé un action fal, pé e zisco bout fal, ha dré guemènt-cé e ra occasion d'er-ré-ral de béhein. 1º. Me lar ur gonz fal, èl er bégadeu infam, er bourdeu sot, er goal gonzereah, en décriance ag en devotioneu, ag en instructioneu, etc., commandein pé conseillein d'er-ré-ral

· Digitized by Google

fal obér, gobér goab ag er-re e ra mat, ha mêlein er-rè e ra droug. 2º. Me lar un action fal, èl mei fal obér dirac er-ré-ral, drès peb tra a pe vér obliget de rein exampl mat. El-cé en dud e ra ur fait action benac ditac er-ré zou idan où berh, e gommett deu behet, ur fal action hac ur scandal. Er gulieu rai dost en eil d'éguilé, laquad bugalé pautret ha merhet de gousquet assambl, ou lezel ér memb gulé guet ou zud a pe gommançand ou doud antandemant, hum abillein diffourniss, hum zivraillein rai é sigur sustantein ur hroaidur; gobér mineu, gesteu divalahue, bouffonnereah, hoarieu sot, etc., chetui péhedeu a scandal hac e zann hilleih a dud. Ne gonzan quet ag er filageu noz, ag er horolleu, ag en ivraignereaheu, ag er festeu bras: peb-unan e ouair é mant ur scoll a libertinage hac a fallanté. 3º. Me lar n'en dai quet requis ma vou fal er gonz pé en action eit rein scandal; assès-é m'hi dou en apparance a vout fal. Rac-cé mar laret. pé mar groet un dra n'en dai quet droug, dirac unan tinera gousciance hac e grèd é ma droug pé conz pé gobér èl-cé; hui e ra goal exampl ha scandal dehou. Hilleih a dreu e zou permettet; mæs n'en dai quet attau mat ou gobér : rac, é-mé S. Paul, mar hum scandulis me Nessan rac ma taibran quiq. pehani zou permettet teign, quel vehai queneign ne zaibrehen jamæs, eit boud occasion a scandal dehou. Par exampl; hui e hantt unan-benac; hou cuélet e rér liès assambl : commance e rér conz a hanah : chetui ur scandal : réd-é deoh hum gùittad. Mæs e laret-hui, ne ramb droug er bet; ne hum uélamb meid é mat hac én honestiss : ne vern quet, réd-é deoh hum gùittad. Mæs en talvet d'er-ré e oal chongeou,... En talvet teoh ehné : obliget-oh de hum guittad eidarrest er scandal e ret.

Mæs arrihue e ra liès ma hum scandalisér ag en ævreu mad e uélér guet en Nessan. Chetui er regle e zeliet héli ér circonstanceu-zé: ma n'en doh quet obliget d'ou gohér ha ma n'en dint quet necessær, lausquet ind un nebediq, dré charité, beèd-que-n'hou pon groeit d'hou Nessan antand er ræzon. Mæs mar dint necessær eit gloër en Eutru-Doué hac hou salvedigueah, par exampl, manquein d'en Overèn eit gobér ardro ur hlan én dangér ag er marhne, groeit ind attau ne vern petra e vou laret pé chonget a hanah. Mar dai hoah dré ingûen ha fal imur é cav unan-benac droug ér vad e ret, ne hum sourciet quet a nehou ha groeit mat perpet.

Er scandal e zou ur péhet bras; rac, é-mé hur Savér: Guel vehai d'un den ma vehai staguet ur mein-melin don é oug, ha taulet é creis er mor, aveit scandalisein unan ag er-ré vihan men, de latret é, unan ag er-re-men en dès ur galon humbl, simpl hac innoçant. Malheur enta d'en hani dré béhani é harrihue er scandal. Un den èl-cé e zou obliget de gondui ur vuhé santel bac examplus, d'obér é bossibl eit distrugein en droug en dès groeit dré é fal exampleu, ha de bedein Doué eid er-ré de béré é mat bet caus de béhein.

N'en dai quet quen æz miret er Ourhæmèn-men el ma credér; ha brassoh-é paud en nombr ag er vultrerion, eit ne chongér. Rao pihue e cell assurein é cousciance, mar considér erhad er péh hun nès laret amen, n'en dès biscoah lamet na guet-t'ou é hunan na guet hanni aral, er vuhé ag er horv, pé er vuhé ag en inean? A dra sur, pe zizolehai Doué d'un inean er péh e bass ar en doar, hi e uélehai é ma carguet er béd a dud péré e hum bussuni en cil éguilé dré ou discourieu. e hum zistruge dré er

scandal, dré er jalousi, dré er haz, dré er malice, etc. En darn muyan e grèd bout divlam ha direbræche, durand ma lausquant er beurerion de zuein guet nan ha de verhuel guet misèr; durand ne rant cas a instrugein hac a gorrigein er-ré zou idan ou otorité. N'en doh-hui ag en nombr-zé? Hum examinet. (Consultet hoah Magasin spirituel er Beurerion, ar er Ourhæmèn-zé.

ARTICL. VI.

Ag en huehvet Gourhæmèn.

Ne veès paillard é-nep fæçon, A gorv, nac a intantion.

Doug dré er Ourhæmèn-zé e zihuèn dohemb er chongeu, er honzeu, er seèlleu hac en ævreu dishonest, hac e gommand temb bout pur ha guerh én hur homportemant.

Commettein e rér er péhet lous dré chonge, dré gonz, dré zezir, dré action, ha memb dré omission, a pe ne brezér quet impléein er moyandeu e ordrén Doué de bep-unan quemér, eit conservein er uerhtæt revé éstad. Doué e zihuèn ehué dré en huéhvet. Gourhæmén tout er péh e zoug d'el lubricité, èl mei en arouaredigüeah, er vuhé lache ha delicat, er gourmandiss, er horolleu, el livreu dishonest, er sonnenneu sot, el lux, er gusquemanteu diffourniss, en hantiss rai hardéh é spécial itré goasset ha merhèt, er braguerisseu ha modeu væn e guemérér hemb quin eit bout seèllet hac eit pligein d'er béd, en amitié tinér. (Leinet er Chapistr XVIII, Parti III ag er Vuhé devod.)

Ne hum arrestehèmb quet de gonz ar er péhet infam-zé, péhani e goll en darn muyan ag en dud, hac e zou de zougein eit quement oaid, eit quement stad ha condition zou. Un dra e mès de recommandein d'er-ré en des er malheur de gouéh ér péhet-cé; ne ouhènt quet hum expliquein rai splann guet ou Hovezour, a gaus d'en nombr bras a circonstanceu péré e change en espece a nehou. Ind e zeli enta disclæriein ou stad ha condition; stad ha condition en hani zou bet lodêq én ou féhet, hemb hanhuein hanni; er chongeu cousantet bac en dezirieu e change ehué en espece a nehou. Expliquet hun nès é-mésq er péhedeu capital én articl ag er baillardiah, tout er péh e cellamb laret ar er vincezé. E hamb amen de laret ur guir pé deu ar er horolleu, péré zou, revé S. Chrisostom, ur scolage a lubricité, ha revé S. Augustin, ur profession publiq a bep sort infamité.

Tertulian, péhani e hanhuai er sort bobanceu-zé un trafiq a baillardiah, e larai, bout-çou ardro pembzéc-cant vlæ, d'er-ré zou taulet guet-t'ai:

Ne fal quet deoh enta quittat compagnoneah enemiset Jesus-Chronist.... Ne fal quet deoh renonciein d'er scolage-zé a bep sort fallanté....
na hum dènn ag en air-zé ag en amzér ampouisonet guet boéh er sonnerion.... Laret er péh e
garehait é mant honest, n'en dès droug er bet,
ha rac-cé en h m bliget én-ai: ne zistrampér
quet en ampouison én huilér eit rein d'ivet, mæs
er rein e rèr deoh ér péh e garet muyan, eit m'en
ævrehet æssoh... Mar domb obliget de zihoal
quet er brassan sourci doh en ol péhedeu inemp
d'er burtæt, penaus é vou permettet cheleuet
er peh n'en dai quet permettet laret? Penaus é

- · vou permettet seellet guet plijadur er péh e ve-
- hai péhet br.s gobér?... Caër e hoès laret é mant
- · honest ha n'en dès quet a zroug en-ai: n'en dai
- quet possibl deoh derhel hou teulagad, nac hou
- chonge, nac hou calon.... Opèn hac é vehai gùir
- a laret ne ret quet droug er bet a hou tu, hui
- zou caus pé occasion d'er-ré-ral d'obér... Caër e
- hoès clasq digaréeu eid assai mouguein hou cous-
- ciance, den ne dro guet enemiset Jesus-Chrouist,
- meit goudé m'en dès ean abandonnet.

Diarbèn er horolleu hac en deværranceu dangerus é ta en amitié tinér ha naturel quer cummun é-mésq en dud youanq, de voud ul lubricité pom> met. E vér queti-quetan pihue e hum alegeou hao e hum usquou brahuan eit monet d'er bobanceu-zé : hum guiptein e rer eit dissadein, eit pligein ha bout hoanteit. Digueor e rant ep or d'en ol péhedeu dré er seèlleu lubrig, dré er honzeu libr ha finér, dré er gesteu dijauge, dré er bouffonnereabeu sot, dré en dezirieu lous, dré en amoèdage a speret, dré er grèd criminel a galon, dré en dirangemanteu méhus, etc. Ha ma n'eèll un dén, émé er Speret-Santel, quêrhet divott ar er gleu-tan hemb losquein é dreid, èl-ce ehue n'eell quet tostad de gompagnoneah er merhet hemb couchi e galon, mar touche doh-t'ai. Ér sort deværranceu-zé e ma sur en diaul, é mé S. Chrisostom : en dro e zou & gamaradet, hac ean zou e creis, eit turel e flem hac é dantationeu ar peb-unan, é-mé S. Charles.

Me quair é lar S. Francès a sule é heèll bout, guhavé circonstanceu é péré ne vehai quet marcé un droug coroll: mæs ean e lar quemènt-cé guet conditioneu péré n'en dint puet de oust er-ré e vourr é bobanceu er béd. (Leinet er Chapistr XXXIII, Parti III ag er Yuhé devod.)

Er horolleu e zou dihuènnet dré en Ilis ha dré Ordrénanceu er Roué. Rai hir vehai scribue en Decreden ag er Houcilleu inemp de guemènt-cé; ne gonzein meid ag er Reglemanteu a Escopti Guened. péré e venace a escommuniein er-ré e fourniss ti hac er-ré e va d'er festeu noz, d'er blageu, d'en néereaheu, ha d'en ol fal assambléyeu-zé. En inourabl Charles-Yehan a Vertin, Escob a Uénèd én é Lihér ag er blæ 1753, e ordrén absolumant . d'en dud a llis gober ou fossibl eit diffacein er filageu a · bautrèt ha merhèt, er ridereaheu noz, é spécial ag ur guær d'un aral, en æredeu bras ha saffarus. e er fraudeu hac er horolleu publig : rac malheu-· reusemant ne ouyer meit rai peh quen dangerus · int. ha de beguemend a béhedeu é ventoccasion... • Ean e zihuèn hoah doh en dud a Ilis a monet de · laret en Overen d'en Ilizieu, d'er Chapélieu, ital · péré, pé dré en occasion a beré é vai goureneu. e mèlladeu, pé corolleu; hac ean e venace a escommunicin hac a laquad idan cansurien en Ilia

er-ré n'aboeisseint quet. •
Er Parlemand a Vretagn e zihuèn gobér assamblé na tolp er bet de noz é sigur néein... hac e zihuèn ehaé doh en davarnision a rein d'ivet durand en Office d'er Sul ha d'er Gouit, idan boén a bayein en amand... Goudé ean en dès hoah dihuènnet doh peb sort tud a goroli, hac a hoari dirac en ol tost d'en Ilisien ha Chapélieu durand en Office, idan boén a vout punisset revé er vræstæd ag er faute. Un dra estrange-é ma vér obligèt de guemér quemènd a boén eit miret doh Crechénion a offanceia Bové hac a hum goll. Pet a e glasquet hui guet bobanceu Lucifer, de bêré en e koès renonciet én hou Padiènd.

Doué dré er Ourbæmen-zé e ordrén demb pratiquein er burtæt, hac en ol moyandeu e eèll chervige temb eit conservein er vertucher zé, peb-unan revé é stad. Er Grechénion e zou obliget de vihuein pur ha guerh, racm'en dint mambreu Jesus-Chrouist ha tampleu er Speret-Santel. (Mar fal deoh un instruction hirroh ar en necessité ag er uerhtæt, hac er moyandeu d'hé honservein, leinet er Chapistreu XII ha XIII, Parti III ag er Vuhé devod, dré S. Francès a Sale.)

ARTICL VII.

Ag er seihvet Gourhæmen.

Madeu dén er bet ne larei, Nac inemb ræzon n'ou dalhei.

Doug dré er Ourhæmèn-zé e zihuèn dohemb a obér gueu é mod er bet doh hun Nessan. Gobèr e rér gueu doh en Nessan é tair fæçon principal:

1°. Doh el laireah; 2°. É terhel hemb ræzon er péh zou dehou; 3°. É hobér domage tehou.

I. Laireah e rér en Nessan: 1°. É hattrap guettou un dra benac dré nærh pé dré finèss: 2°. É hobér dehou fal procæzeu; 3°. É huerhein rai quir; 4°. É prenein rai varhad-mat; 5°. É trompein er varhadoureah; 6°. É tênnein usur, pé profit ag ur prest simpl. Peb-unan e ouair assès péh quer bras péhet-é laireah dré nærh pé dré finèss. Ur fal brocès e rér de unan-benac: 1°. A pe oulènnér guet-t'ou er péh ne zeli quet; 2°. A pe glasquér biæseu, troyelleu, faus testeu, faus papérieu, faus touyereah eid gounid ur procæs; 3°. A pe stleigér

ur process eit laquad en aral de gouéh én un defaut benac. A pe refuser dré attahignage, un accord honest dré avis tud a gouciance hac abil, choæget ag en eil tu hac eguilé, é pehér d'er bihannan

inemb d'er garanté.

Laireah é rér en Nessan é huerhuein rai quir: 1°. Ur marhadour ne vou meit-t'ou én ur hanton, e uerhou un dra guhavé quasi en hantér mui eit ne tall, pé e uerhou faus pouis, fal vusul, eté. Er vechérerion, é sigur n'en dès meit t'ai ha m'en dai requis ou havouét, e uerh ou labour rai quir, pé mui eit ne tall, rac ma rant crediq. 2°. Er vechérerion, pé er varhadision péré e hum accord itréd'ai eit taussein ou déuéhieu, ou labour, pé ou marhadoureah, eit forcein en ol de brenein rai quir. Er vechérerion pé er varhadision péré e hum zécri, unan eit laireah pratiqueu en aral, e béh d'er bihannan inemp d'er garanté.

Laireah e rér en Nessan é prenein rai varhadmat: 1°. A pe brofitér a beuranté unan benac eit prenein guet-t'ou un dra bihannoh eit ne tall, rac ma vai requis tehou guerhein. 2°. A pe dennet guet marhad guet hou Nessan, rac ma hoès prestet argant tehou, pé rac ma hoès ean payet ér-raug. 3°. A pe brenér rai izel briz guet unan ne ouair quet

petra e tall er péh e uerh.

Laireah e rêr en Nessan a p'en trompér pé é fæd a labour, pé é fæd a varhadoureah : 1°. A pe n'impléér quet mad en amzér, èl er ounidion hac er serviterion péré e laq en amzér de goll, e ra fal labour, pé e ziscouffi er péh e vai itré ou deourn, pé e zistro er-ré-ral a ober vat. 2°. A pe uerhér fal varhadoureah eit hani mat, lonnet siet hemb dizolein si quênd accord a briz. Ar er poènd-cé, red-

é remerquein é hès sieu cuhet ha ré dizolo : ré n'en dint quet a vras consequance, ha ré e rantt ul lon dangerus, pé domageabl, pè inutil d'er prenour. 10. Er guerhour, ha ne vehai quet goulennet guett'ou, e zou obliget quênd accord a briz, de zizolein ur si cuhet ér péh e uerh, mar dai er si-zé pé dangerus eid er prenour, èl mei d'ur voyageour ut marh e hum dant én deur, pé domageabl, èt ma vehai ur marh mourous pé un vad clan; pé inutil eid er peh m'er prèn, èl ma véhai un eigeon mohir eid un arour. Mæs ur guerhour ne beh quet mar crèd é ma disi é varhadoureah. Est e zeli neoah bout consantabl de dorrein er-marhad pé de zizomagein er prenour, a pe za dehou hanàuein en en dès groeit domage, meit ha laret en dehai : Me uerh en dra el me ma, ha ne rescondan a nitra, penaus-benac ne handuan si er bet en-ou...

· 2º. Ma n'en dai er si-zé na dangerus na domageabl, ha mar eèll er prenour gober é chervige guet en dra, er guerhour n'en dai quet obliget d'en dizolein, meit-ha goulènnet vehai guet-t'ou; rac nezé é vehai obliget de laret. Mæs beet goulennet pé ne vou, obliget-é d'izellad a briz revé en domage ag er si : rac un dra siet ne tall quet un dra disi; ha bout bet trompet n'en dai quet ur ræzon just eit trompein er-re-ral. 3º. Mar dai dizolo er si hac æz de uélet, er guerhour n'en dai quet obliget d'el haret, é spécial a pe hum fi er prenour ar é abiltæt hemb goulen nitra. Mar hum drompehai neoah a vras er prenour guet tout é abiliæt, deliet-é en avertissein d'er bihannan dré charité, é spécial mar bai en dra prenet inutil pé domageabl dehou. Mæs ma n'en dai quet forh abil er prenour, na calz aviset eit guelet er si deusto peh quer

sclær-é, er gùerhour e zou obliget d'el laret, mar dai pé dangerus, pé domageabl, pé inutil dehou.

Peb-unan e ouair é ma dibuennet guerhein æd caiget, er guellan é blein er sah; guerhein deur é mésq leah, pé é mésq ivage, etc. Trompein er-ré e bum fi ar-n'amb, èl ur gounidèq péhani ne labour quet assès, pé e guemér un dra benac é sigur ne gav quet é ma payet assès; ur servitour péhani e lair dré zan dourn, é sigur n'en dès quet gobr assès; ur meitour péhani e ra er fallan gran d'en Eutru, pé e ra gueu doh é veiteri é tiscar doæd, plançon, é sigur mei fermet quir dehou; pé e vorfond en doar a pe guitta; unan en dès ur gommenant, ul léh, hac e ziscar choucheu, pé coæd bras aral, é sigur m'eint bet priset guet-t'ou, (er jouissance pé er gorbl e zou bet priset, mæs non pas, er chouche); pé e ra gueu don é Eutru é sigur ma pay rai a argant commenant, rai a nehuéyeu, etc. En dud-cé n'ou dès, ræzon er bet eid escusein ou friponereah. Rac ma ne gavent quet ou frosit a pe gent é hobér en accomodemant, perac é cousantént-int? P'ou devezai disclæriet ou intantion ér momant ma hoènt é hobér en accord, er mæstr n'en devezai quet fiet é dra én-ai. Ind ou dès ean enta trompet, hac abuset ag é gonfiance eid el laireah.

Anfin laireah e rér en Nessan dré usur. En usur e zou ur profit e dènnér a gaus d'er péh e vai bet prestet, a pe gueméret mui eit ne hoès reit. Un usur-é prestein argant minouret, péhani e vou dacoret a pe veint én oaid, hac er profit peb plæ opèn. Un usur-é goulèn déuèhieu, corvæyeu, chervadeu, pé ur chervige benac guet hou Nessan, é sigur ma hoès prestet un dra benac tehou. Un usur-é laquad lennet ar en huntér profit guet er gondition ma

vou en hani ou mag, e zougou tout er holl, mar dant ha bout estropiet pé merhuel dré accidan. Ansin un usur-é prestein argant, pé æd, pé gùin, pé ne vern petra e zismantt dré en usage, guet en obligation de zacor un dra benac mui eit ne vai bet prestet, pé mui eit ne tall un dra dismantet. Me ouair é hès contradeu péré zou permettet, ha dré héré er prestour e dènn mui eit n'en devai reit: mæs ean e oarn ehué en droæd ar é dra, hac e zoug tout er riscl ag en accidanteu e eèll couéh guet-t'ou. Par exampl, er hontrad dré béhani é prestér lonnèt ar en hantér prosit, e zou permettet; mæs er prestour e zou perpet tout er holl ag é lonnet, mar couéh un accidant benac guet-t'ai.

Cuhein e rér liès en usur idan en aparance a gontradeu mat, a béré é hès hilleih faus é cousciance, èl en darn moyan ag er hontradeu termèn aquit. Par exampl, unan e brest eit nàu viæ cant scouét d'un aral eid er secour de bayein ul léli a vil scouét, hac e dènu er profit a gant scouét, é sigur ma vai consort ér prèn, etc. Ne ouian quet petra laret ag er-ré e brest argant, hac e guemér eid assurance doar-gounit pé lonnet, a béré é jouissant beèd quene-vai dacoret er som prestet én antièr. Haval gueneign el lairon ar en hènteu bras ne rant quet paud goah eid e ra er sort tud-cé; ha caër ou dou laret, jamæs divlam ne veint ma ne zaccorant d'er-ré ou bieu ou doar pé lonnet, hac er profit ou dès tènnet a ne hai.

N'en dai quet permettet tènnein profit ag ur simple prest, meit-hac ur gùir domage hou pehai-hui é prestein, pé ma vanquehech ur profit sclær dré m'en dehai manquet hou teléour a zacor dech d'er hource merchet, pé rac ma rech dehou sclær d'an-

tand en domage veritabl é souffreoh é prestein, ha m'en dehai hum obliget d'hou-tizomagein. N'en dai quet enué permettet quemér argant na treu aral é prest guet en usurér péhani ne brest meid èl-cé, nameit ha necessité vras hou pehai, ba n'eèlleheoh quet cavouét él léh aral. Rac n'en dai quet permettet rein d'en Nessan léh d'offansein Doué.

II. Gueu e rér hoah doh en Nessan é terhel inemp d'é volantéer péh zou dehou. El a pe guhet pé dré attahign, péaveit hou profit-hui, pé dré gaz, quittanceu, papérieu péré en tènnehai ér mæz a affær. A pe oarnet gueneoh er péh n'en dai quet deoh, èl ur péh doar, un ærhue, ur glustr benac, ur bènhuêq, ul lon fariet, un dra benac cavet ér mor pé ar en doar, etc. Rac faus-é laret : ér peh e gavet e zou deoh. Ha hui e vehai coutant ma hoarnebai un aral guet-t'ou er péh e hoès fariet? A pe dardet a bayein hou telé; a pe refuset pé ma nahet er péh e zeliet; a pe ret digueoreu bras, pé rai a chervad, ha ma hum laquet dré-zé ér mæz a stad a bayein hou telé; a pe ne laquet quet poén de ounid na d'armerh eit payein er péh e zeliet, ètc.

III. Domage e rér d'en Nessan: 1°. A pe losquér pe ma revinner é dreu; a pe lausquér el lonnet d'obér domage dehou; a pe dorrér gué, pé planconneu dehou; a pe ampouisonnér pé ma viessér é dud pé é lonnet, etc. 2°. A pe oal gonzér hemb guir ræzon a unan-benac, ha ma virér doh-t'ou dré guemènt-cé a ounid é vouéd, pé ma vér caus de laquad ur meitour ér mæz; pé d'ur servitour torrein é obr, pè de unan youand manquein ur chanche vat ha jaugeabl, pé miret doh ur marhadour a uerhein, doh ur mechérour a gavouét pratiqueu, etc. 3°. En ingaillerion péré n'en dint quet léal, e garg

rai lod eit hum zigarg-int pé ou amiet; ur syndiq, un dén a affær e daul tout er horvæyeu ar lod eit menagein lod aral; ur voès a diegueah e zispos a certæn trou inemp de gousantemant just ha ræzonabl hé frièd; er vugalé péré e zispign hemb goud d'ou zud; rac en hani e guemér un dra benac d'é dad pé d'é vam, hac e lar n'en dai quet péhet, e zeli bout seellet èl ur multrer, é-mé er Speret-Santel. Er serviterion péré e zaibr pé e ive ag er péh n'en dai quet deliet dehai, pé e ra en alézon guet treu ou méstr hemb ou fermission, etc. 4°. Er-ré zou chuget pé d'er fourn pé d'er velin, hac e ya él léh aral rer-rée hum guemér doh er hoædeu pé foresteu, etc. (Leinet arré Magasin spirituel er Beurerion ar er Ourhæmèn-zé.)

Ag er Restitution.

Er-re en dehai groeit gueu den en Nessan en ur fæçon benac er mod m'hun nès laret, e zou obliget de reparein en domage groeit. Rac, èl ma larer, restitution pé dannation; ha S. Augustin e lar ne vou quet pardonnet er pehet, ma ne vai restituet en danne goal gueméret pé reparet en domage groeit, mar dai possibl én ur mod benac er gobér. Troeit ha distroeit ér mod ma carehait, covesseit er pén e garehait en domage groeit, en danné goal gueméret. jamæs ne vehait pardonnet ma ne restituet. Hui e rei, mar caret, alézoneu, pedenneu, yuneu, pénigènneu calet.... Caër hou pou gobér; réd é restituein, pé bout dannet.

Mæs a p'en dai quer requis-cé restituein, pegource é ma ret er gobér? Prestan ma heèllehait : rac er retardemant dré ou coal e gresq er péhet; ha quel liès guéh ma laret én hou calon, me restituein quet, pé ma vanquet dré hou coal a obér attantion ételiet, pé ma cavet en occasion de restituein ha ma ta chonge teoh a er gobér, mæs n'hou toug quet nech hou volanté de restituein, hui e ra quel liès a béhet, a béré é teliet hum acusein é Covezion. Rac opèn m'en dai ret restituein, réd é hoah covessad er pehet. Ma ne restituet quet, hou g'hériterion e vou obliget de restituein eid-oh.

De bihue é ma ret restituein? D'en hani en dès souffret en domage; ha mar dai marhue, d'é hériterion. Mæs ma ne hanàuet nac er mæstr ag en dra nac é hériterion, hum adresset nezé doh un dén abil hac aviset mat, ha treménet dré er péh e larou

deoh.

Petra e zou ret restituein? Er péh e hoès queméret pé e zalhet inemb de volanté hou Nessan; pé ahoël é just talvouedigueah, ma n'eèllet quet restituein en dra. Mæs marcè ne vehait quet hoah quitt guet quement-cé : rac obliget vér de restituein en danné goal gueméret, ha de reparein opèn en domage groeit. Par exampl, é laireah dec scouét. mar e hoès groeit gueu pemzèc, obliget-oh de restituein pemzèc. En ur guir, rescondabl vér ag er profit manquet, ag en domage arribuet diarbèn et faironci. Ma n'en dai quet possibl deoh reparein tout, restituet er péh e cèllehait : ha ma ne hoès nitra, queméret ahoèl er resolution ferm ha sincèr de restituein a pereellehait, ha n'ancoehet quet é teliet poéniein hac armerh peèllan ma heèllehait, eit reparein ahoël ul lodiq benac ag en domage groeit.

Er-ré en dès groeit en domage, e zou er-ré guett tan obliget d'er reparein: ha mar dai en dra lairet én é stad-hac én é béh, en hani en dès ean, e zou er bettan obliget d'er restituein. Mæs mar mang erré-zé a er gobér, pé ma n'eèllant quet er gobér, peb-unan ag er-ré zou bet lodèq én domage, e zou obliget de restituein én ou léh. Chetui, revé en Théologiennet, er-ré zou lodeq en domage: 1°. Er-ré e gommand gobér domage d'en Nessan, èl mei ur mæstr, ur væstrès, un tad, ur vam... péré e gass ou zud d'obér gueu, èl de laireah coæd, lann, argand, fréh, potage, etc.

2°. Er-re e ra fal gonseil: èl de zistroein un dra benac quend en invantoer, de guemér quend ur partage, pé d'ur servitour de guemér é cuh, etc. Discoein d'ul lair dré béh léh monet, laret tehou penaus hum guemér ha pegource é cavou guellan é daul, etc. Désquein de dud youang en tu d'atrap

ou zud, etc.

30. Er-re e gousants hac e lausq gobér gueu, a se eèllant ha ma teliant miret : èl un tad, ur vam, er véstr péré e lausq ou zud d'obér domage : er serviterion péré e laus en éstran d'obér gueu doh ou méstr; pé e lausq er serviterion aral pé er vugalé de friponein.

4° Er-rée vél, e gonz mat ha caër ag er ré e ra domage, eit rein courage dehai d'obér goah, pé aveid ou miret a reparein er gueu ou devai groeit; pé e ra goab, e oal drætt, e anjuli er-ré ne fal quet

dehai gobér domage èl er-ré-ral....

5°. Er re e soutir er-ré-ral de friponein, de laireah: er-ré e brèn treu e ouyér pé e zoutér e vehai bet lairet: er-ré e guh friponet eit malaireint, pé ou secour de uerhein er péh ou devai atrapet: er-ré e ra d'ivet d'er vugalé pé d'er serviterion e ouyér pé e zoutér e atrap doh ou zud eit gobér chervad.

6°. Er-re en des ou lod ag en treu lairet : èl

ivet gàin lairet, daibrein quiq atrapet, friantage groeit dré guh : rein en tu pé secour de laireh : derhel er squèl pé er sah : monet de oarn durand ma vou un aral é hobér é dro, etc.

7°. Er-re ne sannant griq a pe zeliehènt conz, crial, pé avertissein; èl er serviterion, er oarne-rion, ha ol er-rézou carguet dré ou stad d'éhuehad ne vehai groeit gueu don ou Nessan.

8°: Er-re ne hum laquant quet e poen a barrad a pe eèllant ha ma teliant parrad don en droug : èl

er-rézou payet pé gopreit eit quemènt-cé.

9°. Er-re ne zizolant quet el laironci e rér, pé el lairon, a pe vai requis ou dizolein... A pe vai ur Monitoër, é hob obliget, meit-ha hui e vehai exant, pé de zisclæriein reih er péh e ouzoh, pé de reparein en domage groeit. Ha hoah é hoh escommuniet guhavé ma ne zisclæriet.

Doué dré er seihvet Gourhæmèn e ordrén demb:

1°. Bout coutant guet er péhiq hun nès; 2°. Hum
boéniein eit gaunid er péh zou requis temb; 3°. Ma
n'eèllamb quet labourad, clasq ur moyand honest
benac eit bihuein; 4°. Ma n'eèllamb quet guet hul
labour hac hur poén hum dènnein a visér, adorein
providance en Eutru-Doué ha laquad hur honfiance
én-ou; 5°. Restituein en danné goal gueméret ha
reparein, guellan ma heèllamb, en domage hun nès
groeit d'en Nessan; 6°. Ma n'en dai quet possibl
demb guet tout hur sourci hac hun armerh en dizomagein, clasq ahoël en occasioneu de rantein
chervige tehou, ha pedein Doué eit-t'ou.

Chetui ur reflexion e hum bresant, haval gueneign, de bihue-benac e feinou guet un tamiq attantion er peh hun nès merchet ar er Ourhæmènmen. N'en dès quet ér béd paud a dud n'ou dès caz hac horreur doh el laironci hac er rapin, ha neoah n'en dès quet calz n'en dint lairon ha ne zalhant inemp d'er ræzon madeu ou Nessan: ha mar dès ur ré-benac ne hum gavant quet obliget de restituein; dihoalleènt ne vehai en avarice hac er stag ag ou halon doh er madeu tamporel, e zallehai ou speret.

Jamæs enta ne guemeret nitra d'hou Nessan, jamæs gueu ne ret doh-t'ou; rac, é-mé hur Salvér, hac é teheoh-hui de vout pihuiq assès eit bout mæstr ag er béd antier, patra e chervigeou quement-ce deoh mar det ha coll hou c'inean? N'en dai quet requis laireah ur som vras eit gobér ur péhet marvel; ha bout-c'ou tud de béré ne vehai quet ret laireah paud opèu pemb planq, eit meritein en ihuern. Petra vou enta ag er-ré e atrap a glei hac a ziheu, a pe eèllant? Rac, é-mé S. Paul, nac el lairon, nac er-ré avaricius... na rapinerion danne en Nessan, ne yeint jamæs de Ranteleah en Eutru-Doué.

ARTICL VIII.

Ag en eshvet Gourhæmèn.

Birhuiquin gueu ne lavarei, Nac chué faus test ne vei.

Dout dré er Ourhæmèn-zé e zihuèn er faus testoni, er jugemanteu temerær ar hun Nessan, er goul gonzereah hac er gueu.

Er faus testoni. Hum zoug faug test ar en Nessan e zou assurein é Justice un dra n'en dai quet gùir. Er faus testoni e zou un torfæt péhani e gri vangeance én Nean bac ar en doar, rac ur faus test e hum chervige a Hanhue adorabl en Eutru-Doué eid assurein er gueu ha gobér domage; ean e ra

goab ag en dud a Justice, péré e zalb léh en Entra, Poué; ean e ra de dud divlam hac innoçant coll ou danné, ou reputation, hac er vuhé.

Pihue-benac e zou malheurus assés eit hum zoug faust test ar é Nessan, e zou obliget idan boén a zamation, de reparein en domage de béhani é vai bet caus, hac é teliebai-ean couéb dré-zè ér vrassan peuranté; ha mar dai bet caus dré é faus testoni de gondanein uean-benac d'er marhue, obliget-é de hum zislaret, hac é teliebai-ean coll é vuhé.

. Er jugemanten temerær. Er Jugemant temerær e zou ur fal chonge e rér ar goust en Nessan, hemb. ræzon legitim er bet. Par exampl, me uél ur vandèn tud é tévis hac é hoarhein, ha me lac ém balon é mant é hoal gonz à hanan; me ra ur jugemant temerær: me uél uhan gusquet brahue, ha me chonge gueneign é ma glorius; me ra ur jugemant temerær: me uel ré é tostat liès d'er Sacremanteu. ha me juge é clasquant boud istimet; me ra ur jugemant temerær: unan-benac e dremen ital-on hemb conz doheign, ha me chonge gueveiga é ma orgueillus pé fachet; chetui hoah ur jugemant temerær, ma ne mès ræzon legitim er bet de chongeal quement-cé, etc. Ne vai ræzon legitim de jugein é ma droug er péh e ra un aral, nameid a pe vai dizolo ha sclær en droug, ha ne gaver moyand er bet d'en escusein. (Mar deziret hanquein en daugér ag er jugemanten temerær, hac er remædeu doh er malheurus inclination hun nès de oal jugein. leinet er Chapistr XXVIII, Parti III ag er Vuhé devod.)

Dihuénnet-é ehué suspettein droug ag en Nessan, nameit-hac ur just ræson e vehai d'er gobér. Par exampl, a pe uéler guet-t'ou un aparance bras a zrong, pé ma ra un dra e vai ordiræremant droug, n'en dai quet péhet hun zesiein a nehou, é spécial mar ber carguet d'éhuehad doh-t'ou ha d'er horrigein. N'en dai quet ehué permettet teoh laret d'un aral er jugemanteu e ret ar hou Nessan, pé er suspetteu e formét ar é sal gomportemant, nameit-ha requis vehai quemènt-cé eit miret un droug pé eit gobér ur vat; ha hoah dihoallet ne vehai en inguèn hac er goal sort a hanah hou touguehai de zécriein hou Nessan.

Er qual gonzereah. Goal gonz e rér é gueu, goal gonz e rèr é gùir : 1º Goal gonz é gueu e zou laquad ar goust unan-benac ur péhet, pé un defaut, a béhani ne vai quet cablus. Ne vér quet quitt eid en dout covesseit ur péhet èl-cé; reid-é absolumant er reparein, mar dai possibl. Obliget-oh enta de hum zislaret, quitt a vout passet eid ur gueuvad velimus : rac quemènt-cé n'arribue gueneoh meit dré hou coal. Mar dès moyand, red-é deoh hum zislaret dirac ol er-ré en dès hou cleuet é hoal gonz : ha mar dai a gonsequance vras er péh e boès laret, avertisset int de hum zislaret ehué, mar ou dès ean brudet : ha ma n'er groant quet, obliget vehait d'er gober en ou leh, hac open de reparein tout en domage e eèllehai, couéh ar hou Nessan dré hou coal gonz. Ne oal gonzet quet, ha n'hou pou quet a reparation a inour d'ober. Mæs mar goal gonzet, hui e guemér ar-n'ah en obligation de reparein inour hou Nessan, hac é ve hai diar goust hou c'hani.

2º Goal gonz é guir e zou décri, pé conz fal a unan-benac hemb intantion vat na just ræzon er bet. Me lar, hemb intantion vat na just ræzon: rac jamæs n'en dai permettet goal gonz ag en Nessan, na dizolein é zefauteu, meit-hac ean e veharun avantage benac é quement-cé, pé un necessité benac d'er gobér, ha hoah réd é seèllet guet péh intantion ha de bihue en ou dizolér. Par exampl, n'en dai quet goal gonz é avertissein un tad, ur mæstr ag en droug e ra ou bugalé, pé ou serviterion: nac avertissein er Person, pé un dén honest benac en dès otorité én ur Barræs, ag er scandal. pé fal affærieu e bass én ur hanton pé én un ti benac, eit ma laquei reihtæt, mar eell : nac avertissein unan-benac e uélér é hantein hemb goud certæn tud vincius ha debauchet. Obliget ver memb guhavé d'avertissein; èl mei serviterion péré e uélehai er vugalé ag en ti doh hum zirangein, pé é laireah ou zud, etc. Obliget veheoh hoah de zisclæriein d'er Person un ampechemand e handueheoh ar un diméenneu, de laquad hou c'hanhue ar ur Monitoër; meit-hac exant veheoh, ha de zisclæriein er urionné d'er Juge idan boén a voud escommuniet, etc.

Cablus vér ag er péhet a oal gonzereah: 1º A pe larér ar goust en Nessan brassoh droug eit n'en devai groeit. 2º A pe daulér ul lihue du ar é ævreu mat, en ul laret, par exampl, en ou groa eit bout seèllet hac istimet, etc. 3º A p'er mèlér guet un ton yein ha milis. 4º A pe zizolér é zefauteu, pé ur faute benac en dès groeit. 5º A pe gleuér er mèlein ha ma rér d'antand pé dré ur silance trist pé dré ur gest benac, ne vai quet tout gùir er vad e larér a nehou. 6º A pe rér goab a nehou é sigur bourdal, pé dirac l'ou pé ardran é gain. 7º. A pe rér dehou un affront, un anjuli benac; èl mei temall dehou un defaut, pé ur péhet benac. 8º A pe rér dehou hanhueu péré e ra hoarheinar é goust.

Er goal gonzereah e zou unan ag er brassan péhedeu e fehai bout commettet, a p'en dai gùir é tistruge er garanté, er vrassan ag en ol vertuyeu. Ur goal gouzér e zou goah eid ur multrér, ha guel vehai guet ul lod vat coll ou buhé, eit coll ou jnour. (Leinet er Chapistr XXIX, Parti III ag er Vuhé devod.) Er goal gonzereah é tra ponnér hag a gonséquance, e zou ur péhet marvel. N'en dai quet neoah ur péhet marvel conz ag un dra publiq hac hanàuet guet en ol. Mæs de zougein e zou perpet a velimein ur gouli péhani e hum chairrehai prontoh, pe ne vehai quet refresquet; liès memb un dra hanauet én ua hartér, ne vai quet én ur hartér aral; ha mar dizolet un dra a gonséquance, péhani e vai cuhet pé ne vai quet hanauet guet paud a dud, hemb ne hoès ræzon er bet de gonz a nehou, hui e gommèttur péhet marvel. Er goal gonzerion ne yeint jamæs d'en Nean, é mé S. Paul.

Er-ré e cheleu guet plijadur goal gonz, e zou quer cablus, ha marcé cablussoh eid er goal gonzer. Rac ne vehai quet goal gonzet pe ne vehai quet cheleuet. Petra vou en la ag un tad, ag ur vam, ag es véstr, ag er-ré en dès droæd de gommandein, mar lausquant er ré-ral de oal gonz dirac-t'ai : rac, é-mé S. Paul, n'en dai quet hemb quin er-re e ra en droug e véritt er marhue éternel, mæs chue er-re e

gousantt d'en droug.

A pe gleuet goal gonz, ha ma hoès-un tamiq otorité benac drès er goal gonzér, groeit tehou tàuein. Ma ne hoès berh er bet ar nehou, assaiet dihuên er-ré e zécriér, pé hum dènn ag er gompagnoneah, (mar permèt deoh hou tevær), pé di coeit ur min trist ha fachet boud obliget de gleuet treu èl-cé. Mæs ma n'eèllet na sorti ag er gompagnoneah nac arrest er goal gonzereah, recommandet hou calon de Zoué, occupet hou speret guet ur urionné tertibl benac, ha continuet hou labour. Dihoallet ne vehai er méh hou talhehai ér sort compagnoneaheu-zé.

Anfin coustéet e goustou, red-é reparein er goal gonzereah. Mæs penaus arrest ur gonz e rid ér hartor, hac e grésq dré guement bêg ma pass? Penaus laquad er ré-ral d'on dont quemênd a istim èl on doai quent, eid en hani e hoes décriet? Me ouair é ma ret hum zislaret a pe vai é gueu é vai bet goalgonzet : mæs mar dai gùir er peh é hoès laret, n'en dès quet moyand teoh hum zislaret, rac ur gueu vehai quement-cé; ha S. Paul e lar : Nen dai quet permettet gober un droug, eit ma harrihuou ur vat. Penaus enta gober! Mar dai hoah fresq er blèss e hoès groeit, avouéet dirac of er-ré en dès hou cleuet, en e hoès fal broeit é tizolein defauteu bou Nessan, en e hoès quæ a guemènt-cé, hac en ou fedet d'ancoehad er péh e hoès laret. Mæs mar e hoès léh de gredein é ma deja ancoeheit, ne gonseillan quet deoh gobér er reparation ér fæçon-zé, guet eun ne refresqueheoh er gouli : hum goutantet nezé à laret ag en hani e hoès décriet, tout er vad e ouiet a nehou : rac nen dès dén ne gaver ur vat benac de laret a nehou: reit t-hou é peb occasion mercheu a istim hac a respèt : dihuènnet-ean é gurionné a pe gleuehait goal gonz a nehou: rantet chervige dehou a pe gavehait en tu : pedet Doué eit-t'ou, etc.

Mæs mar en destennet hou coal gonzereah de gonsequance eid en hani e'hoès decriet, obliget-oh de reparein en domage. Par exampl, hui e ra laquad ér mæz ur servitour, rac ma hoès laret é ma ur goal béh guet é dead, pé n'en dai quet sur a zouro... hui e ra d'ur gounideq coll é ounideu, rac ma hoès laret é ma fal élabour... hui e lar ag ur mechérour é tiscousi en treu ha ne ra nitra a fæ-

con... ag nr marhadour é ma un affrontér, n'en dai quet mad é varhadoureah, etc... Diarbên er péh e hoès laret, den ne si mui én ai; nitra ne gavant de ounid: hui e zou caus. N'en dai quet erhoalh teoh hum affligein dirac Doué, covessad, goulèn pardon: réd-é opèn gobér réparation.

Mæs petra e larehèmb-ni d'er-ré e zizoar er-ré varhue eit goalènnein ou buhé treménet ha gobér ou frocæs; ag er ré é laq tud youanq idan en treid, hac e ra dehai manquein ou chanche; ag er ré e daul ou velim ar en dud a llis hac e vir doh-t'ai a obér quasi nitra a vad én ur Barræs? Penaus vou d'er-ré-zé reparein en droug e rant? Par exampl, ur Belêg en devezai miret doh hilleih a béhedeu én ur hanton; en devezai convertisset hilleih a béherion: mæs couéhet cou un taul tead ar nehou: ha bremen quasi dén n'en dès confiance én-ou, etc. Pihue e rescondou ag er'vad en devezai groeit ag en droug en devezai miret, ag en ineanneu en devezai secouret de hum salvein? Pihue? En hani en dès ean décriet. N'en don quet souhet goudé quement-ce mar lar er Speret-Santel: Er goal gonzer e zou abomination en ol dud.

A p'en dai quen diæz-cé reparein er goal gonzereah, laquamb hun ol sourci d'éhuehad doh hur honzen, eit ne larehèmb jamæs ur guir inemp d'hun Nessan, meid èl me carehèmb ma vehai laret a hanamb hun hunan. Laramb liès de Zoué guet er Profæt David : Men Doue, laqueit ur oard ar mem beg, hac un alhue ar men dives: ne bermettet quet ma hum abusou me halon quet conzeu pere hou c'offance. Chongcamb erhad en hun pehedeuni, ha n'hur bou quet amzér de chongeal é ré hun Nessan.

Er Gueyer.

Ne laret quet gueu, é-mé er Speret-Santel, rac en acustumance-ze n'en dai quet mat. Er gueu e zon ur gooz pé ur sign contrel d'er péh e chonget, guet intantion de drompein. Me lar, contrel d'er péh e chonget: rac conz inemp d'er urionné guet er gredèn e vai gùir er péh e larér, n'en dai quet laret gueu, mæs hum drompein. Me lar hoah, huet intantion de drompein: rac laret piqueol daufènneu, marveilleu e ouyér erhad ne veint quet credet guet hanni, n'en dai quet ur gueu.

Bout-çou tri sort gueu : 1°. Ur gueu e ra næz, pé domage, pé poén. 2°. Ur gueu eit hoarhein, eit bourdal. 3°. Ur gueu eit gobér plijadur de unanbenac hemb gobér poén d'un aral, pé e larér eit hum dènn a affær. En eu zehuehan n'en dint quet liès-mat péhedeu marvel, penaus-benac m'en dint

perpet péhet.

1º. N'en dai jamæs permettet laret gueu ne vern é péh occasion nac é péh affær. Ur gueu e zou un droug a nehou é hunan; hac er péh zou un droug a nehou é hunan, e zou dihuènnet perpet hac é peb occasion. Naren, é mé S. Augustin, en digaréeu e glasquér eid escusein er gueuyér, e zou ol faus. Hac é vehai possibl tènnein ol er-ré daunet ag en ihuern, ha salvein ol en dud guet ur gueu distér, ne vehai quet permettet el laret. N'en dai quet enta permettet laret gueu eit miret a vout noæzet, eit miret doh brud, eit sauvein hur buhé, eit sauvein ur hroaidur e vehai prest de verhuel hemb Badient. Rac én un occasion èl-cé ne vehai quet permettet gobér ur faute inemp d'er burtæt; ne vehai quet enta permettet ehué gobér ur faut inemp d'er urion-

né; ha guel vehai ma tehai ol er béd de vout collet, eit ma vehai offancet Doué dré en distérran péhet.

2º. Ur gueu e ra poén vras d'en Nessan, pé e ra domage vras dehou én é vuhé, pa én é inour, pé én é zanné, pe én é gredèn (én é Fé), e zou ur péhet marvel : rac er gueu-zé è zou inemp d'er urionné. inemp d'er justice ha d'er charité deliet d'en Nessan. Rac-cé é lar er Profæt David : Doue e gollou ol er-re e lar gueuyer èl-ce, rac ur beg gueuyad e lah en inean, é-mé er Speret-Santet. El-cé er-ré e ansaign esprès un dra benac inemp d'er Fé, inemp de Lezèn Doué pé d'Ansaignemanteu en His, (guæd e gavér ag er sort Doctoret-cé ar er Mæzeu); erré e annonce esprès faus Miracleu, faus indulgeanceu : er-ré e uerh pé e ansaign Pedènneu, Oræzoneu guet péré ne varhuér jamæs hemb Covezion: er-ré e lar esprès é Covezion en ou dès groeit ur péhet enorm benac, n'ou dès quet groeit én effæd, eit m'ou lausquou ou Hovezour d'obér ur Govezion general : er-ré e zéguis quemend ur péhet bras benac, ma rant de gredein n'en dai meit veniel, etc. Ol er-ré zé e ra ur péhet marvel, ha guhavé ur sacrilege.

3°. Er biæzeu, en troyèlleu, er honzeu doubl, a zeu antand, a béré en hum chervigér eit hum dènnein a brèss, e zou ehué gueuyér : rac laret gueu-é rein de gredein èl-gùir un dra e ouiér e zou faus; ha ne hum chervigér a droyèlleu, a gonzeu a zeu antand, nameit eit quemènt-cé. Ehué en Ilis en dès condannet er-ré e ansaignai é hoai permettet biæzein ha bout doubl a pe oai necessær pé profitabl quemènt-cé eit conservein er vuhé, pé en inour, pé en danné, pé aveid un ævr mat benac, etc. Ne laran quet é vér obliget de zisclæriein perpet ha de

laret ol er peh zou gùir: dangerus vehai memb quement-ce pe vehai ret el laret de guement hanni er goulen. A pe vehait neoah interroget é Justice pe guet tud péré en dès droæd d'hou g'interrogein, obliget-oh nezé de laret simpl ha næt er urionné èl m'hé hanauet. Mæs mar doh interroget guet tud de béré ne jauge quet dohoh disclæriein hou g'affærieu pé re hou Nessan, distroeit er parlant ar un dra aral, eit rein dehai d'antand ne fal quet deoh rescond, ha ne jauge quet doh-t'ai hou c'interrogein. Me ouair é ma diæz quement-cé a pe ver interroget guet tud a galité: mæs guel vehai neoah laret gronce: Er peh e oulennet, n'en dai quet m'affær, pe n'en don quet obliget de rescond... hac é teliehènt-int hum inzrouguein, eit ou zrompein hac offancein Doué dré en distérran gueu.

4º. Mêlein unan-benac mui eit ne veritt, e zou chué ur gueu hac-ur péhet. Rac hui en tromp dré m'en douguet de gredein en en des parfætioneu n'en dés quet én effæd, hac en istimet, durand m'en dispriset én hou calon. Me ouair n'en dai quet permottet disprisein hanni: mæs bout-çou quêmb itré rantein de beb-unan en inour e zou deliet tehou, hac en antretenein én é vinceu dré vélationeu faus.

i 5°. En hipocrisi e zou ehué ur gueu. Rac un hipocrit e assai laquad de gredein é ma guel eit n'en daí, ha dré-zé ean e glasq trompein en dud, ha memb en Eutru-Doué, pe vehai possibl. Er charité e zihuèn dohemb a ziscoein hun defauteu dirac er-ré-ral, guet eun a ou scandalisein: mæs er sincerité hac en humilité e zihuèn ehué dohemb a glasq passein eit guel eit n'en domb.

Ne laquamb enta jamæs fausoni er bet én hur honzeu, eit n'en d'ou quet hur Salvér léh d'obér demb er rebræche e rai d'er Juivet: Perac ne hanauet-hui me langage, é-m'ean? Rac n'eèllet quet
cheleuet me honzeu. Er goal-speret e zou hou tad,
ha hui e fal deoh gober er peh e blige tehou.... A
pe lar gueu, ean e gonz revé e vecher, rac m'en dai
gueuyad ha tad er gueuyer. É peb occasion dihoallamb doh er gueuyér, avèl er Roué santel David:
Laret e mès men guir, é-m'ean, me zihoallou guet
sourci é peb occasion, est ne béhein jamæs dre me
zead. (Deinet er Chapistr XXX, Parti III ag er
Vuhé devod.)

Doué dré en eihvet Gourhæmen e ordren d'emb:

1°. Carein er urionne, ha bout perpet gùirion.

2°. A pe vehemb interroget é Justice, laret er urionné sclær ha splann. 3°. Dihoal doh en ol péhedeu hun nès expliquet amen. 4°. Jugein mad a actioneu hun Nessan a guement ma heèllamb: rac mar dai splann en droug ha n'ellér en escusein é mod er bet, n'en dai quet possibl jugein ne béh quet.

ARTICL IX.

Ag en nàuset Gourhæmèn.

En ævr ag er hiq ne zezirei, Meit guet prièd, pé é péhei.

Doug dré en nauvet Gourhæmèn e zihuèn en dezir memb ag en actionen dishonest péré zou dihuènnet dré en huénvet Gourhæmèn.

Doué é tihuèn en actioneu dishonest, en dès ehue dihuènnet en dezir ag en actioneu-zé: mæs èl ma ta d'ul lod vat credein é vènt divlam durand n'ou dai quet groeit en droug ou devai deziret, Doué en dès groeit ur Ourhæmèn esprès eit con-

dannein er fal zezirieu; ha penaus-benac n'en dai conzet meid ag en dezirieu dishonest, rac m'en dai ér poénd-cé é ma douguettan mab-dén de hum escusein, Doué e zihuèn neoah er fal zezirieu é général; rac en dezir e gomprèn er volanté d'obér en action, ha Jesus-Chrouist e lar é ma ag er galon é ta en actioneu lous, er multr, el laironci, etc.

Me ouair peuaus er fal chongeu de béré ne ramb quet occasion dré hur goal, ha doh péré é resistamb guet dongér ha caz doh-t'ai, e gresq hur meriteu dirac Doué é léh boud ur péhet. Mæs mar domb cablus : 1º. A pe ramb a hur vat ha libr volanté occasion d'er fal chongeu, a pe ne resistamb quet doh-t'ai quentéhèl mou santamb; 20 a pe gousantamb tehai; 3º a pe hum arrestamb guet-t'ai guet plijadur, penaus-benac ne gousantamb quet : péh ræzon bur behai-ni de gredein ne béhamb guet dré er fal zezirieu, a p'en dint ur gousantemant ag er volanté d'ur fal action? Bac-cé é lar hur Salvèr : En hani e seell ur voes quet ur fal zezir, en des deja commettet er pehet en e galon. El m'hun nès deja expliquet en treu-zé én articl ag er baillardiah, me hum arrestehèmb quet davantage.

Doué dré er Ourhæmen-men e ordrén demb distag hur halon doh en treu crouéet, mortifiein en juclinationeu ag er hiq, ha gobér brizél d'er væn curiosité.

ARTICL X.

Ag en deccet Gourhæmèn.

Mad ar en doar ne hoantei, Eit t'he poud ean dré dromperi.

Doug dré er Ourhæmèn-zé e zihuèn dohemb a

zezirein madeu hun Nessan, meit-hac ean vehal eit hur boud int dre voyandeu just ha permettet.

Pehein e rér inemp d'er Ou hæmen zé, a pe zouguér ivi d'en Nessan, a gans d'é gommodité, d'é zanné ha d'é avantageu aral : a pe zezirér hum æzein diar é goust, èl er varhadision péré e zezir ma vou querteri eit guerhein guel ou marhadon-reah; er ré e zezir ma vou brizel eit ou doud en tu de laireah hemb eun a vout punisset; er-ré e zezir er marhue d'ou zud eit ou dout ou danné, etc.

Mæs n'en dai quet ur péhet dezirein madeu hun Nessan eit ur boud int dré voyandeu just ha permettet, a p'en devai hoand de hum zizobér a nehai. Dræ er ræzon zé é ma permettet guerhein, prenein, trafiquein.... Me lar, a p'en devai hoand de hum zizobér... rac n'en dai quet ræzonabl dezirein un dra e fai d'hun Nessan goarn: quement-cé e vehai dezirein ma hum ziæzeh i eit hun æzein, ha dezirein d'un aral er péh ne garehèmb quet ma vehai deziret temb. N'en dès ents meid en hoand en dehai hun Nessan de hum zizobér ag é dra, e rantt lègitim en dezir aur behai-ni d'hur houd ean.

Doué dré er Ourhæmèn-zé e ordrén demb reglein hun ol dezirieu revé é volanté; resistein doh,
er malheurus inclination hun nès de glasq perpet
hur houtantemant, hur hommodité, hun æzemant, etc. Quemènt-cé zou pèn-caus temb de
dorrein Gourhæmenen Doué, ha ne vou meid é
feuhein hur goal inclinationen, é spécial hun teiche
mignon, é heèllehemb hum viret a béhein hac a
vout dannet. Hennéh-é er guir hénd en dès ansaignet temb Jesus Chrouist, hac er-ré e guemér un
aral, e zou én dangér bras a fari.

CHAPISTR IV.

Cheleurt en Ilis.

N'apoerssame de Zoué èl ma faut, nameid a pe sentamb doh en Ilis. Obliget-omb enta de oud ha de oarn Gourhæmeneu en His. Rac Jesus-Chronist en dès reit tebi, de larèt-é, d'er-ré guettan ag er Vugulion spirituel en dès choæget eit hé goard hac hé hondui, er bouvoër d'obér Gourhæmeneu, hac e ordrén demb sèntein dob-t'ai idan boén a yout seèllet èl Payannet. Ni e gav ér Scritur santel en en dès en Apostolet excelset er bouvoër-zé er Honcil a Jerusalem: hac ou honzeu e ra splana d'antand é boni er Speret-Santel e gonzai dré ou guêneu. Hun Tad santel er Pab hac en Escobet, péré e zalh léb ha cargien Apostolet, en dès excelset er memb pouvoër er Honcilleu general ha particulier. En assambléven-zé é ma bet groeit en darn muyan a Ourhæmeneu en Ilis. Mæs èl ma vehai rai hir og expliquein of (rac bout-cou eit peb stad ha peb condition), ne gouzehèmb meid ag er-ré e oblige on of Fidelet. N'en dès meit huéh comprenet ér Guerzen-men:

- 1. Santefi of er Gouiliea Ordrénet, èl er Sclieu.
- 2. Sul ha Gou l cleu en Overen, El ma teli peb guir Grechéo.
- 3. The beheden e govessei Ur neh er blæ, ma ne res mui.

- 4. T'he Dad Salver e receuei Peb Pasq humplan ma heèllei.
- 5. Er Hoaris, er Hortualeu A yunei hac er Vigilieu.
- 6. D'er Sadourn ha d'er Gùinér. E ma Vigil é peb amzér.

Er Gourhæmeneu-zé consideret erhad e regl d'er Fidelet pegource ha penaus é teliant miret Gourhæmeneu Doué. Rac, 1°. Obliget-omb de refresquein liès én hun isprit er chonge a vadeleaheu Doué én hur hevir; de lusquein hur halon trema en Nean dré en dezir ag er vuhé éternel; de gonsiderein gloër er Sænt ér Baraouis, èl ur voéh péhani e lar demb hemb cèss quemér scùir ar nehai ha querhet ar ou fazeu; de drugairicad Doué ag er victoërieu ou idès douguet dré hræceu hac én é Hanhue. Eit hun doug de hum aquittein ag en deværieu-zé en en dès en Ilis instituet er Gouilieu.

2°. El Lezèn naturel ha Gourhæmeneu Doué hun oblige de rantein a speret hac a gorv d'hur Hrouéour en inour hac en aboeissance e zou deliet dehou èl d'er Mæstr general drès quement tra zou; de santesiein un dé peb suhun, eid en impléein de chervige Doué: eit n'hur bezai quet ancoéheit en obligation-zé é command temb en Ilis assistein én Overèn d'er Sulieu ha d'er Gouilieu miret.

3º. Obliget-omb, eit bihuein é græce Doué, de nættat hun inean ag er péhedeu marvel e eèllehemb hur bout commettet, ha d'hé maguein guet er bara a vuhé en dès lausquet hur Salvér guenemb ér Sacremand ag en Autær. Eit ne vezèmb quet bet lisidant d'accomplissein en obligationeu-zé, é hordrén demb en Ilis covessad ha communiein ur uéh ér

blæ d'er bihannan, bac é regl demb en amzér d'er gobér.

4°. Obliget-omb de gastiein hur horv; d'er hontraignein de sèntein doh en isprit; de yunein guhavé, revé ma larai hur Salvér d'er Farisiennet en en devai é Zisciplet yunet goudé é Asçansion Eit n'hur bezai quet chairret hun deulagad ar en obligationeu-zé, é commaud temb en Ilis yunein ha gobér vigil de certæn déieu.

Er Ourhæmèn péhani e ordrén payein en deaugueu, hac en hani e zihuèn a obéræredeu durand en Avènd hac er Hoaris, e zou ehué hanàuet guet en ol; mæs en ihue Ourhæmen-zé n'obligeant quet en ol Fidelet: rac er-ré n'ou dès queta zoar-labour, e zou exant a bayein deaug; ha n'en dai quet permettettoh d'er-ré en dès groeit rô a uerhiæt, diméein én un amzér aral, eid en hani dihuènnet dré en Ilis.

ARTICL I.

Ag er guettan a Ourhameneu en Ilis.

Santefi ol er Gouilieu Ordrénet, el er Sulieu.

En Ilis dré er Ourhæmèn-zé e ordrén d'hé bugalé santesiein er Gouilieu miret, èl ma santesiant er Sulieu; de sarté, lausquein en déieu-zé peb sort labourieu terrién, (hum viret drès peb tra a béhein): ou impléein de chervige Doué èl er Sulieu, hac antréein ér santimanteu en dès bet en Ilis é hinstituein peb Gouit. (Leinet en explication ag en dairved a Ourhæmeneu Doué, ha hui e gayou penaus é teliet santesiein er Gouilieu.)

Ul lod vod ag er Gouilieu e oarnamb, e zou bet instituet dré én Apostolet. Er ré ral e zou bet instituet a oudé. Peb Escob en dès er bouvoër d'inatituein ré nehué én é Escopti, a pe uél é vai profitabl quement-ce eit gloër en Eutru-Doué ha santefication er Fidelet: hac obliget-omb, ne vern mên-é, de viret er Gouilieu e oarnér él léh ma hum gavamb.

Lod ag er Gouilieu e zou bet instituet eid inourein ér Misterieu a hur Religion; lod eid inourein ér Misterieu a hur Religion; lod eid inourein triomfl er Sænt é gloër en Eutru-Doué. Eid
antreein en déieu-zé é santimanteu hur Mam santel
en llis, réd-é meditein er Mistèr e inourér, pé buhé er Sænt a béré é rer mémoër; trugairicad Doué
ag er græceu en dès reit tehai; quemér er resolution de guèrhet ar ou fazeu, ha hum laquad idan
ou frotection. Guet en instruction e yan de rein
deon ar er Gouilieu principallan, ne vehait quet
ambarrasset ei goud petra e oulèn gueneon en Ilis
en déieu santel zé.

INSTRUCTION ar el Lideu principallan e oara en llis.

EN AVÈND.

En guir-men Avènd e senési Donnedigueah. En Ilis e hanàu tair Donnedigueah a Jesus-Chrouist. Er guettan e zou en hani ag é Incarnation, a p'en dès hum hroeit dén aveid omb itré digosté er Uériès, ha m'en dai deit de chom é mésq en dud. En eil e zou en hani e ra bamdé én incanneu, a pe zisquên én-ai dré é hræce, pé eit ou honvertissein mar diat é goal stad, pé eit cresquein ou meriteu mar

dint é stad vat. En dairved e vou en achémand ag er béd, a pe zei de jugein er-ré vihue hac er-ré varhue. En llis durand en amzér santel ag en Avènd é avertiss hé bugalé: 1°. De gonsiderein en dobér bras ou doai ma vezai deit Jesus-Chrouist d'ou zènnein a visèr, ha d'en trugairicad ag er græceu en dès meritet tehai dréé locarnation; 2°. De laquad ol ou spi de brofittein ag er græceu-zé, ha de veritein ma rei Jesus-Chrouist é zamurance en ou halon; 3°. De hum breparein guet un dougeance santel de zacor contt dehou un dé ag ol ou chongeu, conzeu, ævreu hac omissioneu.

En Avend e bad pedair suhun eit represantein demb er puar-mil vlæ treménet a oudé er hommancemand ag er béd, beèd en amzér ma-tas hur Salvér ar en doar. Guharal er Fidelet e vunai en Avènd just èl er Hoaris: hac en Orlemanteu violet a béré en hum chervige hoah en Ilis durand en amzer-zé, e zegass chonge temb é teliamb er seèllet èl un amzér a bénigèn. En essæd, eit hum avertissein d'obér pénigèn, é leinér demb én Ossiceu ag en Avènd en instructioneu e rai S. Yehan er Badéour d'er Juivet, eit ou disposein dré ur guir bénigèn de receu Jesus-Chrouist; hac ag er hettan Sul é leinér én Overèn en Aviél ag er Jugemant general, eit discoein peh quen terribl vou é zehuehan Donnedigueah eid er-ré n'ou dou quet prezet profittein ag er guettan. Penaus-benac en Ilis ne regl hinihue d'hé bugalé sort pénigèn er bet d'obér durand en amzér santel-zé, hé intantion-é neoah ma pratiqueint muyan e eèlleint a ævreu mat; ma reint or mortification benac; ma renoncieint d'ou inclinationeu; ma peèlleint guet sourci doh en occasioneu a béhet, etc. (Mar doh ér stad d'ou poud ul livr a Officeu en Ilis én ul langage e antandet, me conseil deoh hou poud unan.)

NENDELĖQ.

Er bempèt de ar-n'uguent a vis en Avend.

En guir Nendeleg e senéfi Gannedigueh. En Ilis e hanau tair Gannedigueah a Jesus-Chrouist. Er guettan e zou é Gannedigueah éternel, dré béhani é ma angeandret ag é Dad a ol éternité. En eil e zou é Gannedigueah tamporel, é Bethelem; hac en dairved e zou é Gannedigueah spirituel én hun ineanneu. Eid inourein en tair Gannedigueah-cé é lar er Velean tair Overèn de Nendelêg. Én Overèn greis-noz é hinourér Gannedigneah tamporel Jesus-Chrouist, péhani, dré er guirieu ag er Gonsecration e vai laqueit ar en Autær d'er hource m'el laquas er Uériès ar un nebediq plous é Bethelem : réd-é nezé adorein Jesus-Chrouist gannet én ur hreu é creis er vrassan peuranté, dré garanté aveid omb. En Overèn ardro goleu-dé é rér mémoër ag er momand heurus-hont ma hannoncas un Æi d'er Vugulion é hoai gannet Jesus-Chrouist; hac inourein e rér nezé Gannedigueah spirituel hur Salvér é caloneu en dud just. Eid assistein én Overèn-zé quet devotion, réd-é hum joentein a speret guet er Vugulion, péré e adoras Jesus-Chrouist nehué gannet, ha guet en Ælet, péré e annonças é Gannedigueah d'en dud dré er Hantiq caër-men : Gloria in excelsis Deo, etc. Gloër de Zoue e lein en Nean, ha peah d'en dud a volunté vad ar en doar... En dairved Overèn é leiger er hommancemand ag еп Aviél revé S. Yehan, péhani e gonz splann a

Gannedigueah éternel hur Salvér; rac-cé nitra ne vir a laret é hinourer nezé é Gannedigueah divin. dré béhani é ma angéandret ag en Tad a ol éternité. Eid assistein en Overèn-zé guet er santimanteu e recommand en llis, red-é hum joentein a speret guet en Ælet hac er Sænt, péré e ador Mab Doué én Nean, péré en trugairica ag er græceu en dès reit d'en dud, ha péré, revé S. Paul, en adoras a guentéh èl ma hoai gannet. Un dra vad-é assistein én tair Overèn-zé, penaus-benac ne vér quet obliget. Guharal en Ilis e bermettai d'er Velean laret istroh eid un Overên d'er Gouilieu bras: rac ne vehai quet bet possibl d'en ol Fidelet assistein pe n'en devezai peb Belêg laret meid unan, Rac-cé en tair Overen e larér hoah de Nendeleg, e zou ur merche ag un usage pratiquet guharal ér Grechéneah.

Jesus-Chrouist dré er circonstanceu ag é Gannedigueah e ra demb Leconnieu caër. Gannet-é é voyage, de greis-noz, én ur hreu, ér vrassan peuranté, én un amzér yein, cri ha calet, etc. Ean hun desg enta: 1º. de voud aboeissant, humbl, ha de hum gonsiderein el perhinderion ar en doar; 20. de garein er beuranté, de zisprisein er madeu hac en inourieu; 3º. de garein er souffranceu, ha de feahein en inclination malheurus hun nès de glasq attàu hun æzemant hac hur satisfaction. En un antréein ér bed ean en dès groeit brizél d'en orgueil. d'er vanité, d'en ambition, d'er væn curiosité ha d'er goal inclinationeu ag en natur corromplet, eit hun désquein de zisprisein er péh e istim er béd, ha de garein er péh e zispris er béd. Er ré e yai de Vethleem d'en adorein, ne gleuent guet-t'ou guir er bet : mæs é stad peur ha truhéus, é zareu, é huannadeu e oai quel liès a voéh péré e larai deja

d'en ol : Mar fal deoh boud a men Disciplet, renonciet deoh hou c'hunan, quemeret hou croes ha
heliet me. Ér momand ma hinour en llis er Mistèr
a gé Gannedigueah, ean e brepar hoah græceu spécial d'en ol Grechénion. Mæs èl n'en dès quet paud
e hum laq ér stad d'ou receu, ha ma hès memb
hilleih e ra ag en noz-zé un noz a zebauche hac a
libertinage, er græceu-zé e vai dispartiet guet abondance itré en ineanneu devod péré e brepar én hou
halon un damurance pur ha santel d'un Doué deit
de vout croaidur dré garanté aveid omb. (Leinet
er Figur VII a Histoër en Testamand nehué.)

GOUIL S. STEVAN.

En huéhvet dé ar-n'uguênt a vis en Avènd. (Leinet er Figur LXI'l ag en Testamand nehué.)

GOUIL S. YEHAN EN AVIÉLOUR.

Er seihvet dé ar-n'uguênt ag en Avend. (Leinet er Figur IV ag en Testamand nehué.)

GOUIL ER SÆNT INNOGANDET.

En eihvet dé ar-n'uguênt ag en Avend. (Leinet er Figur XII ag en Testamand nehue.)

CIRCONCISION JESUS-CHROUIST.

Er hettan de a vis Guenver.

Doné eit dissorber bobl Juiv don en ol pobleu aral dré er merche ag en Aliance en doai groeit guet Abraham, en doai ordrénet tehai rein er Circon-

cision d'er bautret en einvet dé goudé ou gannedigueah. Er Circoncision e oai ur ceremoni gloæsus ha méhus, hac ur merche é tamb ér béd cablus ag er pehet Originel. Hur Salvér ne oai quet obliget d'el Lezèn-zé; rac dré ma hoai er santeleak memb, n'en doai péhet er bet d'effacein. Neoah èl ma hoai deit d'aquittein er boén deliet d'hur péhedeu, a béré en doai hum garguet, ean e hum laquas ér memb rang guet er béherion, eit rein demb un exampl ag er vrassan humilité; hac eit sièllein er garanté infini en doai aveid omb, ean e gommanças a nezé scuillein lod ag é Oaid, é-tretant ma vezai deit en amzér d'er seùil tout beèd en debuehan tapèn, eit payein hur rançon. Reit oai het tehou nezé en Hanhue a Jesus péhani e senéfi Salvén, revé m'en doai en Æl annoncet d'er Uériès : rac ma tai ar en doar eit hur salvein. En Hanhue a Jesus e zou quer bras. ma teli, é-mé S. Paul, quement hanni zou en Nean, ar en doar, hac en ihuorn stouyein ar e zeulin d'en Hanhue a Jesus. N'er prononcet enta meit guet attantion, respet ha devotion.

Tri tra e recommand temb en llis en dé-men eit commance erhad er blæ. 1º. Hum offrein antierement de Zoué guet Jesus-Chrouist, eit ma vehèmb gredus d'er chervige beèd er fin a hur buhé. 2º. Gobér én hur halon ur Circoncision spirituel en ur ziouriénnein a nehi en of teicheu hac inclinationeu e zisplige de Zoué. 3º. Renehuéein er promesseu a hur Badiènd. Hennéh é en donné-mad ag er blæ nehué e oulen Doué guènemb. Dihoallamb drès peb tra a bassein en dé é visitein hur hæiènt hac hun amiet, èl m'en dai er mod é mésq en dud ag er béd. Custum miserabl, péhani e dènn de hillein a béhedeu. Groamb chué er reflexion-

men: paud a vlæyen hun nes commancet hac achihuet; ha ni zou guel hinihue eit ne oemb dec vlæ çou, uguent vlæ, hanter-hant vlæ çou? Tostad e ramb bamdé d'er marhue... Ha ni e uélou er blæmen é hachihue? Pe vezèmb marhuet er blæ treménet. é péh stad é vezèmb-ni comparisset dirac Doué?... (Leinet er Figur IX ag en Testamand nehué.)

GOUIL EN BODÉET.

En huéhvet dé a vis Guênvèr.

En dé-men e zou hanhuet Gouil er Rouéet, rac ma tas d'er memb de tri Roué a zoh er sàu-heaul de Vethelem, eid adorein hur Salvér. Aparissein e ras tehai én ou bro ur Stirèn péhani ou honduyas bet-ha Jerusalem. Inou er Brincet ag er Velean o zisclærias tehai é hoai é Bethelem é teliai gannein er Messi, revé er Brofætet. Ind e yas enta de Vethelem doh er splander ag er memb Stiren, hac e. gavas inou én ur hreu Jesus guet er Uériès ha S. Jogeb. Ind en adoras hac e offras tehou eur, ancans ha mirrh. Dré en eur ind en hanàuai eit ou Roué; dré en ançans, ind en hanàuai eit ou Doué, ha dré er mirrh ind e hanàuai é hoai dén. Eit ne vezènt quet oueit de zacor contt d'en tyrant Herod ag er péh ou doai guélet, un Æl ou avertissas de retourn d'ou bro dré un hènd aral. En llis e inour d'el Lid bras-men tri Mistèr, dré béré en en dès Jesus-Chrouist commancet discoein é hloër d'en dud. 1º. Adoration en tri Roué, peré zou bet erzré guettan Payanuet en dès galhuet d'er Fé; ha guet péré é homb bet ehué galhuet d'en hanauedigueah a

Zoué. (Leinet er Figur X ag en Testamand nehué.) 20. Badiènd hun Salvér dré zeourn S. Yehan ér riviér e Jourdæn, de dregont vlæ goudé. (Figur XIV ag en Testamand nehué.) 30. É guettan Miracl, a pe changeas deur é gùin én æredeu é Cana.

(Figur XVI ag en Testamand nehué.)

Eid antréein é santimanteu hur Mam santel en Ilis, ni e zeli trugairicad Doué en dout hur galhue! dré é visericord hemb quin de vout Crechenion 2 Bayannet ma hoai hun tud én hur raug; durand m'en dès dré un effæd ag é justice abandonnet er Juivet hac ul lod vad aral d'ou dalle digueah. Damb èl en tri Roué d'adorein Jesus-Chronist : offramb tehou en eur ag ur garanté pur ha sincèr; en ançans ag un devotion gredus ha courajus, hac er myrrh ag er mortification a hur goal inclinationeu. Mar hun nès commodité, groamb ur presant benac d'er beurerion; ha pedamb Doué de rein sclærder ha secour d'er-ré zou é goal stad, eit hanàuein ou dalledigueah ha distroein doh-t'ou a uir galon. Dihoallamb a hum abandonnein de certæn divertissemanteu otoriset dré gustumeu er béd. É contrel. cheleuamb boéh hun Doué péhani hun avertiss, avèl en tri Roué-bont, de retourn d'hur bro (d'en Nean) dré un hènd aral contrel d'en hani e guemér en dud ag er béd; me antand un hènd contrel d'en hani ag er péhet, ar béhani é ma en diaul é spial dohemb eit hur holl.

PURIFICATION ER UÉRIÈS.

En eil dé a vis Huavrèr.

Donk est lausquein guet er Bobl Juiv ur merche

Digitized by Google

ag er Miracl en doai groeit én ou andræd doh ou delivrein ag en Egypt durand ma cassai un Æl eit laquad d'er marhue bugalé cohan en Egyptiennet. e ordrénas dehai offrein dehou er mab cohan a bep famill den uguênt de arlerh gannedigueah, hac er prenein goudé dré en offrand a certæn lonnet. Er memb Lezèn e zihuènnai doh er merhet a antréein én Tampl qoênt deu uguênt dé a oudé ou gullevoud, mar boai ur pautr, ha quênt puar-uguent de mar boai ur verh ou doai bet : hac arlerb en amzér-zé e hoènt obliget de hum bresantein én Tampl eit hum buriliein. Er ceremovi-zé e oai ur merche é ma cablus ha criminel mab-dén quênt ma ta ér béd, a gaus de béhet hur hettan 'tad Adam. Æz é de uélet me oai quet dalhet er Uériès santel d'el Lezèu-zé: rac biscoah ne oai bet couciet dré er pehet; hac er fréh divin hi doai douguet itré hé digosté, n'en doai groeit meit rantein hé furtæt caërroh ha parfættoh. Hi e hum bresantas neoah èl er merhet aral, eit hum burifiein, eit rein demb un exampl a humilité, huc hun désquein d'aboeissein de Ourhæmeneu Doué ha de rê en Ilis, hemb clasq escus na digaré. Hashuet-é el Lid-zé Chandelour, a gaus d'er goleu e zouguér ér Prehesion en dès en Ilis instituet en dé-zé, eit represantein er voyage e ras er Uériès santel é monet d'en Tampl guet hé Mab Jesus itré hé divréh. Er goleu-zé e represantt hur Salver, péhani zou sclærder er béd, revé conzeu un den santel hanhuet Simeon, péhani dré un inspiration a ziar-lué e oai deit d'en Tampl ér momant-hont, guet un intanvès devod hanhuet Anna, hac en hanàuas eid er Messi.

Eid antréein é santimanteu en Ilis, ni e zeli en dé-cé, 1º. Hum offrein de Zoué é sacrifice guet

Jesus-Chrouist, eit ma vehemb perpet gredus d'obér é volanté. 2°. Purifiein hun inean non passag er péhet marvel hemb quin, mæs memb ag en ol inclinationeu d'er péhet veniel. 3°. Quemér scùir ar er grèd en don Simeon de receu Jesus-Chrouist itré é zivréh: ha désquein guet Anna er Brofætès pratiquein peb sort ævreu mat. 4°. Hum laquad idan protection er Uériès, hac é fedein d'hur presantein d'he Mab Jesus, eit ma laquehemb hun ol joè ha gloër é vont tout d'en hani en dès hum reit tout aveid omb.. (Léinet er Figur XI ag en Testamand nehué.)

ER SEPTUAGÉSIME,

Hac en déieu oral quend er Hoaris.

En Sul quênt Merbèr el Ludu, e zou hanhuet. Quinquagesim, de laret-é, hanter-hantvet, rac ma hès en essæil hanter-hant de a va-ze bet-ha Pâsq. En eu Sul aral-é raug hennéh, e zou hanhuet Sexagesim, de larèt-é, tri-uguentvet; ha Septuagesim, de laret-é, decvet-ha-tri-uguent, rac ma hès ardrodec dé ha tri-uguênt a va-zé bet-ha Pasq. En Ilis hun avertiss èl-cé a ziabeèll guet péh sourci é teframb hum breparein d'obér hur Pâsq dré ur glabar santel a hur péhedeu, dré er mortification a hur goal inclinationeu, dré ur bénigen salvus a hur fal vuhé, eit ma heèllehemb é gurionné laret guet hur Salvér Sul er Bassion: Pihue e eell temall deign é hon péhour, a pe mès reparet me ful vuhé dré er moyandeu en des laqueit en Ilis itré men deourn? Est rein demb el leçon-zé é quitta en llis a nezé hé Hantiqueu a joé, é spécial en Alleluia, hac en hum

chervige a Orlemanteu violet, peré dré ou lihus trist e zou un ansaign a bénigèn.

Mar e hoès hoah ur santimant benac a Religion. ne vou quet dizez teoh santein er chagrin e ra d'en Ilis er fal Grechénion, péré e hum abandon én amzér-zé d'el libertinage méhussan diarbèn modeu ha custumeu péré zou ur rest a bayannage hac a idolatri. Peh ur folleah! hum zisposein de yun ha d'obér pénigèn dué er chervad, dré en debauche, dré er gourmandiss! Pihue ne gredehai é vehai permettet offancein Doué durand en déieu-zé? Ne hum abuset quet guet er hustumeu meliguet-zé, péré e bass ér béd eit deværranceu honest. Mæs a pe uélehait en dud hemb Fé ha hemb Religion é monet d'en tavarneu, pé d'en assambléveu bobancus, hum dennet a costé pé quêret d'en llis eid adorein Jesus-Chrouist, eit gober dehou Amand inourabl; hac assaiet tennein é visericord ar-n'ah hac ar erré en offance. Hur Mam santel en Ilis eit secour hé bugalé vat de zifautein ag un tu er scandal e ra er fal Grechénion de vallardé, en dès instituet pratiqueu a zevotion péré zou streàuet ar er mæzeu én ul lod vad a Barræsieu. Mar eèllet, assistet én devotioneu-ze eit brassan gloër en Eutru Doué.

MERHÈR EL LUDU.

En ceremoni ag el Ludu e bratiq en Ilis ér hettan dé a Goaris é andræd en ol Fidelet, ne oai pratiquet guharal nameid eid laquad é pénigèn er beherion de béré é hoait ingorto rein en absolvên de Bâsq. Larein e rer en dé zé er seih Psalm a Bénigènguet Oræzoneu aral, eit goulèn guet Doué er græce ag ur guir gontrition hac er remission ag er péhedeu. Beniguein e rér nezé ludu e laquér ar ben er Fidelet, el ul merche é ma trezet ou halon guet quæ ha glahar ag ou fauteu, hac eit degass chonge tehni é ma bet tennet ou horveu a zoar hac é retourneint arré de zoar.

Tosteit de receu ol ludu zé guet er santimanteu a zougeance hac a bénigèn an doai bet en Ninivitet guharal, a pe hum olezant a ludu eit distannein colèr en Eutru-Doué. Doh ou recru, chonget a zevri: 1°. é hoh condannet de verhuel ur uéh; 2°. é varhuehait quènd peèl; 5°. é varhuehait prestoh eit ne chonget; 4°. é varhuehait el m'ou pou bihuet; 5°. é varhuehait eit bout heurus pé malheurus durand un éternité. Profitet ag er reflexioneu-zé eid laquad é cource reihtæt én hou cousciance.

ER HOARIS.

Ea Hoaris e zou un amzér santel a huéh suhun ha hantér, instituet dré en Apostolet eid inourein er yun a zeu-uguênt dé hac a zeu-uguênt noz e ras Jesus-Chrouist én deserh hemb daibrein nac ivet, hac eit payein de Zoué en deaug ag er blæ, en ur gonsacrein d'er bénigèn en eu-uguênt dé-zé, péré e ra pe-dost en decvet parti ag er blæ. En amzér santel-zé e zou, revé S. Paul, deieu a salvedigueah, dré ma fourniss d'er Grechénion secourieu puissant eit tènnein ar nehai misericord en Eutru-Doué, hac eit hum santefiein. Rac, 1°. nezé en hum ali assambl en ol Fidelet dré er memb exerciceu a bénigèn. 2°. En Ilis e bèd én ur fæçon spécial eit conversion er béherion hac eit perseverance en dud

just. 3°. Er Perdegueu hac en instructioneu e vai stanguch. 4°. Er yun, èl ma lar er Préface ag en Overèn, dié ma hounna er horv, e arrest en nærh ag er goal inclinationeu, e sàu en isprit trema Doué, hac hur secour de zoug ar-n'amb bun hunan ur victoer e veritou demb ur recompance éternel. (Leinet er Figur XV ag en Testamand nehué.)

Eit tremén erhad er Hoaris, hum laqueit é cource ér stad vad eit ma vou profittabl eid-ob hou yuneu hac ævreu mat : rac n'hou pehai meritt er bet dirac Doué doh ou gobér ér stad a béhet marvel. (Conzet-é ér bempet Gourhæmèn ag er yun ag er Hoaris.) Yunet a guemènt ma vou possibl deoh. Mæs ne gredet quet é ma erhoalh teoh yun a vouéd hemb quin : rac n'en dai quet hou pèg é hunan en des pehet; ne faut quet enta ma vou é hunan punisset. Doué hac en llis e oulen gueneoh ur vun general; de laret é, ma castiehait ol hou squêndeu, hou teulagad, hou tead, hou tiscobarn, hou coust: ma rehait brizel d'hou coal deicheu; ma hum virehait doh er phiadurieu, ne laran quet hemb quin er-ré dihuènnet ha dangerus, mæs memb er-ré permettet hac e eèllet de ziovér. Peèlleit doh er hompagnoneaheu; hum occupet dalhmat; hum dennet a costé eit bout deoh hou c'hunan; reit alezon revé hou comodité; pedet liæssoh ha hirroh eid en ordinær; anfin yunet a guement tra e eèllehait: visitet er-ré clan hac er brisonnerion : laqueit reihtæt én hou cousciance, etc. Profittet ag er Honris eit hum breparein d'obér de Basq ur Govezion hac ur Gommunion vat, eit ma heèllehait bout lodègér joé a Resurrection Jesus-Chrouist. arlerh bout bet lodeq er benigen en des pratiquet aveid-omb durand é vuhé. En dout yunet a vouéd

durand er Hoaris n'en dai quet un dra quer mêlabl, é-mé un Tad santel ag en llis: rac er Hoaris ur uéh treménet, er yun-zé e dremén ehué guett'ou. Gùel vehai enta ma heèlleheoh laret én achémand ag en amzér santel-zé: Ne mès quet yunet tout er Hoaris; mæs me mès reparet en domage em boai groeit d'em Nessan én é inour, pé én é zanné; me mès pardonnet d'em enemiset; teichet oèn a guênt de douyet, de golèrein, de oal gonz, de veâuein, de baillardein... ha guet græce Doué, me mès torret ol me vinceu. Preciussæd ur yun-é hennéh! En amzér a Goaris e dreménou; mæs er fréh hac er meritt ag er sort yuneu-zé ne dreméneint quet guet-t'ou.

SUL EL LORÉ.

A outé Sadourn er Bassion bet-ha Sadourn Vasq en Ilis n'en dai quasi occupet meid a Bassion hac a souffranceu hur Salvér, é spécial durand en dehuéha suhun péhani zou hanhuet santel, a gaus mei bet accomplisset én-hi er Mistèr bras a hur Redamption. Golein e rér er Hroèsieu hac el Limageu, eit gobér canveu de varhue Jesus-Chrouist, hac eit hun avertissein de ouilein hur péhedeu, péré zou bet caus d'é souffranceu.

Er Sul quent Pasq en Ilis e laqua é deourn hé bugalé Loré béniguet e zouguant ér Prehecion ha durand en Overen, eid inourein antré triomflus hur Salvér ér guær a Jerusalem huéh dé quend é Bassion. Chonquet oai ar un azennes, eit discoein demb en disprisance e rai a inourieu er béd : er vugalé hac er bobl munud e yas én arbèn dehou

guet branqueu gué én ou deourn, en ur grial: Gloër hac inour de Vab David.... Lod eid en inourein e daulai idan é dreid branqueu Loré, lod aral ou dillad: mæs er-ré puissant ag er guær e oai droug guet-t'ai ma rantait tehou en inourieu-zé. (Leinet er Figur XLIV ag en Testamand nehué.) Chairrein e rér en or ag en llis durant ma tro er Prehecion, ha n'hé digueorér meid arlerh m'en devai en Officiant scoeit ar nehi tair guéh guet troæd er Groès, eit degass chonge temb é hoai chairret dor en Nean doh en dud quênt mei deit Jesus-Chrouist d'hé digueor demb dré é varhue hirvoudus.

Er circonstanceu a antré triomflus hur Salvér é Jerusalem e zou quel liés a figur ag en dispositioneu guet péré é teliamb tostad d'er receu de Basq: 1º. Chouquet oai ar nl lon brutal, eit merchein demb é teliamb hur bout feahet durand er Hoaris hur goal inclinationeu, péré hur rantt haval doh él lonnet. 2º. Querhet e rai ar vranqueu gué hac ar zillad, eit merchein en disprisance e zeliamb gobér ag en træu væn ha dibrofit. 3º. Er-ré e oai oueit én arbèn dehou e zouguai branqueu Loré, eit merchein er victoër e zeliamb har bout douguet ar enemiset hur salvedigueah dré en oræzon, er vun, en alézon hac er mortificationeu aral. Mæs allas ! guæd e zou a Grechénion haval doh er bobl valigueant-hont, péhani de huéh dé goudé m'ou doai ean inouret, e oulennai ma vezai bet grucifiet! Rac lod e zoug Loré én ou deourn èl pe vehènt victorius ag ou fal deicheu, durant ma vourrant er sclavage méhus ag er péhet. Lod aral e zisco bout reglettoh ha devotoh durand er Påsq: mæs quênt peèll é retournant ar-ré d'ou debaucheu ha d'on libertinage èl quênt. Dihoallet ne veheohag en nombre zé.

ER RIER-HEMB-LID.

En dé quênd é Bassion Jesus-Chrouist e antréas guet é Apostolet én ur sâl vras ha goarnisset, é péhani é holhas ou zreid hac é instituas er Sacremand ag en Autær hac er Sacrifice ag en Overèn. Hennéh-é-er Mistèr bras e inour en Ilis er Rieuhemb-Lid. En dé-zé é rer ehué er vénidiction ag en Oleàu a béhani en hum chervige en Ilis ér Badienteu solunnel, er Gonfirmation hac en Nouyen. Guharal ne vadèait én Ilizieu nameit Sadourn, Vasq ha Sadourn er Pantecoust, hac en dé quênd é rait er venidiction hac en Oleàu. Mæs èl ne larait quet nezé, mui eit bermèn Overèn Guinér er Groès, requis oai gobér er venidiction ag en Oleàu er Rieuhemb-Lid. Dioarnissein e rér en Autærieu arlerh en Office, eit ou laquad é beguin, ha degass chonge temb é hoai bet diusquet hur Salvér én amzér ag é Bassion. A va-zé beèd Sadourn Vasq ne sonnér quet er bleher, eit rein demb d'antand é has en Apostolet de guh a pe zas tehai guelet ou Mæstr itré deourn é enemiset. Conservein e rér er Sacremand én ul léh a costé, eit ma heèllou en Officiant communiein en trenoz, (rac, èl m'hun nès deja remerquet ne larér quet Overen Gainer er Groès), hac eit represantein en nozeoh trist ha hirvoudus e bassus Jesus-Chrouist ér Jardrin-Olivet. (Leinet er Figurieu I.I. LII ha LIII ag en Testamand nehué.)

Ne vanquet quet en dé-zé a drugairicad Jesus-Chrouist ag er garanté infini en dès bet aveid-oh, é lausquein gueneoh é Gorv sacret hac é Oaid precius eit bout bihuance hou c'inean. Hum joentet guet en Ilis eit gobér debou Amand inourabl eid en ol anjulieu en dès d'andur ér Sacremand ag en Autær, aberh en Huguenaudet hac er fal Grechénion. Assistet en Overèn-brèd, ha communiet mar eèllet, eit inourein madeleah hemb par hur Salvér, péhani e receuas doh é daul en hani e yai d'er guerhein d'é enemiset. Visitet en Ilizieu èl pe veheoh é heli Jesus-Chrouist ag er Jardrin-Olivet beèd er Halvær. Passet ur hartériad benac ag en noz doh en adorein, ha goulènnet guet-t'ou ma santehait ul lodiq benac ag en tristé ha melconi ag en nozeohen hont e dreménas itré er Jardrin-Olivet ha Palès Anna.

Er ceremonieu ag en Office hanhuet Tenebreu e rer d'er Merher, d'er Rieu ha d'er Cuiner d'anderhue ér Hovandeu hac ér Parræsieu é péré é hès calz a Velean, n'en dint Meid ur rest ag en usage pratiquet guharal én Ilis. De noz é rait en Office-zé. bac el ne oai quet er mod nezé laquad antulérieu a r. en Autærieu, alum e rait goleu én ul léh benac eit turel splander en Ilis. Labein e rait lod ag er goleuzé a vusul ma sulannai en dé, hac ér fin ag en Office ne oarnait meid unan alum, eit m'en devezai guélet er bobl hac er Velean sorti ag en l'is. Er brud hac en tapage e rér bermen én achemand ag en Office, ne oai guharal meid ur signal e rai en Officiant d'er Velean ha d'er bobl de sorti, a pe oai paré en-Tenebreu. Rein e rér neoah un explication misterius d'er ceremonieu-zé. Seèllein e rér er goleu alumet. ar un antulér trí-cornêg, a béré é lahér unan én achémand a bep Psalm, èl ur figur ag en Apostolet, péré e abandonnas ou Mæstr hac e yas de guh durand é Bassion. Er oleuèn ihuellan e lausquér alum, beèd er fin ag en Office, e seèller èl ul figur a Jesus-Chrouist. Quent ma vai paré en Office, en hé buhér ardran en Autær pé él léh aral, eit represantein marhue hur Salvér. Nezé é hadressér de Zoué Pedenneu eit goulèn ma profittou en ol ag er græceu en dés merittet temb dré é varhue hac é Bassion. Anfin én achémand ag en Office en hé discoér arré alum, eit represantein é Resurrection. En trous e rér én Ilis quend sorti, e eèll bout consideret èl ur figur ag er burhudeu blaouahus e arrihuas ér béd de varhue hur Salvér.

GUINÉR ER GROÈS.

Guinér er Groès e zou en dé a souffranceu Jesus-Chrouist, hac en dé ag é drioms. Me lar en de aq ¿ souffranceu, rac en dé-cé é hoai bet stleiget dré er ruyeu a Jerusalem, é hoai bet jotadet, flagellet, curunet a spern, hac anfin staguet doh ur Groès. (Leinet er Figurieu LIV, LV, LVI, LVII ha LVIII ag en Testamand nehué.) Me lar en de ag e driomfl, rac en dé-cé é feabas en diaul, en en disarmas, hac en er garottas eid en turel ér punce ag en abim; en dé-cé é tigueoras en or ag er Baraouis. hac é contraignas en Nean hac en doar, er-ré vihue hac er ré varhue, d'en hanàuein eid ou Mæstr. En Ilis e bèd en dé-cé eid en ol dud. Payannet, Juivet, Héritiquet, Escommuniet, etc., eit rein demb d'antand é ma marhuet Jesus eid en ol dud, hac eit goulen ma tei en ol de brofittein ag é varhue. Presantein e rer er Groès der Fidelet de voquein, eit ma hadoreint Jesus-Chrouist marhuet doh-t'hi eit hur péhedeu, ha ma queméreint é grad en ol poénieu ha trebilleu ag er vuhé, én union guet é souffranceu. Ne larer quet Overen en de-ce, eit discoein er glahar en dès en Ilis a gaus de Bassion hé Fried: (Rac en Overen e zou un action a joé). En

Officiant hemb quin e gommuni guet en Hosti laqueit é reserv ag en dé quênt. Guharal ne oai quet er mod laret Overèn d'en déieu yun; hac én Ilis Grêq ne overènnér hoah durand er Hoaris nameit d'er Sadourn ha d'er Sul.

N'en dès ér blæ dé er bet ma tisco er Grechénion mui a Religion hac a zevotion, eit Gùiner er Groès. Ou guélet e réré vun guet scrupul, é tihoal doh en hoari ha dob en deværranceu ordinær : é hassistein ér Perdeg guet ur min trist ha glabaret, é houilein memb a pe gleuant conz a souffranceu Jesus-Chrouist... Caërræd un dianvès, pe vehai er galon e vehai touchet! Mæs allas! ul lod vad e scuill dareu ar souffranceu hur Salvér, hac ou balon n'ou lausq quet d'andur en distérran poén a balamor tehou. Huannadein e rant mei marhuet eit ou féhedeu, ha neoah ne rant quet cas eit reneheuéein é varhue dré er stag ag ou halon dob er péhet. Rideq e rant a brès de voquein d'é Groès; mæz cah zou dès doh er hroëzieu; ou halon, èl ma lar S. Paul, e zou enemis de Groes Jesus-Chrouist. Dihoallet ne veheoh ag er sort tud-cé; rac hou partage e vehai guet Pilat ha guet Judas. Passion Jesus-Chrouist e zou sur un dra hirvoudus. Mæs un inean sourcius de brofittein ag er græceu en dès meritet temb dré é varhue, e gav é quemènt-cé mui a joé hac a gonsolation, eid a hlabar hac a dristé. Bac Jesus-Chrouist dré é varhue en dès reparet en outrage groeit de Zoué dré er péhet; ean en dès p yet eidomb, ha diverchet guet é Quid en arrest a hur hondannation; ean en dès gouniet demb en droæd de seèllet en Nean èl hun héritage. Marbuet-é ardro tair ær diar creisté. Preciussæd ur momant! Bamdé ardro er hource-zé reit lusq d'hou speret ha d'hou calon de hum sehuel trema Jesus-Chrouist. Eid inourein en ær-zé én ur fæçon particuliér Gùinér er Groès, hum laquèit ar hou teulin ha boquet d'en doar, ne vern mèn é vehait; chairret perhuéh én hou calon huannadeu dehuehan hou Toué é verhuel dré garanté aveid oh, ha hum chonget erhad petra e garéheob gobér aveit-t'ou.

SADOURN-VASQ.

Sadouan-Vasq en Ilis e inour er Mistèr a interremant hur Salvér, hac en disquên ag é inean d'el Limbeu. (Leinet er Figur LIX ag en Testamand nehué.) Guharal ne gommançait en Office en dé-cé. nameid ardro tair ær diar creisté, hac èl ma padai quasi durand en noz. n'en dai burhud question énou meid a Resurrection Jesus-Chrouist. Ne larait quet Gosperen, rac ma hoai treménet er hource a ben ma hoai paré en Office. A oudé mei deit er mod de dorrein er yun quentéh èl creisté, en Ilis en dès changet, er hource ag en Office-zé: mæs en Office n'en dai quet changet, ha ne larer hoah eit Gosperen pameid er Psalm Laudate Dominum, omnes geners... bac er Magnificat... Quend achihue en Overen, guharal é rait tan nehué bamdé quênt commance en Office, eid alum er goleu, hac en er béniqueait. Ne rér bermen er ceremoni-zé nameit Sadonrn-Vasq; hac en tan-zé e eèll bout consideret èl ul Limage a Jesus-Chrouist markuet ha resuscitet. Er Oleuèn-Vasq e chervigeai guharal de durel splander en Ilis durand en Office. He beniguein e rait, nezé, èl bermen, hac e seèllet e rér él ur figur a Jesus-Chrouist. Laquad e rér én-hi pemb grap ançans quênt hé alum, eit represantein action

Jogeb a Arimathi, Nicodem hac er merhet devod. pérée vaumas corv hur Salvér ér bé. Er pemb toul ag er oleuèn é péré é laquér en ançans, e represantt pemb Gouli Jesus-Chrouist. Hé alumein e rér goudé, eit merchein é resuscitas hur Salvér goudé ma hoai bet baumet é gorv. Alum e rér guet-t'hi el Lampreu hac er goleu aral doh en Autær; eit represantein er grèd nehué e alumas é calon en Disciplet, a pe gleuezant é hoai resuscitet ou Mæstr. Un Diacr-é zeli gobér er venidiction-zé, eit degass chonge temb ne oai quet en Apostolet, mæs Disciplet ha merhet devod e vaumas corv Jesus-Chrouist, hac e annoncas er-ré guettan é Resurrection. Cannein e rér goudé quement-cé Profætieu. péré zou en abregé ag er Religion, hac e oai cannet gubaral eid instrugein er-ré e hum bresantai est bout badéet. Arlerh é rér er vénidiction ag er Fonce. Ne ouhér quet laret pegource en en dès commancet en llis pratiquein er ceremoni-men: mæs S. Basil e ra splann d'antand é heai pratiquet é græ en Apostolet. Cannein e rér en dé cé én Overen Alleluia, de laret-é, melamb Doue, péhani zou ur han a joé, est merchein er rejouissance e zou én llis a gaus de Resurrection hé Frient

S. Paul e zésq deoh péh santimanteu e zeket hou poud eid inqurein en dé a Interremant hur Salvér. Ne ouyet-hui é-m'ean, penaus ol a guemènt ma homb bet badeet e Jesus-Chrouist, e homb bet badeet en e varhue? Interret-omb bet guet-t'ou ér Vadiend, eit ne béhehemb mui, hac eit ne héliehèmb mui hur goal inclinationeu, mæs ma querhehèmb dre un hênd nehue. Er circonstanceu a Interremant Jesus-Chrouist e verche deoh guet péh dispositionen é teliet er recen dré er Gommunion.

1º. Liennet oai bet é gorv guet ul lincèl guèn; hou calon e zeli ehué bout pur. 2º. Laqueit oai bet én ur bé queméret é prest; hou calon e zeli bout peur. 3º. Ne oai bet interret inou hanni én é-raug; hou calon ne zeli quet louein d'er péhet. 4º. Goleit oai bet er bé guet ur piqueol mein; hou calon e zeli bout chairret doh modeu ha vanitéeu er béd. Assistet én Office guet ur joé santel; adoret Jesus-Chrouist interret ha resuscitet goudé; durand er vénidiction ag er Fonce goulènnet guet-t'ou er græce de vihuein èl ur guir Grechén; examinet ha hui e accompliss er promesseu a hou Padiènd; degasset gueneoh deur béniguet en dé cé, eit hum chervige a nebou inemp de dantationeu er goulaperet.

SUL-VASO.

Er Gouil bras a Basq e hum gav er Sul arlerh er pleniér a loërad Merh. Hanhuet-é Pasq, a gaus d'en havaledigueah en dès guet Pasq er Juivet. Ordrénet oai d'er bobl Juiv inourein peb plæ dré ul Lid solannel ou delivrance a sclavage én Egypt. hac er Gouil-zé e oai hanhuet Pasq, de laret-é. passage, eit degass chonge tehai é hoènt passet ag ur vro a visèr hac a drebill d'ur vro a liberté hac a brospérité. Ordrénet-é chué d'er Grechénion inourein peb plæ er Mistèr a Resurrection Jesus-Chrouist, de laret-é, er passage e ras ag er marhue d'er vuhé, a pe joentas arré é inean doh é gorv. ha ma sortias lén a hloër ér mæz ag er bé; eit ma tei chonge tehai é ma dré er Mistèr-zé en en dès ou delivret a-zan bili en diaul, a sclavage er pehet, hac ag er marhue éternel. Commandet oai d'er

Juivet sacrifiein un oén é peb famill, hac en daibrein rostet. Commandet-é ehué d'er Grechénion receu de Basq en Oén divin rostet ar er Groès dré garanté aveid omb. Obliget oai er Juivet de zaibrein en Oén Pascal guet bara hemb bihouil ha lezen huerhue. Er Grechénion e zou ehué obliget, eit communicin erhad, de burificin ou halon ag er bihouil a valice hac a fallante, ha de gastiein ou horv dré er huerhoni ag er mortification. Er Gouil a Basq, revé S. Gregoër a Naziance, e zou Gouil er Gouilieu, de laret-é, er baassan ag en ol Gouilieu: rac-cé en er goarnér durand tri dé; ha guharal é hoai goarnet durand er suhun. Ol en deieu aral a vuhé Jesus-Chronist e zou bet deieu a affliction hac a drebill: mæs en dé ag é Resurrection e zou un dé a hloër hac a driomfl. (Leinet er Figurieu LX ha LXI ag en Testamand nehué.)

Mar doh resuscitet guet Jesus-Chrouist, er Gouilieu a Basq e vou eid-oh déieu a joé hac a rejouissance. Mæs mar doh hoah interret ér béag er péhet. n'en dès na joé na peah aveid-oh; quêret de ouilein guet S. Pierr. S. Paul e zésq demb don péh merche é heèllamh hanàuein ha ni zou en effæd resuscitet guet Jesus-Chronist. Mar doh resuscitet quet Jesus-Chrouist, é-m'ean, clasquet en treu a ziar lue el leh mei azeet Jesus en tu diheu de Zoue: quemeret goust eid en treu ag en Nean, ha non pas eid en treu ag en doar; de larété, douguet hou chongeu ha dezirieu trema en Nean; coret Doué hac er peh e gondui de Zoué, èl mei en oræzon, er mortification a hou c'imur ha fantasi, en exerciceu a vertu hac a zevotion, etc.; ha dispriset tout er péh zou istimet ha cherisset guet en dud ag er bed, èl mei en mourieu, er plijadurieu, er medeu, er braguereaheu.

er modeu, er vanitéeu, hac en æzemand ag er vuhé. Sontéet erhad hou calon; ha mar cavet én-hi ur haz nærhus don er péhet, hac ur grèd sincèr de gondui ur vuhé nehué, hum rejouisset huet en llis én dè-men en dès groeit en Eutru Doué. A pe ye-hait d'er Fonce guet er Prehecion, consideret guet plijadur er Piscin sacret-cé, é péhani en e hoès receuet en droæd de galhuein Doué hou Tad hac en Ilis hou Mam. Pedein e rér ér sàu durand en amzér a Basq, de laret-é, beèd er Pantecoust, eit degass chonge temb é ma un amzér a joé, hac é represantt el lehuiné éternel ag er vuhé aral, avèl ma represant en amzér a Goaris en trebill ag er vuhé-men e zou ret temb tremén é pénigèn, é huannad hac é hirvoud, mar fal demb bout lodêq ér joyeu eternel.

ANNONCIATION ER UÉRIÈS:

Er bempet de ar-n'uguent a vis Merh.

HANHUET-é et Gouil-zé Annonciation, rac, en décé é tas en Arh-Æl Gabriël de gavouét er Uériès-Vari, eid annoncein dehi é hoai choæget guet Doué eit bout Mam d'é Vab uniq. Er salud caër e ras en Æl dehi, hé laquas souhet, hac en eun a goll hé furtæt, hé laquas ambarrasset. Mæs quentéh èl m'en doai assuret tehi n'hi doai nitra de zougein, hi e ras hé housantemant; hac er memb momand en hum accomplissas itré hé digosté er Mistèr ag en Incarnation, de laret-é, Mab-Doué, en eil Person ag en Drindèd, e zas de vout dén aveid omb én ur guemér ur horv hac un inean haval doh hur ré-ni. (Leinet er Figur V ag en Testamand pehué.)

Er Mistèr zé e laq en Nean hac en doar souhet. Ur Uériès deit de vout Mam hemb cessein a vout Guériés: péh maryeil! Un Doué deit de vout dén: en hani zou a ol viscoah, e gommance boud ur hroaidur; contein e rér en déieu ag é vuhé : péh puissance? Roué er Rouanné, er Mæstr drès quement trazeu, e bariss ar en doar é quis ur sclav hac ur pehour : péh humilité! Un Doué adoret én Nean, e za de vout dispriset, outraget, goal drætet guet en dud eit ou salvein : péh caranté! Adoret enta Jesus-Chrouist er hettan momand ag é Incarnation; hum gonsacret tout dehou èl m'en dès hum sacrifiet tout eid oh; deziret a greis hou calon ma vou hanauet, caret ha cherviget guet en ol dud. Contamplet bonheur er Uériès Vari : mæs consideret hoah davantage men en hé havas en Æl er momanthont, ha désquet guet-t'hi carein er silance, en oræzon, er vuhé dissorb. Nezé é tiscoas pequemènd é carai er burtæt, en humilité hac en aboeissance : er burtæt: rac ma ras d'antand é hoai gùel guet-t'hi chom hemb bout Mam de Zoué, eit manquein d'er rô a uerhtæt hi doai groeit. En humilité, rac ma laras : me zou matéh de Zoué...ér momant ma hoai choæget eit bout Mam dehou. En aboeissance, rac ma rescondas: re-vou groeit teign el ma hoès laret. Conceuet a hanah hou c'hunan er santimant humplan e vou possibl deob, en ur gonsiderein é ma eit guellad d'hou c'orgueil é ma disquennet Mab Doué quen izel.

PREHECION S. MARC.

Er bempet de ar-n'uguent a vis Imbril.

Hac er Rogationeu d'el Lun, d'er Merh ha d'er Merher quent Rieu en Asçansion.

En Prehecion e rér bermen partout ér Grechéneah Gouil S. Marc, e zou bet instituet e Rom e græ er Pab S. Gregoër, eit distannein colèr en Eutru-Doué ha distroein a ziar er bobl er malheurieu e gouéhai bamde ar-nehai é punition ag ou fehedeu. Eit hum vangein ag er sacrilegeu e gommettér, de Basq é spécial, Doué en doai degasset ar en doar serpandet asquellet ha velimus, hac ur vocèn estrange péhani e zistrugeas un tarh bras a dud. Quen dangerus oai neze stribuein ha badaillad, a gaus d'en ampouison streàuet en air ag en amzer, ma varhuai calz a dud ér circonstanceu-zé. A va-zé é ma deit er gustum d'obér Sign er Groès ar en divès a pe vadailler, ha de laret : Doue re-hou secourou, a pe gleuer unan-benac é stribuein. Er Pab santelzé e ordrénas ur yun solannel, hac e gomposas Litanieu er Sænt, eit bout cannet ér Prehecion, é péhani é hassistai ean memb guet ol é Velean. En devotion-zé e dennas misericord en Eutru-Doué ar er bobl, hac a oudé en Ilis en dès continuet er memb ceremoni peb plæ.

Un occasion tostiq haval doh honnéh en dès reit léh ehué d'instituein er Rogationeu é græ S. Mamert Escob a Vienn. Er bugul santel-zé eit distroein en afflictioneu hemb par a béré é hoai menacet è bobl, e ordrénas ur yun solannel én é Escopti guet Pedènneu publiq durand en tri dé quênt Rieu en Ascansion; hac a nebedigueu er pratiq-zé e zou hum streauet partout er Grecheneah. En Ilis e ordren hoah gober vigil en de ma rer Prehecion S. Marc ha d'er Rogationeu, penaus-benac m'hi des lamet er yun e oai guharal, rac ma couch en devotioneu-ze en amzer a Basq, pehani zou un amzer a

joė.

En intantion en des bet en Ilis é recommandein er Prehecioneu-zé partout, e ra deoh d'antand é teliet assistein en ai guet humilité, respèt ha devotion. Rac n'en dès quet bibannoh a béhedeu bermen é-mésq er Grechénion, eit ne oai én amzér meint bet instituet; ha rac-cé en hun nès quemend a zober bermen, el e oai neze, a bedein er Sænt de oulen græce ha misericord aveid omb. Dougein e rer en afflictioneu tamporel hac er vocèn ; mæs ne rér cas er bet ag er gorruption pehani e ravage er Grechéneah : hac a pe uélér er vocèn a vallardé é resuscitein arlerh er Pasq, é heèllér laret à ma bet faus er bénigen ag er Hoaris, ha sacrilege en darnmuyan ag er Hommunioneu a Basq. Péh ur ræzon aveid omb de greinein ha de hum humiliein! Eit ma vou profittabl en devotioneu-zé aveid omb, bum laquamb é stad vat, ha pedamb eid en dobérieu publiq, eid en exaltation hac er brospérité ag en Ilis Catholiq, eit conversion en Héritiquet hac er fal Grechenion, eit hun Tad santel er Pab, hac er Vugulion spirituel, eid er peah itre er Brincet Crechenion, eid er madeu ag en doar, peré d'er hource-ze e vai exposet de galz a oal accidandeu, etc.

BIBU BN ASCANSION.

Deu-uguênt dé goudé Sul-Vasq.

A oudé Resurrection Jesus-Chrouist bet-hac e

Asçansion, ean e aparissas liès d'é Zisciplet eit discoein splann dehai é hoai resuscitet, hac eit rein dehai en instructioneu requis eit condui en His. Anfin ean ou hassas guet-t'ou ar en Manné-Olivet, hac e vontas d'en Nean én ou fresance. Inou é ma azéet èn tu diheu de Zouéen Tad eit bout hun Avocad hac hur Belèg, hac eit preparein demb ul léh én é ranteleah, mar caramb héli en exampl en dès reit temb ha miret é Ourhæmeneu. (Leinet er Figur

LXII ag en Testamand nehue.)

Jesus-Chrouist é vontein d'en Nean e zigueor deoh en or ag er Baraouis. Huannadet enta trema er vro heurus-ce, e pehani e huelehaiter peh lagad n'en dès biscoah guelet, hac é cleuehait er peh scoharn n'hi dès biscoah cleuet : hum gonsideret ar en doar èl ur forbannet : distaguet hou calon doh er béd hac é vanitéeu : queméret hou croès, hac héliet Jesus-Chrouist. Rac mar boai requis, èl m'en dès laret, ma handurezai, ma resuscitezai a vésa er-ré varhue, ha ma hantréezai èl-cé en é hloër, ne vehait quet disquentet erhoall eit chongeal é heèllehait-hui monet d'inou hemb poén ha hemb souffrance. Eit tremén erhad en dec de e zou a va-zé béed er Pantecoust, héliet en avis e ras hur Salvér d'é Zisciplet, ha hum dennet, muyan ma heèllehait, ag er hommerce ag er béd eit disposein hou calon de receu er Speret-Santel. Sèl mui m'hé digarguehait ag en istim a hanah bou c'hunan, sel pihuiqueoh vou er græceu e receuhait.

ER PANTECOUST.

Hantér-hant dé a oudé Pasq.

En guir Pantecoust e senéfi banter-hantvet dé. Er

Gouil-ze e oai consideret bras el Lezen ancien, rac ma hoai en hanter-bantvet de goude delivrance er Juivet ag en Egypt, e ras dehai en Eutru-Doué é Lezèn ar er Manné-Sinai, hac en dé-cé é hoffrent ehué de Zoué er primidi ag er blæad nehué. Er Grechénion e inour Gouil er Pantecoust guet ul Lid paud caërroh; rac én dé-cé é tisquènnas er Speret-santel ar en Apostolet, eit merchein en ou halon hac é calon er Fidelet, el Lezèn a garanté en des siellet Jesus-Chrouist guet e Oaid. En de ce e ma bet offret ehué de Zoué er hettan fréh a æst spirituel en Apostolet; rac tri-mil ag er Juivet e hum gonvertissas er hettan, Perdèg e ras S. Pierr. A oudé en Ascansion en Apostolet guet er Uériès ha Disciplet aral e oai hum dennet é Jerusalem en un ti a costé, hac inou é treménent en amzer en Oræzon. Ardro nau ær de vitin ind e gleuas ur brud èl pe vehai bet ag un taul ahuél; parissein e ras quentéh èl teadeu tan ar bèn peb-unan a nehai, hac én un taul ind e zas de vout tud nehué lén a furnés, a sclærdér, a grèd hac a gourage. (Leinet er Figur LXIII ag en Testamand nehué.)

Eid antréein é santimanten hur Mam santel en Ilis, consideret é inouramb en dé-cé en achémand a ol Misterieu Jesus-Chrouist hac en accomplissemand ag é labour. Adoret er Speret-Santel, ha pedet ean d'obér én-ah er péh en dès groeit én Apostolet; de laret-é, de scrihue donn én hou calon Lezèn Jesus-Chrouist, ha de rein deoh er græce d'hé harein ha d'he fratiquein : goulennet é spécial er seih Donæzon péré zou : 1° dougeance Doué; 2° en devotion; 3° er sciance; 4° en nærh; 5° er gonseil; 6° en antandemant; 7° en avis-mat. Laqueit reihtæt én hou ç'affærieu eit ma heèllehait

hum gavouét devod-mat ha tranquil én Ilis ardro er hource ma tisquènnas guharal er Speret-Santel ar en Apostolet.

SUL EN DRINDED.

Er hettan Sul arlerh er Pantecoust.

En Ilis e gonsacr ér blæ hæt-ha-hæt, mæs é spécial er Sulieu d'inourein ha d'adorein en Drindèd santel, de laret-é, un Doué hemb quin é tri Person distinguet, en Tad, er Mab, hac er Speret-Santel. Mæs bout-çou ardro pemb-cant-hantér-hant vlæ a p'hi dès consacret é particulièr er hettan Sul arlerh er Pantecoust eit refresquein é mémoër hé bugalé en obligation ou dès d'adorein hemb arsau un Doué é tri Person; eit rein léh dehai de gonsiderein penaus en ou dès hum aquittet ag en deværzé abad er blæ, ha de guemér er moyandeu d'en accomplissein guet mui a zevotion én amzér de zonnet; rac hennéh-é er hettan ag en ol deværieu à Religion.

Examinet enta en dé-cé ha hui e hoès impléet en ol momandeu a hou puhé d'adorein ha de chervige Doué a speret hac a galon; ha hui e hoès ean trugairicait en dout reit teoh er Fé hac en hanàue-digueah a Vistèr adorabl en Drindèt hac ag en ol Misteriou aral. Drès peb tra goulènnet guet-t'ou pardon a hou péhedeu, é spécial a hou lézidantæd é himpléein erhad er Sulieu, hac er bihan a gas e ret é huélet en offanceu e rér bamdé d'é vajesté ol-buissant. Queméret ur resolution ferm d'obér un attantion parfæt ar er Mistèr-zé quel liès guéh ma rehait

Sign er Groès.

RIBU ER SACREMANT.

En deuzecvet dé alerh er Pantecoust.

En Rieu hemb Lid e zou consacret eid inourein en institution ag er Sacremand ag en Autær. Mæs èl ma vai occupet en Ilis en amzer-ze guet souffranceu hé Fried, hi dé des consacret ur Rieu aral guet un eihvet eid inourein er Sacremant divin-zé guet pomp ha magnificance. Choæget hi dès eit quement-ce er Rieu quettan arlerh en eihvet ag er Pantecoust, eit degass chonge temb é ma dré er Mistèr bras-cé é ma maguet, fortifiet ha parfætionet en Ilis, péhani e oai bet formet ha diazeet Sul er Pantecoust. Er Pab Urbain IV e instituas er Gouil-zé er blæ 1262, eit mehequad en Heritiquet pere en doai en hardéhtæt de nahein presance Jesus-Chrouist ér Sacremand ag en Autær. En Héresi sacrilege-zé e gommenças é Angé ardro er blæ 1000; ha renehuéet-é bet a oudé é græ Zùingl ha Calvin. Gober e rér en dé-cé ur Prehecion solannel é pehani é vai douguet er Sacremant, eid inourein er victoër triomslus en dès douguet en Ilis ar enemiset er Mistèr-zé.

Intantion en Ilis e zou ma laquehait hou studi durand en eih de-zé de ziazéein sonn en hou calon er gredèn ferm ag er Mistèr bras-cé; ma reparehait en defauteu a hou Communioneu treménet, hou tibarfætioneu ha lézitantæd é cleuet en Overèn, hac hou comportemant divodest én Ilisieu; ma huannadehait ar en outrageu hac anjulieu a receu hur Salver ér Sacremand ag é Garanté aberh en Héritiquet hac er fal Grechénion. Guet ér santimanteuzé é téliet assistein ér Prehecion hac er Vénidiction durand en eih dé, èl eit gobér Amand inourabl

aveid oh hac aveid er-ré-ral. Laret liès er honzeumen: beët mêlet Jesus hur Salvér ér Sacremand ag en Autær, guet en intention de ounid en Indulgeanceu e zou accordet d'er-ré ou larou guet devotion. Pihuebenac e vou ingrad é quevir Jesus-Chrouist ér Sacremand ag é Garanté, e vou dishanduet guet-t'ou én dé ag é vangeance.

CANNEDIGUEAU S. YEHAN ER BADÉOUR.

Er buarvet dé ar-n'uguênt a vis Mæèhuèn.

En Ilis ne rantt de Sant er bet en inour e rantt de S. Yehan er Badéour. Rac er Sænt aral e zon deit er hed, el er hummun ag en dud, cablus ag er pehet originel : mæs S. Yehan e oai bet santefiet quent ma hoai gannet, dré bresance Jesus-Chrouist er circonstance beurus-hont ma has er Uéries Vari de visitein hé haniterhue Elizabeth (Leinet er Figur VI ag en Testamand nehué.) Destinet oai guet Doué de zésquein er Bobl Juiv de hanàuein hur Salvér ha de breparein en dud d'er receu a pe vezai deit ar en doar. Condui e ras én deserh ur vuhé rust ha calet heèd quene zas a vordèn er Jourdæn eit perdéq er hénigen, ha badéein er-ré e zai d'er havouet. Ean e remerquas Jesus-Chrouist é tonnet ehué é-mésq er foul; ean en discoas guet é vis en ul laret : Chetui Oen Doue, chetui en hani e efface péhedeu er béd. Hanhuet-é badéour, rac m'en dès bet en inour de vadéein é Zoué, ha ma vadéai er Juivet eit ou disposein de receu er Messi. Gobér e rér en noz guênd er Gouil-zé ur ouiliaden, est represantein er rejouissance e annonças en Æl e vezai bet é-mesq en dud diarbèn Gannediqueah S.

Yehan. Rac èl ma ta d'er-ré e guêrh én tihoeldæd ag en noz, hum rejouissein a pe uélant en dé é holeuein rac ne dardou quet arlerh ne sàuou en heaul; èl-cé ehué en dud péré en amzér-hont e guerhai en tihoeldæd ag er péhet, e zeliai hum rejouissein diarbèn Gannedigueah S. Yehan, péhani avél ur goleu-dé e barissai ar en doar é-raug hur Salvér en heaul a justice, sclærdér er béd. Er Grechénion dissolitt péré diarbèn en tan-joé zé e hum abandon d'el libertinage ha de folleaheu er béd, e zeliehai ahoël chongeal e hoai eit pligein d'ur gorolleres é ras Herod dibênnein S. Yehan er santellan den e zou bet biscoah ar en doar, revé Jésus-Chrouist. En Ilis e gonsacr eid inourein é varhue, en nauvet dé arn'uguent a vis Æst (Leinet er Figur XXVIII ag en Testamand nehué.)

Eit profittein ag en exempleu a innoçance, a burtæt hac a bénigèn en dès lausquet guenemb S. Yehan, peélleit doh er béd, doh é vodeu ha bobanceu: caret er vuhé dissorb, er mortification, er bénigèn, en disprisance e vou groeit a hanah, etc. Ne glasquet quet pligein d'en dud diar goust hou c'inean; mæs pliget perpet de Jesus-Chrouist; ha groeit hou possibl eit ma vou hanauet, caret ha cherviget guet en ol: désquet guet-t'ou bout douce hac humbl a galon, ha ne vou nitra capabl d'hou troublein.

GOUIL S. PIEBR HA S. PAUL.

En nauvet de ar-n'uguent a vis Mæéhuen.

Sant Pierr abésquour ma hoai; e oai het galhuet ha choæget guet Jesus-Chrouist eit boud é Viquel ar en doar bac er pen ag en Ilis Catholiq. Hur Salver e ras téhou er hettan rang a inour hac a otorité drès en Apostolet aral eit goarn ha condui en Ilis; hac en ol Pabet é oudé en des héritet er garg-cé doht'ou. S. Paul e oai a gommance enemis bras d'er Grechénion: mæs a oudé ma hoai hum gonvertisset, ean e zas de voud ul lestr a inour eit doug Hanhue Doué partout dré er béd. El Livr a Acteu en Apostolet n'en dai burhud meid en Histoër a vuhé hac a viracleu S. Pierr ha S. Paul. Leinet é spécial er Figur LXVIII. Martirizet-int bet ou deu é Rom en nauvet dé ar-n'uguênt a vis Mæéhuén S. Pierr e oai bet grucifiet é ben d'er gueas hac é dreid d'er lué; ha S. Paul e oai bet dibennet. (Leinet er Figur LXXII ag en Testamand nehué.) Siellet ou des guet ou goaid en Ilis Romæn, péhani zou er vam hac er vestrès ag en ol Ilisieu streàuet partout dré er béd, ha péré joentet guet-t'hi, ne rant ol meid ur memb Ilis idan ur memb pen visibl, péhani zou hun Tad santel er Pab Héritoùr de L. Pierr ha Viquel Jesus-Chrouist ar en doar. En tan joé e rér en noz quênd er Gouil-zé, e ra demb d'antand é teliamb hum rejouissein guet en Ilis ag er sclærder en des streauet Doue er bed dre er moyand ag en eu Apostol zé.

Eit ou inourein en ur fæçon agreabl de Zoué, hum laqueit idan ou frotection; pedet-int de zihuen ha de breservein en Ilis doh er Sysm hac en Héresieu!; goulènnet dré ou intercession conversion en Huguenaudet hac er fal Grechénion, conjuret en Eutru-Doué (de rein perpet d'é bobl Escobet ha Belean santel; queméret scùir ar en exampl a bénigèn en dès lausquet guenemb S. Pierr; ouilet èl d'hou hou fauteu, ha reparet er scandal e eelleheok

1.1

hou pout reit d'er-ré-ral: consideret guet péh prontitud en hum gonvertissas S. Paul, ha laqueit ol hou studi de ziloui hou calon ag er péh e ellehai bout caus teoh de zisplige de Zoué: anfin groeit liès en décé Acteu a Fé ar er gurionnéeu principal ag er Religion; ha ne vanquet quet a drugairicat Doué ag er græce en dès reit teoh de vout croaidur d'en Ilis Santel, Catholiq, Apostoliq, ha Romæn.

ASSOMPTION ER UÉRIÈS.

Er bemzecvet dé a vis Æst.

Hennén-é er brassan Gouil en dès er Uériès; rac inourein e rér én un taul hé marhue, er sau a hé inean hac a hé hory de lein en Nean, ha hé houronnemand a hloër. 1º Er Uériès Vari en dès payet tribu d'er marbue, èl er hummun ag en dud. Avertisset oai bet dré un Æl a hé dehuehan. A pe santas é hoai tost er momant heurus-cé, hi e destamandas er pehiq hi doai a zillad d'er beurerion, e ras hé bénédiction d'er-ré e oai presant, hac e rantas hé inean de Zoué guet douster ha hemb poén er het; 2º En Apostolet e hum gavas ol ar hé zremén-varhue, nameit S. Thomas, péhani e arrihuas de dri dé goudé ma hoai bet interret, hac e oulènnas guélethé horv. Mæs ne oai quet bet cavet ér bé, hac en Apostolet e jugeas é hoai resuscitet, hac en en doai en Ælet hé douguet corv hac inean de lein en Nean; 3º Ínou é ma bet placet ér rang ihuellan arlerh Doué, drès en ol Sænt hac Ælet, ha couronnet Rouannès en Nean hac en doar. Sauet-é bet é gloër revé m'hi doai hum humiliet. Gober e rer

Gouil Maria é creis-Æst partout é France ur Prehecion solannel, eid aquittein rô er Roué Loëis XIII péhani e hum laquas en dé-cé guet é Pamill hac é

Ranteleah idan protection er Uériès.

Jésus-Chrouist a lein er Groès e recommandas de S. Yehan en Aviélour seèllet er Uériès avél é Vam; hac a lein en Nean ean e recommand hoah d'en ol Grechénion ou dout recour doh-t'hi èl doh on Mam. Mæs eit meritein hé frotection, laqueit poén de bratiquein hé vertuyeu, é spécial hé humilité, é histimein perpet er-ré-ral guel eid-oh; hé furtæt. é preservein hou calon doh en ol inclinationeu d'er péhet; hé feuranté, é tisprisein er madeu, en inourieu ha vanitéeu er béd; hé abandon de Brovidance en Eutru-Doué, doh hum resignein d'é volanté ne vern petra e arribuou gueneoh. Hum rejouisset guet-t'hi ag er gloër hac inour hi des recenet én Nean: suppliet-hi d'alum én hou calon ur grèd nærhus d'arribue el lebuine ag er Baraouis. Mæs chonget érhad é teliet eit quement-cé dezirein hemb cèss er marhue : rac hemb en dezir-zé ne vér quet Crechén, é-mé S. Augustin. En effæd, ne vér quet Crechén hemh er Fé: mæs péh Fé en dès un dén e zouge quittad ur vuhé é péhani é ma exposet é peb momand de goll græce Doué hac é inean, hac e garebai peèllad doh-t'ou er momand ma teli monet de jouissein a Zoué? En hani ne huannad quet ar en doar avel ur sorbannet, é-mé S. Augustin, ne vou james lodeq e joyeu en Ælet hac er Sænt. Ha hui e ra èl-cé?

GANNEDIGUEAH ER UÉRIÈS.

En eihvet dé a vis Santambr.

A Pe inour en Ilis Gannedigueah er Uériès, hi e ra splann d'antand é crèd é ma gannet pur ha næt a béhet dré ur hræce particulier. Hé zad ha é mam S. Joachim ha Santès Anna, e vihuai forh peur er bed, penaus-benac ma hoent a leigne er Roué David : mæs dré ou vertu hr santeleah ind e veritas ma hum chervigezai Doué a nehai eit rein er vuhé d'er bihuiquean ha de gaërran mèrh e zou het biscoah ar en doar. È hoènt ér mæz a oaid d'ou dout bugalé, eit rein demb d'antand é ma Conception ha Gannedigueah er Uériès un ævr a hræce hac a vénédiction. Comprenet, mar eèllet, en excellance ag en donæzoneu e scuillas Doué ar en hani e oai destinet guet-t'ou eit bout Mam d'é Vab unig. Parissein e ras ér béd èl ur verlehuèn péhani e annoncai d'en dud er fin ag en noz tihoél ag ou zristé hacer hommancemand ag en de heurus ag ou lehuine. Dessauet-é bet é peuranté : bihuet hi dès peur, cuhet, humbl, perpet occupet guet Doue ha guet hé devær. Youanguiq-flam oai hoah a pe ras de Zoué ro a uerhtæt; hac en Tadeu santel e remero penaus en he raug ne oai bet guelet exampl er bet a guemènt-cé.

Intantion en dès en Ilis ér Gouil-zé ma hinou rehait santeleah er Uériès, ma quemèrehait scuir ar hé vertuyeu, é spécial hé furtæt, hé humilité hac hé feuranté; ha ma laquehait poén devout dign de receu Jésus-Chrouist dré ur vuhé exant d'er bihannan a béhet marvel, avèl m'hi dès hi bihuet dré ur hræce particuliér exant a bep sort péhet memb veniel. Eit quement-cé, peelleit don el langageu inutil, don er hompagnoneaheu vanitéus ag er béd; bourret é vout gueneon hou c'hunan eit ma vehait lipron de hum antretenein guet Doué; cresquet bamdé é græce é vertu, èl er Uériès, eit ma vehait cavet dign de jouissein guet-t'hi ag er gloër éternel.

GOUIL ER ROSÆR.

Er hettan Sul a vis Gouil-Miquél.

Ag en ol Berdiaheu instituet é inour er Uériès, n'en dès marcé hanni streàuettoh eit hani er Rosser. Er Ueries hi-memb e avertissas S. Dominiq d'instituein en dévotion-zé, èl ur remæd hac ur secour puissant inemp d'en heresieu ha d'er vinceu. Er faveurieu spécial en des Doué accordet é peb mod d'er Verder ag er Rosær, e zou mercheu splann é hagré er pratiq-zé. Ur victoër parfæt douguet ar en Turquet é græ er Pab Pie V, dré er secour ag ou Fedenneu, e ras d'un nebediq goudé d'er Pab Gregoër XIII reglein ma vezai groéit er hettan Sul a vis Gouil-Miquel en Office ag er Rosær én ol llisieu ma hoai un Autær ag er Rosær. Ér blæ 1716, er Pab Clemant XI e reglas ma vezai groeit en Office-zé partout ér Grechéneah, eit trugairicat Doué ag é vadeleahau, hac é spécial a zihue victoër aral douguet arré ar en Turquet dre er secour a Bedenneu er Verdér ag er Rosær, unan ar en doar a Hongri, hac en aral én Inisèn a Corse. N'en dès quet burhud a fin d'en Indulgeanceu en dès accordet en Ilis d'er-ré zou ingaget én devotion-zé. Mæs eit bout lodeg en-ai, red-e hum laquad er Verdiah, hac hum aquittein ag en obligationeu a

nehi. (El livr Pedenneu hou tésquou de laret er

Roser.

Un dra vad-é hum laquad ér Berdiaheu instituet hac approuvet guet en Îlis eid inourein er Uériès. Mæs un dra abominabl-é guélet ul lod vad péré e hum vantt a vout he serviterion, é vihuein en ur fæçon contrel d'er peh e ansaign en Aviel, hac é vont guhavé er scandal ag ur hanton. Eit bout gùir servitour d'er Uériès, réd-é laquad poén de bratiquein hé vertuyeu, rein d'en ol en exampl ag un devotion sincèr ha caranteus, hum sehuel guet courage inemp d'er-ré e attaq hé inour, gober brizel d'er moden ha vanitéeu er béd, anfin bout ur guir Discipl de Jesus-Chrouist. Rac ne chonget quet é heèllér bout deit mat guet er Vam, hemb gober volante he Mab: é contrel, dé er Jugemant hi é vou er guettan doh hum sehuel inemp d'er-ré e zispris é hræceu eit bihuein d'ou fantazi, hac e houlen ou bondannation.

EN DEDICACE,

Pé Consecration ag en Ilis.

En drivet Sul a vis Gouil-Miquel.

En Dedicace ag un Ilis e zou ur ceremonidré béhani un Escob e gonsacr ur batimant eit boud un ti a Bedèn hac un damurance de vajesté en Eutru-Doué ar en doar. Inourein e rér peb plæ er mémoër ag er Gonsecration-zé dré ur Gouil solannel; 1° Eit trugairicad Doué ag é vadeleaheu, hac é spécial ma plige guet-t'ou gobér é zamurance én hun Ilisieu, èl pe vehai eit bout guel én amèn de cheleuet hur

Pedenneu ha d'hur maguein guet é gonzeu ha guet Corv adorabl é Vab uniq; 2º Eit degass chonge temb é homb Tampleu d'é Vajesté; é homb destinet eit composein er batimant spirituel, a béhani é vou groeit en Dedicace én Nean, mar anduramb bout taillet ha policet er bed-men dre en afflictionen ha trebilleu. Rac bout-çou un havaledigueah admirabl itré er peh e vai groeit eid en Dedicace ag un Ilis, hac er peh e hum hroa bamdé eid er batimant spirituel e zeli un dé bout consacret én Nean. Quent batissein un Ilis, er mæstr-batissour e choæge é vein hac e ra ou zaillein : : peb mein e vai placet él léh destinet tehou; hac er vein-zé arranquet ha joentet assambl e form ur batimant, péhani e vai consacret arlerh eit boud un Ilis. Chetui er figur ha chetui bermen en explication. En dud e zou er vein bihue ag er batimant spirituel a béhani é vou groeit en Dedicace en Nean; Doué e zou er mæstr-batissour. péhani dré un effæd ag é justice e abandon lod a nehai d'er gorruption ag ou halon, durand ma ta dré ur pur effæd ag é viséricord de choæge lod aral eit cavouét léh tehai én é vatimant : er-ré-men e vai taillet ar en doar dré er Sacremanteu, dré en instructioneu, dré er græceu, dré en afflictioneu : er garanté péhani ou joentt ol assambl guet er mein sol (Jesus-Chrouist), ne vou parfæt nameid en Nean: bet-ha nezé ne vou laqueit peb mein él léh destinet tehou; hac arler Jésus-Chrouist, er Belèg-bras a ol éternité e rei en Dedicace ag é Ilis, pé, él ma lar S. Paul, he fresantou de Zoue pur ha glan, eit bout de virhuiquin heurus guet-t'ou.

Eid inourein erhad er Gouil-ze, renehueet en hou calon er santimanteu a respet e zeliet hou pout eid en llisieu; ha reit un draiq-benac a hou c'hani eit ou antretenein: hum bliget doh hum gavouét énai eit gobér hou Pedenneu: chonget liès é hoh huimemb un Tampl de Zoué, hac é teliet dihoal a brofanein é-mod er bet en Tampl-zé: pedet Doué d'obér a hanah er péh e garou; troheèt, taillcèt, losqueèt, affligeèt er bèd-men, eit ma cavehait misericord ér béd-hont, ha ma rei deoh ul léh é assamblé er Sænt.

GALAN-GOUYAN.

CHETUI é bèrr guirieu petra en dès reit occasion de Ouil en ol Sænt. Er bobl Romæn (guet eun merhad ne vezai bet jalousi itrė ou Idolet p'ou devezai reit de unan ur rang ihuelloh eit d'er-ré-ral) en doai batisset tehai un Tampl rond, hac ou laqueit ol troha-tro. Ardro er blæ eih-cant-pemb-ha-tregont ur Pab hanhuet Adrian, e oulènnas en Tampl-zé eit gober un Ilis, hac er honsacras de Zoue er hettan de a vis Calan-Gouyan idan protection er Uériès hac en ol Sænt: hac a oudévéh er Grechénion e inour en dé-cé guet ul Lid spécial: Intantion hur Mam santel en Ilis e zou ma tei hé bugalé en dé-cé d'inourein en ol Sænt, er-ré zou hanauet guenemb hac er-ré n'en dint hanàuet meit guet Doué; ma repareint dré ou devotion en ol direspet commettet é quevir er Sænt durand er blæ; ma huéleint én un taul er foul a exampleu caër en -dès lausquet guenemb tud a bep oaid, a bep stad ha condition, ha ma considéreint er recompance a béhani é jouissant é gloër en Eutru-Doué; ma trugairicaint Jesus-Chrouist ag er victoërieu en dès meritet d'é serviterion péré zou déja én Nean, hac ag er græceu e ra bamdé d'er-ré e vihue hoah ar en doar, eid arrihue ehué ér bonbenr éternel.

· A pe ourhæmenér deoh héli en exampleu a humilité, a charité, a batiantæt, a bénigen en des reit temb Jesus-Chrouist durand mei bet ar en doar, hui e gav de laret é hoai Doué ha ne oai nitra diæz tehou; mæs a fæd-oh-hui, é hoh carguet a fallanté, ha n'en des quet calz moyand teoh pratiquein er vertuyeu-zé. Mæs péh digaré e gavehait-hui, mar consideret er Sænt péré en dès bibuet en hou rang? Conceuet ha gannet int bet, èl-oh, ér péhet : chuget int bet, èl-oh, d'en tantationeu; ha d'en inclination d'er péhet : er béd hac en diaul en dès hum laqueit de unan eit ou dioustein doh er mad, hac ou stleigeal d'en droug : n'ou des quet neoh collet courage; douguet ou des memb er victoër. Méh e zeliet enta hou pout ma hoh quel lausq ha quen digas. Perac ne reheoh-hui er péh en des groeit bugalégueu dister ha tud avancet en oaid? Mar cavet é hès poén é resistein doh er goal inclinationeu, consideret er vrastæd ag er recompance e zou reservet d'er-ré e renonciou dehai ou hunan, e guemérou ou hroès hac e héliou Jesus-Chrouist. Er poénieu-zé ne badant meid ur momand; mæs er recompance e vou éternel. Petra e gavehait-hui de rescond a pe vou discoeit teoh en e hoès itré hou teourn en memb moyandeu ha secourieu guet péré en dès hum salvet er Sænt?

COMMEMORÆSON ER FIDELET TREMÉNET.

En eil de a vis Calan-Gouyan.

(Mar deziret gout petra en des reit occasion d'instituein er Gouil-zé, leinet er Chapistr VII ag er Reflexioneu ar er pedair fin dehuehan.)

En Ilis en dès destinet un dé particuliér aveit pe-

dein eit soulagemant en ineanneu e andur poén er Purgatoër, hac en dès choæget eit quemènt-cé en trenoz Gouil en ol Sænt, eit discoein demb er Gommunion e zou itré en el mambreu ag en Ilis. Rac er Fidelet e zou én Nean, ér Purgatoër hac ar en doar, e zou ol mambreu d'en Ilis. Calhuet ind ol d'en heurustæd éternel. En tair Ilis-cé ne rant meid unan idan er memb pèn (Jesus-Chrouist). En Ilis e zou ar en doar e hum zoug de veritein er memb bonheur, doh hum rejouissein dé Calan-Gouyan rac ma jouiss deja er Sænt ag en heurustæd-cé: hac en trenoz hi e adrèss hé Fedenneu de Zoué eid en Ilis ag er Purgatoër, eit ma pligeou guet-t'ou bèrrad hé foénieu hac hé zènnein de gompagnoneah er Sænt.

En Ilis n'antand quet ma pedehait eid en incanneu e ouyet sur e zou er Baraouis, nac eid er-ré e ouvet sur e zou en ihuern, el en Héritiquet, er Bayannet, er Sysmatiquet, er-ré Escommuniet, hac en Apostadet. Mæs hi e antand ma pedehait eid en ol ineanneu treménet é Communion er Sænt. ha memb eid er béherion en dès reit quent merhuel ur merche benac a bénigèn, pé e zou bet somprenet guet er marbue. En trenoz Gouil en ol Sænt e zou enta destinet eid pedein aveid en incanneu ag er Purgatoër é general, ha non pas aveit hou quærent hac hou ç'amiet é particuliér. Er Sacrifice ag en Overen e zousur en excellantan Peden e feheoh gober avait-t'ai : mæs cellein e rer open ou soulagein dré er yun, dré en alézon hac en ævreu mat groeit en ou intantion. Nitra ne vir dohoh a reservein déieu aral durand er blæ eit pedein aveit hou quærent hac hou c'amiet. Er Chapistr VII ag er Reflexioneu ar er pedair fin dehuehan, e zésquou

deoh peguemènd é ma agreabl de Zoué ha profittabl aveid-oh en devotion é quevir en ineanneu ag er Purgatoër.

CONCEPTION ER UÉRIÈS.

En eihvet de a vis en Avend.

En Ilis n'hi dès quet prononcet é ma bet conceuet er Uériès exant ag er péhet originel : mæs hi e zisco splann é crèd é ma bet gorantet a nehou dré ur hræce particuliér, a pe inour en dé a hé Honception guet ul Lid solannel. A pe vai question ag er péhet originel, S. Augustin ne veèn quet ma vou conzet ag er Uériès, a gaus d'en inour e zou déliet de Jesus-Chrouist hé Mab. Er faveur spécial-zé en dès ehué meritet tehi mei bet exant ag en inclination d'er péhet, ha m'hi dès tremènet tout hé buhé hemb commettein en distérran péhet.

Eid antréein é santimanteu en Ilis, inouret er hettan momand-hont a santefication er Uériès, ha trugairicait Doué en dout reit d'er béd en hani a béhani é ma gannet Jesus-Chrouist. Purifiet hou calon ag en ol inclination d'er péhet; queméret er resolution de voud ur gùir servitour d'er Uériès, hac ur veritabl Discipl de Jesus-Chrouist hé Mab.

Rai hir vehai rein deoh instructioneu ar er Gouilieu aral e hum gav durand er blæ.

ARTICL II.

Ag en eil a Ourhæmeneu en Ilis.

Sul ha Gouil cleu en Overèn El ma téli peb guir Grechén.

En Ilis dré er Ourhæmèn-zé e ordrén d'en ol Grechénion deit d'en oaid a ræzon assistein devod-mad én Overèn d'er Sulieu ha d'er Gouilieu miret, meit hac ind ou dehai un escus mat ha ræzonabl. N'en dai quet erhoalh eit cleuet erhad en Overèn, boud a gorv én Ilis; réd-é opèn assistein én-hi a speret hac a galon, de laret-é, guet devotion, respèt, attantion, modesti, ha guet un dougeance santel.

1°. Eit cleuet er had en Overen, red-e boud er stad heurus a græce Doue; pe ahoel goulen a greis er galon pardon ag er pehedeu; quemer er ferm resolution d'ou huittad ha d'ober penigen a nehai. En Ælet e greine guet respet dirac Doue; penaus è heèll enta ur pehour monet dirac-t'ou guet ur gousciance corromplet, hac ur galon staguet doh er pehet? En hani e assist en Overen guet er sort santimanteu-ze, n'en dai quet dihaval doh er-ré e staguas Jesus-Chrouist doh er Groès.

2°. En Overèn e zou er Sacrifice ag er Groès offret a nehué en ur fæçon n'en dès quet a oaid scuillet. Deliet-é deoh enta dezirein a guemènt ma hoh capabl hé hleuet guet er memb respet ha devotion en doai en tair Mari ital troæd er Groès a pe oai hur Salvér é verhuel doh-t'hi. Deliet-é deoh hoah bout ha pedein en Overèn guet un dougeance santel, èl pe veheoh é mésq en Ælet, péré e hum humili

dirac er vrastæd a buissance hac a vajesté un Doué, eid er mèlein, en inourein hac en adorein.

En Ilis e ordrén deoh é spécial assistein liessan ma heèllehait én Overèn-Brèd én hou Parræs idan boén a voud escommuniet mar manquet a bep tri Sul unan, hemb ur ræzon legitim. Chetui en avantagen caër e dennehait ag en asistance en Overen-Brèd én hou Parræs : 1º Gobér e rér inou paud a dreu capabl d'inspirein deoh ur respèt bras eid er Misterieu ag er Religion, èl mei en Deur beniguet, er Prehecion, er Bara béniguet, er Pronn hac en Instruction: en Overèn-Bréd e vai larët é intantion en ol Parræssiennet bihue ha marhuc. 2°. En ol Fidelet ag ur memb Parræs doh hum gavouet èl-ce joentet guet hou Bugul eit presantein ou dobérieu de Zoué, e represantt en Ilis general, de laret-é. er mambreu joentet guet er pèn, (Jesus-Chrouist). 3º Er Vugulion spirituel e rescond de Zoué a salvedigueah ou devèd : rac-cé en devèd e zou obliget de hum bresantein dirac-t'ai eit cleuet en ansaignemanteu a salvedigueah.

Hilleih e goll en Overen dre ou goal hemb ne brezant quasi chongeal é péhant : er-re e vai dehuehad bras tehi; er-re ne vent en-hi meid a gorv ha non pas a attantion, èl er-re e chonge guet plijadur en ou ivraignereah, en ou horolleu, en ou infamité; er-re e ya dehi eit bragal ha guet gloër, eit seèllet ha bout seèllet : er-re e lausq ou chonge guet treu aral e goll ehué en Overen, mar bai peell ou speret fariet èl-ce esprès pe dre ou faute; mæs ma ne vai meid ur berriq amzer, n'en dai meid ur péhet veniel. Dre hou coal ha dre hou faute vai mar beoh dibarfæt en Overen, a pe zet dehi guet un isprit carguet ag en treu ag er béd, rac ma chomet beèd

en dehuehan clohad de cheleuet mil lanternage, éléh monet é cource d'en Ilis; a pe zet dehi en ur reguéassal, en un hoari; a pe ret guir de unan-benac de hum gavouét inou, ha ma laquet hou chonge

guet-t'ou.

Mæs mar doh oueit d'en Ilis guet un intantion vat, mar e hoès groeit hou possibl eit hum laquad é presance Doué, ha renonciein d'en ol chongeu aral; n'en doh quet nezé cablus ag en dibarfætionen a hou speret. Pe hum gavehai neoah hou teulagad de seèllet un dra benac, ha ma hum arresteheoh esprès d'er honsiderein pe de chongeal én-ou, nezé e veheoh cablus ag er chongeu digampèn-zé, dré m'hou pehai sèntet doh-t'ai, penaus-benac n'hou pehai quet reit occasion dehai. Mæs mar hum gravet de seèllet hemb chongeal, ha mar distroet hou speret quentéh èl ma ta deoh hum avisal, ne ret a-zé faute er bet, rac en drespèt teoh é vai hum lairet hou speret de chongeal èl-cé.

Mar dai én un Overèn simpl é hassistet, hui e rei mat hé hleuet pèn d'er ben ar hou teulin, nameit durand en eu Aviél. En un Overèn cannet é heèllèr a gourceu azéein : mæs a oudé er Sanctus beèd er Gommunion, réd-é hé hleuet ar en eulin, mar dai possibl. Er uellan fæçon de gleuet en Overèn, e zon héli er Pedenneu hac en actioneu e ra er Belèg doh en Autær, ha chongeal ér circonstanceu a varhue hac a Bassion Jesus-Chrouist, represantet dré bephani a nehai. Rac en Overèn e zou ehué ur represantation, pé, mar caret, ur gontinuation a varhue hac a Bassion hur Salvér. A pe offr er Belèg er bara hac er gùin de Zoué, ni e zeli ehué ou offrein guet-t'ou, ha hum offrein ni-memb eid adorein Doué, eid en trugairicad, eit goulèn pardon, hac

eit goulen er peh zon necessær demb. (Leinet er Chapistr XIV, Parti II ag er Vuhé devod, hac en explication ag er ceremonieu ha Pedenneu ag en Overèn, e gavehait amen arlerh er Chapistr ag er Bedèn.) Er-re ne ouyant quet hum represantein Passion Jesus-Chrouist diarbèn er peh e ra er Belèg doh en Autær, e cell cleuet en Overèn en ul laret er Pedenneu e ouyant meit ma hassisteint en-hi guet respèt, confiance, ha fé, ha m'ou dou d'er bihannan un intantion general de hum joentein doh er Belèg, ha d'offrein guet-t'ou de Zoué er Sacrifice adorable-zé eid en adorein, eid en trugairicad, eit goulèn pardon, hac eit goulèn dré Jesus Chronist tout er péh e oulèn er Belèg doh en Autær.

Ne yet quet d'en Overen d'er Sulieu ha d'er Gouilieu dré ur pur acustumance hac eit coutantein hou tevotion hemb quin : me antand é teliet hou poud opèn en dispositioneu merchet amen, én intantion d'accomplissein Gourhæmèn en Ilis. Rac, par exampl, unan e yehai d'en Overèn en déieu-zé eit coutantein é zevotion ha guet en intantion a gleuet hoah un aral goude, eid accomplissein Gourhæmen en Ilis, e vehai obliget de gleuet un eil Overen, deusto m'en dehai deja cleuet unan en decé. Quêret d'en Ilis èl pe yeheoh d'er Halvær de uélet grucifiein Jesus-Chrouist : én ur monet én Ilis creinet guet ur respet ha dougeance santel e presance en Eutru-Doué; queméret deur béniguet guet devotion ha contrition a hou pehedeu, assistet en Asperges guet er memb devotion eit purifiein hou c'inean muyoh-mui dirac Doué, hac eit peèllad tantationeu er goal speret a ziar-n'ah durand en Overen : er Prehecion chonget en hur Salver casset a Juge de Juge, ha contraignet de zoug è Groès ar er Halvær.

Mæs en Ilis e ouair splann è hès calz a dud e vihue ér stad a béhet marvel hac én inclination d'er péhet marvel, ha ne za er-ré-zé d'en Ilis meid eit gobér goab a Zoué, hac en outragein èl er Soudardet-hont peré e stouyai dirac Jesus-Chronist hac er soucadai en ur ober seblantt a en inourein : perac enta é hoblige hi er sort tud-cé de gleuet en Overèn? Chetui er péh e mès de rescond ar guementcé : en Ilis é hordrénein d'é bugalé assistein én Overen, e ordren dehai de guettan tout hum laquad en dispositioneu requis eit he hleuet erhad, de laret-é, assistein én-hi guet er santimanteu ag ur fé bihue, ag un humilité vras, ag ur gontrition parfæt: hac el ne juge ag ou halon nameit doh ou dianves. hi e grèd en ou dès er santimanteu-zé, durand ne uél en ou homportemant nitra e rehai dehi jugein er hontrel : mæs hi e zihuèn doh er Velean a laret en Overèn dirac ré ne ziscoëhent quet é mant presant én-hi a speret hac a galon guet un attantion santel. Rac-ce en llis e gommand assistein en Overèn, hac e zihuèn monet dehi hemb en dispositioneu requis ha necessær, pe ahoël hemb ur resolution sincèr de changein a vuhé, mar bér er stad a héhet marvel.

ARTICL III.

Ag en dairvet a Ourhæmeneu en Ilis.

T'he béhedeu e govessei Ur uéh ér blæ, ma ne rès mui.

En Ilis dré er Ourhæmèn-zé e ordrén d'en ol Grechénion covessad ou féhedeu ur uéh peb plæ d'er

bihannan, d'ou-Ferson pé d'ur Belèg aral aprouvet én ou Farræs. Hanni n'en dai dispancet ag er Ourhæmen-zé ag er momand ma vai capabl de béhein marvelemant, beèd er sin ag é vuhé: er vugalé-memb e zou dalhet d'en accomplissein quentéh él m'ou dès en oaid a ræzon. En llis n'hi dès quet merchet de béh cource ag er blæ é téliér gobér er Govezionzé: mæs er Ourhæmèn hi dès grocit d'hé bugalé de gommuniein de Basq, e zou ur merche sclær é ma eit ma hum brepareint d'er Gommunion-zé, en hi dès commandet tehai covessad ou féhedeu d'er bihannan ur uéh ér blæ. Ne larér quet deoh neoah gortoz bet ha Pasq hemb monet de govessad; rac ma ne dostet meit blæ-ha-hlæ, hui e hoès de zougein ne rebeoh ur fal Govezion hac ur Pasq sacrilege; hac èl ma houyet, en hani en dès er malheur d'ober ur fal Govezion, n'accompliss quet Gourhæmeneu en Ilis.

Ordrenet-é deoh gobér-er Govezion-zé én hou Parræs; ha n'eellet quet monet d'hé gober el leh aral hemb permission hou Person. Chetui pe-dost er péh en dès arrestet en Ilis ar guement-cé ér buarvet Concil general a Latran ér blæ 1215. « Ne « vern péh Fidel deit d'en oait a ræzon e govessei... r perhuéh ol é béhedeu d'er bihannan ur uéh ér a blæ, d'é Velég propr, de laret-é, d'é Berson pé « d'ur Belèg aral aprouvet en é Barræs, hac e la-« quei é ol studi d'accomplissein er bénigèn e vou reit dehou, eit ma vou er stad de gommuniein d'er bihannan de Basq, meit-hac ur ræzon benac a legitim e vehai d'en derænein beèd ur hource » aral. Pihue-benac ne sèntou quet deoh el Lezèn-« zé, ne zeli quet bout lausquet d'antréein en llis « durand é vuhé, nac interret én doar beniguet

a arlerh è varhue... Mar behai unan-benac e zezi-« rehai monet d'ober er Govezion-ze er mæz ag é

« Barræs, ean c zeli goulèn eit quement-cé, permis-

a sion guet è Berson : rac ma ne vehai accordet « tehou er bermission-zé, er Belèg doh pehani en

a hum adresschai, n'eellehai quet er chelcuet é

« Covezion, hac en assolven e rehai dehou e vehai

« sacrilege... » Obliget omb enta de dostad d'er Sacremand a Bénigèn ur uèh ér blæ d'er bihannan,

idan boén a escommunication,

Me ouair en Ilis ne oblige asbolumant hé bugalé de dostat d'er Sacremand a Bénigèn nameid un uèh ér blæ: mæs er sourci e zeliamb hur bout perpet de hum oarn doh finesseu er goal speret, de bum gonservein é græce Doué, de laquad hur salvedigueah én assurance a guemènt ma heèllamb, e zeli gober demb tostad lies d'er Govezion guet eun a hum accource doh er pehet, guet eun a goueh er stad malheurus a zalledigueah hac a obstination.

Rac-cé unan e hum laquehai én dangér a ancoehad ur pehet marvel benac mar da ha tardein a monet de govessad, e zou obliget de dostad prestan ma heèliou, guet éun a vanquein dré é faute a obér ur Govezion vat hac antier. Unan en des ræzon de gredein é ma ér stad a béhet marvel, ne zeli quet chué tardein a dostad d'er Govezion. Ne laran quet neoah é vér obliget de ridêq de glasq ur Hovezour quentéh èl ma vér couéhet er péhet marvel, n meitha requis vehai pé communiein pé receu ur Sacremant benac aral : mæs me lar é teliér profittein ag er guettan occasion, eit hum sehuel ag er stad-cé. Rac penaus cousquet tranquil ar vordèn en ihuern?

Obliget vér hoah de govessad a pe vér én ur hlinhuet calet hac én dangér ag er marhue. Rac

pihue-benac e cell covessad bac e varhue guet nr péhet marvel hemp quin ar é gouciance, e hum goll dré é lézidantæd, hac é vehai possibl en en dehai ean ur Gontrition vras ag é béhet. Mæs er-ré ne gavant Covezour er bet, pe n'eellant quet covessad, e zou obliget d'ober un Act a gontrition parfæt guet en dezir de govessad, quentéh èl ma heèlleint. Recommandet-é hozh er Govezion de unan saisi hac e dosta d'hé zermén : d'er-ré e ya én ur voyage dangerus ar er mor : d'er-ré e ya d'er brizél : d'erré e va eit peèl amzér d'ur vro é pehani ne gaveint quet Covezerion, pe n'antandeint quet el langage; d'er-ré e hum zispos de guemér ur stad a vuhé, etc. Anfin en Ilis e zezir ma tostehemb d'er Sacremanteu quel liès él m'hun nès dobér eid antretenein hun inean én ur guir devotion : rac er-ré ne dostant meit a pe vai ret, e zisco assès ne rand paud a gas nac a Zoué nac a ou incan.

ARTICL IV.

Ag er bedairved a Ourhæmeneu en Ilis.

T'he Dad Salvér e receuei Peb Pasq, humplan ma heèllei.

Ex Ilis dré er Ourhæmen-zé e ordrén d'en ol Fidelet Crechénion communicin guet en dispositioneu requis ha necessær, de Basq én ou Farræs, he non pas él léh aral hemb congé ou Ferson. N'en dès hanni exant a accomplissein el Lezèn-zé, pasmemb er vugalé, a pe juge ou Hovezour en ou dès squend vat assè seit hanàuein er gonsequance ag un action quer santel èl honnéh. Peb-unan e zou obliget d'obér é Basq en è Barræs, ha hanni n'eèll

er gober el leh aral hemb congé é Berson. Ne accomplissér quet er Ourhæmen-ze dré ur fal Gommunion; hac er circonstance ag ur sacrilege groeit de Basq, e zeli boud expliquet er Govezion e vér obliget d'obér eit er reparein. Pihue benac e vehai obliget d'obér ur Govezio general, rac m'en dehai bihuet dalh-mad é goal stad, e vehai obliget ehué de zisclærien peèd Pasq en dehai groeit durand é fal vuhé.

Er-ré e hum gav clan durand er Pasq ha n'eèllant quet monct d'en Ilis, e zeli galhuein ou Hovezour quentéh èl ma vou treménet er pemzec de a Basq, eit hum laquad er stad d'aquittein en obligation-zé. En Ilis e ordrén d'er Govezerion dalæein en absolvèn d'er-ré ne gaveint quet disposet mad eit gobér ou Fasq; hac en dud-cé e zou obliget d'obér er péh e zou commandet tehai dré ou Hovézour, ha de retourn de govessad d'en amzér en dou merchet tehai : rac obliget int d'accomplissein Gourhæmèn en Ilis prestan ma heèlleint, ha ma ne brezant er gober, ind e beh. Aveid er-re e ya quent Pasq én ur voyage benac péhani e virou d'oh-t'ai a ober ou Fasq guet er-re-ral, recommandet-é dehai gober ou Fasq er-raug. Er-re e za d'er guær goude Pasq, e zou obliget de hum bresantein prestan ma heèlleint.

En Ilis ne gommand d'hé bugalé communiein meid ur huéh ér blæ: mæs hi e zezir ma vihueint perpet santel assès eit bout ér stad de gommuniein liés. (Hui e gavou en dispositioneu requis eit communiein liès expliquet én Articl ag er Sacremand ag en

Autar.)

ARTICL V.

Ag er bempèt a Ourhemeneu en Ilis.

Er Hoaris, er Hortualeu E yunei, hac er Vigilieu.

En Ilis dré er Ourhæmèn-zé e ordrén d'en ol Grechénion péré en dès ur blæ ar-n'uguênt accomplisset, yunein en eu-uguênt dé a Goaris, er Hortualeu hac er Vigilieu ordrénet. Yunein e zou tremén un déuéh guet ur prèd bouéd hemb quin, guet en intantion a ober penigen. Guharal ne zaibret d'en deieu yun nameit ardro tair ær goude creiste, ha hoad de Goaris é hortait beèd ardro cuh-heaul. Nezé ne oai quet permettet mui eit bermen, daibrein quiq en déieu yun; dihuènnet oai memb ivet gùin. Mæs a nebedigueu é ma deit ur gustum de zaibrein ardro creisté; hac a oudévéh en Ilis e bermèt gobér de noz ur golation, meit ma vou paud scannoh eid ur prèd ordinær; de laret-é, ne vou quet daibret paud, ha ne vou daibret na quiq, na pésquet, nac uïeu, etc. Ne'eèller quet reglein peguemend e cèll peb-unan daibrein de golation : un dra sur-é ne zelier quet daibrein el d'ur prèd ordinær. Er yun e zou instituet eit castiein er horv ha gobér satisfaction de Zoué dré er bénigèn : ne zeliér enta daibrein nitra, nac ivet pas memb ur uéh deur, meit ha dobér vras e vehai, nameit de gource er prèd hac er golation. (Leinet Magasin spirituel er Beurcrion, ar er Ourhæmèn-zé, hac ar er-re-ral),

A Lezènneu en Ilis n'en dès marcé hanni e dorrér guet bihannoh scrupul eid en hani ag er yun. N'en dès digaré ne glasquér eit bout dispancet a nehi. A guemend en des neoah ur blæ ar-n'uguent accomplisset, n'en dès exant a yun nameid er maguerezet, er merhet saisi, en dud clan, er-ré en dès labourieu quer calet d'obér, ma vehent obliget de lausquein ou labour mar behent contraignet de yun, hac er-re n'eèllant quet yun hemb revinnein ou yéhæd. Rac-cé er-ré eèll guet un tamiq poén gobér ou labour pé en derænein beèd ur hource aral, hac yun, n'en dint quet exant a er gobér. Erré zou requis tebai labourad cit bihuein, ha n'eèllant quet guet ou labour yun el mei deliet, c ring gober er pehiq e eèllant. Ma n'eèllant quet a grèn yun, ind e zeli goulèn dispance guet ou Hovezour, ha difautein pe dre Bedenneu, pe dre alezoneu, pe dré ævreu mad aral, er breche e rant de Lezèn en Ilis. Rac n'en dès hanni ne gav en tu de hum gastiein én ur mod benac. En dud avancet én oaid n'en dint quet exant a yun durant ma heèllant er gobér. Péh ur méh e zelichèmb-ni hur bout mar consideramb guet péh grèd ha courage é yunai er Grechénion guharal! Hur Mam santel en Ilis en dès douceit el Lezèn ag er yun a gaus d'hur goannedigueah ha d'hur fallanté, ha hoah ni e grèd hum glêm ha clasq mil digaré eit bout dispancet a nebi! Hac ingorto omb-ni a monet d'en Nean hemb gobér pé nigèn?

Péhein e rér inemp d'er Ourhæmen-zé: 1°. A pe zaibrér d'en déieu yun pé quiq pé ur mæz benac hac e bass eit bout quiq. 2°. A pe zaibrér pé ma hivér hemb nccessité vras istroh eit d'er hource ag er prèd. 3°. A pe zaibrér quênt cource er prèd; a pe vér rai beèl doh taul, a pe zaibrér rai, pé treu rai friand. 4°. A pe zaibrér de golation quemènd èl

d'ur prèd ordinær. 5°. Er véstr péré e vir dob ou zud a yunein, pé e ra dehai esprès labourieu calet. eit ne veint quet er stad de yun, e beh ehue inemp d'r Ourhæmen-ze. (Laret hun nes ar er guettan Gourhæmen petra zou ret gober eit sanctefiein er Hoaris.)

Er Hortualeu e zou bet instituet; 1°. Eit consacrein de Zoué dre er bénigèn er hommancemand a bep sassun ag er blæ. 2°. Eit pedein Doué de rein d'é Ilis Bugulion mat ha santel; rac nezé é rér en Urhou. 3º. Eid er'pedein de gonservein er madeu ag en doar, hac en trugairicad ag er-ré en dès reit temb. Cortualeu en nehué-ban e hum gav er Merhèr, er Gùiner hac er Sadourn ag er guettan suhun a Goaris. Cortualeu en han, pé en Drindèd, e hum gav er Merher, er Guiner has er Sadourn arlerh Sul er Pantecoust. Cortualeu en dilost-han, pé S. Maheu, e hum gav er Merhèr, er Gùinér hac er Sadourn arlerh Gouil er Groès é mis santambr. Cortualeu er Gouyan e hum gav er Merhèr, er Gùinér hac er Sadourn ag en dairved suhun ag en Avend. En Ilis hun oblige de yun er Hortualeu ér mod mei laret ihuelloh, ha d'ober en deieu-ze Pedenneu ha peb sort ævreu mat. Hui e ouair é téliet hum laquad ér stad a hræce, eit ma vou meritabl hou pénigènneu dirac Doué.

Er Vigilieu e zou yuneu commandet én dé quênt certæn Gouilieu bras, eit ma hum hreparehemb dré er hénigen d'ou santefiein : èl mei Vigil S. Yehàn er Badcour; Vigil S. Pierr ha S. Paul; Vigil en Assomption pe Gouil Maria e creis-Æst; Vigil Calan-Gouyan ; Vigil Nendelêq. Hanhuet-é en déleu zé Viqil pe Veil, rac guharal er Fidelet ne yent quet de gousquet en noz quend er Gouilieu-ze : hé zremén e rènt en Ilis é pedein, èl ma rér hoah noz Nendelèq. En abusanceu e arrihuai diarbèn er veilleu-zé e zou caus u'en dint quet mui pratiquet. Boutçou hoah Vigilieu aral e peré n'en dai quet ordrénet yun, èl mei en dé ma rer Prehecion S. Marc, hac er Rogationeu, a bèré en hun nès conzet ér guettan Gourhæmèn.

ARTICL VI.

Ag en huéhvèd a Ourhæmeneu en Ilis.

D'er Sadourn ha d'er Gùinér È ma Vigil é peb amzér.

En Ilis dré er Ourhæmèn-cé e ordrén demb gobér abstinance peb Gùinér ha'peb Sadourn durand er blæ; de laret-é, hi e zihuèn dohemb a zaibrein quiq d'er Gùinér ha d'er Sadourn, nameit ha dé Nendelèq e hum gavehai unan ag en déieu-zé. En abstinance-zé e zou bet ordrénet eit n'ancoehemb quet é téliamb dalh-mat bihuein é mortification hac é pênigèn. En Ilis en dès choæget eit quemènt-cé er Gùinér a gaus de vahue hur Salvér, hac er Sadourn é mémoër ag é interremant, hac eit hur preparein dré er bénigèn de santefiein er Sul.

Peb Escob en dès er bouvoër d'ordrénein én é Escopti yuncu ha vigilieu particuliér è circonstanceu extraordinær, èl mei a gaus d'ur séhour bras, d'ur guêrteri, d'ur vocèn, d'ur goal glinhuèt: hac un estrangeour e hum gav én Escopti-hont én ur circonstance èl-cé, e zou obliget de yun pè d'ober vigil èl en dud ag el léh. Mæs pe hum gayehai tud ag en Escopti-zé, dré chanche, én un Escopti aral é

péhani ne vehai quet ordrénet yun, er-ré-zé ne vehènt quet chue obliget de de yun. Me lar dre chanche, rac pe vehènt esprès ér mæz ag ou Escopti eit cavouet en tu de fraudein el Lezèn, ind e behehai. Chetui hoah un exampl ar guement-cé. Me laqua é permet Escob Quimper d'é bobl daibrein quiq deu pe tri dé peb suhun durand er Hoaris: en dud a Escopti Guéned e hum gavehai, dré chanche, é Quimper en déieuzé, e eèllehai daibrein quiq just èl en dud ag el léh : mæs pe yehènt esprès ar zoar Quimper eit cavouét en tu de zaibrein quiq, ind e béhehai : hac en dud a Quimpér e zehai ar zoar Guéned, e béhehai é taibrein quiq en déieu ma vehai permettet daibrein é Escopti Quimpér. N'en dès quin ræzon a guementcé, nameit ma téliér hum gomportein revé er reglemanteu particulier ag en Escopti é péhani en hum gavér hemh fraud na treizoni.

timini aranganan mananganan arangan arangan arangan manangan m

CHAPISTR V.

DOUÉ EN DÊS DIAZERT É DI AR SEIH PILER.

Ag er Sacremanteu.

Un Sacremand e zou ur merche sansibl en dès Jesus-Chrouist instituet eit hur santesiein. Ur merche sansibl, de laret-é, nn dra, un action e gouéh idan er squêndeu, hac e senési ur hræce invisibl e zou reit d'en hani e receu er Sacremant. Par exampl, ér Vadiènd ni e uél en deur hac action er Belèg péhani e vadé; ni e gleu er péh e lar; chetui mercheu sansibl. En deur, en action hac er honzeu-zé e senési é ma purisiet inean en hani e

vadéer, ag er péhet originel, hac é ma deit de vout croaidur de Zoué ha d'en Ilis; chetui ur hræce ne uélamb quet. Ur merche... en des Jesus-Chrouist instituet. N'en dai quet ret bout abil eit goud n'en dès meit Doué e cell instituein Sacremanteu : rac n'en dès meit Doué e cèll rein d'ur merche sansibl en nærh hac er vertu-de laquad ur hræce surnaturel én hun inean. Anfin ur merchesansibl... instituet eit hur santefiein : de laret é, eit hur rantein agreabl pé agreaploh de Zoué. Bout-çou Sacremanteu péré é rantt mab-den agreabl de Zoue, èl er Vadiend hac er Bénigèn, én ur rein dehou er vuhé a hræce n'en doai quet quênt; rac-cé en ou habhuér Sacremanteu er-re varhue dre er pehet. Bout-cou Sacremanteu aral péré e rantt mab-dén agreaploh de Zoué, dré ma cresquant ha ma sonnant én é inean er græce en doai deja hac er-ré-zé e hanhuér Sacremanteu er-ré vihue, de laret é, réd-é boud ér stad a hræce Doué eit eit ou receu.

Bout-cou seih Sacremant: er Vadiènd, er Gonfirmation, er Sacremand ag en Autær, er Bénigèn, en Nouven, en Urh hac er Briedereah. Er Sacremanteu-zé e zou el quel liès a riolen dré béré é rid ar-n'amb er meriteu infini a varhue hac a Bassion hur Salvér. Ol é touguant guet-t'ai deu effæd. De guettan, ind e lag én inean er græce santefius, pé ur hresquance ag er græce santefius : d'en eil, ur græce e hanhuer Sacramantel, de laret-é, propr de bep Sacrement. Rac-cé er Vadiènd hur groa Crechénion; er Gonfirmation hur groa Crechénion parfæt; er Sacremand ag en Autær e vag hun inean; er Bénigen e uella d'hur hlinhuedeu spirituel; en Nouyen hur secour de verhuel erhad; en Urh e ra Bugulion d'en llis; hac er Briedereah e bourvæ suité dehi.

Bout-cou tri ag er Sacremanteu-zé n'eellant quet bout receuet istroh eid ur uéh ér vuhé : er Vadiènd, er Gonsirmation hac en Urh; rac ma tongant en inean un drived effæd e hanhuer caractær; de laret-é, un certæn qualité spirituel péhani zou imprimet en inean ha pehani ne vou james diverchet. Dré-zé vou disserhet én ihuern er-ré en don receuet er Sacremanteu-zé, doh er-ré n'on dou quet ou receuet. Pebeh méh eit-t'ai! Remerquet : en hani e receu unan-benac ag er Sacremanteu-men hemb en dispositionen necessær, ne recen quet er græce ag er Sacremant; mæs ean e recen er haractær, meit ne vou quet en drespèt tehou en en dou can receuet. Rac-cé unan e receu er Vadiend en drespèt d'é galon, ne receu quet er haractær ag er Vadiend.

N'en dai quet a santeleah nac a veritt er Belèg, pé en hani e ra er Sacremant, é tènn er Sacremanteu ou nærh hac ou vertu: mæs a veriteu infini Jesus-Chrouist péhani en dès ind instituet, eit pourvæein de zobérieu spirituel en Ilis, ha peb Fldel é particulier. Rac-cé ne vern hac ean e vou santel pé péhour en hani ou ra, er Sacremand en dès perpet é effæd, mar er receuér guet en dispositioneu necessær. Mæs en hani e ra ur Sacremand ér stad a béhet marvel, (meit ha necessité e vehai) e gommèt ur péhet nehué, rac ma profan un dra santel.

ARTICL I.

Ag er Sacremand a Vadiend.

En Vadiend e zou ur Sacremant, de laret-é, ur merche sansiblinstituet dré Jesus-Chrouist, péhani e efface er pehet originel, hur groa Crechenion, bugalé de Zoué ha d'en Ilis. Badécin e senéfi golhein, nættat; hac er Sacremant-cé e burifi hac e nætta hun inean og en ol pehedeu, ér memb momand ma ta en deur ag er Vadiend de olhein ha de burificin hur horv.

Ol é temb ér béd cablus ag er péhet originel, hac er Sacremand a Vadiènd ne gav meid er péhet cé d'effacein ér-ré cr reccu quênd en oaid a ræzon : mæs a pe receu un dén deit d'en oaid a ræzon er Vadiènd, er Sacremant-cé e efface non pas hemb quin er péhet originel, mæs ehué en ol péhedeu actuel en dai commettet, hac en ol poénicu délict aveit-t'ai de justice Doué e vai ehue pardonnet dehou. Rac-cé, hac en en dehai en dén-zé commettet en horriplan torfæteu, quentéh èl m'en dès receuet er Vadiènd, ne chom mui déléour a nitra de justice en Eutru-Doué, péhani dré un effæd ag é visericord, e bardon dehou ér Vadiènd è ol péhedeu hac en ol poénicu déliet aveit-t'ai.

Bout-çou neoah certæn drougueu en dès er péhet originel tènnet ar-n'amb, hac e chom guenemb goudé er Vadiènd, èl mei en ignorance pé diouie-gueah, en inclination d'er péhet, er miserieu ag er vuhé hac er sujedigueah d'er marhue, ne vehemb delivret ag er-ré-zé meid arlerh er Resurrection general, hac en delivrance-zé e cell hoah bout seèllet èl un effæd ag er Vadiènd. Doué en dès vennet lausquein en drougueu-zé guet mab-dén ér vuhémen, eit degass chonge tehou é peb momand ag er stad heurus a béhani é ma couéhet dré é oal, eid en derhel én humilité hac é dougeance, hac eit rein léh dehou de hum excelsein dalh-mat ér pratiq ag er vertuyeu.

Er Vadiènd hur groa bugalé de Zoué dré er vuhé nehué e ra demb é Jesus-Chrouist, dré en droæd e ra-demb de galhuein Doué hun Tad, ha de seèllet en Nean èl hun héritage. Er vuhé nehué-zé e zou er vuhé a hræce, péhani hur joentt doh Doué dré er Fé, en Espérance hac er Garanté. Reit-é demb é Jesus-Chrouist, hac a gaus d'è veriteu: rac dré er Vadiènd Jésus-Chrouist e za d'obér é zamurance én hur halon, hac hur joent doh-t'ou èn ur fæçon ma vai ean-memb e vihue én-n'amb, ha ma homb é vambreu. A gaus d'en union-zé hun nès guet Jesus-Chrouist, Doué hur hemér eid é vugalé hac hériterion d'é Ranteleah guet Jesus-Chrouist.

Er Vadiend hur groa bugalé d'en Ilis dré m'hul laqua é rang er Fidelet, dré en droæd e ra demb de receu er Sacremanteu, ha de vout lodeq ha participant én ol madeu spirituel ag en Ilis. Er Vadiend, èl m'hun nès laret, n'eèll quet bout receuet istroh eid ur uch, rac m'en dai unan ag en tri Sacremant e zoug caractær én inean. Un torfæt bras vehai enta badéein a nchué ne veru pihue-é, a pe ver sur é vai bet badéet. Mæs unan e vehai ræzon de vout én arvar hac ean e vehai badéet, pé ne vehai quet, e zeli bout badéet idan condition ér fæçon-men: Ma n'en dous badéet, me he vadé è Hanhue en Tad †, hac er Mab †, hac er Speret † Santel.

N'eèller quet bout salvet hemb er Vadiènd; rac Jesus-Chrouist en dès laret: En-n'emb ne vou quet gannet a nehué dré en deur hac er Speret-Santel, n'antréou quet è Ranteleah en Nean. Un articl a Féé enta penaus er vugalé e varhue hemb Badiènd, ne uéleint jamæs en Eutru-Doué. En Tadeu santel ag en Ilis ne gredant quet assurein é handurant en ol

tourmanteu ag en ihuern; mæs sur-e é handurant poen en dannation, péhani zou er holl a Zoué hemb recour er bet.

Petra e rescondou é Jugemand eu Eutru-Doué quemend a Grechenion brutal, peré, dré ou fallanté, ou lubricité pé ou lézidantæt, e zou caus de varhue ou bugalé quent ma vent deit er béd, pé ne rant cas er bet eit ou guélet é verhuel hemb Badiènd?

En Ilis e hanau tri sort Badiend: er Vadiend a zeur, a behani é conzamb amen; er Vadiend a volanté, hac er Vadiend a oaid. Er Vadiend a volanté e zou un dezir sincer ha nærhus de receu er Vadiend, a pe n'eeller quet he receu en effæd. Rac cé un dé i deit d'en oaid a ræzon, pehani ne gavehai quet pé deur, pe unan-benac d'er badéein, e eell neoah hout salvet en ur obér un Act a Garanté pé a Gontrition parfæt guet en dezir de receu er Sacremant-cé quentéh el ma cavou en occasion. Splanné de uélet n'en dai quet quéstion a-zé ag er vugalé péré n'ou dès quet en oaid a ræzon, ba n'en dint quet er stad de zezirein bout badéet, na d'obér un Act a Garanté pé a Gontrition parfæt.

Er Vadiend a oaid e zou er Martyr; de larct-é, er marhue anduret eit Jesus-Chrouist. Rac-cé, a pe andur bogalé pé tud vras er marhue eid er Fé quent bout badéet, er-ré-zé zou badéet én ou goaid, bac e zou salvet. Chetui perac é hinour en llis èl Martiret en Innoçandet e ras Herod massacrein a gaus de Jesus-

Chrouist.

Ne zeliamb quet ancoehad en áliance e ra Doué guenemb ar er Fonce a Vadiend, hac er hontrad, e ramb guet-t'ou. Doué e bardon demb hur pehedeu hac en ol poénieu déliet aveit-t'ai d'è justice; ean hun delivr a sclavage en diaul, hur hemér eid e vugalé, hac e ra demb en droæd d'er galhuein hun Tad, ha de seèllet en Nean èl hun héritage. Doué e vou fidel d'é bromèss mar bèmb ehué fidel d'er péh hun nès grateit.

Dré er hontrad hun nès groeit guet Doué, ni hun nès hum obliget de gredein ferm en Doctrin en dès ansaignet Jesus-Chrouist, hac e zésq en Ilis ag é berh d'er Fidelet: de renonciein d'en diaul, d'é vobanceu ha d'é ol ævreu; de viret Gourbæmeneu Doué ha ré en Ilis, ha de vihuein èl guir Grechénion.

Dré vobanceu en diaulé hantandér en assambléyeu, er festeu, er horolleu, en divertissemanteu dihuennet, er braguerisseu væn ha dijauge, er modeu ha custameu fal, en ur guir tout er peh e chervige de vaguein en orgueil hac er vanité dré ur faus aparance a bloër hac a inour. Hanhuet int bobanceu en diaul, rac m'en dai ean e inspir de vab-dén en ol vanitéeu-zé, ha ma hum chervige e-nehai eit hun trompein hac hur holl. Bout taulet guet t'ai e zou enta carein er péh e chervige d'en diaul eit hun tennoin guet-t'ou én dannation, ha renonciein d'er promesseu ag er Vadiend. Honnéh zou ur urionné ar béhani ne rér quet calz a attantion; ha goab vehai guet er Grechénion scan a benn hac amoædet guet bobanceu en diaul, pe vehai temallet tehai en ou dès renonciet d'ou Badiend.

Dré œvreu en diaul é hantandér en ol péhedeu de béré en hur solitt en diaul dré é dantationeu. Rac en diaul hun doug dalh-mat d'er péhet, hac é sentein doh-t'ou n'en domb capabl meit d'obér droug.

Hum obligein de vihuein èl ur guir Grechen e

zou laret: Me fal deign héli Doctrin hac exampleu Jésus-Chrouist; ean é hunan e gueméran eit me Mæstr; me hum laq é rang é Zisciplet; eit-t'ou hemb quin é fal deign bihuein ha merhuel. Chetui petra hun nès grateit: Doué ne zalhou é bromèss meid é

quement ma vehèmb fidel d'hun hani.

El ne oèmb quet ér stad de rescond a hanamb hun hunan én amzér ma homb bet badéet, en llis en des vennet ma vezai reit temb ur Pæren hac ur Væren eit rescond en ul leh, eit rein demb un hanhue, hac eit bout caution eid-omh en ur bezai accomplisset er péh e hratèmb de Zoué. Mæs æz-é de oud n'en dai quet erboal m'en dès ré-ral conzet en hun hanhue : peb-unan zou obliget de renehuéein liès er promesseu e zou bet groeit eit-t'ou ar er Fonce a Vadiènd, eit rein de bep cource lusq d'é speret ha nærh d'é galon d'ou accomplissein, hac eit reparein er fauteu en dehai groeit inemp tehai. Deliet-e drès peb tra ou renehuéein én occasioneu-men : 1°. quentéh èl ma vér deit d'en oaid a ræzon; 2º. quent receu er Sacremand a Gonfirmation; 3°. quent gober er guettan Communion; 4º. Sadourn-Vasq ha Sadourn er Pantecoust, è hassistein er vénidiction ag er Fonce, 5°. peb plæ d'en de ma ver bet badeet; 6°. A pe ver en danger a varhue.

Eit hum breparein erhad de guement-cé consideret pebéh græce en dès Doué groeit teoh en dé ma hoh bet badéet : hum zisposet d'ober ur Govezion vat, eit ma pardonnou deoh ol hou fauteu hac ingratitud én é andræd : Quêret mar dès tu d'en Ilis ma hoh bet badéet : hum laqueit tostan ma heèllehait d'er Fonce a Vadiend, ha renehuéet inou hou promesseu quettan. (Cavein e rér él Livr Pedenneu

ur fæçon de renebuéein er promesseu ag er Vadiènd.) Ne zelier quet laquad peb sort tud de vout Pærén ha Mærén : réd-é choæge Catholiquet mat hac e vou bet confirmet, mar dès moyand; rac en Ilis n'hi dès commerce er bet guet en Héritiquet en é Fedenneu, ha jaugein e ra ma vou Crechénion parfæt er-ré e hum bresantt de rescond er-ré-ral : réd-é ma veint instruget hac ansaignet mat; ma houseint er Mistericu ag er Religion, Gourhæmeneu Doué ha ré en llis, er senéfication hac en obligation ag er promesseu ag er Vadiend; rac ma hum garguant a zésquein ol en treu-zé d'er-ré e zalhant ar er Fonce santel: mæs penaus en ou désqueint int d'er-ré-ral, ma n'ou gouiant int-memb? Ansin réd-é ma veint tud a vuhé hac a scuir vat; rac en-n'emb ne zisco quet dré è vuhé è renonci ean-memb d'en diaul, ne jauge quet doh-t'ou rescond eid un aral.

Un tad hac ur vam ne zeliant quet hum voutein de zerbel ou hroaidur ar er Fonce a Vadiend, na memb d'er badéein, meit ha necessité vras e vehai, a gaus d'en aliance spirituel e hum gavitré en hani e vadé hac en hani badéet hac é dad hac é vam; just èl itré er-ré e zalh ar er Fonce a Vadiend, hac en hani e zalhant de vout badéet hac é dad hac é vam. Me lar er-ré e zalh ar er Fonce a Vadiend; rac pe vehai crechéniet ur hroaidur quent bout casset d'en llis, en aliance spirituel n'hi dès léh er bet aveid

er-ré en dalh ar er Fonce a Vadiend.

Ur Pærén hac ur Værén e zou obliget: 1°. de garein ou Filloret ha Fillorezet èl ou bugalé spirituel, 2°. de recommandein d'ou zad ha d'ou mam ou désquein de chervige Doué, pé hum garguein int memb a er gohér; 3°. d'ou disposein de receu er Sacremand a Gonfirmation a pe yeint ér stad h

ma caveint en occasion; 4°. d'expliquein dehai er péh ou dès grateit eit-t'ai ar er Fonce a Vadiènd, eit ma veint chuéhet de hum aquittein ag ou fromesseu; 5°. de bedein Doué aveit-t'ai. A dra sur, pe vehai consideret a dost deværieu er-ré e zalh ar er Fonce a Vadiènd, ne vehai quet quemend a brèss de hum youtein de yout Pærén ha Mærén.

N'en dès meid en Escobet hac er Velcan en dès er bouvoër hac er bermission de vadéein guet er ceremonieu ordinær ag en Ilis. Mæs a pe vai necessité, ne vern pihue-é e cell badéein hemb solannité, meit ma rei a zevri er pèh e ra en Ilis én ur vadéein.

Eit badéein réd-é turel deur ar bèn en hani e vadéer, én ul larct: Me he vadé é Hanhue en Tad †, hac er Mab †, hac er Speret † Santel; hac en ur obér quement-cé, en dout en intantion d'obér cr péh e ra en llis én ur vadéein.

Boud e oai hoah guharal dihue fæçon de vadéein,

péré n'en dint quet mui én usage.

Er guettan e oai d'espærgein tair guéh guët deur naturel en hani e vadéait, én ul laret: Me he vadé, etc. Aparance e zou é hoai ér fæçon-zé é vadéas S. Pierr tri mil én un dé. En eil fæçon e oai de soubein tair guéh en hani e vadéait é deur naturel, en ul laret: Me he vadé, etc. Er fæçon-men e zou bet peèllan én usage; más a oudé guerço ne vadéér mui nameid é turel deur ar ben en hani e vadéér.

En llis e oulen ma vou taulet deur tair guéh é crocs ar ben en hani e vadéér, a gaus d'en Drindèd Santel, hac eit degass chonge é ma a veriteu Jesus marhuet ér Groès, é tenn er Vadiend he nærh hac hé vertu : mæs er ceremonieu-zé n'en dint quet necessær eit ma vou mad er Sacremant, hac assès-é eit quemènt-cé ma vou taulet deur ur uéh hemb

quin, én ul laret: Me he vadé, etc. Ma n'ellèr quet turel deur ar ben en hani e vadéér, réd-è turel ar è gorv èl l'éh ma heèllèr, ha laquad ehuéh ma touchou en deurdoh er hiq ha ma ridou. Réd-è ehué ma vou en hani e daulou en deur, e brononçou er honzeu, ha non pas un aral : réd-è open m'ou frononçou én ur durel en deur, ha non pas quent pé goudé : réd-è ansin prononcein sclær ha reih : Me he vadé è Hanhue en Tad, hac er Mab, hac er Speret-Santel, guet en intantion d'obér er péh e ra en Ilis èn ur vadéein.

Eit badéein en Ilis e hum chervige a zeur béniguet esprès cit quement-cé Sadourn Vasq pé Sadourn er Pantecoust. Mæs eèllein e rér, a pe vai necessité, hum chervige a guement sort deur zou, mei t ma vou naturel. Hanhuein e rér deur naturel deur feten, deur punce, deur riviér, deur ag ul lenn, deur mor, deur glau, deur èrh; én ur guir, deur ne vai quet composet guet ard.

N'en dai quet permettet badéein guet solannité nameid én un llis Parræs; ha peb-unan e zeli bout badéet én é Barræs Mæs a pe vai necessité, eèllein e

rér badéein partout.

Explication ag er Ceremonieu ag er Vadiend.

Ordrénet-é d'er-ré e bresantt ur hroaidur dé vout badéet, arrestein guet-t'ou é toul dor en Ilis, eit rein d'antand ne veritt quet antréein abarh durand ma vou idan bili en diaul dré er péhet originel.

Interrogein e rer er Pæren hac er Væren petra e oulennand eid er broaidur e bresantantt, eit ma tisclærieint hac ean e vai bet crecheniet, hac open eit rein d'antand penaus en Ilis ne accord er Vadiend nameit d'er-ré he goulen pé dré-d'ai ou hunan, pé dré ré-ral.

Rein e rêr dehou hanhue ur Sant pe Santes, eit ma seellou er Sant pe Santes-ce, el é scuir er bédmen, hac el é Batrom dirac Jesus-Chrouist.

Arlerh, er Belèg e huéh é henal tair guéh é croès ar en hani e ya de vadéein, eit diblass en diaul dré vertu er Speret-Santel, pehani zou hanhuet henal en Eutru-Doué, hac eit discoein é ma dré veriteu Jesus-Chrouist grucifiet é teli en diaul bout diblasset.

Nezé er Belèg e ra Sign er Groès ar dal en hani e vadé, eit discoein penaus é-léh en dout méh a Groès Jesus-Chrouist, é téli hum hlorifiein a en héli, de laret-é, a ziscoein partout hac é peb mod é ma Grechén, hac a bratiquein hemb méh ha hemb dougeance er Religion a Grechéneah.

Er Belèg e ra ehué Sign er Groès ar galon en hani e vadé, eit mercheín é téli laquad e gonfiance é Jesus-Chrouist grucifiet. En ol Signeu-Croès aral e ra er Belèg durand er Vadiènd, e senéfi é tenn er Sacremand è ol nærh ha vertu a Groès Jesus-Chrouist hac a veriteu é Bassion.

Gober e rér ehué hilleih a Bedenneu eit conjurein en diaul d'abandonnein er berh en doai dré er pêhet originel ar en hani e vadéér, ha de guittad ur galon péhani e ya de vout Tampl er Speret-Santel dré er Vadiend.

Laquad e rér é bêg en hani e vadéér halén, péhani zou er symbol ag er barfætion, eit rein dehou d'antand é teli hum boénicin eit bout pærfæt, ha laquad é ol joé guet en treu a Zoué, hac é pratiquein é Lezèn.

Er Belèg e ra nezé Sign er Groès guct é scopitèll ar zifrèn hac ar ziscoarn en hani e vadé, eit represantein er Miracl e ras hur Salvér a pe uèlas guet é scopitell d'un den board ha mud. En Ilis e hum chervige chué ag er honzeu e laras Jésus neze, eit goulen eid en hani e vadéer, ma vou perpet distanq é discoharn eit cheleuet er urionné, ha ma vourrou attau don hé heli.

Arlerh quement-ce er Beleg e grog en hanie vade eid er hondui en Ilis, eit rein d'antand é ma d'en dud a Ilis en en dès Doué reit er bouvoër de zigueor demb en or ag en Nean ha d'hur hondui d'inou.

Nezé er Belég e lar a voch ihuel Symbol en Apostolet, hac e ourhæmen d'er Pærén ha d'er Værén ou laret assambl guet-t'ou é hanhue en hani e vadéér, péhani e vehai obliget d'ou laret canmemb p'en devehai en oaid a ræson, rac en Ilis ne reccu de vout badéet nameid er-ré e ra profession a gredein é Jésus-Chrouist, hac a héli è Zoctrin. Laret e rér ehué er Pater a voch ihuel, eit rein d'antand penaus en Ilis ne guemer eit hé bugalé nameid er ré e ouair er Bedèn-zé en des ansaignet temb Jesus Chrouist.

Avance e rer arlerh quement-cé de-dall er Fonce a Vadiend, hac inou, goudé en dout goulennet guet en hani e vadé, hac can e renonci d'en diaul, d'é vobanceu ha d'é ol ævreu, er Belèg en oignemantt guet en oleàu sacret ar é ziscoai hac ar é galon, eit sencfiein græce en Eutru-Doué, péhani e ra nærh d'er Grechénion ér poénieu ha brizélieu ag er vuhé spirituel, ha péhani e scanna er yau a Lezén Jésus-Chrouist, e hum obligeant de héli.

Nezé er Belég e oulèn guet en hani e vadé, hac ean e grèd é Doué en Tad, é Doué er Mab hac ér Speret-Santel; hac ean e grèd en Ilis Santel, Catholiq, er Gommnnion ag er Sænt hac en Vuhé éternel; ha goudé m'en dès rescondet, pé m'en dès é Bærén hac é Værén rescondet eit t'ou, é crèd ol en treu-zé, er Belèg e oulen guet-t'ou hoah hac ean e zezir bout badéet: rac en Ilis e venn bout assuret a Fé hac a gredén er-ré e guemér eit hé bugalé, ha n'accord er græce-zé nameid d'er-ré hé desir hac hé goulèn.

Quentéh èl m'en devai rescondet d'er péh e oulènnér guet-t'ou, er Belég er badé ér fæçon ma

hun nès laret.

Nezé er Belég e ra Sign er Groès ar lein é bèn guet en Oleàu sacret, eit rein dehou d'antand é ma deit én ur certæn fæçon de vout Belég ha Roué dré er Vadiénd, revé er honzeu-men ag en Apostol S. Pierr: er Grechénion e zou un Nation choæget, ur Bobl santel, composet a dud péré zou Belean ha Rouanne, dré en union e zou étré-omb ha Jésus-Chrouist, péhani zou Roué ha Belég. Eèllein e rér ehué laret é homb ur Bobl composet a Velean, drè ma homb obliget, èl ma lar S. Paul de hum offrein dalh-mat de Zoué èl un Hosti purifiet dré er mortificationeu; hac ur Bobl composet a Rouanné, drè er berh e ra demb græce en Eutru-Doué ar hur goal inclinationeu.

Goudé quement-ce er Belég e laq ur houiss pe ul lién guen ar ben en hani en des badéet, eid en avertissein de gonservein beed er marbue er græce hac er santeleah ag er Vadiend. En amzér ne vadéait nameit Sadourn Vasq ha Sadourn er Pantecoust, é rait d'er-re nehué badéet ur sai guen, eit marchein en innoçance ag er Vadiend; obliget oent de zoug en abid-cé durand eih dé: ind e assistai en Officeu durand en amzér-zé, hac e gommuniai bamdé

én Overèn e oai laret én ou intantion, er Sul ma quittent ou sai guen, e zou hoah hanhuet hinihue, Daminica in albis (depositis); de laret-é, er Sul ma quittér en abideu guen eit quemer en abideu ordinær. (Sul Quasimodo.)

Presantein e rér ehué ur olcuen alumet d'en hani badéet, eit rein dehou d'antand é téli splannein ér béd avel ur goleu, dré er pratiq ag en ol vertuyeu

ha dré er santeleah ag é vuhé.

Neze er Belèg e olh é zeourn dré respèt eid en Oleau sacret, er Pærén hac er Værén e olh chué ou ré, eit represantein er burtæd a intantion guet péhani en ou dès rescondet eid en hani ou dès dalhet ar er Fonce a Vadiend.

Anfin leinein e rér er hommancemand ag en Aviél, revé S. Yehan, eit pedein Jesus-Chrouist d'obér é zameurance guet en hani zou bet badéet, ha de rein dehou er græce de gonservein beéd er marhue er galité a groaidur de Zoué en des receuet er Vadiend. Nezé er Belèg e ra d'er Pærén ha d'er Værén en avertissemanteu e zou merchet er Rituel, (Ar er Sacremant-cé hac er-ré-ral, leinet Magasin spirituel er Beurerion, etc.)

ARTICLE II.

Ag er Sacremant a Gonfirmation.

En Gonfirmation e zou ur merche sansibl instituet dré hur Salvér Jésus Chroust eit hur gobér Crechénion parfæt, dré ma receuamb én-ou er Speret-Santel gue t é ol donzoneu.

Er Gonsirmation e zou ur merche sansibl, dré ma laq en Escob é zeourn ar bèn en hani e gonsim, ha ma ra Sign er Groès ar é dal, én ul laret er honzeu-men: Signo te signo Crucis, etc. Instituet-é dré Jesus-Chrouist avèl en ol Sacremanteu ag el Lezèn nehué. Hanhuet-è Confirmation, rac ma ra nærh d'er Grechénion de gonservein er vuhé nehué ou dès receuet ér Vadiènd. Er Sacremant-cé e zoug ehué caractær én inean, quer clous èl er Vadiènd, guet en differance-men: er Vadiènd hur groa Crechénion, hac er Gonfirmation hur groa Crechénion parfæt; er Vadiènd hur groa bugalé de Zoué. hac er Gonfirmation hur groa soudardet de Jesus-Chrouist. Er Gonfirmation e zou enta èl en aché mand ag er Vadiènd.

Receu e rér er Sacremant-cé er Speret-Santel péhani e zésquên en incan guet é ol donæzoneu, eit rein dehi nærh de feahein en ol tantationeu interior hac exterior. Hanhuein e rér tantation interior er revolt a hur goal inclinationeu, péré e chervige d'en diaul eit hur solitein de droein cain de Zoué. Hanhuein e rér tantation exterior en drougueu, en anjulieu, er goal exampleu, hac è general ol er péh e cell en dud gouniet guet en diaul implécin eit laquad er Grechénion de zivarchein ag en hènd mad. Er Speret-Santel e ra demb nærh de resistein doh en tantationeu zé, en ur gresquein er garanté én hun inean.

A fæd donæzoneu er Speret-Santel, er Scritur e gontt seih: er Barfætion, er Gonseil, en Antandemant, en Nærh, er Sciance, en Devotion, ha Dougeance Doué.

Er barfætion e zou un donæzon ag er Speret-Santel, péhani e zistag hur halon doh er béd, hac e ra demb clasq ha carein hemb quin en treu a Zoué.

En antandemand e zou un donæzon péhani e ra demb comprénein ha sontéal er gurionnéeu ha Misterieu ag er Religion.

Er gonseill e zou un donæzon péhani e ra demb perpet choæge er péh e zoug muyan de hloër en Eutru-

Doue ha d'hur Salvedigueah.

En nærh e zou un donæzon péhani e ra demb feahein guet courage en ol trezèlleu ha diæzemanteu e hum bresantt demb én hènd a hur salvedigueah.

Er sciance e zou un donæzon péhani e ra demb hanauein en hènd e zeliamb quemér, hac en dangérieu doh péré é teliamb dihoal, eid arrihue én Nean.

En devotion e zou un donæzon péhani e ra demb hum zoug guet plijadur d'obér er péh e ouiamb e blige de Zoué.

Dougeance Doué e zou un donæzon péhani e inspir demb ur respèt carantéus eit Doué, hac e ra

demb dougein a zisplige dehou.

N'en des meid en Escobet e eèll confirmein; hac eit receu er Sacremant-ce, réd-é: 1° bout badéet; 2° réd-é en doud en oaid a ræzon, eit ma vehér guel ér stad de hum breparein. Guharal ne seèllait quet doh en oaid eit confirmein; ha hoah bermen en llis Grêq é confirmér er vugalé quentéh èl ma vent badéet. Mæs a oudé guerço en Ilis Latin e e zezir m'en devou er-ré e hum bresantt eit bout confirmet, groeit memb ou hettan Communion. 3° Redé boud ér stad a hræce Doué, de laret-é, en dout conservet er santeleah ag er Vadiènd, pé en dout hé reparet dré ur guir bénigèn. 4° Réd-é goud er Misterieu principalan ag er Fé, ha boud ar yun, mar dès moyand.

Eèllein e rér bout salvet hemb bout confirmet :

mæs ur péhet marvel vehai neoah manquein pé dré zisprisance, pé dré lézidantæt, a receu er Sacremantcé a pe gavér en tu; rac quemènt-cé e vehai diaboeissein de Zoué ha d'en Ilis, péhani e ordrèn d'er Grechénion er receu ur uéh hemb quin én ou buhé, quentéh èl ma cavant en occasion.

Er-ré ne vènt quet bet confirmet, e zou obliget de monet, mar dès tu, de gavouét ou Escob, a pe uélant é vènt én dangér a goll er Fé, pé é commancér gobér brizèl d'er Religion Rac ér circonstanceu malheurus-cé é hès muyan dobér a nærh eit discoein

é vérCrechén.

Explication ag er Ceremonieu ag er Gonfirmation.

En Escob e astènn é zeourn drès er-ré e hum bresantt eit bout confirmet, eit pedein er Speret-Santel de zisquen en ou inean, ha d'ou disposein de receu é zonæzoneu. Nezé guet é vèd trampet én Oleàu sacret ean e ra Sign er Groès ar dal en hani e gonfirm, en ul laret Pedenneu péré e verche vertuer Sacremant-ce. En Oleàu a behani en hum chervige, e zou composet a yvl-Olivet ha baum, péré en dès ur senéfication misterius. En yvl, péhani en des er vertu de zouçad ha de rein nærh, e ra demb d'antand penaus greece er Speret-Santel e ra cavouét douce hac æz er péh e seblantt bout cri ha calet é Lezèn Doué, hac e ra demb nærh d'antreprênein guet courage er peh e zisplige muyan d'en natur corromplet. Er baum, péhani en dès ur vlaz huêq hace breserv doh er gorruption, e ra demb d'antand penaus græce er Speret-Santel hur preserv doh er péhet, hac e ra demb streàuein partout dré hun

exampleu mad en douster hemb par e gaver é heli Jesus-Chrouist.

Ar dal en hani e gonfirm é ra en Escob Sign er Groès guet é vèd, eit rein d'antand penaus er vertu principal ag er Sacremant-cé e zou de viret dohemb a hur bout méh ag en Aviél, ha de rein demb courage d'avouéein a voéh ihuél er Fé a Grechéneah, memb hac é téliehèmb coll hur buhé, ha de laquad hun ol gloër é Croès Jésus-Chrouist, péhani zou bet er bènhuèq a hur Redamption.

Anfin en Escob e ra ur jottad d'en hani e gonfirm, én ul laret : Er peah re-vou gueneoh, eit rein d'antand penaus n'en dès na peah na lehuiné eid omb ér béd-men, nameid é quemènt ma homb prest d'andur

tout a balamor de Jesus-Chrouist.

Er mod oai guharal rein ur Pærén hac ur Værén d'er ré e yai de vout confirmet : mæs quement-cé n'en dai quet mui requis.

ARTICL III.

Ag er Sacremand ag en Autær.

En Sacremand ag en Autære zou ur merche sansibl instituet dré Jesus-Chrouist, é péhani é ma én effæd hac é gurionné Corv, Goaid, Inean ha Divinité hur Salvér idan en aparanceu ag er bara hac er gùin.

Hanhuet-é Sacremand ag en Autær, rac m'en dai ar en Autær é ma offret ha consacret. Hanhuet-é er Sacremant santel dré excellance, rac ma hum gav én-ou én effæd hac é gurionné Jesus-Chrouist, péhani zou er vamèn ag en ol santeleah. Hanhuet-é en Daul santel, rac m'en dai ur banquêt spirituel,



de béhani é couvi Jesus-Chrouist en ol Fidelet eit ou maguein guet é Gorv ha guet é Oaid propr. Hanhuet-é en Hosti santel, rac ma comprèn Jesus-Chrouist, péhani zou en Hosti sacrifiet aveid omb. Hanhuet-é er Gommunion, a gaus d'en union e laq itré-omb ha Jesus-Chrouist. Anfin hanhuet-é Bara en Ælet, rac ma comprèn é gurionné Jesus-Chrouist, péhani zou bara en Ælet disquennet ag en Nean.

Er Sacremand ag en Autær e zou ur merche sansibl: rac penaus-benac, arlerh er guirieu ag er Gonsecration, ne chom mui ar en Autær na bara gùin, chom e ra neoah en aparanceu a nehai. Dré en aparanceu ag er bara hac er gùin, me antand er péh e gouéh idan er squêndeu, èl mei el lihue er figur hac er oust Er memb lihue, er memb figur hac er memb goust en doai er bara hae er gùin quend er Gonsecration, m'ou hav hoah goudé : mæs me ouair sur n'en dai quet bara na gùin e uélan; rac dre er guirieu ag er Gonsecration er sustance ag er bara e vai changet ér sustance a Gorv hur Salvér, hac er sustance ag er gùin ér sustance ag é Oaid, hac er changemant-cé e hum hroa dré er vertu ol-buissant a gonzeu Jesus-Chrouist, e brononce er Belêg é Hanhue hur Salvér. Er changemant-cé e zou hanhuet transubstantiation. de laret-é, changemand ag ur sustance én ur sus-¿ ance aral. Cavouet e rer er scritur exampleu a changemanteu haval; èl mei er changemand a voès Loth én ur yoh halen; a uialen Aaron en ur serpand; a zeur é guin én Æredeu é Cana. En hani en dès groeit en ol changemanteu-zé, en dès ehué eèllet changein er bara én é Gorv, hac en dès ean changet en essæd, rac en des el laret ha n'eell uuet hun trompein.

Instituet-è dre hur Salver Jesus-Chrouist en noz quend é Bassion, arlerh en dehuehan coen e ras guet é Apostolet. Chetui penaus é tevîz en Aviélerion ha S. Paul en histoër ag é institution : Jesus, arlerh en dout coéniet quet é Apostolet, e sàuas a-zoh taul eit golhein ou zreid, Arlerh ean e hum laguas arre don taul, ha durant ma hoent é taibrein, ean e guemeras bara, e drugairicas Doué, e véniqueas er bara, en torras a dameu, hac er rannas ître é Zisciplet, en ul laret : quemeret ha daibret : en dramen e zou me Horv pehani e vou laqueit d'er marhue eid-oh. Grocit quement-men quet chonge a hanan. Nezé ean e queméras ehué er Halice; de laret-é, er goupèn guet péhani é hiyai; ha goudé en dout trugairicait Doue, ean er beniqueas hac er ras tehai. en ul laret: ivet ol ag en dra-men; rac hennen e zou men Goaid, ér Goaid ag en aliance nehue, péhani e vou scuillet eid-oh hac eit heilleih e remission ag er péhedeu : groeit quement-men quet chonge a hanan.

N'en dai un dra estrange ma hès hum gavet a oudé tud disquentt assès eit laret penaus Jesus-Chrouist ne ras d'é Zisciplet nameid er figur ag é Gorv, ha penaus er-ré e gommuni, ne receuant meid er figur a Gorv hur Salvér? Pe vehai gùir quemènt-cé, penaus en en devezai Jesus-Chrouist eèlet laret d'é Apostolet é rai dehai er memb Corv e yai de vout laqueit d'er marhue, hac er memb Goaid e yai de vout scuillet é remission ag er péhedeu? Mæs, e lar en Héritiquet, penaus Jesus-Chrouist goudé m'en dai montet de lein en Nean, é heèll ean boud ér Sacremand ag en Autær? Er Fé ne lar quet demb sontéal penaus é heèll bout quemènt-cé: mæs hi e lar demb credein ferm é ma Jesus-Chrouist ér Sacremant guet er memb Corv en doai guharal ar en doar, e zou bet conceuet itré

digosté er Uéries glorius Vari, e zou bet grucifiet hac e zou montet d'en Nean. Ne glasquamb quet comprênein penaus é heèll bout quemènt-cé; ur Mistèr é: ni e zeli credein; Jesus-Chrouist en dès ean revelet: petra e oulennamb-ni davantage?

Ne hum arrestamb quet d'examinein a béh sort bara en hum chervigeas hur Salver eid instituein er Sacremand ag en Autær. Assès vou demb goud penaus n'en dai quet permettet én Ilis Latin consacrein nameit guet bara hemb bihouil, penaus-benac én Ilis

Greg ma hum cherviger a vara guet bihouil.

En Apostolet ne zelient quet bout souhet ag ur Mister quer bras; rac hur Salver en doai int disposet a ziabeell; dré er promess en doai groeit de rein dehai é Gorv de zaibrein hac é Oaid d'ivet. Guir-é é hoai bet abandonnet ér circonstance-zé guet ur rébenac ag é Zisciplet, peré haval doh en Héritiquet ag en amzér-men, e hum scandalisas é cleuet é gonzeu, rac ma chongènt en en devezai reit é Gorv de zaibrein a béhieu, èl er hiq e bernér ér voccreah. Mæs en Apostolet e gredas er péh e larai dehai, penausbenac ne gomprénènt quet penaus é vezai bet quement-cé; hac er Grechénion fidel e ra er memb tra.

N'en dai quet hemb quin én un Hosti é hunan en hum gav Jesus-Chrouist ér mod-cé: mæs én ol Hostieu e gousacr er Belég, ha memb én ol partieu a bep Hosti, laqueit int quen distér èl ma carehait. Rac-cé a pe dorr er Belég en Hosti, Corv hur Salvér n'en dai quet torret eit quemènt-cé: mæs er memb Corv e hum gav quen antiér é peb parti e eèll bout spurmantet ag en Hosti, èl ma hoai én Hosti quent bout torret, hac en distérran parti e gomprén quemènd èl en Hosti antiér, dré ma comprén Corv, Goaid, Inean ha Divinité Jesus-Chrouist.

Ne faut quet chongeal n'en dès meit Corv Jesus-Chrouist hemb quin idan en aparance ag er bara, hac é Oaid hemb quin idan en aparance ag er gùin; rac èl m'en dai bibue hur Salvér, n'eèll quet boud é Gorv hemb é Oaid, nac é Oaid hemb é Gorv. Rac-cé ne vern idan pé aparance é communiér, receu e rer Corv, Goaid, Înean ha Divinite Jesus-Chrouist : hac èl-cé er-ré e receu idan en aparance ag er bara hemp quin, e receu quemend el er Belêg, péhani e gommuni idan en aparanceu ag er bara hac er gùin. Permettet oai guharal d'er Fidelet communicin idan en aparanceu ag er hara hac er gùin: mæs a oudé er Honcil a Gonstance, en Ilis en dès dihuènnet quement-cé a gaus de certæn Héritiquet, péré e gavai occasion dré-zé de laret penaus er-ré ne gommuniènt nameid idan un aparance hemp quin ne receuent quet Jesus-Chrouist én antiér. Bermen n'en dai permettet communiein idan en eu aparance nameit d'er Velean hemb quin a pe larant ou Overèn, ha de var-a-unan aral é certæn circonstanceu, el mei d'er Rouanné a France en dé ma vent sacret, d'en Diacr ha d'er Soudiacr péré e assist hun Tad Santel er Pab, a pe lar en Overen....

Ne laran quet hemb quin é teliamb adorein hur Salvér ér Sacremand ag en Autær: mæs me lar é vehai péhet bras é vanquein a er gobér. Rac Jesus-Chrouist e veritt boud adoret partout él léh me ma; hac èl mei én effæd hac é gurionné ér Sacremantcé, ean e veritt boud adoret. Ne laran quet adorein er Sacremant: rac n'en dai quet er sign sansible adorér, mæs Jesus-Chrouist cuhet ér Sacremant. A pe oai Jesus-Chrouist ar en doar, ne oai quet é zillad e adorait, mæs Mab-Doué en eil Person ag en Drindèd, péhani ou douguai. Rac-cé er fæçonieu-

men de gonz, er Sacremand adorabl; adorein er Sacremant; adorationag er Sacremant, etc., ne senéfiant nameid, è ma adorabl Jesus-Chrouist èr Sacremant; adorein Jesus-Chrouist èr Sacremant; adoration a Jesus-Chrouist èr Sacremant, etc. Elcè en en dès conzet er Honcil a Trante, péhani e escommuni pihue-benac e larehai ne zelièr quet adorein Jesus-Chrouist èr Sacremand ag en Autær.

En usage de gonservein er Sacremand én Ilisieu, e zou pratiquet a oudé en Apostolet, eit ma vou cavet prestoh de gass d'er-ré clan a pe vai dobér, hac eit m'en dou er Fidelet er gonsolation de monet d'en adorein. En exposein e rér ar en Autær de certæn déieu, eit couvi én un fæçon spécial er Grechénion de hum joentein guet en Æled eit en adorein. Er gobér e rér guhavé a gaus d'un dobér public benac, eit presantein de Zoué er merche caërran ag é garanté én hur hevir, a-cel-fin en ur seèllet doh é Vab uniq, ma seèllou ehué dohemb guet truhé, ha ma rei demb misericord. En doug e rér guhavé é Prehecion, eit reparein dré ur manniél triomfl e rér dehou, direspèt er fal Grechénion, hac eit ma taulou é vénidiction partout él léh ma tremén.

Jesus-Chrouist en des instituet er Sacremand ag en Autær: 1° Eit rein demd er merche preciussan ag é garanté én hur hevir. 2° Eit hout magadur spirituel hun ineanneu, hac eit rein demb peb sort græceu.

1° Jesus ér Sacremand ag en Autær e ra demb er merche preciussan ag é garante én hur hevir : durand ma hoait é complodein el laquad d'er marhue, Jesus ne seèllai meit doh é garanté. Ag un tu ean e uél é ma ret tehou merhuel eit hun tènnein a sclavage er péhet ha meritein demb er vuhé éternel, ean e hum ábandon d'er marhue. Mæs eit cavouét en tu de chom attau guenemb eit bout hur honsolation ha magadur spirituel durand er perhindæd anquinus ag er vuhé-men, é garanté en doug d'instituein er Sacremand ag en Autær. Quel liès guéh ma rehait quement-men, e lar ean, hui er groei quet chonge a hanan.

2º Jesus er Sacremand ag en Autær e zou magadur spirituel hun ineanneu. Me zou, é-m'ean, er bara a vuhé.... rac me Horv e zou é gurionné ur magadur, ha men Goaid e zou é gurionné ur breuvage; en hani e receu me Horv hac e ive men Goaid, e chomén-an ha me chom én-ou.... Hennen e zou er bara disquênnet ag en Nean; en hani en daibrou e

vihuou éternellemant.

3º Anfin Jesus e zou ér Sacremand ag en Autær eit rein demb peb sort græceu. 1º Dré-zé ean e gav en tu d'ober guenemb un union quer sterd, ma chom én-amb, ha ma chomamb én-ou, ha ma heèllamb laret quet S. Paul, n'en dai quet mui ni e vihue, mæs Jesus-Chrouist e vihue én-amb. 2º Er Sacremand ag en Autær e joent ansambl er · Fidelet én ur fæçon n'ou dès ol meid ur galon hac un inean, dre en union e zou d'ai ol ha Jesus-Chrouist. 3º Ean e gonserv caranté Doué én hur halon, hac e gresq er vuhé a hræce hun nès receuet er Vadiend hac er Sacramanteu aral, dre ma comprèn er vamèn ag en ol græceu hac a santeleah, ha ma rantt hun inean santelloh ha preciussoh dirac Doué, eit ne ra er Sacremanteu aral. 4º Ean e oanna hac e ziminu en inclination hun nés d'en droug, hac en hærr a hur goal daicheu, hac e ra demb en nærh nécessær eid avance é parfætion :

rac-cé er-ré ne brezant quet hum chervige ag ur remæd quen excellant, e gousantt liès d'en tantationeu, hac e gouéh ér péhet ag er guettan guéh ma vènt attaquet. 5° Ean e zou aveid omb un arrès ag er Resurrection glorius hac ag er Vuhé éternel, en dès Doué grateit temb, mar miramb é Ourhæmeneu ha mar bemb fidel dehou. En hani e receu me Horv hac e ive men Goaid, é-mé Jesus-Chrouist, hennéh en dès er vuhé éternel, ha m'er resuscitou en dé dehuehan ag er béd.

De remerquein hun nès neoah penaus ol er-ré e receu er Sacremant-cé é stad vad, ne receuant quet queménd a hræceu en eil èl éguilé, rac peb-unan ne receu meit revé en dispositioneu a duemzér hac a garanté en dès doh Doué, péhani e hum ra dehou dré garanté; hac er-ré er receu guet dispositioneu péré n'en dint na tuem na yein, e vanq d'er respèt e zou déliet d'er Sacremant-cé, hac ou Hommunioneu ou hondui a nebedigueu d'ur Gommunion sa-

crilege.

Gober ur Gommunion sacrilege e zou receu er Sacremant hemb en dispositioneu e oulen hur Salvér, par exampl, er receu ér stad a béhet marvel. Er-ré e gommuni ér stad-cé, e receu, gùir-é, Corv, Goaid, lnean ha Divinité Jésus-Chrouist quer clous èl er-ré e gommuni é stad vat : mæs ar ou malheur en er receuant; rac S. Paul e lar penaus en hani e gommuni indignemant e zaibr hac e ive è Jugemant. Terriplæd ur santance! Quemènt-cé e ra demb d'antand é ma diæz bras reparein ur Gommunion fal hroeit. Ur Hrechén e gommuni é goal stad, e gommet un torfæt brassoh eit hani Judas, péhani e uerhas hur Salvér; eit hani Herod ha Pilat péré er receuas eit gobér goab a nehou,

hac eit hani er Juivet péré er staguas doh er Groès. Dré ur Gommunion él-cé é tér de vout cablus ha rescondabl a Gorv hac a Oaid hur Salvér.

N'en dès quet a fin d'en drougueu e stleige ar hé lerh ur fal Gommunion. Er-ré principal e zou en abandon guet Doué, en dalledigueah a speret, en obstination a galon, un imur chiffus, en ahurtemant ér péhet, er resistance doh er urionné, er Jugemant terriplan hac en dannation éternel. N'en dès nitra e arfieu davantage colér en Eutru-Doué, eid er profanation sacrilege a Gorv hac à Oaid precius Jesus-Chrouist; ha S. Paul e lar é puniss hès er fal Gommunioneu dré glinhuedeu corporel, ha dré er marhue subit.

Ag en dispositioneu requis eit communiein erhad.

Deu sort dispositioneu e zou requis eit communiein erhad, bout-cou re eid er horv, ha ré-ral eid en inean.

A fæd dispositioneu er horv, bout-çou dihue principal: 1° Réd-é boud ar yun a oudé creis-noz, meit hac ean e vehér én dangér a varhue; de laret é ne faut quet en dout daibret nac ivet nitra a oudé creis-noz. 2° Réd-é tostad d'en Daul Vasq guet respèt ha modesti.

A fæd dispositioneu en inean, bout-çou ehué dihue principal: 1° Er burtæd a gousciance, hemb péhani er Gommunion e zou sacrilege; 2° En devotion a galon, hemb péhani er Gommunion n'en dai na tuem na yein.

1º Réd-é tostad guet purtæd a gousciance, hemb péhani er Gommunion e zou sacrilege; de laret-é,

réd-é en dout conservet er santeleah ag er Vadiènd, pé en dout hé reparet dré ur gùir bénigèn, pé mar caret, èl ma lar er Hatechén; réd-é bout pur ha næt a bep sort péhet marvel, de laret-é, boud ér stad a hræce Doué. Rac-cé en-n'emb e hum santt cablus ha ne vehai meid ag ur péhet marvel hemb quin, e zeli dihoal a monet de gommuniein hemb gobér ér raug ur Govezion guet en ol conditioneu requis. Bout bet é covessad n'en dai quet attau ur merche assuret ag er burtæd a gousciance. Ul lod vad e chonge guet-t'ai bout pur ha næt a behet rac ma vent bet e covessad, hac e vai neoah perpet criminel dirac Doué. Èl-cé é rér hilleih a sacrilegeu. Eit ne vehait quet trompet ér mod-cé, choæget er Hovezour abillan e eèllehait cavouét, ha treménet dré ol ér péh e gonseillou deoh. Désquet ehué guet sourci ol er péh zou requis eit gobér ur Govezion vat, ha pratiquet int poent-oh-poent guet er brassan sourci.

2º En devotion a galon, hemb péhani er Gommunion n'en dai na tuem na yein, e gonsist é antréein é santimanteu ag ur Fé bihue, un Esperance ferm, ur Garanté berhuidant, un humilité parfæt, nn obligation vras de Zoué, hac un dezir santel de gum joentein doh Jesus-Chrouist.

Réd-é tostad guet ur Fé len a respet hac a gonfiance, rac ma houyamb é hamb de receu Jesus-Chrouist hur Roué, hur Juge, hun Ami, hur Brær, hun Avocad, hur Medicinour spirituel, hur Salvér, hun Doué.... Caërræd un action!

Réd-é tostad quet ur galon ambraset guet en tan a garanté Doué, rac ma hamb de receu er Sacremand a garanté. Jésus-Chrouist e hum ra demb dré garanté: rein dehou caranté eit caranté, n'en dai quet rai. ' Réd-é tostad guet un humilité parfæt, én ur chongeal pihue omb-ni, pihue-é en hani e yamb de receu. Pihue omb-ni? Ur yoh doar, peudr ha ludu; un afin a visèr, a beuranté hac a fallanté..... Pihue-é en hani e yamb de receu? Crouéour en Nean hac en doar, er Mæstr general drès ol quemènt tra zou... Ræzon hun nès enta de laret ne veritamb quet er receu, meit hac ean memb e breparehai hur haloneu eit quemènt-cé: rac ne faut meid ur guir ag è berh eit gùellad d'hun inean.

Réd-é tostad guet un obligation vras de Zoué; rac opèn er vad en dès groeit temb hac e ra hoah hemb cèss, ean e ra ur Miracl pamdièq, hac e guh ol er splandér ag é hloër, ol er vrastæd ag é buissance ha majesté idan en aparance ag er bara, eit donnet de guemér position a hur halon ha de gonfortein hun

inean, etc.

Anfin réd-é tostad guet un hirreah santel de hum joentein doh Jesus-Chrouist; rac a pe ra demb en inour de zisquèn beed-omb, damb ehué èn arbèn dehou guet ur grèd caranteus. Mar santamb en dobér hun nès ag é secour, hun ineau ne zeli quet cessein a laret tehou: Deit, me Jesus, ne tardet quet, me hou suppli. (Hui e gavou en Acteu el Livr Pedènneu.)

Mar tostet guet en dispositioneu-zé, n'hou pou quet de zougein a obér Communioneu péré n'en dint na tuem na yein, ha péré zou quen dangerus. N'hou pou quet chonge a gommuniein, èl ma raul lod vat, eit bout seèllet, eit boud istimet guet en dud. É contrel, hou studi principal e vou communiein, èl mei recommandet, guet en intantion a inourein Doué, a hum joentein doh Jesus-Chrouist, hac a obtenein guet-t'ou græceu eid oh hac eid er-

ré-ral. Manq a obér attantion ar er poend-cé, en darn muyan e gommuni rac m'en dai er mod, dré acustumance, eit bout seèllet hemb chongeal petra e rant, nac eit petra é communiant.

Souhet ver bermen a pe gleuer laret penaus er guettan Crechenion e gommuniai bamde a pe gavent en tu: mæs n'en des quet leh de vout souhet mar considerer er burtæt hac er santeleah ag er vuhe e gonduient. En Ilis e zezir hoah bermen ma hum laquehai ol he bugale er stad, dre ur vuhe santel hac a scuir vat, de gommuniein lies. Mæs, allas! quer bras-e erhorrompl en hur mesq, ma hes mui a ræzon de laret d'en darn-muyan gober penigen ag er Hommunioneu ou des groeit, eit de gonseillein dehai communiein lies.

Eit communiein liès, réd-é bout pur hac exant a bep sort péhet marvel, a bep sort inclination d'er péhet marvel, ha memb d'er péhet veniel, hac en doud un hirreahsantel hac urgrèd berhuid aut de hum joentein doh Jesus-Chrouist. En doud inclination d'er péhet veniel, e zou bout teichet d'ur péhet veniel hemb en dout quæ a nehou a p'er hommettér, ha hemb gobér cas a hum gorrigein. Un disposition quen digas é quevir en Eutru-Doué e zou caus ma rér Communioneu péré n'en dint na tuem na yein, ha péré e gondui a nebedigueu d'er Gommunion sacrilege.

A fæd er-re e bass ul lod vad ag ou buhé én divertissemanteu, en arouaredigueah, é hoari, ér hompagnoneaheu; én ur guir, en dud péré e héli modeu ha custumeu er béd, ne zeliant jamæs communiein, ma ne brezant laquad poén de changein a vuhé. Mæs er-re e hum boéni a zevri de dorrein en taiche malheurus ou dès d'er péhet veniel ha péré neoah deusto d'ou resolutioneu mat, e gouéh liès dré fragilité ér memb fauteu, er-ré-zé e gav ur remæd souveræn ér Gommunion, hac e zeli communiein liès, mar ou juge ou Hovezour disposet a hènd-aral d'er gobér. (Leinet er Chapistr XX, Parti

II ag er Vuhé devod.)

En llis ne gommand d'hé bugale communicin meid ur uéh ér blæ. Mæs peb-unan e santt assès n'en dai quet er hoalh quement-cé eit rescond d'en intantion en dès bet Jesus-Chrouist é instituein er Sacremand ag en Autær. Ur horv hemb é vihuance ne zalh quet peèl én é sàu; hac un inean hemb hé magadur spirituel ne ouhai quet resistein peèl doh hé anemiset. Rac-cé er-ré ne hum boéniant quet eit communiein liessoh eit ne ordrén en Ilis, e eèll laret guet David: Me inean e zou fatiquet ha dissehet, rac ma mès ancoeheit a zaibrein mem bara. Jesus-Chrouist e venace en dud paressus-cé ag er marhue spirituel, a pe lar: É gurionné, ma ne receuet me horv... n'hou pou quet er vuhé spirituel én-ah.

Guharal é rait er Gommunion d'er vugalé memb péré n'ou doai quet en oaid a ræzon. Mæs bermen é hortér eit rein dehai ou hettan Communion, beèd quen e vènt èr stad de hum examinein, ha de zifforh Corv Jesus-Chrouist doh er bara ordinær. Eit quement ce en Ilis e recommand d'en tadeu ha mameu désquein é cource ou bugalé de vihuein santelemant, ou degass d'er Hatechén, hac ou instrugein d'obér ur Govezion vat. Ul lod vad e nehance ur Person eit laquad ou bugalé d'obér ou hettan Communion é sigur ma vènt bras, ha ma vènt oaidet : mæs ne rant quet paud a gas hac ind e vai ér stad d'hé gobér pé ne vènt quet. D'er Hovezour-é de jugein

Digitized by Google

quement-ce. En darn-muyan ne rant ou hettan Communion nameit rai abrèd: rac, haval vehai e seeller er Hatechen avel un hoariel necessær: hac ur ueh ma ver sortiet a nehou, é hancoeher er peh e vai bet désquet, èl pe eelleher bout salvet hemb goud en Doctrin a Grecheneah, ha ne laquer quet mui a boen d'er pratiquein, eit pe ne vehai meid ur ceremoni inutil. A-va-zé é ta el libertinage hac en desordreu e uélér bamdé ér Grecheneah.

Er guettan Communion e zou ur vamèn a vonheur a pe vai groeit mat, hac ur vamèn a valheur a pe vai fal hroeit. Eit he gober erhad, red-e goud en Doctrin a Grechéneah, hac en doud en ol dispositioneu hun nès merchet eit gober ur Gommunion vat. Red-é drès peb tra pé en dout conservet en innocance ag er Vadiènd, pé en dout hé reparet dré ur guir bénigen, ha dré ur Govezion groeit guet er honditioneu requis ha necessær. Eit conservein er græce ag ou hettan Communion, er vugalé e zeli quemér scùir ar hur Salvér en amzér ma hoai croaidur; de laret-é, hum aquittein erhad ag on deværieu a Grechéneah, aboeissein a balamor de Zoué d'er-ré e gommand ar nehai, ha cresquein bamdé é santeleah hac e parfætion dirac Doué ha dirac en dud. De zihoal ou des doh en arouaredigueah, dob er fal gompagnoneaheu, dob en hantiss rai hardeh, doh modeu ha custumeu er bed, ha doh peb sort occasioneu aral d'offancein Doué, ha quentéh èl ma hum santant cablus ag ur péhet benac, ind e zeli quemér er resolution de govessad prestan ma heèlleint, ha gobér é-tretant ur bénigèn jaugeabl, péhani e rei dehai bout guel ar ou goard én amzér de zonnet. Bugalé, groeit-èl-cé, ha n'hou pou quet quæ. (A zivoud en excellance ag er Sacremand ag en Autær, er breparation ha dispositioneu requis eid er receu, er fæçon de gommuniein, hac er Gommunion spirituel, leinet er buarvet Livra Imitation Jesus-Chrouist; er Chapistreu XX. ha XXI, Parti II ag er Vuhé devod, hac er Chapistreu LII, LIII, LIV ha LV ag er Hombat spirituel. Me lausq beed er Chapistr ag er Beden de gonz ag er Sacrifice ag en Overèn.

ARTICL IV.

Ag er Sacremand a Bénigèn.

En Benigèn e cell bout consideret pé èl Vertu, pé èl Sacremant.

Er vertu a Benigèn e zou ur hæ en doud offancet Doue hac ur haz doh er pehedeu commettet, guet ur resolution ferm n'ou hommet teher mui, ha de hum gastiein a nehai.

Er Sacremand a Bénigen e zou ur merche sansibl en dès instituet Jesus-Chrouist, dre béhani en hun nès remission ag er péhedeu hun nès commettet

goudé er Vadiènd.

Bout-çou en differance-men itré er Sacremand a Bénigèn hac er Vertu a Bénigèn : er Sacremant-cé n'en dai nécessær nameid a oudé Jesus-Chrouist, hac er vertu a bénigèn e zou bet necessær a ol viscoah eit bout pardonnet guet Doué. Rac a ol viscoah Doué n'en dès pardonnet ou féhedeu nameit d'er-ré en dès groeit pénigèn a nehai, de laret-é, en dès bet quæ ha caz ou doud offancet Doué, hac en dès queméret ur resolution sincèr n'en offanceint mui, ha de hum gastiein ag er péhedeu ou dès commettet.

Quentéh èl ma hum santamb cablus a béhet, ne zeliamb quet gortoz beèd en trenoz eit gobér pénigèn: rac er-ré e zeræn eit hum gonvertissein beèd un oaid avancet pé beèd un amzér n'eèlleint mui péhein, er-ré-zé e hum laq ér riscl ne hum gonvertisseint jamæs sinceremant, ha de zougein ou dès n'arrihuehai guet-t'ai èl guet Antiochus, péhani e oulènnai misericord, hemb ne brezas Doué er cheleuet. Rac liès mat Doue e ra goab én articl ag er marhue ag ur pehour, pehani en devai groeit goab a nehou durand é vuhé. Goud e ramb é ma misericordius en Eutru-Doué, hac é heèll accordein d'ur pehour ur græce haval doh en hani e ras d'el Lair mad ar er Groès. Mæs ne zelier quet hum fiein ar ur Miracl èl hennéh : er gùellan-è hum gonvertissein é cource, eit ne vehér quet somprenet.

Er Sacremand a Bénigèn e zou ur merche sansibl; rac consistein e ra ér Gontrition, ér Govezion hac ér Satisfaction a berh er Pénitand, hac én Absolvèn a berh er Belég; de laret-é, réd-é d'er-ré en dès péhet a oudé ou Badiènd, 1° ou dout quæ ag ou féhedeu; 2° ou hovessad d'ur Belég aprouvet; 3° quemér er resolution d'oběr satisfaction a nehai; 4° ha receu en absolvèn guet er Belég de béhani en

ou devou'int disclæriet.

Jesus-Chrouist en dès instituet er Sacremant cé a p'en dès reit d'é Apostolet en alhuyeu ag er Baraouis, hac er bouvoër de bardonnein er péhedeu. Receuet, é-m'ean dehai ha d'en dud a Ilis, receuet er Speret-Santel; pardonnet vou ou féhedeu d'erré m'hou pou int pardonnet tehai... Rac-cé er Sacremand a Bénigèn e zou absolumant necessær eid effacein er péhedeu marvel commettet goudé er Vadiènd. Guir-é, a pe ne gaver quet en tu d'er

receu, é heèllant boud effacet dré un Act a Garanté pé a Gontrition parfæt guet en dezir sincèr de govessad quentéh èl ma cavehér en occasion: mæs gùir-é perpet é ma dré vertu er Sacremand a Bénigèn é vènt ehué pardonnet ér circonstance-zé.

A fæd er péhedeu e ouyer sur n'en dint meit veniel, penaus-benac m'en dai un dra forh profittabl d'er Bénitandet ou hovessad, quement-cé n'en dai quet neoah necessær; rac eèllein e rant boud effacet dré er gontrition a galon ha dré en œvreu

mat, èl mei er Bedèn, eryun hac en alèzon.

En institution ag er Sacremand a Bénigèn é splann muyan madeleah ha misericord hur Salvér é quevir er beherion. Arlerh m'en des hur golhet er Vadiènd, hac hun delivret a-zan berh en diaul, ean e cellai laret temb: « Groeit e mes eid oh mui « eit ne veriteoh, m'hou lausg bermen ar bouïs « hou tivréh: labouret mar caret de gonservein er « græceu e mès reit teoh, rac mar ou hollet, n'em « bou mui truhé er bet dohoh. » Mæs ean e uélai é homb goann ha fragil; rac-cé ean en dès instituet er Sacremand a Bénigen eit rein demb en tu de vout pardonuet, mar caramb, a hun péhedeu, ne vern péh quen enorm ha quen nombrus é heèlle-hent bout. Mæs guet eun, é léh bout pardonnet, ne rehemb ur sacrilege, ni e zeli hum breparein guet er brassan sourci de receu er Sacremand a Bénigèn.

Pemb tra zou necessær eit gobér ur Govezion vat : 1° en Examèn a gousciance; 2° ur gùir Gontrition; 3° ur Ferm propos; 4° ur Govezion vat; 5° un dezir sincèr d'obér Satisfaction de Zoué ha d'en

Nessan.

Ag en Examèn a g ousciance.

En Examèn a gousciance e zou un inclasq perhuéh e ra un dén ag é ol péhédeu. Bout-çou deu sort ; unan e zelier gober de noz, ar er pehedeu ag en déuéh; hac en aral a pe hum breparér de govessad, ar er péhedeu commettet a oudé en dehuéhan Covezion d'er bihannan. En Examèn a gousciance quend er Govezion e zou necessær, idan boen a ober ur sacrilege: rac pibue-benac e ancoehai a zisclæriein ur péhet marvel hemb quin faute a en doud examinet erhad e gousciance, ne receuehai quet er pardon ag é béhedeu, hac e vehai obliget de gommance èl a bèn, ha d'obér pénigèn ag er sacrilege en dehai groeit. Er-ré e bratiq bam-noz en Examèn e zeliér gobér ar er fauteu ag en déuéh. ne vai quet diæz dehai gober un Examen perhueh a pe hum breparant de govessad. Mæs anfin penaus gobér en Examèn-zé?

Quent commance, hum dennet en ul leh benac a coste, hum laquoit ar hou teulein, ha hum humiliet e presance Doue eit goulen a greis hou calon assistance er Speret-Santel, eit ma hanauehait en nombr, er vrastæt hac en infamité a hou pehedeu. Hum adresset doh hur Salver guet fe ha confiance en ul laret guet en Dall ag en Aviel: Jesus...: hou peet truhé doheign.... groeit ma huélein. Scoeit ar hou ealon èl er Publiquein, en ul laret èl d'ou: Men Doué, hou peet truhé doheign péhour ma hon. N'en dai quet question a laret calz a gonzeu. Er Béhourès ag en Aviel ne zeuhantéras quet ur guir durant ma hoai stouyet ital treid hur Salver, durand m'ou golhai guet en dar a hé deulagad, ha m'ou séhai guet hé bleau: ha neoah Jesus-Chrouist

e laras, é hoai pardonnet tehi hi hilleih a béhedeu, rac ma hoai bras hé haranté. Doué e oulén ur galon trezet guet anquin hac humiliet, ha non pas conzeu

caër e larér a vêg hac e zislarér ér galon.

Commancet hum examinein ar Ourhæmeneu Doué, ar re en Ilis, ar er seih pehet Capital, hac ar en obligationeu e hoes reve hou stad. (El Livr Pedenneu e eellou hou secour un tamiq.) Un taulseel ar en differant circonstanceu a hou puhe, hou secourou bras d'hou pout chonge a hou pehedeu: par exampl; el lehieu ma hoh bet, en dud e hoes hantet, en affærieu e hoes bet.... Groeit dres peb tra attantion vras ar hou fal daicheu ha goal acustumanceu, ha remerquet peet gueh en ou des ar re hou taulet er pehet.

Ne chonget quet, èl ma ra ul lod vad, é ma assés hum examinein ar er péhedeu a action; de laret-é, ar er péh e hoès groeit hemb quin: réd-é hoah hum examinein ar er chongeu a speret ha dezirieu a galòn; rac quent pé goudé ma hoès groeit ur péhet a action, hui e hoès marcé commettet mui eit cant péhet a chonge hac a zezir. Liessoh é péhér dré chonge, ha guhavé dré zezir, eit ne rèr dre action. Er chonge hemb action e eèll bout péhet, él m hun nès remerquet en Articl ag er Baillardiah. El-cé er-ré ne brezant quet hum examinein ar ou chongeu ha dezirieu, forh liès ne govessant quet en derderan ag ou féhedeu.

Rac-cé: Seèllet a dost ha hui e hoès péhet: 1°. Dré chongeu fal, pé doh hum arrest én-ai esprès, pé dré lézidantæt é peèllad doh-t'ai goudé ma hoès int remerquet. 2° Dré zezir, pé fal volanté. 3° Dré fal gonzeu laret pé cheleuet. 4° Dré fal obéreu. 5° Dré omission, én ur vanquein d'hou teværieu. 6° Mar doh bet caus d'er-ré-ral de béhein: 1° Pé rac m'hou pehai ordrénet fal obér. 2° Pé rac m'hou pehai reit fal gonseill. 3° Pé rac m'hou pehai secouret gobér droug. 4° .Pé rac m'hou pehai mélet er-ré e rai fal ha reit courage dehai d'obér hoah. 5° Pé rac n'hou péhai quet miret doh er-ré zou én hou carg a fal obér. 6° Pé rac m'hou pehai cuhet pé soultret er-ré-ral de fal obér. 7° Pé rac m'hou pehai dré hou fal exampl pé solitt douguet er-ré-ral d'er péhet. Ar guemènt-cé ol é ma ret hum examinein perhuéh.

Clasquet ehué en nombr a hou péhedeu: hac èl ma hoh obliget de zisclæriein sclærran ha justan ma heèllehait en nombr, en natur hac er circonstanceu différant a nehai, chetui penaus é rinquet hum examinein. Laqueit hou péhedeu é tri rang ér fæçonmen, drès peb tra mar fal deoh gobér ur Govezion

general, pé ur revu a hou puhé treménet.

1º Er péhedeu, ne hoès quet groeit liès. Par

exampl, hui zou sur ne hoès groeit ha

meit tair guch, laret just tair guch, ha non pas mui na bihannoh; hac èl-cé ag er-ré-ral. 2º. Laqueit neze er péhedeu e hoès commettet liessoh. mæs de béré n'en doh quet bet neoah acustumet bras, ha clasquet arré en nombr a nehai justan ma heèllehait; èl pe lareheoh: me mès groeit er pehetcé ardro pė рė credet dirac Doué en e hoès ean groeit. Ut lod vad e grèd é ma gùel laret mui eit bihan: mæs n'en dai quet permettet laret mui na bihannoh é Covezion : er just el ma creder dirac Doué e zelier laret, ha jamæs doh en ahau hac én avantur. 3° Anfin laqueit er péhedeu de béré é hoh bet acustumet: seèllet peguehæd-çou é hoh taichet dehai, ha nezé

peèd guéh ér blæ, pé ér mis, pé ér suhun, pé én dé é coueheoh én-ai, etc. Él-cé hui e gavou pe-dost en nombr. Ne oulennér quin gueneoh meit ma larehait just èl ma credet en e hoès int groeit, goudé ma houès hum examinet mat.

Eit cavouét hoah justoh en nombr a hou péhedeu, groeit attantion é hès guhavé istroh eid ur péhet comprênet én un action hé hunan. Laret er memb tra ag er fal chongeu, ag er fal zezirieu, ag er goal gonzeu, etc. Par exampl; en-n'emb e hum arrestehai d'ur fal chonge guet tri a dud én un taul, e gommettehai tri péhet : en-n'emb e zezirehai droug, pé er marhue de buar a dud én un taul, e gommettehai puar péhet. En-n'emb e scandalisehai, pé e lahehai pé e lairehai huéh a dud én un taul, e gommettehai huéh péhet. En-n'emb e oal gonzehai en un taul ag ur famill composet a zeuzec a dud, e gommettehai deuzec péhet, etc. Remerquet hoah é commetter quel liès a béhet el a uéh ma hum arrestér de chongeal guet un dra dihuènnet, pe de zezirein, pe de seèllet un dra dihuènnet, ha ma changer a volanté goudé en dont cousantet d'er pehet. Par exampl, en-n'emb e hum arrestehai huèh guéh é corv un ær guet ur fal chonge, pé ur fal zezir... hac e changehai a volanté itré peb gùéh, pé e laquehai é chonge guet un dra aral, pé memb e hum daulehai de gousquet, mæs e hum abandonnehai arré d'un tamiq goude guet é guettan fal chonge, pé fal zezir.... bet-ha huéh gùéh, e gommettehai huéh péhet. Rac bout-cou peb guéh assès a vat volanté eit gober ur péhet, hac assès a arsau itré peb action eit ma beelleher laret hemb riscl a fari, penaus unan n'en dai quet en aral.

Guhavé neoah ur stæd actioneu ne formant meid

ur péhet, a pe vent ol conduiet guet ur memb intantion d'ur fin benac exterior. Par exampl, un dén en dès volanté de laireah, e roull én é bèn er moyandeu e fal dehou impléein eit quement-cé, e brepar er péh çou requis tehou, e chonge guet plijadur éntaul en dès d'obér, hac anfin en accompliss, hennéh ne gommèt meid ur péhet; rac penaus-benac ma ta paud a chongeu aral én é bèn durant ma vai doh hum zisposein, é intantiou principal ne vai quet neoah changet, hac e gontinu én actioneu exterior e ra eit hum breparein de laireah. Laret er memb tra ag er-ré e glasq en tu de goutantein ou dezirieu lous. En dud-cé e zeli neoah disclæriein peguehæd ou dès laqueit de glasq accomplissein ou fal volanté, ha peèd guéh durand en amzèrzé en ou dès renehuéet ou fal zezirieu.

A fæd en natur ag er pehedeu, examinet inemb de béh vertu en e hoès péhet, bac é péh mod en e hoès he blesset, ha hui e hananou a beh espèce vou hou pehet. Par exampl, en manq a gredein ferm er péh e ansaign en Ilis, en desespoër, er haz doh Doué hac er superstition e zou péhedeu differant en espece, dre m'en dint contrel de vertuyen differant, de laret-é, d'er Fé, d'en Esperance, d'er Garanté ha d'er Religion. En idolatri, er magi, er parjur, er blassæm hac er sacrilege pé profanation ag en treu santel, e zou péhedeu differant én espece; rac penaus-benac ma viessant ol er memb vertu, (er Religion), contrel int neoah de zeværieu differant ag er vertu-zé, hac èl-cé n'hé blessant quet ol er memb mod. Er bresomption hac en desespoer e zou ehué differant én espèce, deusto m'en dint contrel d'er memb vertu, (en Esperance): mæs int hé blèss én ur fæçon differant : er bresomption, dre rai,

hac en desespoër dré vihan. Én ur guir, er péhet e zou disserant én espece, revé ma vlèss vertuyeu differant, pé, deværicu differant ag ur memb vertu. Mæs èl ma ta er circonstanceu de changein liès en espece ag er péhet, pé de gresquein er malice a nehou, réd-é ma hum examinehait hoah ar er poend-cé.

Er circonstanceu péré e change en espece ag er pehet, pe e gresq er malice a nehou, e zou comprenet ér seih pé eih guir-men : quis , quid , ubi , qui-bus auxiliis . cur , quomodò , quandò ; de laret-é , pihue oh-hui; petra e hoès-hui groeit; mèn-é en e hoès ean groeit; a béh moyandeu en e hoès hum cherviget eid er gober; perac en o hoes ean groeit; é péh mod en e hoès ean groeit; pegource en e hoès ean groeit? Expliquamb er guirieu-zé en eil arlerh éguilé.

Quis, e verche qualité en hani en dès péhet, mar dai abil pé ignorant, mar dai diméet, pé consacret de Zoue, mar dai ingaget en ur fæçon special de bradiquein er vertu en des blesset, pé de zihoal doh er pehet en des groeit... Quement-cé e zeli bout remerquet drès peb tra a pe vai quetion a behedeu inemb d'er burtæd, el m'hun nès laret en Artiel ag er péhedu Capital ar er Baillardiah.

Quid, e verche qualité er péhet e zou bet commettet, mar dai bras pé bihan, mar dai quèstion ag un dra sacret pé en dra aral, etc.; qualité en hani e zou bet offancet, mar dai un dén e carg, pé un den a Ilis, pe un tad pe ur vam, etc.; mar dai un den pihuiq pe ur peur e zou bet lairet, ba qualité en anjulieu e zou bet laret, en touyadelleu e zou bet groeit, etc; mar dai quéstion arré a chongeu, pé dezirieu, pé actioneu inemb d'er burtæt, réd-é examinein guet peh sort tud é vai bet groeit er péhedeu-zé; rac a fæd paillardiah ne faut quet calz a dra eit changein en espèce ag er péhet.

Ubi, e verche qualité el léh mei bet commettet er péhét, mar dai en ul léh a costé, pé é publiq; pé

én tiegueah, pé én Ilis, etc.

Quibus auxiliis, e verche qualité en dud, en treu hac er moyandeu e zou bet impléet eit commettein er péhet, èl pe hum chervigér à dreu santel, ag en Oleau sacret, a zeur béniguet, a vaginage, a drompereah, etc. El er-ré e gommand d'ou bugalé, pe d'er-re zou en ou harg, ou secour de fal ober...

Cur. e verche en intantion guet péhani é ma bet commettet er péhet; mar dai eit gobér chervad é hès bet lairet; mar dai eit bourdal, pé eit gober gueu d'en Nessan é hès bet goal gonzet a nehou, mar dai eit trompein, pé eit miret un droug é hès bet laret gueu, mar dai eid inspirein amourustæt de unan-benac é vér hum usquet brahue, etc.

Quomodò, e verche er fæçon mei bet groeit er péhet, hac ean e zou guet hanàuedigueah pé dré ignorance, a vad ha libr volanté pé dré gontraign, dré fragillité pé dré valice, dré inclination pé dré un taul somprèn; hac ean e zou bet anjulius eid unan-benac, hac ean zou padet hir amzer. etc.

Ouandò, e verche pegource é ma bet groeit er péhet, hac ean zou d'un de Sul, pe Gouil, pe obérad; hac ean zou durand en Officeu pe d'un dé-

vun é vér meàuet, etc.

Er circonstanceu zé pé e change en espece ag er péhet, pé e gresq er malice ag er péhet, pé e

ziminu èr malice a nehou.

1° Changein e rant en espece ag er péhet a pe laquant én-ou ur malice nehué differant doh en

hani en dès er péhet a nehou é hunan. Par exampl, ul laironci consideret én-ou é hunan ne vlèss meid er justice : mæs mar'dai un dra consacret de Zoué e zou het lairet, er circonstance-zé e laqua guet er malice ag el laironci ur malice differant, dré m'en dai caus mei blesset er Religion, hac èl-ce n'en dai quet mui hemb quin ul laironci, mæs ur sacrilege. Eit meauein ne viesser meid er vertu a damperance; mæs mar der er stad-ce ha laret conzeu dishonest, er circonstance-zé e zou caus mei blesset er burtæt, hac e laqua guet er guettan malice ur malice nehué ha paud aral liès mat.

2º Er circonstanceu e gresq er malice ag er péhet, a pe gresquant en enormité a nehou hemb er changein a espèce. Par exampl, un den e hanau er maiice ag ur fal action, e gommet brassoh pehet eid unan n'hé hanau quet. Laireah un dén peur e zou ur péhet brassoh eit laireah un dén pihuiq. Hum arrestein peèl amzér guet ur fal chonge e zou brassoh péhet eit pe ne hum arrestér meid ur mo-

mant.

3º Er circonstanceu e ziminu guhavé er malice ag er péhet, èl mei en ignorance, er manq a reflexion, en defaut a liberté, etc. Ha mar da er circonstanceu-zé bet-ha diminuein er malice ag er péhet én ur fæçon ne vai meit veniel, ne vér quet obliget d'er hovessad. Mæs é contrel, mar da ur circonstance benac ha rantein marvel ur péhet péhani a nehou é hunan ne oai meit veniel, obliget ver nezé d'en disclærien idan boén a obér ur Govezion sacrilege.

Contein e rer seih circonstance pere ag ur pehet

veniel én-ou é hunan, e ra ur péhet marvel : •° En disposition é péhani é vér d'obér ur pé

het marvel. Par exampl, un den e lairehai ul liard guet er volanté de laireah ur scouét p'en devezai cèllet. Un den e larehai ur gueu dister, penausbenac ma credehai gobér ur péhet marvel doh el

laret, etc.

2º Er fal intantion guet péhani é commetter er péhet. Par exampl, laret bourdeu væn ha conzeu inutil n'en dai quet péhet marvel; mæs ou laret guet en intantion a zebauchein unan-benac, e vehai péhet marvel. Digueor un or hemb permission, n'en dai quet pehet marvel; mæs he digueor guet en intantion a laireah, e vehai péhet marvel, hac é vehai guir ne vehai quet lairet, etc.

3º Er scandal, de laret-é, en occasion a béhet marvel e rér de unan-benac én ur obér ur péhet veniel. Visitein unan-benac hemb necessité n'en dai quet péhet marvel; mæs mar rér de ré-ral dré en hantiss-zé occasion a béhet marvel, er visiteu-hont e za de vout péhet marvel. Péhet marvel-é laret bourden inutil é compagnoneah, mar santér é vou douguet ré ral dré guement-cé de laret conzeu dis-

honest, etc.

4º En dangér a béhein marvelemant de béhani en hum exposér é hobér ur péhet veniel. Antréein én un davarn eid ivet hemb dobér, n'en dai meit péhet veniel; mæs péhein e rér marvelemant mar hum laquer dre-ze en danger a veauein. Coroll ur ueh benac eit hum zivertissein, n'en dai quet pehet marvel; mæs péhein e rér marvelemant mar hum exposér dré-zé d'en dout chongeu, pé dezirieu lous, etc. Rac en-n'emb e hum laq en dangér a gommettein ur péhet, n'eèll quet laret é cousciance ne fal quet dehou er hommettein.

5° En disprisance sclær ha splann ag ul Lezèn

pè ag ur Ourhæmèn pehani e ordrén pé e zihuèn un dra a zistér consequance. Par exampl, ivèd ur uéb deur d'un dé yun itré er predeu, e zou un dra a zistér consequance; ha neoah en-n'emb e ivehai dré zisprisance eit Gourhæmèn en Ilis, e gommettehai ur péhet marvel. Er péhedeu veniel e gommettér dré acustumance e zong ordinæremant guet-t'ai ur certæn disprisance.

6° Ur faus gousciance péhani e ra credein é commetter ur péhet marvel é hobér un dra ne vai én effæd meit péhet veniel. Par exampl, un dén e zaibrehai hemb dobér un tam benac friand itré é repazeu, pé e ivehai d'un dé-yun ur uéh deur itré é bredeu, hac e chongehai gobér ur péhet marvel é quement-cé, e gommettehai én effæd ur péhet marvel, rac ma cousantehai én é galon de béhein mar-

velemant.

7° En union ag un tra dister joentet guet treu aral distér groeit a guênt, a pe zant assambl d'obér un dra a vras-gonsequance. Par exampl, laireah ur blanq n'en dai meid ur péhet veniel : mæs mar da er blanq-ce joentet guet treu aral dister lairet a guent, ha formein ur som a gonsequance, pé gobér un domage considérabl d'en hani m'eint bet lairet tehou, el laironci-hont ag ur blang e vou ur péhet marvel; ha mar mang en hani zou cablus a reparein é béhet, ean e béhou marvelemant, ha ne lairehai ean meid ul liard d'en hani m'en des-groeit gueu doh-t'ou. Remerquet erhad quement-men, bugalé ha serviterion, péré e scrap d'ou tud a glei hac a ziheu hemb scrupul er bet, é sigur ne gueméret quet calz o dra peb gueh. Pihue e ouair memb mar ne béhet hoah marvelemant dré en intantion hac en implé e ret ag er peh e lairet èl-cé a nebedigneu?

A vusul ma tei deoh disolein ou péhedeu, groeit Acteu a Gontrition; laret èl David : O men Doue! dirac-oh hou ç'hunan en e mès péhet, hac én hou presance en e mès groeit en droug. Mar e hoès poèn é cavouét hou péhedeu, hac è houd peètguèh en e hoès péhet, laret : Men Doué, reit sclærdér d'em deulagad eit ne gousquein jamæs ér marhue ag er péhet, guet eun ne larehai deign m'enemis; me mès

gouniet ar nehou.

A pe falou deoh gober us Govezion general, pe ur revu a hou puhe passet reve avis hou Covezour, hum breparet a ziabeèl, hac eit quemènt-ce: goulènnet liès secour guet Doué; groeit yuneu hac ævreu mat aral; cleuet Overènneu en intantion-ze; cresquet hou Pedenneu, eit ma rei Doué deoh er græce de hanauein hou péhedeu, hou coal inclinationeu, hou fal acustumanceu, etc. Groeit ur Retræd, mar dès moyand. Eih dé diambarasset ag er sorb ag er béd, ag er sourci ag el labour, ne vou quet rai eit laquad reihtæt en hou cousciance. Assès é tispignet hac è poéniet aveid er horv; reit ehué un éih-déiad benac d'hou c'inean.

Ag er Gontrition.

En Gontrition e zou ur hæ ag er galon, hac ur haz doh er péhedeu commettet, guet ur volanté ferm n'offancehér mui en Eutru-Doué. Er Gontrition e zou bet necessær a ol viscoah eit bout pardonnet a bep sort péhedeù. Eèllein e rér bout pardonnet guet en dezir de govessad ha d'obér satisfaction, a pe n'eèller quet én effæd receu er Sacremant: mæs jamæs ne ver pardonnet hemb contrition.

Er gontrition e zou enta ur hæ ag er galon, de

laret-é, un tristé, un affliction, un displijadur ag er galon en dout commettet er péhet: ur haz doh er péhedeu commettet; de laret-é, un anquin, un dongér ag er galon, péhani e garehai n'hi dehai quet péhet: guet ur resolution ferm n'offancehèr mui en Eutru-Doué; de laret-é ne gousantehér mui de sort péhet marvel er bet ne vern petra e arrihuou. Er gùir gontrition e ra considerein er péhet èl un droug perpet presant beèd quene vai effacet dré er bénigèn: en droug-cé e laq è calon er Pénitand ur glahar hac un anquin en doud ean groeit, hac en doug de guemér er resolution ne béhou mui, de govessad é fauteu, de hum gastiein a nehai ha d'obér ol er péh çou necessær eit coutantein justice en Eutru-Doué.

Bout-cou deu sort contrition : er gontrition parfæt, hac er gontrition imparfæt e hanhuer Attrition. Er gontrition parfæt e zou ur hæ en doud offancet Doué rac m'en dai infinimant mad, infinimant dign de vout caret ha ma tisplige er péhet tehou. A pe vai er garanté e zou deliet de Zoué drès peb tra hac a gaus dehou é hunan, e ra demb hur bout quæ a hur pehedeu, er garanté-zé e rantt parfæt er gontrition, er Govezion, er satisfaction, er Pedenneu, en alézonneu hac en ævreu mad e ra demb gober a balamor de Zoué. Er gontrition diazéet ar er garanté-zé en dès memb en nærh de veritein demb é peb momand er pardon a hur brassan pehedeu, meit ma vou joentet guet en dezir d'ou hovessad prestan ma heèllehemb. Caërræd ur moyand eit hum zerhel perpet ér stad a hræce Doué, hac eit meritein ne vou collet nitra ag er péhiq a vad e cellamb gobér ér béd-men! Un dra estrange-é ma hum sourci quer bihan er Grechénion ag en ayantageu-zé: rac

ne faut quet chongeal é ma quer stanq er gontrition parfæt é mésq er-ré e dosta hoah mar a uéh d'er Sa-

cremand a Bénigén.

Er gontrition imparfæt e zou ur hæ en doud offancet Doué, hac e za ordinæremand ag er méh en dout commettet er péhet, pé ag en dougeance a boénieu en ihuern. Hanhuet é imparfæt, rac n'en dai quet diazéet èl en aral ar ur garanté excellant, ha non pas rac ma vanq dehi er halitéeu necessær eit boud ur gùir gontrition.

Er gontrition imparfæt n'hi dès quet, èl en hani parfæt, en nærh de veritein demb é circonstance er bet er pardon a hur pehedeu, ma ne vai joentet guet en absolven. Mæs a pe receuamb en effæd er Sacremand a Bénigen guet ur gontrition imparfæt, hi e cell obtenein demb er pardon a hur péhedeu, guet m'hi dou en ihue gondition-men: 10 ma forbannou ag er galon er volanté de béhein; 2º ha ma hum gavou guet-t'hi ur hommancemand a garanté doh Doué èl er vamen ag en ol santeleah. Rac Doué ne bardon er péhedeu nameid a pe vai convertisset er galon : er galon ne vai convertisset nameid a p'hi des ur haz sincer doh er péhet; hac eit hi doud ur haz sincer doh er pehet, red e ma changeou a inclination hac a garanté, ha ma commançou carein er santeleah. Ur péhour péhani ne guitta er péhet nameit rac ma touge a vout dannet, ne zouge quet a behein, e-mé S. Augustin, mæs a vout losquet éternelemant : rac ean e gommettehai hoah er pehet, pé cellehai er gobér hemb bout daunet; hac él-ce ė galon n'en dai quet hoah convertisset. En dougeance ag er poénieu e zispos neoah de hum gonvertissein, dré ma ra coll a nebedigueu en acustumance a béhet guet eun a vout punisset mar er hommetter, ha ma forban ag er galon er peh e virai dob Doué a guemér position a nehî. S. Augustin e gomparage en dougeance doh un adoué a behanî en hum cherviger eit grouyad deu beh méhér en eit doh éguilé. Ne vai quet en adou, mæs en næd hi devai passet én eu beh méhér, ou dalh joentet assambl: mæs en næd ne ouhai quet neoah ou zrezein hemb en adoué. N'en dai quet ehuè en dougeance e gonvertiss er galon, mæs er garanté e hunan; rac, é-mé S. Yehan, en-n'emb ne gar quet Doué, e chom er marhue ag er pehet; penaus-benac ma ta ordinæremand en dougeance de zigueor calon er pehour eit receu caranté Doué.

Er gontrition e zeli hi dout pedair condition; red è ma vou interior, surnaturel, souveræn ha

general.

Réd-e ma vou interior, de laret-e, ma tei ag en donnag er galon, a behani é sorti ol er péhedeu, ha n'en dai quet erhoalh huannadal, ouilein, na gober a veg Acteu a gontrition. Rac Doué e hanau en donn a hur halon, ha ne ouhemb quet en trompein dré gonzeu-caër, na dré zareu. A-zé en hum dromp ul lod vat, péré e chonge guet-t'ai en ou dès ur hæ bras assès, rac m'ou devai prononcet mad un Act a gontrition e gavant en ou Livr, pe ou dès désquet én ou Hatechén. Necessær-é gobér Acteu a gontrition : mæs Doue ne seell quet quement doh er hongen el doh er galon. En huannaden hac en dareu n'en dint quet ehue ur merche assuret ag ur guir gontrition. Bout-cou ne cessant a ouilein. na ne cessant a béhein. Guhavé é ma er sort tudcé e resist muyan doh ou Hovezour a pe vai obliget d'ou davai eid un amzer, pe d'ober dehai pardonnein ha goulén pardon guet ou Nessan, pé de reparein un domage groeit, pé de guittad ur goal occasion benac. Bout-çou neoah dareu ag ur guir gontrition, hac e za ag er galon: mæs er-rè-ze n'en

dint quet stang.

2º Er gontrition e zeli bout surnaturel, de laret-e, réd-e ma vou laqueit er galon dre er Speret Santel, ha ma vou diazeet ar er ræzonieu ha gurionnéeu e ansaign demb er Fé. N'en dai quet erhoalh enta ma hum affligehèmb a hur péhedeu dré en dougeance ag er béd, dré en eun a vout goapeit ha dispriset, pé a goll hun inour pé hun danné, pé a gaus d'er méh ha d'er boén hun nès doh ou hovessad, etc. Mar dai quement-ce e zou caus d'hun anquin, hur hontrition e zou naturel, faus hac hypocrit. Er gontrition surnaturel e zou un anquin a galon a gaus de Zoué infinimant mad offancet, a gaus d'en ihuern meritet, a gaus d'er Baraouis collet, a gaus de souffranceu Jesus-Chrouist renehuéet dré er péhet. Réd-é hé goulèn guet Doué dré veriteu Jesus-Chrouist, dré intercession er Uériès, etc. Eit hé meritein a guement ma heellamb, ni e zeli gober ur mortification, ur benigen benac, èl mei vunein, rein alézon, pedein, monet d'en Ilis d'adorein Jesus-Chrouist er Sacremand ag en Autær, etc.

3° Er gontrition e zeli bout souveræn, de lareté, drès quement tra zou. Er péhet e zou un drong drès en ol drougueu : réd-é enta m'hur bou mui a guæ hac anquin hur boud ean commettet, eid ag en ol drougueu aral e eèllehai arrihue guenemb. N'en dai quet quéstion a ouilein nac a hum zispèn guet anquin; rac n'en dai quet necessær ma santehemb er hæ-zé èl en hani e santamb a pe gollamb hur hærent pé un dra benac aral : mæs assès-é ma

vehemb sinceremant disposet de goll er péh é garamb muyan er bed, er vuhe memb, quentoh eid offancein Doue, ha ma vehemb prest d'andur peb sort droug quentoh eit cousantein d'er péhet en occasioneu péré en dès groeit temb er homettein, bac én ol circonstanceu aral. N'en dès quet a uir gontrition hemb en disposition-zé. Manquein e ra neoah de galz a dud, é spécial d'er-ré en dès tènnet ur profit benac ag er péhet, pé en dès hum cherviget a nehou eit peellad un droug henac a-ziar nehai: él mei er-ré zou arrihuet dré er péhet én un diméein mat; er-ré en dès sauvet ou inour dré ur multr; er-ré en dès hum dennet ag ur fal affær dré ur gueu ponnér, er-ré en des gouniet ur proçæs, pé groeit fortun dré fausoni, etc. Ne goust nitra d'er sort tud-cé laret é mant prest d'andur er marhue quentoh eid offancein Doue; mæs pe vehai hoah en dra d'ober, n'en dai quet sur é vehent quer scrupuluscé. Neoah hemb contrition ag en ol péhedeu marvel n'en dès quet a bardon.

4° Er gontrition e zeli bout general, de laret-é, rèd-é en dout quæ d'er bihannan ag en ol péhedeu marvel a bèré en hum gaver cablus, ha mar behai ur péhet marvel hemb quin a béhani ne vehai quet quæ, ne zelier quet boud ingorto a vout pardonnet ag er-ré-ral. A fæd er péhedeu veniel, penaus-be-nac n'eéllant guet bout pardonnet hemb contrition, ne virant quet neoah er Govezion a vout mad, hac é vehai ur ré-benac a béré ne vehai quet quæ. Ne zeliamb quet chongeal en hun nès ur gùir guæ a hun ol pehedeu marvel, ma n'hun nès ehué caz doh en ol inclinationeu, acustumanceu hac occasioneu péré en dès groeit temb ou hommettein, ha ma n'en domb én disposition d'impléein, cousteèt

e goustou, en ol moyandeu jaugeabl eit ne gommettehemb mui hanni en amzer de zonnet. Rac gober goab a Zoue vehai laret en hun nes quæ hur boud ean offancet, mar caramb hoah er peh en des groeit temb en offancein, ha ma ne hum laquamb quet e poen a guemer er moyandeu jaugeabl eit ne gouehehemb quet mui. Amen e hes de zihoal e special doh certæn pehedeu mignon, a bere ne rer quet paud a gas a hum gorrigein. Guæd a sacrilegeu! Ræzon e zou de laret penaus a gand Covezion fal hroeit, e hes nandec ha puar-uguent sacrilege, manq a gontrition.

Er gontrition e zou un donæzon a Zoué: rac-cé réd-é hé goulèn, ha Doue n'hé refus quet d'en-n'emb hé goulèn a galon. Er-rè ne brezant quet hum boéniein eid obtenein guet Doue ur guir gontrition ag ou féhedeu, en dès de zougein ne chome-hai perpet ou halon yein, é spécial mar dai esprès, dichonge caër, hemb bout douguet dre dantation creihue er bet en ou dès offancet Doué, ha drès peb tra mar dint bet peèl ahurtet ér pehet, pé mar ou dès hum lausquet de monet d'en infamité a baillardiab, a ivraignereah, a avarice, etc., pérè e zoug d'en dalledigueah speret, d'en obstination a

galon ha d'er marhue malheurus.

N'en dai quet erhoalh pedein Doue de rein deab ur guir gontrition: réd-é ehué he secour de zisquen én hur halon, hac eit quement-cé, réd-é he diazéein ar er ræzonicu ha gurionnéeu e ansaign demb er Fé, de laret-é, chongeal én énormité ag er péhet, péhani e outrage un Doué er vamèn ag en ol santeleah; considerein er had hun ingratitud é andræd er guellan ag en ol Tadeu, a p'hun nès hum cherviget ag er vad en dès groeit temb, eit

hum-sehuel inemp tehou; chongeal a barfæt é, homb bet dré hur péhedeu caus de Varhue ha-Passion hur Salvér, hac é renehuéamb hoah é souffranceu quel liès guéh m'hun nès en hardéhtæt de dorrein é Lezèn, turel hun deulagad ar er recompance hemb fin e oai grateit temb én Nean hac hun nès collet eit hur bout manquet d'er promesseu a hur Badiènd; afin disquen a speret én ihuern eit considerein el léh e zou preparet temb inou a oudé m'hun nès troeit cain de Zoue eit héli bobanceu en diaul....

Penaus-benac n'eèller quet en dout mercheu assuret ag ur guir gontrition, hui e hoès neoah léh

d'esperein en e hoès hi a galon :

1º Mar covesset hou péhedeu guet anquin hac humilité; mar ou laret of guet courage, reih ha splann, hemb cuhein hanni, hemb diguisein hanni, hemb turel er vlam ar er-re-ral; mar conzet a hanah inemb teoh hui hou c'hunan guet un hardehtæt santel én drespet d'er méh ha d'er houartiss e hoès doh hum accusein.

Mæs mar ou hovesset guet effronteri ha guet un hardehtæt divergond len a vrasoni, el pe veheoh é teviz un histoër pe un taul caër hou pehai groeit; mar cuhet pe mar diguiset unan-benac; mar hum excuset a nehou, pe mar taulet er vlam ar er-réral eit hum gaërrad, etc. Qnement-ce zou ur merche ag un isprit dallet, ag ur galon scournet er pehet: ne hoes quet a gontrition.

2º Mar quittet a galon vad en occasioneu ha dangérieu tost a béhet, a gaus d'er péhet memb, (rac er huittad a gaus d'un dra benac aral, n'en dai quet ur merche en e hoès quæ a nchou). Mar santet hou calon quen anquinet hou poud offancet

Doué, ma veheoh prest de goll tout, d'andur tout, er marhue memb, quèntoh eit hum gavouét mui a hou vat volanté ér memb occasioneu, pé gobér er

péhedeu-zé pe vehènt hoah d'obér.

Mæs mar santet en hum blige hoah hou calon en occasion hac en danger tost a behet; mar dai hoah hou chonge guet er plijadurieu, divertissemanteu hac amoædage er bed; ma n'en doh prest d'andur bout goapeit, anjuliet, goal drætet, etc. quentoh eit retourn mui jamæs d'er pehet, caer hou pou laret en e hoès ur gùir gaz doh-t'ou el ma veritt; hum drompein e ret a vras.

3° Mar tremènet dré ol er péh e reglou deoh hou Covezour, mar receuet a volanté vad er pénigènneu rustan d'hou corv ha contrellan d'hou c'imur, meit ma vehait neoah ér stad d'ou gobér; mar groet a zevri satisfaction d'hou Nessan, én ur zaccor er péh hou pehai goal gueméret; doh en dizomagein ag er gueu gou pehai groeit dehon ne vern é péh mod, é houlèn pardon guet-t'ou, mar hon pehai ean anjuliet, etc.

Mæs mar ræzonet doh hou Covezour, mar refuset er benigen e gav necessær deoh, ma ne hum laquet quet e poen a bayein hou tele, a reparein en domage e hoes groeit, ma ne brezet plæguein eit goulen pardon guet er-re e hoes offancet, pe ma n'er groet meid inemp d'hou calon, etc. Quement-ce e zisco ne santet quet er vrastæd ha hou pehedeu, ha ne hoes quet a gontrition a nehai.

4º Mar doh disposet de guemer è grad en ol poénieu, miserieu ha croëzieu e gouehou ar-n'ah ne vern a-beban é teint, pe a herh Doué, pe a berh en dud dré é bermission: mar doh prest d'andur ol quement-cé é pénigen a hou péhedeu, é ma ur

merche en e hoès contrition.

Mæs mar hum lausquet attau de golerein inemp d'hou poénieu, de hum glém a Zoué, de hum guemér guet malice doh er-ré e chonget e zou caus d'hou troug, mar chonget a hum vangein èl quênd a pe gavehait en tu, etc., quemènt-cé e zisco n'en doh quet hoah humiliet idan dours en Eutru-Doué, ha ne fal quet deoh ma hum vangeou ag en outrage e hoès groeit dehou: er gontrition e vanq.

Er guellan merche e ouhemb hur boud ag ur

gùir gontrition, e zou er ferm propos.

Ag er Ferm Propos.

En dairvet condition absolumant necessær eit gober ur Govezion vat e zou er ferm propos, de laret-e, ur gùir ha ferm resolution n'offanceher mui en Eutru-Doué. Hemb er resolution-zé n'eéllamb quet chongeal en hun nès quæ a hur péhedeu; rac gober goab a Zoué vehai laret tehou en hun nès anquin hur bout groeit er péh e omb hoah en disposition d'obér. Faute a ferm propos, ul lod vad é zou obliget d'obér pénigèn ag er Sacremant memb a Bénigèn, hac er péh e zeliai boud eit-t'ai ur vamèn a vuhé spirituel hac a vénidiction, e za de voud ur vamèn a valédiction hac a varhue.

Er ferm propos e zeli en dout tair condition: réd-é ma vou interior, courajus ha padus. 1° Réd-é ma vou intérior; rac guir changemand ur péhour e gonsist é tistag a zevri é galon doh er péhet, ha non pas é laret conzeu caër, hac é hobér a-vég Acteu a gontrition. Réd-é ma tei er galon de guittad absolumant peb sort péhet, ha ma larou é gurionné: Cousteèt e goustou me fal deign changein; laret e

mes men guir; é han de gommance. 2º Er ferm propos e zeli bout courajus, eit ma talhehemb perpet doh hur honz, ha ma collehemb quement mat hun nès, quêntoh eit coll græce Doué dré er péhet. Mar dai nærbus hur ferm propos, ni e rei guet courage brizel d'hur fal imur; ni e oasquou sterd ar hur prontitud; ni e beellei guet horreur doh er hompagnoneaheu ha léhieu dangerus, e vehai hoah caus temb de gouch er péhet. 3º Er ferm propos e zeli bout padus, de laret-é, quehæd èl ma vihuehèmb. N'en dai quet erhoalh, el ma chonge ur ré-benac, peèllad doh ér péhet en dé ma vér bet é covessad pé é communiein, na durand ur misiad, pé davantage : er sort tud-ce e ra d'antand ne badou ou resolution nameit beet que ne gaveint en occasion. Réd-é enta laret a zevri el S. Paul: Me zou sur ne vou nac er marhue nac er vuhé... na nitra aral em separou jamæs doh caranté Doué, pehani zou é Jesus · Chrouist.

Er mercheu doh péré é hanàuér er ferm propos, e zou er changemand a fal vuhé, ur sourci ehuehet de beèllad doh en occasioneu a béhet ha de dorrein er fal acustumanceu.

1° Changein a fal vuhé e zou gober er hontrel d'er péh e rait a guênt : rac-cé mar continuet de vihuein èl ma rech quent, caër hou pou laret en e hoès ur gontrition vras a hou péhedeu, hac ur volanté ferm ne retournéhait mui dehai. Ut labourér péhani ne had meid yvrai, neell quet boud ingorto a æstein gunéh : ha hui, mar dalhet doh hou fal vuhé èl quent, n'eèllet quet é gurionné laret en e hoès volanté de beéllad doh er péhet.

2º Réd-e peellad guet sourci doh en occasioneu. Bout-cou a zeu sort : ré e hanhuer occasioneu peel, ha ré-ral e hanhuér occasioneu tost, a béré hemb quin é conzamb amen. Hanhoein e rér occasioneu tost a béhet, ol er péh hun doug ordinæremant d'er péhet, hac hul laqua en dangér sclær a er hommettein; pe autremant, ol er peh e ouiamb, pe e eèllamb hac e zeliamb goud e vou caus temb reve tout en aparance de gouéh ér pébet. Obliget omb absolumant de beellad doh er sort accasioneu-zé, meit ha falein e rehai demb hum zannein. Rac en hani e gar en dangér e hum gollou én-ou, é-mé er Speret-Santel. Mar gouiamb enta, pé mar eèllamb ha mar deliamb goud penaus é monet de certæn compagnoneaheu, é hober pen don certæn tud, é cheleuet certæn discourieu, é seèllet certæn treu, etc., é vou caus quement - cé demb d'hur bout tantationeu creihue, pé de gouéh ér péhet, réd-é absolumant peèllad : n'en dès quet de varhateah.

Ag en occasioneu tost a béhet er-ré cummunan bout-cou ehué deu sort : re e zoug a nebai ou hunan d'er péhet, el mei el limageu dishonest, er fal livreu, er horolleu, en hoarieu desordr, er braguerisseu divodest, en hantiss a dud youang pautret ha merhet harden en eil doh éguile... Ré aral n'en dint occasion a béhet nameit de certæn tud hac é certæn circonstanceu, èl mei en davarn eid un den taulet guet er guin; certæn hoarieu innoçant eit tud péré n'eèllant quet hum gavouét én-ai hemb péhein ; er hommerce, er foërieu, er marhadeu eid er-re ne ouhent quet ou gobér hemb trompein, hemp touyet, hemb meauein; mechér un tavarnour eid er-ré n'ou des quet er gourage de resus guin d'er-re zou obliget de yun, pc d'er-re e uelant tuemmet d'ou fen, etc. Pihue-benac n'en dai quet disposet de guittad er sort occasioneu-zé, ne veritt quet en absolven.

Digitized by Google

Mæs petra gobér ma n'eéllér quet quittad en occasion hemb souffrein un domage considerabl, pé hemb boud é riscl a vout disinouret.? N'en dès quet de varhateah; réd-é quittad gronce. Mar da hou lagad diheu, pë hou tourn diheu ha boud eid-oh occasion a behet, é-mé Jesus-Chrouist, tennet hou lagad, trohet hou tourn, ha taulet int peèll dohoh. Rac guel-e monet d'en Nean quet ul lagad hac un dourn, eit monet d'en ihuern guet deu lagad ha deu zourn. Er honzeu-zé e senéfi penaus hac é vehai en treu e ra demb péhein, quen necessær demb èl mei hun lagad hac hun dourn diheu, é teliamb neoah. ou huittad, ma ne fal quet demb couch en ihuern. Quemént-cé e seblantt bout rust ha calet : mæs ansin n'en dès quin moyand d'assurein hur salvedigueah. Ne vern petra e larou en dud a hanamb : rac mar clasquamb pligein d'en dud, é-mé S. Paul, ne vehèmb quet amiet de Jesus-Chrouist. Chongeent ha lareent er peh e gareint : meit ma vou coutant en Eutru-Doué a hanamb, chetui quement èl a faut : danné, inour, ha treu erhoalh hur bou mar groamb é volanté.

Mæs ma n'en dès quet moyand de beèllad doh en occasion, èl ma arrihue guhavé a pe n'eèllèr quet sorti ag el lèh ma vér, pé quittad ul labour e vai requis gobér; a pe zouguamb en occasion guenemb ne vern-mèn é hamb, etc. Ér sort circonstanceu-zé réd-é dastum ol er péh e eèllèr a nærh hac a vertu eit peèllad en occasion; hum zéfiein a hanamb hun hunan; laquad hun ol confiance é Doué, er pedein de laquad ur oard ar hur squéndeu, quittad en occasion prestan ma héèllehèmb, hac a pe gavehèmb en tu, hum adressein doh hur Hovezour eit goud guet-t'ou petra e zeliamb gobér. Bout-çou

perpet de hum zéfiein ag en occasioneu péré e gommance dré hoari ha deværrance é mat hac én honestiss; rac en diaul e brofitt a nehai abrèd pé dehuehad.

3º Anfin en drivet hac er surran merche ag er ferm propos, e zou ur sourci ehuehet de dorrein er fal acustumanceu. Rac eèllein e rér gobér sebland a changein a fal vuhé ha peellad doh en occasioneu dré hypocrisi, eit sauvein en inour, etc. Mæs ne zer quet ordinæremant d'obér brizél d'er goal acustumanceu hemb ne vai convertisset er galon. Hanhuein e rér goal acustumanceu un inclination, un æzemant guet pehani é commetter certæn pehedeu doh péré é vér hum hroeit, èl mei el lubricité, en touvereah, en ivraignereah, er goal gonzereah, etc. Bout-cou péhedeu de béré en hum acustumér burhud ag er guettan guéh m'ou hommettér, èl mei er péhedeu lous. En acustumanceu a béhet e zou diazéet ar er garanté desordr e guemér er galon doh certæn treu dihuènnet : réd-é enta distrugein er garanté-zé, eit laquad caranté Doué én hé léh. Eit quemènt-cé, réd-é ma vehèmb sourcius hac ehuehet ar-n'amb hun hunan, ma castiehèmb hun isprit, hur halon hac hur squendeu; ma pedehemb hilleih, ha ma peèllehemb doh en occasioneu. (El Livr ag er Hombat spirituel e zésq er fæçon de zistrugein er goal acustumanceu dré er pratiq ag er vertuyeu contrel debai. Leinet ean.)

Ne gavan quet é ma necessær avertissein é teliér ehué bout sourcius de guittad en occasioneu hac acustumanceu a bèhet veniel; rac n'en dai quet requis d'em chonge avertissein bugalé de zihoal doh er péh e ouyant e zisplige d'ou zad. Er-ré e chom neoah ag ou vat volanté ér sort dispositioneu-zé hac e dosta liès d'er Sacremanteu, en dès de zougein hil-

leih eit ou Hovezioneu. Rac, èl ma lar S. Francæs a Sale ér hettan Parti ag er Vuhé devod, Chapistr XXII, n'en dai quet possibl d'un inean bout peèl amiet de Zoué, mar chom a hé vat volauté én disposition dalhabl de zisplige dehou. Me ouair é heèllér bout pardonnet ag er péhedeu veniel hemb ou hovessad: mæs n'eèllér quet neoah bout pardonnet a nehai hemb contrition; él léh n'en dès quet a ferm propos n'eèll quet bout hemb ur sourci ehuehet de beèllad doh en occasioneu ha de dorrein er goal acustumanceu.

Ag er Govezion.

En Govezion e zou un accusation humbl, splann ha fidel e ra un dén ag é ol péhedeu d'ur Belêg aprouvet, guet en intantion a ober pénigen, hac a en doud en absolven a nehai. Me lar un accusation, eit rein d'antand n'en dai quet de zéviz histocrieu; de hum vantein, pe de hum excusein é teliamb monet de govessad; mæs eit hum accusein ni hun hunan. Me lar un accusation ag en ol péhedeu marvel d'er bihannan, rac n'en dai quet absolumant requis hum accusein ag er péhedeu e ouiér sur ne vent meit veniel, eit rein d'antand penaus en-n'emb e vang dré é faute a zisclæriein ur péhet marvel hemb quin, ne receu quet er pardon ag er ré-ral, hac opèn ean e ra ur sacrilege. En accusation-zé e zeli bout groeit d'ur Beleg aprouvet, de laret-é, d'er Person pé d'er Huré, pé d'ur Belèg aral aprouvet guet en Escob eit covessad. Rac-cé en-n'emb e hum adressehai hemb necessité doh ur Beleg ne

vehai quet aprouvet, e vehai obliget de gommance

èl-a bèn é Govezion guet ur Belèg aprouvet.

Mar doh libr de choæge hou Covezour, queméret en hani e hanau guellan hou cousciance, bac e geinou muyan hou fal imurieu, hou coal inclinationeu. Ne yet quet de glasq nnan e cellehait trompein; unan franq a vanche, el ma larér, hac e bas libr. Æz-é trompein en dud, mæs Doué ne dromper quet. James ne yet ne govessad hemb n'hou pou hum breparet mad er-raug. Dihoallet ehué a govessad dré inclination naturel, eit pligein d'hou Covezour, eit bout seèllet hac istimet guet en dud. Er sort dispositioneu-zé e zou caus ma ra ul lod vat; en dud youanq é spécial, hilleih a sacrilegeu. (Ar er choæge ag ur Hovezour, leinet er Chapistr IV, Parti I ag er Vuhé devod.) N'en dai quet amen el leh de laret pegource e ver obliget de govessad : expliquet hun nès quement-cé en dairved a Ourhæmeneu en Ilis.

Er Govezion e zou necessær de guement-hanni en dès péhet marvelemand a ondé é Vadiènd, ha hemb Covezion, a pe cèller hé gober, hanni n'eèll bout pardonnet ag é béhedeu marvel. Èl-cé é ma bet arrestet guet Jesus-Chrouist a p'en dès reit d'en dud a Ilis er bouvoër de bardonnein peb sort péhedeu. Réd-é ou hovessad ol; hac eit quement-cé réd-é hum examinein perhuéh ér-raug, hac impléein en amzér e laquer de ortoz bout covesseit, eit hum examinein hoah perhuéhoh, hac eit goulen ur gùir gontrition. De zezirein vehai ma tehai en ol de gomprênein ha de bratiquein er péh e lar 8. Francæs a Sale ér Chapistr XIX, Parti II ag er Vuhé devod, a zivoud er fæçon de hum accusein, eit disolein splann d'hur Hovezour en donn a hur

halon. Rec, eit gùir laret, n'en dai quet stanq er-ré e ouair covessad èl ma faut.

Remerquet mad er péh e yan de laret teob quênt conz ag er honditioneu e zeli er Govezion hi dout. Jamæs ne cheleuet Covezioneu er ré-ral, nac ehué en dud e hum blige doh hum vantein ag er peh e vai laret tehai é Covezion: ne remerquet quet pihue en devai bet en absolven, doh pihue n'en devai quet: hac é vehai mad un dra de vout laret, goarnet ean gueneoh ma n'eèilet el laret hemb rein d'antand é ma é Covezion en e hoès ean cleuet : jamæs ne gonzet ag er péh en dès hou Covezour laret teoh, meit hac ordrenet en debai deoh conz de unan-benac: ne hum vantet quet na dré vourd, na dré fal imur, é ma bet refuset en absolven deoh; hum humiliet quentoh dirac Doue.... Anfin er Govezion ne zeli jamæs chervige de vourd na de langage é compagnoneah, guet eun, é ségur hoarbein, ne dennehai de vlasfæmein.

Er Govezion e zeli hi devout tair condition : réd-é ma vou humbl, sincèr hac antiér.

1° Er Govezion e zeli bout humbl, de lareté, é teli ur Pénitand hum gonsiderein ital treid é Govezour èl ur hriminel é presance é Juge; hum accusein guet santimanteu bras a hlahar hac a anquin, ha non pas laret é béhedeu èl un histoër, na hum escusein én ur durel er vlam ar er ré-ral, èl ma ra ul lod vat, péré e hum vantt ag ou ævreu mat, hac e ra én un taul Covezion ou zud hac ou amision. En humilité e oulen hoah ma cheleuehèmb guet attantion en avizeu mad e ra demb hur Hovezour; ma tremenehèmb a volanté vat dré er péh e ordrénou demb, ha ma credehèmb a zevri, a pe refus temb en absolvèn, en en dès ræzon d'hun davaiein

beèd ur uéh aral, ha ne veritamb quet he receu. Ne faut quet hum glem, èl ma ra ur ré-benac, na laret è ma rust hou Covezour; n'en dès quet a du de bad guet-t'ou; è ma capable de zannein en ol, etc. É contrel, trugairicaid en Eutru-Doué en dout reit teoh ur Hovezour péhani en dès mui a hoand d'hou salvein eit ne hoès hui. Phou lausquehai de vihuein d'hou fantazi, ne veheoh quet tantet de hum glem a nehou. Hou ponheur hemb quin e glasq, ha n'en

doh quet coutant !... En humilité e vang.

2º Er Govezion e zeli bout sincèr, de laret-é, é teli er Penitand hum accusein schær ha næt hemb cresquein na bihannad é béhedeu; hum expliquein hemb clasq troyeu na distroyeu, eit ma huélou just er Hovezour e péh stad é ma : en ur guir, disolein en ol plægueu ha displægueu ag é gousciance èl m'en dai dirac Doué. Er fauteu a beré é ver sur, red-é ou disclæriein èl un dra a béhani é vér sur ; hac er-ré a béré é ver en arvar, réd-é hum accusein èl ag pn dra a béhani é vér én arvar. Ne faut quet cargein guet peb accusation circonstanceu inutil, pé histoërieu væn, péré ne chervigeant meit de zistroein attantion er Hovezour, ha de viret doh-t'ou a remerquein tout en enormité ag er péhet. Réd-é hum expliquein a ben-caer hemb clasq quement-ce a droyeu, ha hemb gortoz ma vou obliget er Hovezour d'hun interrogein. Ne faut quet ehué é sigur hum accusein, hanhuein hanni, meit ha requis vehai quement-ce eit discoein er vrastæd ag er pehet. né goulen conseill penaus é teliamb hum gomgortein guet certæn tud e zou eid omb occasion a béhet, hac e zou ret temb hanhuein eit goud avis hur Hovezour.

Guæd a Govezioneu sacrilege faute a sincerité!

Guæd a faus Pénitandet de béré é vehai refuset en absolvèn, pe zizolehènt splann er stad ag on housciance! Ræzon e zou de laret n'en dai quet è Covezion é hanàhuér guellan en dud. Er-ré youanq é spécial e zouge perpet ne vehai guelet rai sclær én ou affærieu, hac e zihoal muyan ma heèllant a ziscoein en tu tihoel ag ou buhé. N'en dès ardreu ne vaginant eit hum ziguisein d'ur Hovezour, guet eun n'en devehai charité assès eit ou distroein ag en hénd a zannation. Coutant vènt a pe eèllant en trompein; mæs ne chongeant quet é ma doh-t'ai ou hunan é rant gueu, hac é vou discoeit un dé e zei d'en ol, er pèh e guhant bermen guet quemènt a sourci.

3º Er Govezion e zeli bout antiér, de laret-é, é teli er Pénitand hum accusein d'er bihannan ag en ol péhedeu marvel a béré en hum gav cablus. Obliget-é eit quement-ce de laret guellan ma heell en nombr, en natur a nehai, er circonstanceu e gresq bras er malice a nehai, hac er-ré a change en espece a nehai, ér mod m'en dai expliquet ihuelloh en Articl ag en Examen a gousciance. Obliget-é de hum accusein ag er péhedeu marvel a béré é ma én arvar hac ean en dès int groeit pe n'en des quet, hac ean en des int covesseit pé n'en dès quet, hac ind e zou marvel pé veniel : rac p'hou huhehai esprès, ean e rehai ur Govezion sacrilege. Ogliget-é-hoah de laret er péhedeu marvel en dehai ancoeheit a zisclæriein en ur Govezion aral : rac penaus-benac ma vent pardonnet dré en absolven, a pe ne vai quet dré hur faute e vent bet ancoeheit, obliget omb neoah d'on hovessad a pe za chonge temb a nehai. Mæs mar dai dre hur faute é vent bet ancoeheit, red-é commance el a ben er Govezion-hont, hac ol er-re hur behai groeit he goudé.

Tri tra e zon caus ordinæremant ma lausquér liès lod ag er péhedeu hemb ou hovessad : 1° Er manq a hum examinein erhad; 2° Er méh; 3° En ignorance. A pe vanquér a zisclæriein ur péhet marvel benac faute a en dout hum examinet erhad, er Govezion e zou sacrilege, hac e zoug guet-t'hi un disprisance disolo caër ag er Sacremand a Bénigèn: rac quemènt-cé zou ur merche é seéllér er Govezion èl un affær a zistér conséquance, péhani ne veritt quet quemènd a attantion hac a sourci èl en affærieu tamporel ha clinhuedeu er horv. Obliget vér enta de hum examinein a nehué ér mod m'hun nés laret, ha de gommance er Govezion-zé èl a ben.

Er méh e zou caus ehué mar rér calz a sacrilegeu. Hardéh vér de gommettein er pehet, ha memb de hum vantein a nehou : ne vai meh nameid a pe vai question a er hovessad. Er-re e guh ou fehedeu dré veh e zisco pe n'ou des quet a Fé nac a Religion, pé n'ou dès quet ou isprit mat. Rac anfin, petra-e ou chonge? Trompein en Eutru-Eoué? Ma ne fal quet dehai gober ur Govezion vat, perac e tant int de govessad? Ne gavant quet merhad e houtrageant asses Jesus-Chrouist a hènd aral : ha rac-cé é fal dehai goud hac ean e vou patiant assès eit ou lausquein de renehuéein é Bassion dré ur sacrilege. O tud foll! Hum drompein e ret : é sigur cuhein hou péhet, hui e guemer er moyand d'en disolein. Rac er peheden cuhet e Covezion e vou discoeit sclær ha splann dirac en ol dé er Jugemant.

Anfin en ignorance e zou caus de baud a sacrilegeu. Quement-ce e arribue a pe vanquer a zisclæriein ur pehet marvel, rac ne ouier quet é vai marvel, penaus-benac ma heèller ha ma telier goud é ma marvel. Bout-çou deu sort ignorance: unan divlam, hac unan criminel. Divlam vai en ignorance a pe ramb tout er péh e cellamb eit boud instruget : par exampl, a pe assistamb guet fidelité ér Hatecheneu, Instructioneu ha Perdegueu; a pe oulennamb en hun doutanceu conseil guet tud abil, aviset mat ha santel. Mæs criminel-é hun ignorance, ma ne hum sourciamb quet a ober hum instrugein; ma ne brezamb quet goulèn conseil en hun doutanceu, pé ne gonsultamb meit tud diavis ha digousciançus pere e bass tout; ma ne laquamb poen er bet de hanauein hun deværieu general ha perticulier. En ignorance-ze e zou caus ma commetter un afin a behedeu marvel, a béré ne chongér quet a hum accusein : receu e rér ncoah en absolven : monet e rér de gommuniein : continuein e rér él-cé durand er vuhé... Penaus vou a la fin contein ur stèd quen eahus a sacrilegeu. Rac scontein e rér é huélet en nivér a Grechénion e vihue en ignorance criminel. (Er Chapistr II hui e gavou un articl aa er péhedeu a ignorance:)

A pe za unan benac ag en tri defaut-cé de vout caus temb d'obér ur fal Govezion, ne chom guenemb quin moyand d'hé reparein, meit d'hé hommance èl a ben, hac ol er-ré hur behai groeit hé goudé, hemb ancoehad a hum accusein de guettan tout ag er péhet hur boai manquet a zisclæriein, hac ag er Gommunioneu hur behai groeit a oudé. Bout-cou memb circonstanceu é péré n'en dai quet erhoalh gobér ur Govezion extraordinær, de lareté, commance er Govezion a oudé ur certæn amzér: mæs requis vai lies, eit laquad reihtæd ér gous-

ciance, gober ur Govezion general.

Er Govezion general e zou un accusation ag en ol péhedeu commettet a oudé er Vadiènd. Er Go-

vezion general e zou necessær d'er-ré n'ou dès biscoah groeit Covezion vad er bet, ha fort profittabl d'er-ré vou poèniet a fæd ou Hovezioneu quettan. Laret hun nès én examén a gousciance é péh fæçon é teliér hum guemér eit hé gobér erhad. Quent hum avisal a ober ur Govezion general, ni e zeli expliquein hur ræzonieu d'ur Hovezour abil hac aviset mat, ha tremén dré er pèh e gonseillou demb. Rac penaus-benac m'en dai er Govezion general forh profittabl a nehi hé hunan, bout-çou neoah certæn tud de bèré é heèll gobér droug, èl mei er-ré n'eèllant quet hemb dangér chongeal én ou buhé treménet, hac en dud scrupulus péré n'eèllant quet gobér un examèn quer bras ha quen

hir, hemb ne droublehai ou speret.

Ér-ré e ra ur Govezion general ur uéh benac én amzer hemb ne vai requis tehai, e denn a nehi avantageu bras. Rac chervige e ra debai, 1º d'arrest er boén e eéllehènt ou dout ar ou speret a fæd ou Hovezioneu a ziaguênt; 2º de laquad én ou halon brassoh glahar ag ou fauteu, é huélet én un taul ou ingratitude é quevir en Eutru-Doué; 3° d'obtenein dehai er remission ag er poenieu tamporel deliet d'er péhedeu a béré en ou des deja receuet er pardon; 4º de laquad ou Hovezour ér stad de hanauein reih en donn ag ou housciance, hac er moyandeu e zeli impléein eit ou hondui en hènd a salvedigueah. Er gustum en dès ur rè-benac d'obér peb plæ ur revu eit renehuéein er resolutioneu ou dès queméret d'assurein ou salvedigueah, e zou mêlet ha recommandet guet S. Françæs a Sale ér buarvet Parti ag er Vuhé devod, é péhani é hansaign penaus é teliér hum guemer eit he gober erhad.

A pe hum bresantet de govessad, chetui penaus

é teliét commance hou Covezion. Remerquet erhad en ol poendeu e yan de verchein amen, ba pratiquet int quel lies guéh ma tostehait d'er Sacremand a Bénigèn. Hum laqueit ar hou teulin ital treid hou Covezour, groeit Sign er Groès guet humilité, ha laret : Me zad spirituel, reit teign hou penidiction, rac péhet e mès : commancet quentéh : Me govessa don Doué ol-Buissant don er Hériès alorius Vari, doh en Eutru S. Miquet Arkæl... ha dohoh hui, me zad spirituel, rac ma mes pehet rai dre chongeu, dre gonzeu ha dre sal obereu: arrestet a-zé. Quentéh èl ma santehait é vou hou Covezour doh hou cheleuet, disclæriet: 1° peguehæd çou a oude n'en doh quet bet e covessad; 2º ha hui ou poai bet en assolven (ma n'hou poai quet hé bet, laret perac); 3º ha hui e hoès accomplisset er bénigèn e oai bet reit teoh (ma ne hoès quet hé. groeit, laret chué parac); 4° ha hui e hoès groeit er péh e oai bet ordrenet teoh, ha pratiquet en aviseu mad e oai bet reit teoh (remerquet mad en articl-men de béhani é vang en darn-muyan ag en dud, ha ma ne hoès quet ean accomplisset, laret arre perac); 5º ha hui ou poai manquet a zisclæriein ur pehet marvel benac en hou tehuehan Covezion, pe quent (mar e hoès manquet, laret petra e vou bet caus : rac sacrilege é bet hou Covezion mar e hoès ean cuhet dré valice, pe dré véh, pé dré zougeance: mar dai encoeheit e hoès ean, seèllet hac ean e vehai dré hou faute, pe rac n'hou poai quet examinet mat hou cousciance, pe dre hou pout hum hastet rai, hac el-ce hou Covezion e vehai arré sacrilege, ha de gommance et a ben); 6º ha hui hou poai laqueit poen d'hou poud ur guir gontrition a hou péhedeu (rac hemb contrition er Govezion e zou sacrilege); 7° anfin ha hui e boès hum breparet d'hou poud en absolven. Chetui en articleu dré béré e teliet attau. commance, ha mar doh aviset mat, ne ortehait quet hou Covezour d'ou

goulen gueneoh.

Arlerh quement-cé disclæriet ol hou péhedeu guet bumilité ha sincerité : commancet dré er-rè e zougeheoh hou poud ancoeheit a zisclæriein a ziaguent : laret peh sort pehedeu int, peed gueh en e hoès commettet peb-hani, hac er circonstanceu considerabl a nehai, èl m'hun nès expliquet en examèn a gousciance : ne lausquet quet er-ré vras hac e ra muyan poén deoh, beed er-ré dehuehan, guet eun ne ounichai en diaul ar-n'ah d'ou huhein, ha mar douget hou poud ancoeheit ur pehet benac, pedet hou Covezour d'hou c'interrogein : quentéh èl m'hou pou achihuet hum accusein, laret : Ag er péhedeu men, hac a ol er-re ne mès quet chonge a nekai, me oulen guet Doue pardon a greis me halon, ha guenech hui, me zad spirituel, penigen hac absolven.... dre me faute, dre me faute, dre me faute brassan: rac-ce me bed er Uéries glorius Vari, en Eutru S. Miquêl Arhæl... ha hui, me zad spirituel, de bedein en Eutru-Doué aveid-on. El-ce re-vou groeit. Laqueit nezé ol hou studi de cheuleuet ha de gomprênein en aviseu mad e rei deoh hou Covezour. Mar hou c'interroge, rescondet guet gurionné d'er péh e oulènnou gueneoh, receuet guet aboeissance er bénigèn e rei deoh ha ma n'hou juge capabl de receu en absolvèn, aboeisseit dehou guet humilité. Durant ma vou hou Covezour é conz dohoh, ne hum abuset quet d'examinein ha hui hou pehai ancoeheit nitra: rac quement-ce e zou liès un tantation ag er goal speret eit miret dohoh a

brofitein ag en aviseu mad e vehai reit tech. Ne veaih quet neoah ingorto é vou groeit tech ur perdèg quel liès guéh ma hehait de govessad : mæs groeit erbad er peh e vou laret tech peb guéh; ha mar da chonge tech ag ur pehet benac, disclæriot ean quent receu en absolven.

Er momant ma vou reit teoh en absolven, souplet hou den ha joentet hou teourn; goulennet guet Doué pardon ag en ol péhedeu e hoès coveisset, ag er-ré ne hoès quet chonge a nehai, hac é general a ol er-ré e hoès commettet durant hou puhé; groeit hou possibl eit hou poud ur hæ carantéus a nehai ol, ha groeit a greis hou calon un Act a gontrition. Goudé, hum dennet a costé eit trugairicad Doué ag er pardon en dès accordet teoh dré é visericord; groeit reflexion ar en aviseu mad e vou bet reit teoh, eit ou diazéein sonn én ou speret; renehuéet hou ferm propos, hac anfin goulènnet quèntoh er marhue eit retourn mui d'er péhet. Él-cé revou groeit.

Ag er Satisfaction.

En Satisfaction, péhani zou en drivet Parti ag er Sacremand a Bénigén, e zou er reparation ag en offance groeit de Zoué ha d'en Nessan. Er resolution ferm ha sincèr d'obér satisfaction, e zou absolumant necessar eit gober ur Govezion vat, penaus benac, n'en dai quet attau requis en dout groeit er satisfaction memb quent monet de govessad : rachemb er volanté sincèr-zé dén n'eèll hout pardonnet ag é béhedeu. Ne ouhemb quet a hanamb hun hunan gobér satisfaction de Zoué ér vuhé-men : rac-

cé hur satisfactioneu n'eèllant bout profitabl eidomb, meid é quement ma vent joentet guet mériteu Jesus-Chrouist, a béré é tennant ou ol nærh ha vertu. Jésus-Chronist en dés groeit, gùir-é, satisfaction antiér de Zoué aveit omb; mæs eit quementcé n'en domb quet exant a ober rénigen; rac n'en domb lodeq én é veriteu meit revé er boén e laquamb d'ober satisfaction eit hur péhedeu.

1° Obliget omb d'obér satisfaction de Zoué a guement ma heèllamb : 1° dré er bénigèn e ra demb er Hovezour; 2° dré bénigènneu e gueméramb o banamb hun bunan; 3°. dré er poénieu e gouéh ar-n'amb é punition ag er péhet, èl mei er hlinhuedeu, er holleu, en amzer rust, el labour calet, en afflictioneu corporel ha spirituel, etc.;

4º dré en indulgeanceu, etc.

1° Obliget omb d'obér er bénigèn e ra demb hur Hovezour, ha péhein e ra pihue-benac e vanq . dré é faute a hé accomplissein. Rac penaus-benac ma receuamb er remission a hur péhedeu ér Sacremand a bénigèn, ne vèmb quet neoah attàu quitt ag er boén deliet d'er péhedeu, dré ma ta er boén éternel deliet d'er péhedeu marvel a béré en hun bai receuet er pardon, de voud ordinæremant changet é poénieu tamporel, e zou ret absolumant payein ér béd-men pc ér béd-hont. Rac-cé er-ré ne brezant quet gober ou fénigen, e zisco é tisprisant er Sacremant, ha n'ou dès quet a anquin ou doud offancet Doué. N'en des quet ehué de fiein ar Govezioneu er sortzé. Er pénigènneu e rér demb è Govezion, e zou guel eid er-ré e gueméramb a hanamb hun hunan, rac m'en dint ur parti ag er Sacremant, ha rac ma pratiquer doh ou gober, en humilité hac en aboeissance én un taul.



2º Ne zeliamb quet hum gontantein guet er bénigen e ra demb hur Hovezour : mæs ni e zeli hoah quemér a hanamb hun hunan ré jaugeabl eit castiein hur goal inclinationeu ha torrein hur fal acustumanceu. En ævreu ordinær a bénigèn e cèlla mb pratiquein, e zou er yun, er beden, en alezon. Erré n'en dint quet ér stad de rein alézon, e cell ahoel pratiquein en ævreu a visericord corporel ha spirituel a béré en hun nès conzet én Articl ag er Garanté a Grechéneah. Er-ré n'en dint quet capabl de vun, e zeli digol quement-ce dré vortificationeu aral a gorv hac a speret; dre Bedenneu, el mei hum humiliein dirac Doué; offrein debou ou feenieu, ou afflictioneu, ou labourieu é penigèn ag on féhedeu; andur tout a balamor dehou; assistein én Overen; gober lecturieu spirituel, etc. Mæs er uellan pénigèn e fehèmb gobér eit castiein hur goal inclinationeu, e zou er pratiq ag er vertuyeu con-trel dehai. (Expliquet hun nès quement-ce é peb Articl ag er péhedeu Capital, a Ourhæmeneu Doue ha re en Illis. Er Hombat spirituel e expliq er &con de gastiein er goal inclinationeu dre er pratiq ag er vertuyen contrel dehai.)

Pe hanauehemb erhad en avantageu ag er benigen, n'he dougehemb quet el ma ramb. Er benigen e ra satisfaction de Zoue, hac e zistan è goler. Er benigen e zou en arrestemand ag er goal imur, en dalh ag er goal inclination, hac e zistro er pehour ag é fallanté. Er benigèn e laq er pehour de vout guel ar é oard en amzer de zonnet : rac a pe za dehou chongeal er boén en dés doh hé gober, ean e santt guel er stad trist ha dangerus é pehani en en doai er pehet el laqueit. Er benigèn e uella d'er restageu ag er péhet de laret-é, d'en dioustemant don

er mad e chom hoah guenemb é oudé, d'er fal blæg hun nès hoah d'en droug, d'er yeinnion én devotion, d'er ponnérdæd a speret... Er bénigèn hur rantt, a guemènt ma heèllamb boût, haval doh Jesos-Chrouist, péhani en dès bet conduiet perpet ur vuhé calet, ur vuhé poénius, ha péhani e zczir ma partagehemb é boénieu ér béd-men, eit ma parta-

gekemb é hloër er joyeu, é-mé S. Paul.

3º Doué e vènn hoah ma hum chervigehemb ag er hrezieu, ag er poénieu e gouch ar-n'amb, eit gober satisfaction d'é justice. Eit quement-ce ean e ordren demb ou andur a volante vat ha guet ur grèd carantéus é pénigèn a bur péhedeu. Pe hur behai Fé assès eit considerein en afflictioneu e arrihue guenemb a zourn hun Tad carantéus, péhani n'hur hasti nameit rac m'hur har, ba péhani e fourniss demb dré-zé ur moyand assuret de bayein dré boénieu distér er béd-men, poénieu éternel hun nès meritet er béd aral, ne vehemb quet tantet de hum glem a nehai, na de vurmurein. Pe garrehai er gueih tud a ziar er mæzeu hum chongeal ha comprêncin erhad quement-cé, guæd a nehai e eèllehai bout Sænt ha Santezet bras! rac n'en dès stad er bet calettoh na poéniussoh eit ou hani: æsset vehai debai hum santefiein! Mæs en darn muyan é léh quemér ou foénieu é grad èl ur bunition ou dès meritet, e hum glêm a nehai, hac e fache bet-hac hum guemér dob Doué.

Eit ma vou receuet hur satisfactioneu guet Doué, rêd-é ma vou distag hur halon doh peb sort péhet marvel; de laret-é, m'hur bou quæ a nehai ha ma vehemb ér resolution ferm n'ou hommettehemb mai. Rac gobér goab a Zoué, bout gueuyad hac hypocrit vehai goulèn guet-t'ou pardon ag ur pèhet

e garamb hoah, hac e omb hoah en disposition de gommettein. É general, eit ma vou profittabl eid omb dirac Doué hun ol ævreu hac obereu, deu dra zou necessær: er hettan ma veint groeit er stad a græce Doué; en eil, ma veint groeit guet eu intantion de bligein de Zoué. Guet en ihue gonditionzé, ol er péh e remb hac e anduramb a vitin beèd en noz, e eèll chervige temb eit gober satisfaction de Justice en Eutru-Doué, eit tènnein ar-n'amb ur hresquance a hræce hac a secour, hac eid arrihue en heurustæd éternel.

1º Réd-e ma veint groeit ér stad a græce Doué : rac, e lar er Scritur santel, donæzoneu en dud impi n'eèllant quet bout agreabl de Zoué. Quement-ce e ra demb Jesus-Chrouist d'antand a pe lar : Me zou ur ressinen, ha hui er branqueu : en hani e chom en-an ha me en-ou, henneh e zoug freh hilleih; rac hemb-on n'eèllet gobér nitra. De laret-e, é-tré ma chomamb staguet doh Jesus-Chrouist dré el liameu precius ag é garanté, ni e zouguou fréh eid er vuhé éternel : mæs quentéh èl ma hum zistagamb d'oh-t'ou dré ur péhet marvel benac, ne ramb meit sehein el ur brang difflosquet doh ur uèn. N'en dai quet laret eit quement-ce, ne chervige de nitra d'er-ré zou, er stad a béhet marvel, pedein, vun, rein alezon, etc. É contrel, sel mui, ou des commettet a béhedeu, sel mui a boén e zeliant laquad d'obér ævreu mad eit touchein calon en Eutru - Doué, ha tènnein ar nehai ur seell a visericord. Er gonseil e ras er Profæt Daniel d'er Roué Nabuchodonosor d'obér alézoneu bras eid arrest colèr un Doué offancet, e ra d'antand é heèll en ævreu mat groeit ér stad a béhet marvel obtenein d'er péhour er græceu necessær eit hum dènn ag er vouillèn ag é béhedeu.

2º Eit ma vou profittabl aveid omb hun obereu dirac Done, réd-è ma veint groeit guet en intantion de bligein dehou. Me gonz ag en ævreu péré n'en dint quet contrel d'é Lezen : rac peb-unan e ouair n'eèller quet gober un dra e zisplige de Zoue, guet en intantion de bligein dehou. Mæs en ævreu memb péré n'en dint na droug na mat, hac e zou cummun itré-omb hac el lonnet brutal, èl mei daibrein, ivet, cousquet, querhet, labourad, etc. A pe vent groeit eit gloër en Eutru-Doué, ne chomeint quet hemb recompanse. Rac-cé é lar demb S. Paul : Pé a pe zaibrehait, pe a pe ivehait, pe ne vern, petra e rehait, groeit ol eit gloër en Eutru-Doué. (Leinet er Chapistr IX ag er Hombat spirituel.) Mar goulènnet perac Doué ne recompanse meid er peh e vai groeit eit pligein dehou, me oulennou ebué gueneoh perac ne bayet hui ur gounideq e za de oulen e zeueh gueneoh hemb en dout labouret eid-oh. Caër hur bou laret a pe barissehemb dirac Doué, en hur bou poéniet noz ha de eit gounid hur bihuance, en hur bout treménet hur buhé é misér hac é peuranté ; ma n'hur bai offret er poénieu-zé dehou, ma n'hur bai ind anduret guet patiantæd eid en inourein, ean e rescondou demb, ne hoès quet labouret eid-on; n'hou c'hanauan quet. Mar credamb boud escusabl én ul laret, ne chongemb quet, é zehueban rescond e vou, peélleit doheign... Hilleih e hum gavou forh dibourvai dirac-t'ou, penaus-benac ma tostant liès d'er Sacremanteu, ma vourrant è monet d'en ilisieu. é visitein er-ré clan, é yun, é rein alézon, é hober pénigénneu calet, etc. Rac m'ou devou groeit en sevreu-ze dré acustumance, dré fantasi, dré ma cavant e ma ur med honest gobér èl-ce, hemb chongeal nac a ou joffrein de Zoué nac a glasq pligein dehou;

receuet ou dés deja ou recompanse, é-mé hur Salvér.

4º Anna, Doné e zezir ma hum boéniehemb
d'obér satisfaction d'é justice, en ur ounid Indulgeanceu. Hanhuein er rér Indulgeance, er remission
e ra en Ilis ag er poénieu tamporel a béré er péhour
e hum gav ordinæremant déléour goudé m'en devai
receuet er pardon ag é béhet ér Sacremanda Bénigèn.
Eid gounid un Indulgeance, réd-é boud ér stad a
hræce, hac accomplissein perhuéh mad er péh e
ordrén en Ilis, guet ur guir desir d'obér satisfac-

tion de justice en Eutru-Doue. Bout cou Indulgeanceu e celler gounid eid en incanneu ag er Purgatoër, en ur ober en ou intantion en ævreu ordrenet

dré en Ilis. (Leinet el Livr Pedenneu, édition nehué.)
Eid ma comprenehait petra e senés un Indulgeance pleniéran Indulgeance a sein viæ, un Indulgeance a zeu-uguênt dé, etc., réd-é expliquein un tamiq er regleu e héliait guharal én Ilis a zivoud er pénigènneu. Obliget oait eit certæn pénedeu d'obér ur bénigèn publiq ér fæçon men : quentéh èl ma tai d'ur pénour hum gonvertissein, en obligein e rait de chom ar é zeulin e toul dor en Ilis, ha de hum recommandein de Bedenneu er Fidelèt. Er bénigèn-cé e badai peèl amzér eit lod.

Arlerh en el lausquait d'antréein just en Ilis eit cheleuet er Hatechen hac en Instructioneu aral : mæs obliget oait de sorti quent ma commançait er Pedenneu hac en Overen.

Goudé m'en doai accomplisset en amzer destinet tehou eit boud er bazèn-zé a bénigèn, en el lausquait d'assistein er Pedènneu publiq, ha memb en Overen beèd goudé en Aviél: gobér e rait nezé Pedenneu aveit-t'ou hac obliget oai durand en amzer-zé de stouyein a blad e creis en Ilis. A pe oai paré er Pedenneu, en en avertissait de monet er mæz.

Anfin goude m'en doai tremenet dré en dairvet pazen-ze a benigen, è rait tehon en absolven solannel; ha neze en el lausquait d'assistein en of pedenneu publiq, ha memb er Sacrifice ag en Overen; mæs ne oai quet permettet tehou tostad d'er Gommunion beed quene oai achiue en amzer destinet tehou. Obliget oai, durant ma padai é benigen, de yun ar vara hac ar zeur, guelt bamdé, guelt tri pé puar de er suhun, de laret Pedenneu reglet, de rein alézon revé é gommodité, de hum dennein a gompagnoneah en dud, de hum forhein ag en deværranceu ha divertissemanteu permettet, etc.

Gùir-é ne vér quet bet attau obliget aveit péhedeu segret de dremén dré er pazènneu-zé a bénigèn : mæs boude oai neoah pénigènneu reglet burhud eitpeb péhet marvel. Chetui ur ré-benac : car rai hir vehai ou scrihuein ol. Doh er-ré-men, hui e jugeou

ag er ré-ral.

Eid en dout renonciet d'er Fé, dec viæ a bénigèn. Eid en dout consultet un divinour, pèmb piæ a

bénigèn.

BIJE

TY

ů.

S

M

Eid en dout touyet é gueu, yunein deu uguênt dé ar vara hac ar zeur, ha boud é pénigèn durant seih vlæ.

Eid en dout touyet en Hanhue a Zoué ur uéh hemb perderein, seih dé a bénigèn ar vara hac ar zeur: pembzec dé eid en eil guéh. A p'er groait é publiq, er bénigèn e eai terribl.

Eid en dout labouret d'er Sul pé d'er Gouil, yun

tri dé ar vara ha deur.

Eid en dout dévizet én Ilis durand en Office, yun dec de ar vara ha deur.

Eid en dont torret hemb necessité ur yun ordrénet, yun deu-guent de ar vara ha deur. Eid en doud anjuliet é dad pé é vam, tri blæ a benigen.

Eid en dout groeit goab ag é Escob, pé ag é

Berson, yun deu-uguênt de ar vara ha deur.

Eid en dout lahet ur Beleg, deuzec vlæ a benigen. Eit bout bet caus d'ur faus gulevoud, tri blæ a benigen.

Eit bout bet caus de varhue hur hroaidur eit cuhein er pehet ha sauvein en inour, dec vlæ a bé-

nigèn. 、

Eid en dout lahet un dén esprès, pé bout bet caus d'é varhue dré un accusation iujust, seih vlæ a bénigèn d'er bihannan.

Eid en dout goarnet caz doh en Nessan, yun ar vara ha deur quehæd amzer el ma hoait bet e caz

doh-t'ou.

Eid en dout lairet un Ilis, seih vlæ a benigen d'er bihanuan, open er restitution.

Eid ul laironci dister, mæs neoah marvel, ur

blæ a bénigèn, opèn er restitution.

Eid en dout touchet usur, yun ur blæ ar vara ha

deur, ha deu aral a benigèn.

Eid er péhédeu inemp d'er burtæt, lod tri blæ, lod pemb plæ, lod seih vlæ, lod dec vlæ, lod du-, rand er vuhé. Eid ur simpl dezir, deu vlæ, etc.

Eid en dout goal gonzet é fæd a dra distér, tri dé

a bénigèn.

Er-ré ne oent quet ér stad de yun, e oai obliget de zigoll quement-cé dré alézoneu revé ou moyand, dré vortificationeu aral, dré Bedenneu, hac ævreu mat, revé avis ou Hozezour. Er pénigènneu-zé e zou bet én usage tost de unec-cant vlæ. Bermen n'obligér quet mui d'ou gobér, gùir-é; ha quement-cé e zeliehai laquad er Grechénion de rusin

guet méh: rac mar en dès en Ilis douceit hé regleu, n'en dès meit fallanté ha goannedigueah hé bugalé e zou caus. En essed, er péhet n'en dai quet bihannoh bermen eit ne oai nezé: n'en dai quet ehué changet justice en Eutru-Doué: ret vou enta gobér satisfaction dehou, pa réd-é laret é rai er-ré-hont rai, a pe ne gredamb-ni hor bout ræson de hum glèm mar n'hur mignonér quet a pe yamb de govessad. Ne laquér quet calz a brèss ar er Govezerion: mæs bihannoh e vehai hoah laqueit pe vehai ret gobér er

pénigènneu e rait gubaral.

Hayal gueneign é teliet bermen comprènein petra e senéfi un Indulgeance pleniér, un Indulgeance a seih vlæ, a gant dé, etc. Un Indulgeance pléniér e zou ur remission ag er peh e chom d'accomplissein ag er benigen e vezai bet ret temb gober gubaral eit hur péhedeu, hac ag er boén tamporel deliet aveit-tai de justice en Eutru-Doué. Un Indulgeance a seih viæ, pé a zeu-uguênt dé, etc., e zou ur remission a seih vlæ, pe a zeu-uguênt de a bénigèn e vezai bet ret temb accomplissein guharal revé er regleu ag en llis, eit payein er boen tamporel deliet eit hur péhedeu. Rac-cé un Indulgeance pleniér, a p'hé gouniér parfætemant, e aquitt en ol poénieu deliet d'er péhedeu; hac en Indulgeanceu aral ne aquittant lies mat meit lod ag er poénieu-zé : de laret-é, en-nemb en dehai commettet ur péhet eit péhani é vezai bet ret tehou gobér gubaral dec vlæ a bénigèn, ha ne ouni meid un Indulgeance a seih vlæ, hennéh ne receu quet er remission antier ag er poénieu deliet d'é béhet. Mæs en Indulgeance-zé e vehai pleniér eid un dén n'en dehai meritet meit pemb plæ a bénigèn.

Er Jubilé e zou un Indulgeance plenier e accord

er Pab peb pemb plæ ar-n'uguênt de ol er-ré e visitou guet en dispositionet requis en llisieu principal a Rom. Peb-unan e cell er gounid én é Barræs, è hober er Stationeu reglet dré è Berson, hac é accomplissein perhuéh mad er péh e vai ordrénet e Liher er Pab. Er Jubile n'en dai hanauet en His meid'a oudé er blæ mil-tri-hant, ha hoah ne oai accordet a gommance meit peb cant vlæ. Goudé é hoai bet laqueit de beb hanter-hant viæ, hac anfin er blæ mil-puar-hant-dec ha tri-uguent er Pab Paul II el laquas de beb pemb plæ ar-n'uguent. Er guir Jubilé e za demb ag er goh Lezèn. En amzér-hont er Juivet e oai obliget peb hantér-hant vlæ de zaccor en doar ou doai pernet guet ré ag ou nation, ha de rein ou liberté d'er sclavet Juiv ou doai idan ou berh, é mémoër ag ou delivrance ag ne Egypt; hac er blæ-zé e oai banhuet blæ er Jubilé, péhani, revé en Tadeu santel, e oai ur figur ag er peh e zeliai Jesus-Chrouist gober eid en ol dud don ou delivrein a sclavage er pehet.

Hum drompein a vras vehai chongeal é teliamb bout dispancet a obér pénigèn a pe ouniamb un Indulgeance benac. N'en dai quet honnéh-é intaution en Ilis: é contrel, he dezir e zou ma rehemb hur possibl eit gohér ur gùir satisfaction de justice en Eutru-Doué, ha ne accord temb Indulgeanceu meid eit hun accouragein hac hur secour de reparein hun offanceu dré un dign pénigèn. En dezir bras en des hur Mam santel en llis ma rehemb satisfaction de Zoué ag er vuhé-men, e ra demb d'antand è ma terribl er poénieu ag er Purgatoër, é péré é ma purifiet en ineanneu santel péré n'ou dès quet aquittet èr béd ol er péh e zeliènt de justice en Eutru-Doué eit ou féhedeu. (Leinet er Chapistr VII ag

er Reflexioneu ar er pedair fin debuehan, ag er Purgatoër.)

Er musul ag er satisfactioneu e zeliamb gobér de Zoué, e zeli bout pé brassoh pé bihannoh revé en nombr hac en enormité a hur péhedeu, hemb jamæs ancoehad é ma perpet hur pénigènneu hilleih douçoh eit ne veritamb, a p'en dai guir en hun nès meritet poénicu éternel. Rac-cé assès-é en dout péhet ur uéh eid ouilein de jamæs. En-n'emb e hum glèm ag é Govezour é sigur ma cav rust ha calet er pénigènneu e ra dehou, e zisco assès ne hanàu quet calz er vrastæd ag é béhedeu, ha ne chonge quet calz én tourmanteu e veritant. Hur pénigènneu ne zeliant quet bout hemb quin ur bunition ag er péhedeu commettet; mæs ehué ur remæd eit hur preservein a gouéh én-ai én amzér de zonnet.

Obliget ver hoah hemb disprisance er bet d'obér satisfaction d'en Nessan a guement m'en dai possibl; hac èl-cé, de reparein en domage e hoès groeit tehou én e gorv, doh en anjuliein pé doh er goal drætein; en é inean, é vout caus dehou de béhein; én é inour, doh en décriein; én é zanné, doh ou hemer pe ou derhel inemp d'er ræson; ha ma ne hoès ur guir infantion d'er gober, ma n'er groet a guement mei possibl deoh, n'eellet quet bout pardonnet. A fæd er pehedeu inemp de Zoue ne faut meid ur Govezion vat eit bout pardonnet a nehai: mæs er péhedeu incmp d'en Nessan, caër hou pou ou hovessad ha laret en e hoès contrition a nehai, ma ne hoès intantion d'ou reparein, ma ne laquet poén d'er gober à guement ma heellehet, ne vehet quet pardonnet.

En-nemb e zou bet caus d'er ré-ral d'offansein Doué dré scandal pé goal exampl, e zeli : 1° Rein exempl vat; 2º Gober é bossibl eit distrugein en droug en des groeit; 3º Condui ur vuhé santel; 4º Pedein Doué eid er-ré de béré é ma bet caus be péhein. A pe n'eèllamb quet reparein ol en domage hun nés groeit d'hun Nessan, red-é gohér é cousciance tout er péh e eèllamb, hae ur boud ur gùir volanté d'obér dehou satisfaction antiér quentéh el m'hur bou er moyand d'hé gober. Laquamb poén de bratiquein ol er péh e reglou hur Hovezour a zivoud quemènt-cé; ha ne hum avisamb quet de changein a hanamb hun hunan er pénigènneu en devou ordrenet temb.

Ag en Absolvèn.

En Sacremand a Bénigèn, èl m'hun nès laret, e gousist er gontrition, er govezion hac er satisfaction a berh er pénitand, hac én absolven a berh er Hovezour. En absolven e zou ur santance e brononce er Belêg é hanhue Jesus-Chrouist, dré béhani é ma pardonnet ou féhedeu d'er-ré e ra tout er péh e oulen en Eutru-Doué eit ou fardonnein. Quementcé e zisco splann n'en dai quet é dalh guet ur Hovezour, el ma chonge ul lod vad, rein en absolvèn d'er-ré e gar, ha ne zeli hé rein meit d'er-re e juge preparet ha disposet d'hé receu. Penaus-benac n'en dai quet requis ma houvehait er regleu e zeli ur Hovezour héli én Tribunal ag er Bénigèn, é han neoah de verchein amen ur ré-benac ag er circonstanceu é péré é teli bout refuset pé derænet en absolvèn, eit ne vehait quet digousciançus erhoalh eit hé receu, mar e hoés jamæs er malheur de gavouet ur Hovezour lache ha digas assès eit he rein deoh ér sort dispositioneu-zé.

Dihuènnet-è rein en absolven : 1° D'er-ré ne ouyant quet er péh çou requis goud eit bout salvet , ha ne brezant quet laquad poén d'ou désquein ; d'er-ré zou carguet a salvedigueah er-ré-ral, ha ne laquant quet poén d'ou instrugein pé d'ou horrigein.

2º D'er-ré e vihue én dissancion, é caz hac é malice doh ou Nessan, hac e refus hum accordein guet er-ré e hanhuant ou enemiset, pé ne vènnant quet ancoehad ha pardonnein en anjulieu e gavant

e vai bet groeit tehai.

3° D'er-re en des groeit un domage benac considerabl d'ou Nessan ; pe én é gorv , pe én é inean, pe én é inour , pe én é zanné , ha ne fal quet dehai

er reparein a guement ma heellant.

4° D'er-re zou en acustumance a béhet marvel, el mei o vlassæmereah, a ivraignereah, a lubricité, etc., ha ne brezant quet hum gorrigein: d'er-ré zou én occasion tostan a béhet marvel, ha ne vennant quet quittad, a pe eellant; pé ma n'eèllant quet absolumant peèllad, e refus impléein er moyandeu requis eit resistein doh er péhet.

5° D'er-re ne hum aquittant quet ag ou deværieu goudé bout bet avertisset; ha d'er-ré ne vènnant quittad ur garg, ur vechér, ur hommerce e ouiant dré, ou experiance n'eèllant quet excelsein

hemb péhein marvelemant.

6° D'er-ré e ra occasion a béhet d'er-ré-ral; el mei er-ré e fourniss tiér d'er filagerion, d'er go-rollerion, d'en hoarierion cartès; er-ré e ra meèlladeu, leigneu vras, assambléyeu a vobance; er-ré e lar sonnenneu dishonest, dirac tud youanq é spécial; en davarnision péré e ra divet de dud youanq hemb goud ou zud, pé de ré esantt deja d'er guin, etc. Anfin deliet-é refus en absolven d'er-ré ne gavér

quet disposet mat, beèd quene laqueint poén de hum breparein, èl ma houlen en Eutru-Doué, hac

èl ma ansaign er Hatechen.

Bout cou neoah circonstanceu é pérè peb sort Covezerion n'eellant quet rein en absolven d'ou fénitandet, hac è vehènt int disposet mat a hènd aral. Rac-ce ur Hovezour péhani e hanau é zevær, ha péhani n'en dai quet aprouvet eid er hazieu ha cansurieu reservet, ne hum avançou quet de rein un absolven inutil d'ur pénitand e gavou cablus ag er sort péhedeu-zé, meit hac ean e vehai en articl ag er marhue. Er hazieu reservet e zou certæn pchedeu marvel a béré en hum reserv en Escob er bouvoër de rein en absolven, pé dré-d'ou é hunan, pé dré certæn Covezerion de béré é ra pouvoerieu spécial. Er cansurieu e zou poénieu spirituel dre béré é puniss en Ilis hé bugalé eit péhedeu spleitabl ha scandalus. Bout-cou re reservet, ha re n'en dint quet reservet. En-nemb en dès er malheur de gouéh idan ur çansur reservet, e zou obliget de hum adressein pc doh en Escob, pe doh ur Hovezour aprouvet eid er hazieu ha cansurieu reservet. Ne gonzer amen meid a zeu sort cansurieu, en escommunication hac en interdit.

En escommunication e zou ur cansur dre pehani é ta hur Mam santel en llis de forhein ur Hrechen ahurtet en e behet, ag en droæd en doai de vout lodeq en he madeu spirituel. Bout-cou un escommunication vras hac unan vihan. Er-re e gouéh idan un escommunication vras, ne vent quet mui lodeq e Pedenneu, e ævreu mat, e avantageu spirituel er Fidelet aral; ha coll e rant en droæd de voud interret en doar beniguet. Mæs en escommunication vihan ne forh meid ag en droæd de receu er Sacre-

manteu ha de vout presantet d'er harguen ag en Ilis.

Obliget-é er Fidelet idan boén a escommunication vihan, de beellad doh cansortiss ha compaguoneah er-ré e vai disclæriet é publiq ha dré ou hanhue escommuniet. Rac-cé ne zeliér nac ou saludein; na pedein, na chom, na trafiquein, na labourad, na memb daibrein guet-t'ai. Eèllein! e rér neoah ha memb deliet-é pedein é segrèd eid er sort tud-cé: mæs ne zeliér ou andur én Ilisieu meit de cheleuet er Hatechén hac en instructioneu.

En llis e bermètt hoah en dout cansortiss guet er-ré escommuniet publiquemant: 1° Eit conz te-hai a hum gonvertissein hac ou doug d'ober penigèn.

2º Deu bried ne zeliant quet hum separein, eit boud unan a nehai escommuniet; mæs en hani direbræche ne zeli quet antretenein en hani cablus én é béhet.

3º Bugalé ha serviterion e eèll hac e zeli hum gomportein èl quent é quevir ou zad hac ou mam, pé ou mestr escommuniet; mæs non pas ou otorisein er péhet eit péhani é vent bet escommuniet.

4° En Ilis ne buniss quet éhué er Fidelet péré e ra cansortiss guet er-ré disclæriet publiquemand escommuniet, a pe ne ouzant quet é vent escom-

muniet.

5º Permettet-é hoah conz doh er-re disclæriet publiquemand escommuniet, a pe vai requis eid un affær a gon equance. Mæs ne zelier conz tehai meid ag en affær hemb quin a béhani é vai question.

Er-re escommuniet, mæs n'en dint quet disclæriet publiquemand escommuniet, e eell assistein en Officeu hac en Overen guet er Fidelet: mæs n'eellant quet hemb pehet receu er Sacramanteu beed que n'ou devou receuet en absolven, pe guet en Escob, pe guet ur Belèg aprouvet eid cansurieu reservet.

En interdit e zou ur cansur dré béhani é tihuèn en Ilis a sacramantein, a obér en Officeu divin é publiq, hac a interrein guet er ceremonieu ordinær, eit punissein un diaboeissance spleitabl ha scandalus én ur guær pé én ur Barræs.

Permettet-é neosh badéein duraud un interdit, deværein er-ré clan ha memb diméein é segrèd er-

re ne vent quet bet caus d'en interdit.

Er monitoër e zou un avertissemant hac ur ourhæmen e ra en Ilis d'er Fidelet, de zisclæriein er péh e ouzant a zivoud un dra benac a gonsequance, idan boen a voud escommuniet ma ne zisclæriant

quet.

En llis n'hi des intantion d'accordein ur monitoër nameit d'er Fidelet a scuir vad, hac eit treu a gonsequance a beré n'eèllér en dout prouv er bet ér mod aral. Er-ré en dès un hanauedigueah benac, e zou obliget, idan boén a escommunication, de zisclæriein idan en amzér merchet ér monitoër. Mæs bout-çou re exant a monet de revelation; èl mui er-ré en dès ur guir ræzon de zougein a vout goal drætet én ur mod benac diarbèn ou disclæration; er-ré zou a guærent tost d'en hani en dès reit occasion d'er monitoër.... (A fæd er çansurieu hac er monitoër, peb-unan e eèll expliquein é ræzonieu d'ur Hovezour abil hac aviset mat, ha tremén dré er pèh e gonseillou dehou.)

ARTICL V.

Ag er Sacremand a Nouyèn.

Douk e zegas temb trebilleu ha clinhuedeu eit hun humiliein, eit hun distag doh er bed ha dohemb-ni hun hunan, eit hun avertissein de hum breparein d'er marhue, eit hur punissein a hur pehedeu ha rein demb léh d'ober satisfaction a nehai, eit hun desquein de vout patiant ha d'andur guet

resignation d'é volanté.

Rac-cé ur hlan e zeli offrein é boénieu de Zoué, ha gobér un implé mad ag é glinhuet. (Er vuhé devod, Chapistr III, Parti III e expliq er pratiq parfæt ag er batiantæd.) Ean e zeli, mar hum santt cablus ag ur péhet benac, galhuein prontt ur Hovezour, laquad é cource reihtæd én é afférieu spirituel ha tamporel; receu er Sacremanteu d'er prestan, ha mar guél er marhue é tostad, gobér de Zoué ur sacrifice generus ag é vuhé. Er-ré e orto beèd en dehuehan requis eit galhuein ou Hovezour, e hum laq ér riscl bras a obér ur fal Govezion. Rac goud e rér erhoalh n'en dai quet a pe vér clan, é cavér guellan en isprit disposet de chongeal én treu a Zoué.

Eit laquad reihtæd én affærieu ag é gousciance, ur hlan e zeli : 1° hum gaërrad a uir galon guet é enemiset; 2° reparein en domage en dehai groeit d'é Nessan én é gorv, pé én é inour, pé én é zanné; 3° mar dai bet caus d'ur ré-benac de béhein, reparein er scandal revé avis é Govezour; 4° anfin, reglein quen erhad é affærieu tamporel, ne vou ar-

lerh é varhue na disputt na dissancion diarbèn è dreu.

En-nemb e zezir gobér un testamand, e zeli galhuein é Berson ha deu Notær, pé deu dest d'er bihannan, tud leal ha cousciançus, ha disclæriein reih ha splann én ou fresance é zispositioneu hac er péh e fal dehou ma vou groeit arlerh é varhue.

Er hettan tra e zeli recommandein, e zon payein é zelé, mar en dès, restituein en danné deit dré oal hènd, pé dalhet inemp d'er guir ha ræzon, ha reparein en domage groeit en ur mod benac d'en Nessan. (En-n'emb e eèll gober en treu-zé dré-d'ou é hunan, ne orteèt quet d'ou gober dré ré-ral.)

En-n'emb en dès danné, e zeli testamandein un dra benac d'er beurerion, é spécial d'er-ré méhus, pe d'en Hospital, pé d'en Ilis. Mæs é sigur alézoneu, ne faut quet gobér gueu dob ea heriterion, é spécial mar dint peur. En-n'emb e zezir laquad ur Fondation benac, e zeli goulèn conseill hac héli en ordrénanceu a zivoud en donæzoneu dré testamand.

Un testamand e zeli bout signet guet er Person en dès ean scribuet, huet en eu dest, mar gouiant signein, ha memb guet en hani e ra er gober: ha ma ne ouair quet signein, rèd-é ma vou groeit mantion ar en testamand penaus, è vou bet leinet tehou, en en dou ean cavet mat; mæs ne ouair quet signein.

En Nouyèn e zou ur Sacremand instituet eit

soulagemant-corv hac inean en dud clan.

En Nouyen e zou ur Sacremand; rac m'en dai ur merche sansibl péhani et laqua græce Doué en incan. En essed, er péh e ra er Belég, hac er Pedenneu e lar én ur rein en Nouyen, e gouch idan er squendeu: dré vertu er péh e ra hac e lar er Belêg, Doué e ra er yéhæd d'inean er hlan, ha memb d'é gorv a pe juge profittabl quement-cé eid é hloër. Rac-cé é lar en Apostol S. Jaq : A pe vou unan-benac clan en ou mesq, galhueet er Velean.... eit ma pedeint Doue eit-t'ou durant m'en oignemanteint quet yvl, de laret-é, guet en Oleàu sacret, é Hanhue en Eutru-Doué, hac er Beden ag er Fé é meriteu Jesus-Chrouist e sauvou er hlan: Doue er soulageou hac é béhedeu e vou pardonnet tehou, mar en dès commettet ur ré-benac.

Er Sacremand a Nouyèn e zoug enta guet-t'ou tair græce principal: 1º Ean e efface er rest ag er péhedeu, hac er péhedeu memb mar bai hoah ur re-benac d'effacein. 2º Ean e ra nærh ha secour de souffrein guet patiantæt, de resistein doh tantationen en diaul ha de feahein er sconteu ag er marhue. 3° Ean e ra memb er yehæd d'er horv a pe juge en Eutru-Doué quement-ce profittabl eid é hloër propr bac eit salvedigueah er hlan.

· Mæs ne zeliér quet gortoz ma vehér én dangér a varbue cid er receu : rac er-ré er receu guet squènd vat ha guet ur jugemant parfæt, e zou guel er stad de hum breparein ha de dennein mui a brofitt a nehou. En effæd, tantein Doué vehai en ur certæn fæçon goulèn guet-t'ou dré er Sacremand er véhæd

ag er horv eid un dén e vehai én agoni.

Eit hum breparein d'er receu erhad, réd-é covessad mar eèller, ha ma n'eèller, en dout d'er bihannan ur hæ bras ag é béhedeu guet en dezir ag en absolven : réd-é er receu guet Fé, ha guet un isprit a Beden, a benigen, a gontrition hac a resignation de volanté Doué; ha rac-cé é larér é ma guel er receu é cource, eit gortoz beèd en dehuehan requis.

Digitized by Google

Ur hlan a pe vér doh en nouyein, e zeli joen-tein é Bedenneu guet ré en Ilis, ha goulèn pardon guet Doué ag er péhedeu en dès commettet dré é squèndeu naturel, a vusul m'ou frottér guet en Oleàu sacret. Rac-ce, d'en eulagad, ean e zeli hum humiliein ag é fal seèlleu ha goulen pardon a nehai. D'en discoharn, ean e zeli goulèn pardon ag er fal implé en dès groeit a nehai eit cheleuet treu e zisplige de Zoué. D'en diffrèn, ean e zeli hum humiliein en dout queméret goust en treu e offance Doué. D'er bêg, ean e zeli goulen pardon ag er fal langage, ag er péhedeu inemp d'en tampérance dré chervadeu ha friantage. De boul er galon, can e zeli hum humiliein ag é fal chongeu ha dezirieu. D'en deourn, ean e zeli goulèn pardon en doud ind impléet eit goal ober. D'en treid, ean e zeli huannadein ag er fal implé en dès groeit a nehai eit rideg d'er bobanceu hac heli custumeu er bed.

Arierh m'en dès ur hlan receuet en Nouyèn, ean e zeli derhel é chonge guet Doué; en trugairicad ag er græce en dès receuet; chongeal ér marhue

hac én éternité.

Er Fidelet péré e assist en un Nouyen, e zeli joentein ou Fedenneu guet ré en Ilis eid en hani c nouyér; distroein doh-t'ai ou hunan eit considerein péh quer bean é tremén er vuhé-men, ha pebéh folleah-é staguein er galon doh en treu crouéet, e zou réd ol quittad a pe berderér bihannan.

Eèllein e rér receu er Sacremand a Nouyen quel liès guéh ma ver clan, mæs n'en dai quet permettet er receu istroh eit ur uéh durand er memb clinhuèd, nameit ha guelleit vehai un tamiq d'er hlan guodé m'en dès ean receuet, ha ma vehai couèhet arré én dangér a varhue a-bèn ur certæn amzér. Eèllein e rér bout salvet hemb er Sacremand a Nouyèn. Mæs er-ré ne brezant quet er receu, pé dré zisprisance pé dré lizidantæt, e zisco en ou dès caz doh ou inean, a p'hé lausquant hemb ur secour quen æz ha quer salvus : ind e ra offance de Zoué, ha de zougein ou dès n'er havehent quer garhue én

ou hevir, èl m'en dint digas én é andræd.

N'en dès meid en Escob hac er Velean e eèll nouyein: er Venéh n'ou dès quet er bouvoër-zé, nameit ha carguet vehènt a gondui er Barræs. Er Græciannèd e ra en Nouyèn d'en dud yah quer clous èl d'er-ré clan: mæs én Ilis Latin ne nouyér meid er-ré clan (coh ha youanq) deit d'en oaid a ræzon, hac e vai én dangér a varhue. (Réd-é bout sourcius de losquein quentéh er stoup pé coton en devai cherviget de dorchein en Oleau sacret.)

Goudé ma vai bet deværet ur hlan, er-ré e vai ital d'ou, e zeli degass chonge tehou liès ag en obligation en dès de Zoué, ag er moyandeu en dès pourvæet temb de hum zisposein de barissein diract'ou, hac er secour de hum breparein d'er marhue. (Eèllein e rér leinein dehou er pratiq eit hum breparein d'er marhue, e gavér én achémand ag el Livr ag er Vuhé devod, pé en Acteu e zou merchet él Livr Pedenneu.)

ARTICL VI.

Ag er Sucremand a Urh.

En Ur e zou ur Sacremand dré béhani certæn tud e zou consacret de chervige en Ilis, hac e receu græce ha pouvoër de hum aquittein santelemand ag er hargueu en des en Ilis. En Urh e zou ur Sacremand, rac m'en dai ur merche sansibl, péhani e laqua græce Doué én inean. En effæd, er péh e ra en Escob én ur rein en Urheu, hac er Pedenneu e lar, e gouéh ol idan er squéndeu: ha dré vertu er péh e ra en Escob, hac er Pedenneu e lar, Doué e ra d'er-ré e receu en Urheu, er bouvoër hac er græce d'excelsein er hargueu sacret, él mei de laret en Overèn; de bardonnein er péhedeu; de berdèq; de vadéein, etc. Opèn er græceu-zé, er Sacremand a Urh e zoug ehué caractær én inean, quer clous èl er Vadiènd hac er Gonfirmation; hac èl-cé n'eèllér quet er receu istroh eid ur uéh.

N'en dès meid en Escob e eèll rein er Sacremand a Urh; hac en Ilis en dès perpet condannet èl Héritiquet ol er-ré en dès avancet en en doai er Velean er bouvoër-zé; just èl er-ré en dès laret penaus en Escobet n'en dint quet drès er Velean, ha n'ou

dès quet mui a bouvoër eit-t'ai.

Bout-cou seih Urh: puar e hanhuér Urheu bihan; ha tri e hanhuér Urheu bras. Mæs of en Urheu-zé ne rant meid ur Sacremand. Er puar Urh bihan e zou en Urh a Borhér, en Urh a Lectour, en Urh a Exorcist hac en Urh a Acolyt. En tri Urh bras e zou en Urh a Soudiacr, en Urh a Ziacr, hac en Urh a Velég, é péhani é ma comprenet ol er ré-ral. En Tonsur Clerical n'en dai quet un Urh; mæs un disposition hac ur breparation d'en Urheu. (Ni e larou ur guir pé deu a zivoud er hargueu a bep Urh, én un expliquein er ceremoni ag en Urheu.

En dispositioneu requis eit receu en Urheu, e zou: 1º Bout distag doh er béd ha doh en danné. 2º En doud ur grèd berhuidand eit gloër en Eutru-Doué hac eit salvedigueah en Nessan. 3° Bout courajus, ferm, aviset mat ha patiant én trebilleu. 4°. Carein el labour, er sciance santel, er vuhé dissorb hac er Bedèn. 5° Condui ur vuhé, pur, humbl hac a scùir vat. 6° En doud er halitéeu requis eit chervige en Ilis, ha bout galhuet guet Doué d'er hargueu santel-zé. Malheur d'en taden ha mameu péré e ingage ou bugalé de receu en Urheu, hemb n'ou dès en dispositioneu-zé, hemb consultein Doué ar ou vocation, marcé memb inemp d'ou volanté. Quemènt-cé zou pèn-caus d'en darnmuyan ag er scandal ha desordreu e arrihue én Ilis.

N'en dai quet erhoalh en doud en dispositioneuzė: rėd-ė opėn boud exant a bep sort irregularitė; rac en Ilis e zihuèn doh er-ré irréguliér a hum bresantein d'en Urheu, el mei er-ré fol pé innoçant; er-ré en dès un defaut benac spleitabl én ou horv; er-ré n'en dint quet legitim; er-ré n'ou dès quet en oaid pé er sciance requis; er-ré zou bet diméet istroh eid ur uéh, pé e zou bet diméet d'un intanvès..... er-ré en des lahet, pé blesset unan-benac bet-ha torrein é vambreu; er-ré en dès collet ou reputation dre ur vecher scandalus, pe dre ur vince benac infam, el en touvereah, er blasfæm, el lubricité, en ivraignereah, etc.; er-ré e ra profession publiq ag un Doctrin condannet dré en Ilis, etc. En Îlis c ordren ma vou bannet tair gueh é Pron en Overèn er-ré e hum bressantt de receu en Urheu sacret, eid avertissein er Fidelet de bedein Doué eit-t'ai, ha de zisclæriein mar hanauant ar ou houst un defaut benac ag er-ré hun nès merchet.

Er-re en dès ur benefice benac idan ou dourn hac en dès droæd d'er presantein, e zou obliget idan boén a béhet marvel, (é spécial mar dai quêstion ag ur Bersonage), d'er rein d'en hani er meritt muyan; de lareté, d'en hani e hanàuant gùellan er stad de rantoin chervige d'en Ilis. En dud-ce quend gober ou choæge, e zeli consultein en Eutru-Doué ha tud capabl d'ou secour en un affær a gonsequance èl honnéh. Ne zeliant quet enta seèllet doh ou Interèss, na bout douguet eit ou hærent drès er ré-ral, na cheleuet er-ré e zehai d'ou fedein pé de guenig tehai un dra benac, eit ou ingagein d'ou choæge int pe ou amiet. Ne fautehai meit quement-cé eit commettein ur simoni, pehani e gonsist é trafiquein guet en treu santel. Eèllein e rér hum rantein cablus ag en torfæt infam-zé é tair fæçon: 1º A pe rér argant pé un dra benac e tall argant, eid en doud un dra spirituel; pe ma receuer pe argant pe ur chervige benac eit rein un dra spirituel. 2º A pe hum accordér guet un aral de rein dehou un dra spirituel eid un dra tamporel. 3° A pe rér un dra spirituel pé tamporel d'un aral guet en intantion ma rei, el é pen-troq, un dra benac spirituel pé tamporel, èl mei rein presandeu pé rantein chervige d'un aral guet en intantion a dennein guet-t'ou pé ur benefice, pe un dra benac sacret.

Bout-cou hoah ur sort simoni e hanhuér confidance, hac e gonsist é rein ur benefice de unan, é condition ma rei er rantt a nehou, pé lod ag er rantt d'un aral; pé é condition ma rei er benefice memb d'un aral é pèn ur certæn amzér.

Er-re zou simoniaq en effæd, é gouéh idan un escommunication réservet, e goll ou benefice pe en droæd d'er presantein en amzér de zonnet. Mæs er-ré n'en dint simoniaq meid a intantion, ne gouéhant

quet idan en escommunication, penaus-benac ma péhant marvelemant, ha m'en dint obliget é cousciance de guittad ou benefice.

A fæd en implé e zelier gober a zanné en Ilis, guharal é reglait ou lod d'en Escob ha d'er Velean : ut lod e oai destinet eid er beurerion, hac ul lod aral eid antretenein en Ilis. Raccé en-n'emb e zou carguet ag er sort danné-zé, e zeli considerein a dost n'en dint quet reit tehai eit bihuein en ou æz, nac eid avantagein ou hærent, mæs eit chervige en Ilis, ha soulagein er beurerion hac en enevadet. Ne zeliant quet caigein en danné-zé guet erré e eèllant ou doud a hènd aral, guet eun ne zehai ou hærent de brofittein a heritage er beurerion. Guæd e vou condannet é Jugemand en Eutru-Doué a gaus d'er goal implé a zanné en Ilis. Quemènt-cé e zeliehai laquad de greinein er-ré e héritt de dud a Ilis. (En-n'emb e hum gavehai ambarrasset ar er poend-cé, e zeli consultein unan-benac abil hac aviset mat, ha tremén dré er péh e larou dehou.)

Explication ag en Urheu.

Goudé ma vai montet en Escob doh en Autær, ean e ra galhuein er-ré e zeli bout tonsuret, péré e hum bresantt guet ur Surpeliss ar ou bréh hac ur oleuèn én ou dourn. Ean e droh ou bleau é croès, eit merchein dehai è teliant renonciein d'er béd ha d'é vanitéeu, ha quemér Doué hemb quin eit ou héritage. Arlerh ean e usq dehai ou Surpeliss, eit discoein é mant deit de vout tud a Ilis, hac eit merchein dehai é teli bout quer caër ou buhé dirac Doué ha dirac en dud, èl mei guèn en abid e usq dehai. Er oleuèn e zougant én ou dourn, e verche

dehai é teliant bout disposet de hum sacrifiein eit gloër en Eutru-Doué, ha chervige en Ilis. Ordrénet-é d'en dud a Ilis douguein perpet en Tonsur. eit m'ou dou attau chonge ne zeliant ou dout nitra cummun guet en treu ag er béd, arlerh m'ou dès queméret Doué hemb quin eit ou fartage.

Arlerh en Introit, en Escob e ra galhuein er ré e zeli receu en Urheu bihan, péré e hum bresantt guet ur Surpeliss gusquet dehai, hac ur oleuèn en ou dourn. En Escob e ra dehai alhuéyeu en Ilis de douchein én ur plad; ou hondui e rér arlerh de doul der en Ilis, e zigueorant hac e chairrant; hac anfin rein e rér dehai ur hloh de sonnein, eit merchein dehai é mant carguet : 1° a chairrein doreu en Ilis hac a ou digueor; 2° a viret n'antréou abarh na lonnet na nitra divodest; 3° a zerhel el lieinage, en Orlemanteu hac en Autærieu prop hac honest; 4° a sonnein er hlehér eid assamblein er Fidelet d'en Officeu ha d'en instructioneu.

Eit rein en Urh a Lectour, en Escob e ra touchein el Livr ag er Scritur sacret d'er-ré er receu, eit merchein dehai é mant carguet a leine a voeh ihuel pé a gannein én llis el Leconnieu tennet ag en ancién Testamand, hac a expliquein er Hateché d'er vugalè.

Eit rein en Urh a Exorcist, en Escob e bresantt d'er-ré er receu, el Livr Pedenneu e chervige én Ilis eit conjurein en diaul de guittad, eit merchein dehai é mant carguet a breparein er péh cou requis eid er Badiènteu, eit gobér en deur béniguet, hac a assistein er Velean a pe vai question a gonjurein en diaul én ur mod benac.

Eit rein en Urh a Acolyt, en Escob e bresantt d'er-ré er receu, un antulér guet ur oleuèn, hac arlerh en orçolieu e vai é terhel er gùin hac en deur eid en Overèn, eit merchein dehai é mant carguet a alum er goleu en Ilis d'en Officeu, a breparein en tan hac en ançans, en deur hac er gùin eid en Overèn, hac a secour en Diacr hac er Soudiacr doh en Autær.

Quénd en Abostol en Escob e ra galhuein er-ré e hum bresantt eid or Sousdiaconat, péré e zeli bout gusquet guet un Aube hac un Amitt é quis ur frog ar ou discoai, guet er Manipul én ou dourn clei hac ur oleuèn en ou dourn diheu. En Escob ou avertiss ag en obligationeu e yant de guemér, hac é spécial ag er rô a uerhtæd e yant d'obér; hac arlerh m'ou dès groeit ur paz ér-raug eit discoein é hagréant er péh e brononce en Escob én ou hanhue. ean e ra galhuein er-ré e zeli receu en Urh a Ziacr hac en Urh a Velèg. Neze ind e stouy ol a blad durant ma ver e laret Litanieu er Sænt, eit couviein en Ilis e zou en Nean, de hum joentein guet en hani zou ar en doar, eit goulen guet Doué ma scuillou en tresor ag é hræceu é ineanneu er-ré e va de receu en Urheu sacret.

Eit rein en Urh a Soudiacr, en Escob e bresantt d'er-ré er receu, er Halice guet er Blatinèn, eit merchein dehai é receuant er bouvoær de velæstrein en treu sacret, hac é teliant hum zerhel perpet por

é presance en Eutru-Doué.

Arlerh ean e laqua en Amitt ar ou fên é quis ur houif, cit merchein dehai é teliant bout marhue eid er béd ha gobér brizél d'é vodeu ha vanitéeu.

Ean e laqua chué er Manipul ar ou bréh clei eit merchein dehai é teliant splannein partout dré ou

ævreu mat.

Arlerh ean e laqua en Dalmatiq ar ou discoai,

eit merchein dehai é rinquant laquad ou ol joué é

haccomplissein Lezèn Doué.

Anfin ean e bresant dehai ur Missel, eit rein d'antand é receuant er bouvoër de gannein en Abostol én Overèn, hac é teliant hum bligein é studial conzeu Doué, eit ma veint un dé ér stad d'instrugein er Fidelet.

Quend rein en Urheu a Ziacr hac a Velég; en Escob e oulen guet en Archidiacr ha guet er bobl hac ind e gav é ma dign er-ré e hum bresantt, a receu en Urheu-zé: rac en Ris ne oulen d'hé chervige meit tud a vuhé vat hac examplus, ha capabl de gondui er bobl en hend mat.

Arlerh en Escob e laqua é zourn diheu ar bèn er-ré e zeli receu en Urh a Ziacr, én ur oulèn eit-

t'ai, dré vertu er Speret-Santel, ma veint creihue de resistein doh en diaul ha doh é dantationeu.

Nelé ean e sau er stôl a ziar ou bréh clei ar ou scoai, eit merchein dehai é receuant dré vériteu Jesus-Chrouist en nærh ou dès collet dré béhet Adam. Ean e laqua ehué en Dalmatiq ar ou discoai, eit rein dehai d'antand é teliant hum boéniein d'avance é santeleah ha de usquein ou inean guet peb sort vertuyeu.

Anfin ean e bresantt dehai el Livr ag en Aviél eit merchein é receuant er bouvoër de gannein en Aviél én Overèn, ha d'en expliqueln d'er bobl.

Quend en Aviél en Escob e ra galhuein er-re e zeli receu en Urh a Veleg, ha goude ma vent arranquet ar ou deulin, ean e ya guet er Velean e vai guet-t'ou, de laquad hemb sannein griq, è zeourn ar ou fen, el pe vehai eit ou avertissein de hum breparein de receu er græceu e reserv tehai er Speret-Santel.

Goudé m'en dès pedet eit-t'ai, ean e sau er Stòl a ziar ou divréh é crehèn ou goug, hac é hroès ar ou halon, eit merchein dehai é teliant laquad ou ol joé ha studi de zoug guet courage er yau a Lezèn Doué. Nezé ead e laqua er Gasul ar ou discoai, én ur oulèn guet Doué ma cresqueint bamdé é caranté hac é santeleah. Mæs er Gasul e chom plæguet ar ou discoai beèd en achémand ag en Overèn; hac èl m'en dai er Gasul et merche ag er bouvoër e receu er Velean dré en Urheu, eèllein e rér laret penaus en Escob ne ra hoah nezé dehai meid er bouvoër d'offrein er Sacrifice ag en Overèn, hac é reserv beèd en achemand de rein dehai er bouvoër de bardonnein er péhedeu, a pe zisplæg er Gasul a ziar ou discoai.

Durand ma cannér en Hymne Veni Creator, etc. er Velean e stouy ar ou deulin ital treid en Escob, péhani guet en Oleàu e ra ur Groés é pod ou deourn joentet, en ur gommance a bèn ou mèd diheu beèd pèn er bis youdeu ag en dourn clei, hac a bèn ou mèd clei beèd pén er bis youdeu ag en dourn diheu, eit consacrein ou deourn hac eit goulèn guet Doué ma vénigueou ha ma consacrou dré vertu er Speret-Santel, ol ér péh e vénigueou hac e gonsacrou deourn er Velean.

Goudé m'ou dès golhet ou deourn, ean e bresantt dehai er Halice guet er gùin, en deur hac er bara destinet eit laret en Overèn, eit merchein dehai é receuant er bouvoër d'offrein er Sacrifice-zé eid er-ré vihue hac eid er-ré varhue.

Arlerh en Aviél ol er-ré e receu en Urheu, e ya d'offrein ou goleuèn d'en Escob, péhani e represantt Jesus-Chrouist, eit discoein é fal dehai ma vou losquet ou halon, èl ur oleuèn, guct ur grèd berhuidant eit gloër en Eutru-Doué ha salve-

digueah er Fidelet.

Arlerh quement-cé er Velean nehué e lar en Overen guet en Escob hac e gonsacr guet-t'ou. Goude er Gommunion ind e lar a voéh ihuel Symbol en Apostolet, eit gober profession solannel ag er Fé e zeliant perdèg d'er bobl a berh Doué hac a berh en Ilis. Nezé ind e hum bresantt ital treid en Escob, péhani e laqua é zeourn ar ou fèn, eit rein dehai er bouvoër de pardonnein er péhedeu: ha quentéh ean e zisplæg er Gasul a ziar ou discoai, eit merchein dehai en ou dès receuet en ol pouvoërieu ag en Urh a Velèg. Anfin en Escob e guemér ou deourn joentet itré é zeu zourn-ean, hac e ra dehai promettein dehou respèt, aboeissance ha fidelité.

Ol er-ré e assist ér ceremoni ag en Urheu, e zeli pedein Doué de rein d'er-ré ou receu, er græceu hac er vertuyeu e oulèn en Escob aveit-t'ai.

ARTICL VII.

Ag er Sacremand a Briedereah.

Doué en des instituet er Briedereah ag er hommancemand ag er béd ér Baraouis terrestr, èl ur hontrad ordinær eit padein beed marhue unan ag en eu barti: mæs quend el Lezen nehué er Briedereah ne oai quet ur Sacremand. Er goh Lezen a gaus d'ahurtemand er Juivet, e bermettai de zeu bried dispartiein en eil dog éguilé: mæs Jesus-Chrouist en ul laquad er Briedereah de voud ur Sacremand, en dès ehué laqueit en treu er mod ma hoent a gommance. Hac en dès dihuènnet doh er priedeu a chongeal a ziméein durant ma vai bihue ou farti, hac a hum separcin é sigur bout libr de ziméein d'un aral.

Er Briedereah e zou ur Sacremand instituet dré Jesus-Chronist eit santesiein en aliance legitim itré un den hac ur voès, hac eit rein dehai er græce de vihuein santelemand ér stad-cé, ha de zessau ou bugalé él Lezèn a Grechéneah.

Er Briedereah e zou ur Sacremand, de laret-é, ur merche sansibl: rac consantemand en eu bried hac er vénidiction e ra er Belég tehai, e gouéh ol idan er squéndeu: ha S. Paul en hanhue ur Sacremant bras é Jesus-Chrouist hac én Ilis. Hur Salvér en dès ean instituet, revé en Tadeu santel, a pe assistas én un æreden é Cana. (Histoër en Testamand nehué, Figur XVI.)

Er græceu principal e ra er Sacremant-cé, e zou er fidelité, er peah hac en union itré en un brièd, dessau ou bugalé é dougeance Doué, ha hum se-

cour d'obér ou salvedigueah.

Laret-é é santesi er Briedereah en aliance legitim itré un dén hac ur voès, est roin d'antand é ma ret bout ér stad a hræce Doué eid er receu, ha bout libr a bep sort ampéchemant. Bout-ç'ou puarzec ampechemand e hanhuér torrus, ha tri e hanhuér dihuennus. Pihue-benac e'vènnehai hum aliein guet un ampechemant torrus, e gollehai é boén hac é amzér, ha n'eell boud aliance er bet itré-d'ou hac é barti, beèd quen e vou sauet (mar dès moyand) en ampechemant-cé dré un dispance legitim. En ampechemanteu dihuènnus ne virant quet en aliance a vout legitim: mæs ur péhet bras-é hum aliein guet unan-benac a nehai hemb en dout bet dispance.

Chetui lod ag en ampechemanteu torrus. Enn'emb en devou dobér a oud er-ré-ral, e hum

expliquou guet é Govezour.

Bout trompet a fæd en hani guet péhani en hum alièr. Par exampl, Pierr e zezir hum aliein guet Mari: en trompein è rér én ur rein dehou Therès é lèh Mari. En aliance guet Therès n'en tall de nitra. En ol e ouair ehué penaus er Venéh, el Leannesèt hac en dud ingaget én Urheu sacret n'eèllant quet diméein.

Bout quærent beèd er bemvet pazèn a guærentage. Eit cavouét just er bazèn ma vér quærent, réd-é clasq er pèn ag er guærentage, ha contein quel liès a bazèn èl a rum tud ma vér peèlleit doh er pèn cummun. Par exampl, deu vrær e zou ér guettan pazèn: ou bugalé (quenderhui germæn) e zou én eil pazèn: bugalé er guenderhui germæn e zou én dairvet pazèn, hac ur rum peèlloh e form er bedairvet pazèn. Ur uéh ma vai unan ag en eu barti ér bemvet pazèn, n'en dès mui a ampechemand a guærentage itré-d'ai.

Boud aliet en ur mod benac guet en hani e zezirér de brièd. Bout-cou tri sort aliance. 1°. Unan e sàu ag er Briedereah legitim, dré béhani en dén e za de voud aliet de ol quærent ha ligné é voès, hac er voès e za ehué de voud aliet de ol quærent ha ligné hé dén. Contein e rér en aliance èl er guæren.

tage: quel liès a rum, quel liès a bazèn.

2°. En eil sort aliance e sau ag er péhet lous : par exampl, un dén e gouchi ur verh pé ur voes, e za de voud aliet de ol hé hærent beèd en dairvet pazèn a guærentage, ha n'eèll quet hemb dispance diméein de hanni a nehai. Er voès pé er verh couchiet e zou er memb stad vis-a-vis de dud en hani en dès hé houchiet.

3° En drivet sort aliance e sau ag er Sacremand a Vadiènd. Rac-cé en hai e vadé ur hroaidur, e za de voud aliet tehou ha d'é dad ha d'é vam. Er-ré e zalh ur hroaidur ar er Fonce a Vadiènd, e za de voud aliet tehou ha d'é dad ha d'é vam: ha chetui perac n'en dai quet permettet d'un tad n'a d'ur vam badéein ou hroaidur, meit ha requis vehai. Bout-cou hoah un espèce aliance péhani e sau ag er promesseu a Briedereah groeit é face en Ilis, itré en hani e bromètt ha tad ha mam ha berdér en hani de béhani é promètt.

En ol e ouair n'en dai quet permettet de hanni diméet hum aliein guet un aral durant ma vai binue è barti; na chongeal hum zizobér ag é barti eit quemér un aral. Pe zehai memb un dén de gouchi ur voès guet promèss a hum aliein ou deu a pe vou marhue è voès pé hé dén, en aliance e rehènt, n'en

tallehai de nitra.

Garnagein en ur mod benac un den pé ur voes de ziméein inemp d'ou vat volanté. El leh n'en des quet a gousantemant n'eèll quet boud a aliance. Pé scrapein ur verh en drespet tehi pé d'hé zud, é sigur diméein dehi. Er-ré e ra pé e gonseill er sort treu-zé, e zou escommuniet.

Diméein é cuh inemp d'el Lezen. Ordrenet-é gober tri bann dré dri Sul pé Gouil é Pron en Overèn. Réd-é receu er Sacremand é presance púar test guet Person unan ag en eu barti e vènn hum aliein, pé guet ur Belèg en dès a berh er Person pé a berh en Escob permission d'ou æredein.

Er Pab ha memb en Escobet en des er bouvoër d'accordein dispance a baud ag en ampechemanteu-zé, a pé vai ræzonieu legitim d'hé goulèn. Rac en Ilis n'antand quet dispancein hemb ræzon. Chetui petra e lar er Honcil a Trante a zivoud quement-ce: Ne faut quet accordein lies dispance ag en ampechemanteu torrus, ha hoah réd-é ma vou ræzonieu creihue.... Hum drompein a vras vehai enta credein n'en des meit supliein pé presantein argant eit bout dispancet, pé é heèllér boud én assurance dirac Doué guet un dispance attrapet dré ur gueu pé dré un trompereah benac. Er-ré e hum avis de oulen dispance, e zeli ér raug sontéal erhad ou affærieu, eit n'ou devou nitra de hum demall goudé.

En ampechemanteu dihuènnus e zou en dihuèn e ra en Ilis, a hum aliein guet certæn tud-çou, èl mei en Héritiquet hac er-ré escommuniet; pé a æredein de certæn courceu zou, èl mei a oudé er hettan Sul ag en Avènd beèd en trenoz. Gouil er Rouéet, hac a oudé de Malardé beèd en

trenoz Sul Quasimodo.

Dihuènnet-é ehué doh ne vern pihue en dès reit de unan promesseu a Briedereah é face en Ilis, a æredein d'un aral hemb en dout torret, revé el Lezèn, er promesseu groeit d'er hettan parti.

Dihuennet-é hoah doh er-re en des groeit ro a uerhtæd, pe de chom hemb diméein, a æredein hemb ou devout bet dispance ag er promèss ou des

groeit de Zoué.

En ampechemanteu-zé, èl m'hun nès deja remerquet, ne dorrant quet en aliance itré en eu barti: mæs ur péhet bras vehai hum ingagein él-cé inemp de Ourhæmèn en Ilis, pé inemp d'ur promèss groeit de Zoué.

Ag er choæge ag ur stad a vuhé.

Doué n'en dès quet hul laqueit ér béd-men eit

monet perpet d'hur chonge, nac eit quemér stad a vuhé revé hur fantasi. El un Tad mat péhani e regl erhad é diegueah, ean e regl ehué é pèh stad é teliamb bout, bac e bourvai græceu special de bep unan eit hum aquittein el ma faut ag en deværieu ag er stad de béhani en er galhue. Réd-é enta hum avisal erhad ha pedein eit gober ur choæge reve volanté Doué: rac er choæge-cé doh ma vai mat pé droug, e ra ordinæremant bonheur pé malheur mab-den eid er vuhé hac eid en éternité.

Ne faut quet credein é vou en ur uéh na dihue é hanàuchait de béh stad é hoh galhuet guet Doué: ur blæ na deu n'en dint quet guhavé assès eit quement-cé. Consultet lies hou Covezour hac expliquet tehou hou tispositioneu. Disclæriet tehou reih ha splann er péh e lar deoh hou speret, hou calon, hou c'imur.

Er vugalé ne zeliant jamæs laquad ou chonge ferm de hum ingagein én ur stad, hemb cousantemant just ha ræzonnabl ér-ré de béré è teliant aboeissance. Mæs en tadeu ha mameu ne zeliant ehué jamæs contraignein ou bugalé de guemér ur stad en drespèt tehai. Abusein ag ou otorité vehai quement-ce. D'er sort-ze é heèlleher laret:

> Mam divergond, assolus Tad, È sigur hou c'otorité; Hui e zou scùir hou pugalé, Mæs non pas er véstr ag ou stad: Ræzonabl-é hou cheleuet; Deoh-ė rein avis mat tehai; Discoein er stad e jauge doh-t'ai: Conseillet, mæs ne forcet quet.

De bep-unan-é enta hum avisal erhad ha consi-

derein péh quer miserabl-é unan en dès queméret ur stad ne jauge quet doh-t'ou. Perpet é poén, guet bihannoh a bræceu : perpet idan er beh, guet bihannoh a secour : perpet croësieu ponnér, hemb courage d'ou doug : perpet obligationeu a béré en hum aquitt en drespèt d'é galon, hac él-cé beèd er marhue! Tristæd ur vuhe! Ouement-ce e arrihuou gueneoh mar hum ingaget hemb consultein Doué. Ma ne fal quet deoh bout trompet, consideret ne hoès quin affær d'ober er bed-men, meit hou salvedigueah. Mæs eit he gober guet assurance, goulènnet guet Doué sclærdér eit hanàuein é volanté: hac eit ma vou cheleuet hou Pedèn, renonciet d'en ol pennadeu peré hou touguehai de héli hou fantasi; d'er garante rai vras don unan-benac, ha d'en inclination fal, péré e ouni er galon hac e zall er speret; d'en dougeance rai vras a hou tud, péhani e rehai deoh sèntein doh-t'ai quentoh eit doh Doué: d'en ol hoand ha dezir de zastum danné, de voud inouret ha consideret, péré ou laquehai marcé d'ancoehad hou salvedigueah.

Dihoallet drès peb tra a gommance dré en debauche hac el libertinage, èl ma arribue guet en darn-muyan. Ne vou guet é héli lorbage, folleah, vanitéeu ha bobanceu er béd, é hanàuehait volanté Doué én hou quevir; hac en hani e gommance dré er péhet ne ra quet liès fin vad. Ag er sort-zé é lar er Speret-Santel: Ind em pedou, ha n'ou cheleuein quet: ind em hlasquou, ha nem haveint quet, rac n'ou dés quet prezet quemér reglemant mad er bet, ha dougeance Doué n'en dai quet bet én-ai... Conduiet enta ur vuhé santel a vihan: hum aquitted erhad a hou teværieu: tosteit liès d'er sacremanteu: groeit bamdé ur mortification benac, un ævr mat benac eit meritein guet Doué er græce de handuein è volanté: hum recommandet d'er Uériès glorius Vari, d'hou c'Æl-Gardién, d'hou Sant Patrom... Laret liès èl S. Paul: Men Doué; petra e fal deoh ma rein mé eid accomplissein hou volanté santel? Pé avel Samuël: Conzet, men Doué, rac hou servitour e cheleu. Pé avel er Profæt David: Men Doué, discoeit teign en hènd e zelian quemér, hac ansaignet teign er routt doh péhani é telian derhel... (El Livr Pedenneu e fourniss deoh ur Bedèn eit goulèn

er græce d'ober ur choæge mat.)

N'en dai question meid a zeu stad: pé diméein, pé chom hemb diméein. Hum laqueit é balance itré-d'ai hemb bout douguettoh de unan éit d'en aral. Examinet nezé de betra é hobligeant; péh dangérieu, péh diæzemant ha péh æzemant e zou é peb-hani, etc. Arlerh seèllet péré-é hou cuellan hac hou fallan dispositioneu hac inclinationeu; de betra é hoh mat ha de betra n'en doh quet, de betra en hum zouguet muyan revé Doué. Consideret anfin é péh stad é careheoh merhuel, ha péhani vou er guellan deoh é Jugemand en Eutru-Doué. Rac er marhue hac er Jugemand e zou deu væstr mat, hac e gondui d'en hènd sur er-ré e gar ou honsultein hac ou cheleuet.

Goudé m'hou pou hum examinet èl-cé istroh eid ur uéh, mar santet hou calon é pignein de chom hemb diméein, sontéet hoah hou tispositioneu, guet eun ne vehech trompet. Deu sort tud e chom hemb diméein : lod e chom èl-cé dré choæge hac esprèss : lod aral, rac n'en dai quet possibl dehai diméein . pé a gaus d'ur blinbuèd, pé a gaus d'un occasion benac aral. Ne vou quet secour e vanquou d'er-rézé, mar carant hum boéniein de bratiquein er vertuyeu e jauge doh ou stad.

Mæs er-ré e chom esprèss hemb diméein, e zeli examinein a dost péh ræzon ou dès de choæge er stad-cé, ha penaus é ma ou chonge bihuein. Rac mar chomant èl-cé guet eun ag er boén, pé guet en dezir de voud attau libr de rein d'ou horv é oulèn a fæd plijadurieu ha divertissemanteu, n'en dai quet mad ou intantion; ou choæge n'en dai quet revé Doué: trompet int guet er goal-speret.

Mæs mar quemérant er stad-cé esprèss eit bout liproh de chervige Doué, eit ne chongeint meid a bligein dehou hac a obér ou salvedigueah, ou intantion e zou mat ha santel, hac e gondui surroh d'en heurustæd ag en éternité. Ne zeliér quet neoah choæge er stad-cé én ur momant bèrr a zevotion, pènnadus : réd-é consultein Doué hac ur Hovezour mat quênd er hemér; rac dangerus bras-é eid erré n'en dint quet galhuet dehou.

Arlerh m'hou pou hum aviset erhad, mar e hoès léh de gredein é hoh galhuet guet Doué eid er stadcé, consideret péh quer bras-é hou ponheur; rac, é-mé S. Paul, en hani e zimé, e ra erhad: mæs en hani ne zimé quet, e ra hoah guel. Renonciet a grènn d'er béd, hac hum daulet aquêrh de bratiquein en ol vertuyeu: studiet dalh-mad el Livr ag er Hombat spirituel, pé en or ag er Vuhé devod

dré S. Françæs a Sale: groeit brizél d'er béd ha d'é vodeu: én ur guir, renonciet deoh hou c'hunan,

queméret hou Croès, hac héliet Jesus-Chrouist.

Mar santet hou calon é pignein de ziméein, consideret é ma en dispositioneu desordr guet péré en hum ingage en darn-muyan ér stad-cé, e zou caus de baud ag er scandal ha malheurieu e arrihue ér Grechéneah. Pihue e gredehai é huélet er péh e bass ér béd, é hès ur Sacremant de receu en dé

ma timéér. Ne uélér é mésq en dud youanq meit libertinage, boufonnereah, hantiss criminel: ne gleuér guet-t'ai meit bégadeu lous, bourdeu sot, mélodiage; conz a vragueriss, a zanné, a zivertissemant, a vanité... Mar dai èl-cé en e hoès bihuet, distroeit dohoh hou c'hunan, laqueit reihtæd én hou puhé ha consultet erhad quênd gobér hou choæge.

Consideret é ma ponnérroh en obligationeu ag er stad a Briedereah eit ne chongér ér béd, hac é vou dehuehad teoh bout nezé é tesquein pratiquein er vertuyeu necessær eit hum aquittein erhad a nehai. Examinet drès peb tra mar doh én disposition de zessauguel hou famill eit ne ra en darn-muyan : rac n'en dès deja meit rai a fal Grechénion ér béd, ha guel vehai deoh chom hemb diméein, eit hum laquad él léh de gresquein er chagrin e ra d'en Ilis en tadeu ha mameu lache ha dissourci é tessau santelemant ou bugalé.

Ur uéh m'hou pou hanauet hou vocation, taulet hou spi de hanauein er parti e zestin deoh en Eutru-Doué. Ne gonsultet quet hou c'inclination naturel; ne seèllet quet quemènd doh en danné, na doh er vrahuité, na doh er vaillantiss, èl doh er vertu hac er santeleah; ha pe vehai possibl deoh cavouét un Æl, ne glasquet quet guel. A-ze en e hoès dobér arré a bedein hac a obér peb sort ævreu mat eit meritein guet Doué er græce de hanauein en hani é compagnoneah péhani é fal dehou ma tehait de hum santesiein.

É tretant antréein er stad-ce, hum daulet de bratiquein en ol vertuyeu: dihoallet mat doh er chongeu, dezirieu, conzeu hac actioneu dishonest: ne hantet quet é cuh na hemb requis en hani guet péhani é teliet hum aliein, pé hui e rei d'en diaul léh d'hou ç'attaquein é peb mod. Ne chonget quet, el ma ra ul lod vad, é ma permettet tout itré er-ré zou promettet en eil d'éguilé. Er fal gredèn-zé e zou caus ma rér paud a sacrilegeu en un antréein ér stad a Briedereah.

'En dé ma receuehait er Sacremant, cresquet hou Pedenneu hac hou c'ævreu mat, eit ma vou eid-oh un de a hræce hac a vénidiction. Permettet-é gobér ul leign honest guet er guærent tostan ha guet en amiet : mæs dihuènnet-é, é sigur gobér fest, a rein d'er-ré-ral occasion d'offancein Doué. Caër e vou laret-é ma er mod gobér èl-cé : modeu ha custumeu er béd ne vireint quet en ivraignereah, er horolleu scandalus, en tabut hac en dissancion a vout péhedeu a béré en hum rantt cablus er-ré e ra occasion dehai dré ou digueoreu caër hac ou leigneu saffarus. Mar e hoès fest d'ober, couviet er beurerion ha tud devod, péré hou secourou de dennein ar n'ah benidiction en Eutru-Doué. Mæs ne veaih quet disquentt asses eit quemer delé é sigur gober chervad guet tud, peré en trenoz e rei goab a hanab. Ut lod vat guet eun petra e vou laret a nehai ma ne rant el er-ré-ral, e ra dispigneu mal a propos, a béré en hum santant durand ou buhé! Chetui petra e ouniér guet custumeu er béd.

Devær er Prièdeu en eil é quevir éguilé.

Deu bried e zeli hum garein, hum respettein, bout fidel en eil d'éguilé, hac hum gomportein é peb tra guet honestiss. Mæs èl m'en dai expliquet en deværieu-zé el Livr ag er Vuhé devod, Chapistr XXXVII, Parti III, ne larehemb amen meid ur guir pé deu ar beb hani a nehai.

1° Deu brièd e zeli hum garein. Doué en dès reit tehai er Ourhæmèn-zé dré guéneu en Apostol S. Paul. Rac-cé er garanté-zé e zeli bout revé Doué, ha non pas eit hum goutantein en eil guet éguilé èl lonnet brutal. Eit reglein erhad ou haranté, considereent er garanté en dès Jesus-Chrouist eid en Ilis, hac en dès en Ilis eit Jesus-Chrouist.

2º Deu bried e zeli hum respettein, eit ma teint en eil de suportein defauteu éguilé, eit ne vou hanni caus d'en aral d'offancein Doué; eit ma hum vireint, èl ma lar S. Paul, doh peb sort infamité, ha ma hum gomporteint guet honestiss ha santeleah,

ha non pas guet un inclination desordr.

3° Deu brièd e zeli bout fidel en eil d'éguilé, hemb jamæs hum guittad dré fantasi, colèr pé pènnad. Er fal deicheu e eèllant ou dout, n'en dai quet ur ræzon dehai de ham separein. Hui moès, émé S. Paul, penaus e houzoh-hui ne gonvertissehait quet hou prièd, mar laquet poén de hum obér revé Doué doh é imur? Ha hui prièd, penaus é houzohhui ne gonvertissehait quet hou moès, mar caret hum gomportein erhad én hé hevir? Ur voès ne zeli gober na rein ag en tiegueah nitra a gonsequance inemp de gousantemant just ha ræzonabl hé frièd. Hi e zeli sentein doh-t'ou ol er peh n'en dai quet inemp de volanté Doué, hac er honsiderein èl hé mæstr. Reent en eil d'éguilé, e lar hoah S. Paul, er peh zou deliet: meit hac ind e gousantehai hum bassein eid un amzer eit bout liproh de bedein Doue.

4° Deu bried e zeli hum gomportein é peb tra guet honestiss. Mar dai ordrénet tehai boud itréd'ai inourabl hac honest, terriplæd é vou condannet guet Doué er-ré e vou malheurus assès eit hum lausquein guet un aral. Dihoalleent ne zehai en eun ag ou dout rai a vugalé pé a gonceuein rai bront dré er méh diræzonabl ag en dud, d'ou zurel é péhedeu (hanhuet ér Scritur abominabl dirac Doué), péré en dès taulet Onan hac hilleih aral én ihuern. A guement-cé é ma hoah cablus paud a dud miserabl, péré e fal dehai derhel doh ou fallanté hemb coll ou inour. Lahein e zou sur ur péhet horribl, ha neoah miret a gonceuein ha lahein e zou er memb tra, é-mé S. Augustin. (er rest e zou expliquet él Livr ag er Vuhé devod, Chapistr XXXVIII, Parti III.)

Deværieu en tadeu ha mameu é quevir ou bugalé e zou expliquet ér bedairvèd a Ourhæmeneu Doné.

Deværieu en Intannion hac en Intanveset.

A pe za er marhue de zisparti deu bried, ou haranté mar dai sincèr ha revé Doué, ne zeli quet achihue guet er vuhé. Rac-cé er parti e chom arlerh en aral, e zeli, é léh hum abandonnein d'un tristé divusul, pedein ha gobér peb sort ævreu mad eit repos inean en hani treménet. Mar dai requis gobér un invantoër, èl ma arrihue a pe vai minouret ha ma chongèr a hum avance hoah ér béd, ne faut quet distroein na souffrein ma vou distroeit nitra ag en tiegueah, é sigur miret doh rai a frayeu. Quemènt-cé zou caus ma rér gueu doh paud a vugalé hac a hériterion. Me lar hoah ur uéh d'er-ré zou carguet a zanné minouret, é mant obliget idan boén ag ou digoll, de laquad en danné-zé de brofittein revé Doué.

En intannion hac en intanveset péré e zezir pra-

tiquein er vertuyeu e jauge doh ou stad, e zeli leine guet sourci en instruction e ra debai S. Françæs a Sale er Chapistr XXXIX, Parti III ag er Vuhe devod.

Goulènnet hac é vou reit teoh.

En Bedèn e zou ur sau a hur speret hac a hur halon trema Doué, eid en adorein, er mèlein, en trugairicad, hum offrein dehou ha goulèn guet-t'ou hun dobérieu. Rac-cé adorein Doué, er mèlein, en trugairicad, goulèn guet-t'ou un dra benac, hum offrein dehou e zou quel liès a fæçon de bedein.

Eèllein e rér pedein pé a galon hemb quin, pé a galon hac a veg. Eèllein e rer pedein é particulier pe é publiq. Er bedèn a galon hemb quin, e zou hanhuet Oræson mantal : er beden a veg e zou hanhuet Oræson vocal. Mæs honnèn n'en dai agréabl de Zoué meid é quemènd ma vai er galon de unan guet er bêg a pe hum adressér doh Doué. Er beden particulièr e zou en hani e ra peb-unan a costé : hac er bedèn publiq e zou en hani e ra er Fidelet assemblet é Hanhue en Eutru-Doué. En eil hac éguilé e zou agréabl de Zoué, mar dint groeit ěl ma faut; mæs er bedèn publiq en dès neoah mui a nærh hac a veritt, rac m'en dai groeit e Hanhue. en His, ha rac m'en dès Jesus-Chrouist grateit en hum gavou perpet él léh ma vou deu pé tri assamblet en e Hanhue.

Requis-é absolumant pedein. Rac dobér hun nès a baud a dreu : hac a hanamb hun hunan n'en

17

domb capabl de nitra eit hur salvedigueah. Ne ouhemb quet hur bout pas memb ur chonge mat, émé S. Paul: mæs ol er péh e eèllamb, e za demb
a Zoué. Rac-cé é larai er Roué santel David: Eidon-mé me zou peur ha miserabl, men Doué secouret mé. Doué e ra sur mar a hræce hemb n'ou goulènnér; mæs bout-çou hilleih n'en dint reit meit
d'er-ré ou goulén, èl mei, revé S. Augustin, er
græce a berseverance. Goulènnamb er græce-zé drès
er-ré-ral. Ne hoès quet receuet, é-mé S. Jâq, rac
ne hoès quet goulènnet, pè rac ne hoès quet goulènnet èl ma faut. Er bedèn e zou er moyand d'hur
boud er græceu hemb péré ne rebemb quet hur
salvedigueah. Réd-é enta pedein.

Jesus Chrouist en dès chué ordrénet temb pedein. Red-è, é-m'ean, perpet pedein hemb scuéhein. Ean en dès reit temb hoah en exampl a guement cé, a pe hum dènnai ar lein er Manné, ha ma pas-

sai en noz è pedein.

Réd-é pedein é spécial: 1° De vitin a pe sauér ha de noz a pe yér de gousquet: hac er-ré ne brezant quet pedein ahoël d'er hourceu-zé, e vihue èt tud hemb Fé, hemb Lezèn ha hemb Religion. En dud n'ou dès quet sourci a obér d'er-ré zou idan ou berh, laret ou fedenneu de noz ha de vitin, e vang de unan ag en deværieu principal a Grechéneah.

2º A pe gommancer un dra vras benac eit gloër en Eutru-Doue, pe ma hum gav ur biez benac en hend a hur salvedigueah; el pe vemb tantet en ur mod benac. Doue ne refus james e assistance d'erré he goulen, ha ne bermettou quet ma vehemb tantet mui eit n'eèllamb feahein. Dihoallet ha pedet guet eun ne gouehekeok en tantation, e-me hur Salver.

Digitized by Google

3° A pe doster d'er Sacremanteu, pé ma fai demb hur bout contrition a hur péhedeu. Rac n'hur bou quet er gontrition-zé a hanamb hun hunan; ha ni e zeli hé goulen guet Doué a greis hur halon.

4° A pe ver clan, pe en un danger benac, pe en ur miser bras benac, el mei ur goal vlæad, ur brizel, ur guerteri, ur vocen.... Pedet me en hou g'affliction, ha m'hou telivrou. A pe ouiamb é vai hun Nessan en danger a hum goll hac a hum zannein. Pedet en eil eid éguilé, eit ma vehait salvet, é-mé S. Jag.

Penaus-benac m'en dai en Ilisieu el léhieu destinet eit pedein, n'en dai quet ret bout attau én-ai. nac attau ar en eulin eit gober ur beden vat. Doué e zou partout : cellein e rer ehué partout hum adressein doh-t'ou. Petra e vir doh peb-unan é creis er sorb ag en affærieu hac en tracass ag el labour, a sehuel liès é speret hac é galon trema Doué; a zezirein perpet pligein dehou, ha peellad a en offancein; a offrein dehou é boénieu, é chongeu, é gonzeu hac é ævreu? Mar e boès er malheur d'obér ur péhet-benac, goulènnet quentéh pardon guet contrition ha confiance : queméret er resolution de govessad prestan ma heèliehait : clasquet perpet gobér volanté Doué, hac èl-cé hui e bedou perpet. En hani ne cess quet a ober erhad, ne cess quet a bedein, é-mé S. Basil. Rac-cé é vènnai S. Paul m'en devezai en ol dud pedet partout.

Réd-é hoah trugairicad Doué quènd ha goudé er prèd, ha laret ol assambl er pedenneu de noz ha de vitin, mar dai possibl. En amzér e laquér ol assambl de bedein Doué, ne vèrra quet en déuéh: ur bedèn groeit èl-cé, e tall mui eid el labour. M'el

lar deoh, è-me har Salver, mar hum accord deu ar en doar de bedein, ne vern petra e oulenneint, ind er receuou quet me Zad pehani zou en Nean.

Mæs quend er beden, disposet hou c'inean, é-mé er Speret-Santel; de laret-é, groeit un Act a gontrition a hou péhedeu; hum laqueit é presance Doué, doh péhani é het de gonz; groeit un istim bras ag er péh e yet de oulen guet-t'ou eid é hloér hac hou

salvedigueah.

Bout-çou deu sort preparation d'er beden: er guettan e gonsist en ur vuhé vat ha santel, en ur zi-hoal a zisplige de Zoue dré chonge, na dré gonz, na dré zezir pe action. En eil e gonsist é terhel er chonge hac é hinteressein er galon guet er péh e yer de laret, hac é houlen secour hac assistance er Speret-Santel. (Hui e gavou quement-ce expliquet ér hommancemand ag er Honsiderationeu santel, pe én eil Parti ag er Vuhé devod.)

Réd-e pedein é Hanhue Jesus-Chrouist, guet purtæd a intantion, guet attantion, guet humilité, guet fé ha confiance, guet tuemzér ha perseverance.

1º Réd-é pedein é Hanhue Jesus-Chrouist; de l'aret-é, én union guet é veriteu. Rac n'eèllamb bout salvet meid é Hanhue Jesus-Chrouist. Rac-cé é hachihue en Ilis el lod-muyan a hé Oræsoneu dré er honzeu-men: Per Dominum nostrum Jesum-Christum, etc. Dré Jesus-Chrouist hur Salver, etc. Mæs ne bedamb é Hanhue Jesus-Chrouist, meid é quemènd ma houlènnamb treu agréabl de Zoué. Rac-cé, revé S. Augustin, er-ré e oulen guet Doué treu e zisplige dehou, ne bedant quet dré Jesus-Chrouist, hac è prononcehènt-ind é Hanhue mil guéh durand ou fedèn.

2º Réd-é pedein guet purtæd a infantion; de

laret-é ne faut goulèn meid er pèh e eèll bout profitabl demb eit gloër en Eutru-Doué hac eit hur salvedigucah; èl mei, ma vou handuet, caret ha cherviget guet en ol; ma touguehemb er victoër ar hur goal inclinationeu; ma pratiquehemb er vertuyeu e vanq demb.... Ne zeliamb goulèn en treu. tamporel meid é quemènd ma heèllant chervige temb eid arrihue ér gloër éternel. Rac-cé goulèn vaillantiss, yéhæd eit hum daillein ér béd; goulèn inourieu ha danné eit gobér chervad, etc., e vehai goulèn treu ne veint quet accordet temb. Doué hur har rai eit ma rehai demb treu e chervigehai demb d'en offancein. Hilleih e béd ehué hemb profitt er bet, rac ne ouiant na ne chongeant quet petra e oulènnant.

3º Réd-é pedein guet attantion; de laret-é, ne zeliamb chongeal meid é Doué hac ér péh e oulènnamb guet-t'ou, guet eun ne gouéhehai ar-n'amb er rebræche e rai hur Salvér guharal d'er Juivet : Er bobl-ze em inour a veg; mæs ou halon e zou peèl doheign. Diæz-é sur bout peèl é pedein hemb ne ya en isprit de valé: mæs mar dai en drespèt teoh é ha hou chonge él léh aral, n'en dès quet a béhet. Mar dai dré hou coal, hui e ra faute : mar dai du-. rand ur bedèn, de béhani é boh obliget, èl d'en Overen, pe d'ur benigen; é ma brasson er péhet. A pe bedet, e-me hur Salver, hum dennet en hou eambr ha chairret en or; de laret-é en or a hou calon, é-mé S. Augustin, eit ne zei nitra de zistroein hou speret ag er beden. Pedet berroh; pedet liessoh : mæs pedet erhad peb gueh. É quement tra e rehait, deziret pligein de Zoué, ha hui e bedou hemb arsau, èl ma oulen Jesus-Chrouist.

🎸 Réd-é pedetn guet humilité; de laret-é, ha-

nàuein dirac Doué è homb ignorant, peur, clan, miserabl, nuah, ba ne veritamb meid è golèr. Élcé è pedai David, Mari-Magdelén, el Lair mat doh er Groès. En disposition-zé e vanq perpet d'er-ré e chom ag ou vat volanté èr stad a béhet ha ne brezant quet hum boéniein de hum dènna nehou. Ou fedènneu e zou faus hac hypocrit, ha falein e ra dehai gobèr goab a Zoué a pe hum adressant doh-t'ou guet un disposition e ouiant sur e zisplige dehou.

5° Réd-é pedein guet fé ha confiance; de lareté, réd-é credein é ma Doué puissant ha mad eit hur secour, hac en en dès volanté de rein demb er péh é oulènnamb, meit ma oulènnehemb erhad, ha ne oulènnehemb meid er péh e zoug d'é bloër ha d'hur salvedigueah. Jesus Chrouist en dès ean laret : Ot er péh e oulènnehait guet fé én hou pedèn, e vou accordet teoh. Mæs èl n'eèllamb quet a hanamb hun hunan meritein é hræceu guet Doué, laquamb hun ol confiance é meriteu hur Salvér carantéus, péhani en dès laret : Mar goulènnet un dra benac quet me Zad em Hanhue, ean er reih deoh.

6° Réd-é pedein guet tuemzer ha devotion; de laret-é, guet un disposition a garante deh Doné, ha guet un dézir sincèr d'ohér un implé mad ag é zonæzoneu. Ne ret quet paud a stad ag er péh e oulènnet, na calz a gas a hræceu Doné, mar ou goulènnet guet lisidantæd, guet ur galon yein, ha marcé staguet doh er péhet. D'er-ré digas ha paressus é lar en Eutru Doué: Prest-en d'hou turel a mem bég, rac n'en doh na tuèm na yem.

7° Avan réd-é pedein guet perseverance; de laret-é, derhel mat de bedein beèd queue vehemb cheleuet. Doué eid aprouvein hur Fé hac hur honfiance, ne ra quet demb attau hur goulèn ag er uén quettan. Ean e vourr boud importunet dre hur pedenneu, hac e venn ma houlennehemh lies; ma clasquehemb, ma scoehemb ar en or; ha ma n'accordet quet demb er peh e oulennamb, rac ma huel ne vehai quet profittabl eid-omb, ean e ra demb un dra benac guel abred pe dehuehad, mar dalhamb mat de oulen é-tré ma vou é volanté.

Bout-cou treu e zeliamb goulèn guet Doué absolumant, ha ré-ral ne zeliamb goulèn meid idan condition. En treu e zelier goulèn absolumand e zou er vuhé éternel hac en ol moyandeu eid arribue én-hi. Par exampl, er remission ag er péhedeu, er vertuyeu, er græce de hanàuein ha d'accomplissein Gourhæmeneu Doué ha ré en Ilis, hac en deværieu a hur stad, etc. Doué ne refus jamæs en treu-zé d'er-ré ou goulèn èl ma faut.

En treu ne zelier goulen meid idan condition, e zou er ré e cell hur secour de hum santesien ha de ounid en Nean, mæs n'en dint quet er moyand necessær eid arrihue inou; el mei er madeu tamporel, er yehæd; en avantageu a gorv hac a speret, etc. Ne zeliamb dezirein na goulen er-ré ze meid idan condition ma vehent profitabl eit hur salvedigueah. Ni e zeli memb pedein Doué d'ou resus temb, mar guel é tehemb d'abus a nehai eid en offancein.

Deliet-é ehué pedein er Uériès, en Ælet hac er Sænt; mæs non pas ér memb fæçon ma pedamb Doué. Rac ni e bèd Doué èl er vamèn ag en ol madeu de rein demb en treu a béré en hun nès dobér; mæs ni e bèd er Uériès, en Ælet hac er Sænt èl hun Avocadet hac Amiet en Eulreu-Doué de bresantein dehou hun dobérieu, ha de oulèn guenemb hac aveid-omb è Hanhue Jesus-Chrouist er græceu ha secourieu a béré en hun nès dobér. (Hui e ga-

vou quement-cé expliquet hirroh én achemant ag en eil Parti ag er Vuhé

ARTICLE I.

Ag er Beden particuliér,

(N'en dai quet requis hum abus d'expliquein amen er péh e gavér é Livreu aral: rac-cé a fæd en Oræson mantal, consultet er Chapistr XLIII ag er Hombat spirituel. A fæd er Méditation, leinet en eil Parti ag er Vuhé devod, pé er hommancemant ag er Honside-rationeu santel. Un dra sur-é n'en dès hanni n'en dai capabl d'obér méditation mar car hum impléein erhad. N'en dai quéstion eit quemènt-cé meid a obér reflexioneu sonn ag ur urionné benac ag er Religion, pé ar un instruction benac e gleuér, ha quemér ur ferm resolution de reglein erhad er vuhé én occasioneu mat pé droug e hum bresantt. Er Speret-Santel e ra d'antand é ma er bihan a gas e ra en dud a vaguein ou inean guet er gurionnéeu sacret, e zou caus m'en dai goleit en doar a fallanté.)

En Oræson vocal e zou en hani e rer a galon hac a veg. Me lar a galon hac a veg; rac ma n'en dai er galon de unan guet er beg eit pedein, er beden n'hi devou quet er seih condition hun nès merchet ihuelloh, hac èl-cé ne vou quet agréabl de Zoué. A-zé en hum dromp ul lod vat péré e chonge guet-t'ai ou dout groeit treu erhoalh a p'ou dès laret pedenneu caër e gavant é Livreu, pé ou dès désquet a vihan; a p'ou dès prononcet a vèg Acteu a Fé, a Garanté, a Gontrition, a Drugairé.... pé m'ou dès laret ur stèd pedenneu hemb goud guhavé petra e larant. Eit ne gouéhehait quet én abusance-zé,

groeit ma vou hou calon de unan guet hou pêg a pe bedet; diazéet én hou c'inean er santimanteu exprimet ér pedenneu pé én Acteu e brononcet a vêg, ha goulennet guet Doué er græce ma veint hou c'éré-hui quer clous èl ré en hani en dès int composet. Ne vern hac ean e vou hir pé bèrr hou peden, credet ferm ne vou agréabl de Zoué meid é quemènt m'hé groebait guet fé, humilité, tuemzér ha devotion. Er bedèn n'en dai jamæs rai hir a pe gonz er galon: mæs er bedèn verran e zou perpet rai hir, a pe ne gonz quet er galon. Pedet muyan ma heèllehait en ul langage e antandet, ha ne vou quet diæz teoh laquad hou speret hac hou calon de unan guet hou tivès.

Er bedèn excellantan e ouhemb gober de Zoué, e zou er Pater noster.... (Hun Tad pehani zou én Nean).... Rac hur Salver en des hi composet ha comprenet én-hi é berr guirieu ol er peh e zeliamb goulen guet Doué eid é hloër hac hur salvedigueah. Commance e ra dré ur berr preparation, arlerh pehani é ta seih goulen, a beré en tair quettan e hum zoug a ben-caër de Zoué, hac er pedair aral e

seèll hun dobérieu.

Chetui er preparation: Hun Tad péhani zou én Nean. Chetui er seih goulèn:

1. Hou c'Hanhue re-vou santefiet.

2. Hou Ranteleah degasset temb.

3. Hou volanté re-vou groeit ar en doar avel én Nean.

4. Reit temb hinihue hur bara pamdièq.

 Pardonnet temb hun offanceu el ma pardonnamb d'er-re en des hun offancet.

6. N'hun delausquet quet én tantation.

Digitized by Google

7. Mæs delivret ni ag en droug. El-ce revou groeit.

Obliget omb de laret er beden-zé bamdé, rac m'en dai ur remæd doh hur péhedeu pamdièq, è-mé S. Augustin. Mæs ul lod vad e héri-sehai doh hé laret pe ouiehent erhad petra e larant.

Explication ag er Pater.

Doué e venn m'er galhuehemb hun Tad, eit degass chonge temb en en des hur hrouéet ha queméret eid é vugalé; eit hun doug d'er pedein guet mui a gonfiance, ha de zihoal guet mui a sourci a zisplige tehou. Pebéh outrage e ramb-ni dehou dohrer galhuein bamdé hun Tad, mar torramb é Ourhæmeneu; mar hoarhamb a pe uélamb pé ma cleuamb en offancein! Men é ma er hroaidur dessauet mat hac e hoarhehai pe vehai outraget é dad én é bresauce?

Doué e vènn ma larehemb hun Tad, ha non pasme Zad; eit degass chonge temb é homb ol berdér é Jésus-Chrouist, ha mambreu d'ur memb corv, péhani zou en Ilis, hac é teliamb ol pedein en eit aveid éguilé, ha memb eit hun enemiset, a p'en dint é vugalé quer clous èl-omb.

Ni e lar péhani zou én Nean: rac penaus-benac m'en dé Doué partout, en Nean é ra neoah splannein é hloër én ur fæçon spécial, hac en Nean e zou hur guir bro é péhani é teli boud en ol dezirieu a hur halon. Penaus é heèllamb-ni arlerh quementcé bout quer staguet doh en treu tamporel?

Quetan goulen. Hou c'Hanhue re-vou santefiet.

Dré er guirieu-zé ni e oulèn ma vou hanauet hac inouret Hanhue en Entru-Doué guet en ol dud ha guenemb-ni e particuliér. ha ma vou cherviget ar en doar el m'en dai én Nean. Rac-ce ni e oulen guet Doué ma tei er Bayannet hac en Héritiquet de hanàuein er urionné ha de hum gonvertissein : ma tei er béherion d'obér ur bénigen sincèr ha de bratiquein er vertuyeu; ma tiscoei en ol Grechénion, ha ni é particuliér, dré hur houzeu ba dré hun ævreu é homb bugalé de Zoué, ha ma havancehemb muyoh-mui é parfætion beèd er fin a hur hnhé.

Er oulèn-zé quer clous èl er-ré-ral, e zou diazeet ar er guir garante. Rac en-n'emb e gar Doué, e zezir ma vou hanàuet, cherviget hac inouret. Enn'emb e hum gar èl mei deliet, e zezir hanavein, chervigein hac inourein en Eutru-Doue : hac enn'emb e gar é Nessan èl d'ou é hunan, e zezir ma tei en ol de hanauein, de chervigein ha d'inourein en Eutru-Doué. Mæs er-ré zou teichet de sacrein ha de douyet, pé e gondui ur fal vuhé hemb gobér cas a hum gorrigein; er-ré-zé e brononce ou hondannation quel liès guéh ma larant de Zoué, hou c'Hanhue re-vou santefiet. Rac ou halon e zislar er peh e brononce ou zead. Ind e lar é tezirant ma vou santefiet hac inouret Hanhue en Eutru-Doué: perac é mant ind enta er-ré quettan doh er profanein ha doh en disinourein? Rac-cé eit ma von sincer hou conzeu, hum impléet dré ur vuhé santel hac a scuir vat de santefiein Hanhue en Eutru-Doué, ha de zoug er-ré-ral d'er santefiein.

Eil goulen. Hou Ranteleah degasset temb.

Dré er honzeu-zé ni e oulén guet Doué ma triomflou én-n'amb dré é hræce, ha ma rei demb triomflein guet-t'ou én é hloër durand en éternité. Rac-cé-

· Digitized by Google

ni e oulen ma tei en ol dud de hanauein Doué èl er Mæstr souveræn drès quement tra zou, ha ma laqueint ou ol joé é haboeissein dehou: ma rei d'en dud just er græce a berseverance, ha d'ou enemiset er græce de hum gonvertissein: ma vou streauet en Ilis partout drè er béd, ha ma renonciou en ol d'en diaul ha d'é ævreu. Mæs er béherion ahurtet e brononce ou bondannation dré er honzeu-zé; rac ind e lar de Zoué a vég, triomflet én-n'amb dré hou cræce, hac e lar a galon d'en diaul, hui-é hur Roué; ne sèntamb ha ne fal demb sentein meit dohoh.

Goudé m'hun nès goulènnet guet Doué ma vou santesiet é Hanhue, ni er pèd de zegass temb é Ranteseah; rac ne ouhemb quet santesiein erhad Hanhue en Eutru-Doué dré hur buhé, ma ne za Jesus-Chrouist de driomssein en hur halon dré é hræce.

Tairvet goulèn. Hou volanté re-vou groeit ar en doar avèl én Nean.

Dré er honzeu-zé ni e oulen guet Doué er græce de hanàuein e volanté, de souplein idan d'hi, ha d'hé accomplissein ar en doar èl m'hé accompliss en Ælet hac er Sænt ér Baraouis.

Volanté Doué e zou ma resistehemb doh hur goal deicheu, ha ma laquehemb poén d'ou feahein: ma tihoallehemb doh péb sort péhedeu, ha ma rehemb pénigèn ag er-ré hun nès commettet, ma pratiquehemb en ol vertuyeu, ha ma tehemb dré hur pedenneu hac exampleu mat de zoug er-ré-ral d'ou fratiquein: ma quemérehemb er stad a vuhé en dès merèhet de bep-unan, ha ma vehemb fidel de hum aquittein erhad a hun deværieu beèd er marhue: ansin ma réceuehemb guet trugairé ha resignation

d'é brovidance ol er péh e arrihue guenemb ag é berh pé dré é bermission, hac e hanhuér ér béd chanche, accidandeu, malheureu.... Volanté Doué e zou ma quemérehemb en treu zé é grad pé èl punitioneu a hur péhedeu, pé èl moyandeu d'avance é santeleah. Rac-cé mar jaugeant guet hun inclination, ni e zeli en trugairicad, hac er pedein d'ou lamein guenemb quêntoh eit ma hum chervigehemb a nehai eid en offancein: ha mar dint contrel d'hun inclination, èl mei er holleu, er hlinhuedeu, en afflictioneu.... ni e zeli goulèn guett'ou er græce d'obér un implé mad a nehai, ha ma chervigeint d'hun distaguein doh er béd ha de laquad hun ol chonge guet en treu ag en Nean.

Doue e venn ma larehemb tehou bamdé, hou volanté re-vou groeit, eit ma santehemb guel hun inclination dalhabl d'en droug, ha ma hanauchemb n'eèllamb, hemb é secour, nac aboeissein dehou na gobér nitra e blige tehou. Mæs ne veemb quet effrontet assès eit laret tehou, hou volanté re-vou groeit, ma ne fal demb sentein meit doh hur fantasi ha doh modeu er béd. Pebéh anquin eid un Tad guelet é vugalé é houlen a veg ma vou groeit é volanté, hac é chom a vat volanté én disposition dalhabl de zisplige tehou! Él-cé é ra neoah en darnmuyan ag er Grechénion.

Goudé m'hun nès pedet Doué de zegass temb é Ranteleah eit ma heèllehemb santefiein é Hanhue, ni e oulèn guet-t'ou er græce d'ober é volanté : rac Jesus-Chrouist ne driomflou en-n'amb dré é hræce ha n'hul laquei de driomflein guet-t'ou en é hloër,

meid é quement ma rehemb é volanté ar en doar.

Pedairvet goulen: Reit temb hinihue hur bara pamdieq:

Dré er honzeu-zé ni e oulèn guet Doué er péh cou necessær demb peb dé eit dobérieu er horv ha ré en ineap. Jesus-Chrouist en dès comprênet en dobérieu-zé idan er guir bara, eit rein demb d'antand ne zeliamb dezirein na goulèn nitra istroh eit hun necessær. Ean en des vennet m'hur bezai laret reit temb himihue, eit m'hur bezai comprenet ne zeliamb quet hum sourciein petra e vou arhoah, hac é vehemb obliget de oulen hun dobérieu arhoah just el hinihue. A pe laramb hur bara, ni e ra d'antand é fal demb hum boéniein, revé Doué, eid er gounid, hac e ma obliget er-re pihuig quer clous el er-ré peur, de oulen guet Doué bamdé ou dobérieu corporel ha spirituel, hac é teliant hanauein é ma d'é brovidance hemb quin en ou dès obligation ag er péh ou dès mui eid er-ré-ral. Jesus-Chrouist ne zihuèn quet neoah a armerh un: dra benac eid en amzer de zonnet; mæs ean e zihuèn a obér quemènt-cé guet néhance ha guet ur sourci rai hærrus, péhani zou perpet caus ma hancoeher en Eutru-Doue ha ma laquer ol er chonge guet en treu ag er béd:

Er bara pamdiéq e zeliamb goulén guet Doué eid er horv, e zou hur bihuance necessær, gusquemiant ha logeriss. Mæs en ur oulen quement-ce ne zeliamb quet ancoehad en hun nes ean pedet ér raug d'obér é volanté, hac èl-ce é vehemb coutant hac é tehai dehou refus temb er pen e oulennamb. Doué e bermett guhavé ma vanq d'é serviterion en dobérieu necessærran eid er horv, eid aprouvein ou Fé, eit ou distag don er béd, ha rein dehai er moyand de bratiquein er batiantæt, ha d'obér ag er

vuhé-men pénigèn ag ou féhedeu. Ag un Tad ca-

rantéus né zeliér jamæs hum glem.

Er bara pamdièq e zeliamb goulen eit hun inean, e zou : 1° Ma vehemb gredus de cheleuet conzeu Doué ha de sèntein doh é Ourbæmeneu. 2° Ma vehemb sourcius de brofittein a hræceu Jesus-Chrouist ha de bratiquein er vertuyeu. 3° Ma vehemb digu de receu er Sacremand ag en Autær quel liès èl ma rai er Grechénion guharal. Er poénieu bac en afflictioneu ag er vuhé, e zou ehué bara pamdièq hun inean; rac ind e chervige de zistag hur balon doh er béd, ha d'hé lusquein trema hé Hrouéour; rac ma pourvæant temb moyandeu excellant de bratiquein er vertuyeu ... En effæd, diæz-é d'un dén pratiquein er batiantæt, par exampl, ma n'en dès nitra d'andur.

Goude m'hun nes laret de Zoue, hou volanté revou groeit ar en doar avel en Nean, ni e oulen guett'ou er péh e ouair e zou requis temb eit dobérieu er horv ha ré en inean, eit ma heèllehemb accomplissein é volanté santel, hac èl-cé ma triomflou én-n'amb dré é hræce, ha dré er moyand-cé mavou santefiet é Hanhue én-n'amb ha dré-omb.

Penvet goulen: Pardonnet temb hun offanceu èl mar pardonnamb d'er-ré en dès hun offancet.

Dré er honzeu-zé ni e hanàu dirac Doué é homb péherion, hac eit bout pardonnet guet-t'ou, ni e zisclæri é pardonnamb a greis hur halon d'er-ré en dès hun offancet. Jesus-Chrouist en dés laqueit itré hun deourn, er moyand de dènnein ar-n'amb é visericord; Pardonnet, é-m'ean, hac é vou pardonnet teoh. Mæs a fæd er-ré e oarn én ou halon caz dob en Nessan, pé e zezir hum vangein, ean en dès vènnet m'ou devezai prononcet int-memb ou santance hac ou hondannation quel liès guéh m'ou devai laret er bedèn-zé. Rac laret de Zoué; pardonnet temb èl ma pardonnamb, e zou laret : groeit temb èl ma ramb d'er-ré-ral; ne bardonnet quet demb ma ne bardonnamb, discarguet ar-n'amb hou vangeance hac en drougueu e zeziramb d'erré-ral.

N'en dai quet laret eit quement-ce penaus er-ré e oarn caz ha malice doh en Nessan; ne zeliehent quet gober er beden-ze: mæs ind e zeli changein a santimant, ha pardonnein a greis ou halon, eit ma veint ér stad de laret el ma faut ur beden e ordrén hur Salver gober bamdé. Rac, ha ne hum sante-hemb-ni cablus a béhet er bet, ne ouzamb quet penaus é homb dirac Doué; hac assès vehai demb chongeal bout dibéh, eit bout cablus dirac é zeulagad. En hani e lar n'en dai cablus a béhet er bet, e hum dromp, é-mé S. Yehan, hac er urionné n'en dai quet quet-t'ou.

N'en dai quet laret ehue é homb obliget absolumant de bardonnein en argand pé en treu e zeliér demb, a pe uélamb ne vai quet volanté d'ou daccor, Permettet-é de bep-unan impléein er moyandeu legitim, eid en devoud é dra. Mæs obliget omb perpet de bardonnein en affront e ra demb er-ré e refus a zaccor demb hun treu. S. Augustin e gonseill memb èl un ævr a charité, pardonnein d'erré-zé er péh e zeliant : rac, e lar ean, hac é vehent int pihuiq, peur erhoalh ind a pe n'ou dès nitra de

rein.

En ol e ouair penaus opèn en disposition de bardonnein d'er-ré-ral eit bout pardonnet guet Doué, é ma requis hoah en doud ur gùir gontrition ag er péhedeu guet ur ferm propos n'ou hommettehér mui : rac gobér goab a Zoué vehai goulèn guet-t'ou pardon a béhedeu, e vér hoah disposet de gommettein.

Goudé m'hun nès goulennet guet Doué ma vou santesiet é Hanhue, ha ma triomslou én-n'amb dré é hræce eit ma rehemb é volanté, ni e avoué en hun nès dobér a secourieu spirituel ha corporel eit ma heèllehemb é accomplissein, hac a visericord ha pardon a hur péhedeu, eit ne vireint quet dohemb a receu er secourieu-zé.

Huéhvet goulen. N'hun delausquet quet én tantation.

Dré er honzeu-zé ni e oulen guet Doué: 1° Ne bermettou quet ma hum laquehemb en dangér a en offancein. 2° Ma rei demb er græce de resistein doh en tantationeu ha de zoug er victoër ar nehai. 3° N'hul lausquou quet de sentein doh en dezirieu a hur halon, a pe veint contrel d'é volanté. 4° Ma tegassou demb afflictioneu tamporel quentoh eit prospérité, péhani e vehai caus demb marcé de goll hun inean. 5° Ma rei demb nærh de feahein en diaul guet é ardeu; de zisprisein er béd guet é vobanceu, ha de gastiein er horv guet é ol inclinationeu. 6° Ansin mar hul lausq de gouéh guet en tantation, ma rei demb er græce de hum sehuel pront ha de reparein hur faute.

Mab-dén e zou exposet de dantationeu continuel: attaquet-é ag un tu guet er goal speret; ag en tu aral guet er béd ha huet er hiq, ha n'en dai quet possibl dehou, hemb græce Doué, resistein peèl doh enemiset quer puissant. Gùir-é, en tantation a nehi hé unan n'en dai quet ur péhet: é contrel, un occasion a veritt-é eid er-ré e resist doh-t'hi

guet courage, hac e ouair profitein a nehi. (Leinet er buarvet Parti ag er Livr ag er Vuhé devod.) Mæs dré ur just jugemant Doué e abandon guhavé en dud d'en dezir ag ou halon, hac e accord dehai danné, inourieu hac avantageu tamporel, a béré é houair é habuseint eid en offancein. Quement-cé e arribue guet-t'ai é punition ag ou féhedeu; ha Doué e glasq él-cé ou laquad de zigueor ou deulagad eit ma hanaueint ar ou houst peh quer miserabl-é en hani ne héli meid é volanté propr.

Mar fal demb enta bout cheleuet guet Doue a pe laramb tehou, n'hun delauquet quet en tantation, ni e zeli peellad doh ol er peh e zou eid-omb occasion de vout tantet. Rac gober goab a nehou-é er pedein d'hur secour en tantation durand ma clas-

quamb ha ma caramb en tantation.

Goudé m'hun nès goulènnet guet Doué pardon ag er péhedeu hun nès commettet, ni e oulèn guett'ou er græce de vout preservet a gouéh én-ai én amzér de zonnet, a-celfin ma vehemb cavet dign de receu er secourieu spirituel ha corporel eid accomplissein é volanté ar en doar, hac èl-cé ma triomflou én-n'amb dré é hræce, ha ma vou santefiet é Hanhue santel.

Seihvet goulèn. Mæs délivret-ni ag en droug.

Dré er honzeu-zé ni e béd Doué d'hur preservein doh er péhet ha doh en occasioneu a béhet, doh malice en diaul, doh furi hur goal inclinationeu ha fal acustumanceu, doh er revolteu ag er hiq, doh en ignorance ha disprisance eid en inspirationeu a ziar-hlué, doh en obstination a galon, doh custumeu ha goapereah er béd, doh er marhue é goal stad, ha doh en dannation éternel. A fæd er miserieu ag er vuhé presant, èl mei er hlinhuedeu, er beuranté, er holleu, er brizel, er vocèn, er guerteri, etc., pérè ne arrihuant guenemb meid è punition a hur péhedeu, pé eit purifièin hur vertuyeu, ni e oulèn guet Doué m'hur preservou, pé m'hun delivrou a nehai, mar dai é volanté ha non pas quin. Rac ne oulennamb meit bout delivret ag en droug; hac er miserieu ag er vuhé-men n'en dint quet é gurionné un droug, a pe hur secourant quemènt de hum salvein. È contrel, er yéhæd, er brospérité, en danné, en inourieu... e zou ur gùir droug aveid omb, mar abusamb a nehai eid offancein Doue: hac ag er sort-zé é houlènnamb bout delivret a pe laramb, delivret-ni ag en droug.

Arlerh quement-cé petra chongeal a beden er-ré e abus ag ou madeu, ag er yéhæd, ag er brospérité?... Petra chongeal nameid é ma faus ou feden, hac é larant de Zoué er péh ne fal quet dehai laret. Rac ind e oulèn er péh ne zezirant quet, de laret-é, é léh er yéhæd, er madeu hac er brospérité, péré zou un droug aveit-t'ai, ind e oulèn poénieu ha

misèr, péré e vehai ur vad aveit-t'ai.

Er seihvet goulen ag er Pater, e gomprèn è berr guirieu en huéh aral. Rac goulen guet Doué m'hun delivrou ag en droug, e zou goulén guet-t'ou m'hur preservou doh en tantationeu, ma pardonnou demb hun offanceu, ma rei demb dobéricu en inean ha ré er horv, ma broei demb accomplissein é volanté, ma triomflou én-n'amb dré è bræce eit ma triomfléhemb guet-t'ou én é bloër, ha ma vihuehemb quen erhad ma vou santefiet partout é Hanhue santel.

Explication ag er guir Amen.

Er guir, Amen, e larer en achemand ag er Pater, hac ag en ol pedenneu e ra en llis, e seneñ, El-cé re-vou groeit; me qousantt, me zezir ma vou el-cé. Er guir-zé é hunan e zou ur bedèn excellant, hac e exprim en un taul en ol santimanteu a Religion hac a zevotion hun nes en hur halon, er gousantemand e ramb d'er péh e oulen en llis aveid omb, hac en attantion e laquamb de bedein chué guet-hi. Rèd-é enta dihoal ag er prononcein dré acustumance, n'æs guet respèt ha devotion, quel liès guéh m'el laramb pé en Overen, pé en achémand ag er pedenneu aral.

Explication ag en Ave, Maria.

En excellantan pedèn e fehemb gobér d'er Uériès, e zou en Ave, Maria, rac ma compren ol er peh e eèllamb laret caërran en hé inour, hac ol er peh e eèllamb goulèn guet Doué dré hé intercession. Composet-é: 1° A gonzeu en Arh-Æl Gabriel, a pe annonças d'er Uériès er Mistèr ag en Incarnation. 2° A gonzeu Santès Elizabeth, mam S. Yehan, a pe oai bet visitet guet er Uériès santel, hé heniterhue. 3° A gonzeu en Ilis assamblet ér Honcita Nicé.

I. Conzeu en Æl.

Me hou salud; de laret-é, m'hou respètt hac hou c'inour, rac ma hoh destinet a ol viscoah eit bout Mam de Zoué ha ma hoh bet goalhet a hraceu drès en ol Sænt hac Ælet.

Mari e senéfi sauet drès en ol treu crouéet. Len a hræce; de laret-é, n'en dès én-ah péhet er bet: hui zou tout pur ha santel: carguet-oh a zonæzoneu preciussan en Eutru-Doué, hac ag en ol vertuyeu e jauge doh hou qualité a Vam de Zoué.

En Eutru-Doué e zou gueneoh; de laret-é, Doué en dès hou preservet én ur fæçon spécial drès en ol dud doh peb sort péhet : ean e hum blige é hobér é

zameurance én hou calon, èl én é Dampl.

Hui zou béniguet drés én ol groaqué; de lareté, ag en ol merhet e zou bet biscoah, hac e eèll bout de jamæs béniguet guet Doué, hanni n'hi dès receuet na ne receuou, ur faveur haval doh en hani e hoès hui bet, de vout choæget a ol éternité eit bout Mam de Zoué, eit bout Mam ha Guéries assambl.

II. Conzeu Santès Elizabeth.

Ha béniquet-é er fréh a hou corv, Jesus; Jesus-Chrouist revé mei dén, e zou bet béniquet ha santefiet guet Doué drès en Ælet hac en ol dud assambl: Jesus-Chrouist revé mei Doué ha dén, e zou er vamèn ag er venidiction reit d'en Ælet ha d'en dud, ha d'er Uériès santel é particuliér.

III. Conzeu en Ilis.

Santés Mari, Mam de Zoué. A pe laramb d'er Uériès è ma Mam de Zoué, ne fal quet demb laret è ma Mam d'en Divinité: Rac Doué n'en dès quet bet a gommancemant, ha n'en devou quet a fin. Mæs ni e antand en en dès Mah Doué en eil Person ag en Drindet, quemèret ur horv itré digosté er Uériès, hac èl-cé en hi dès conceuet ha laqueit ér béd Jesus-Chrouist, Doué ha den assambl.

Pedet eid-omb. Deusto peh quen ihuel é ma sauet er Uéries, ne hum avisamb quet neoah de oulen guet-hi er græceu a béré en hun nes dobér; mæs ni hé fed de oulen aveid omb er græceu-zé guet Doué, péhani zou é hunan er vamèn ag en ol græceu, rac ma houiamb é ma bras hé fauvoër ital hé Mab Jesus, hac é ma dré-d'hi é spécial é haccord Doué demb er secourieu necessær eit gobér hur salvedigueah.

Queih péherion. Er Uériès e zou Avocadès er béherion hac e zezir ma hum gonvertisseint, rac ma houair n'en dai deit he Mab Jesus ar en doar meid eit ou salvein. Rac-cé sèl-mui ma hanàue-hemb é homb péherion ha miserabl, sèl assurettoh vehemb a hur bout dré hé intercesson ol er pèh e

oulènnehemb.

Bermen; de laret-é, durand er perhindæt trist ag er vuhé-men, è péhani en hun nès dalh-mat péhedeu nehué d'effacein, scosselleu nehué de dræzein, deværieu nehué d'accomplissein, enemiset nehué de feahein, etc.

Hac én ær a hur marhue; rac nezé é tisplægou en diaul é ol ardreu inemp temb, hac en hur bou muyan dobér a secour. Doh ma tremenehemb er momand-hont, é vehemb heurus pé malheurus durand un éternité.

(Ne gonzamb quet amen ag er Chapelet. El Livr Pedenneu e expliq assès é petra é consist en devotion-zé, ha péh quer profittabl-é.)

Explication ag en Angelus.

En llis e recommand sonnein er hich de vitin, de greiste ha de noz, eid avertissein er Fidelet: 1° de drugairicad Doué ahoël tair guéh en de ag er Mister a Incarnation Jesus-Chrouist; 2° de oulèn nezé guet en Drindet Santel er græce de vout lodeq'er gloer éternel, dre veriteu Marhue ha Passion hur Salver; 3° de hum rejouissein guet er Uériès santel ag er bonheur hi dès bet de vout choæget eit bout Mam de Zoué, ha de hum laquad idan he frotection. Chetui er beden e zelier laret nezé.

Angelus Domini nunde Spiritu Sancto.

Ave. Maria....

MARIA respondit. Ecce ancilla Domini: bum tuum.

Ave, Maria....

Et Verbum caro factum Ave. Maria

Un Æl a berh Doué e antiavit Mariæ, et concepit nonças de Vari (é vezai bet Mam de Zoué), hac hi e gonceuas dré operation er Speret-Santel. Me how salud, Mari...

MARI e rescondas.

Me zou matéh d'en Eutrufiat mihi secundùm ver-Doué; re-vou groeit teign revé hou conz.

Me hou salud, Mari...

Ha Mab Doué en dès queest, et habitavit in nobis. méret ur horv, hac en dès chomet én hur mésq.

Me hou salud . Mari ...

(Hui e gavou el Livre Pedenneu er beden e larér arlerh, guet en Indulgeanceu e accord en Ilis d'erré e lar en Angelus guet devotion, ha non pas dré acustumance ha hemb attantion, èl ma ra ul lod vat. Ne vér quet obliget de laret er bedèn-zé idan boén a béhet.)

ARTICL II.

Ag er Pedenneu public.

IDAN en hanhue a bedenneu publiq é ma comprénet chué er ceremonieu ha pratiqueu e implé en Ilis, eit doug er Fidelet d'inourein Doué pé er Sænt.

Ag en Deur béniguet.

Laquad e rér deur béniguet ital doreu en Ilisieu, eit degass chonge d'er Fidelet a oulén guet Doué er græce de vout purifiet ag ou féhedeu, eit ma vou profitabl dehai er pedenneu e yant d'obér. Guharal ne oai quet en Ilis, mæa ér mæz ag en Ilis, é laquait en deur béniguet en ul lestr bras, eit m'en devezai eèllet er Fidelet golhein ou deourn hac'ou face quent antréein en Ilis.

Er pedenneu e ra en Ilis eit béniguédein en deur, hi e oulen guet Doué ne bermettou quet m'en devou en diaul berh er bet ar en dud, pé ar en treu ma touchou en deur-zé doh-t'ai; mæs ma veint

santesiet dré bresance er Speret-Santel.

Turel e rèr en espergès ar er bobl quend en Overèn, eit goulèn guet Doué ne bermettou quet ma tei er goal speret de dreboulein hanni durand en Overèn, mæs ma tei er Speret-Santel de burificin caloneu er Fidelet, eit ma veint devod èr Sacrefice.

En llis e recommand d'hé bugalé cass guet-t'ai deur béniguet d'ou zièr, eit ma heèllein hum groezein guet-t'ou guet respèt ha devotion, de vitin ha de noz quent commance ou fedenneu, a pe veint tantet, a pe veint én un dangér benac, etc.

Turel e rér deur béniguet ar gorveu hac ar véyeu er-ré varhue, eit goulèn guet Doué dré vertu er pedenneu en dès groeit en llis ar en deur-zé, peah ha repozéternel d'en incanneu e andur ér Purgatoër.

Ag er Bara béniguet.

A oude m'en dai deit er Grechenion de vout quer yein ha quen digas doh er Gommunion, ital ma hoai er-ré guharal, peré en doai custum de gommuniein en Overen ma hassistent, en Ilis en des quemeret en usage de veniguedein bara ha d'er rannein itre er Fidelet, eit degass chonge tehai ag er bara disquennet ag en Nean, e receuer er Gommunion, hac e teliant el mambreu d'ur memb corv, pehani zou Jesus-Chrouist, bout joentet assambl dre ur garante parfæt.

Er bara beniguet e zeli bout quemeret ha daibret guet respet. Eellein e rer en daibrein pe en llis er momand ma rer de gommuniein, pe en ur monet d'er guær: mæs ne zelier quet er heigein emesq boued aral. Mad e ehue cass a nehou d'er-re

n'ou dès quet eèllet assistein én Overèn-brèd.

Ag er Prehecioneu.

En usage d'obér Prehecion quend en Overèn-Brèd, hac é circonstanceu aral, en dès commancet burhud guet en Ilis. Ne hum abusehemb quet de verchein amen en occasioneu differant en des reit léh d'en usage-cé: mæs ni e ouair penaus er Prehecioneu é general e zegass chonge temb n'en domb meit perhinderion ar en doar; n'en dai quet honnèn-e hur bro, mæs e havançamb bamde trema hul logeriss éternel. Douguein e rér attau é pèn er Prehecion, ur Groes, guhave ur Banniel ha Limageu aral, eit rein demb d'antand penaus, mar fal demb gober ur voyage heurus er vuhe-men, hac arribue guet assurance en Nean, red-e ma querhehemb arlerh Jesus-Chrouist crucifiet, en ur guemer scuir ar er vertuyeu en des pratiquet, hac en des ansaignet temb én é Aviél santel.

Ne faut quet monet d'er Prehecioneu èl d'ur foër, pe d'un divertisemant, eit guelet ha bout guelet : mæs red-e monet dehai guet en intantion

pigitized by Google

m'en dint bet instituet dré en Ilis; assistein én-af guet modesti ha devotion, ha derhel er chonge guet un dra vat benac durand en amzér-zé.

Ag er Proveu hac ag en Deaugueu.

Er Proveu e zou actioneu santel ordrénet dré en Ilis, dré béré er Fidelet doh hum offrein de Zoué, et offr ehué un dra benac ag ou madeu eid antretenein en Ilisieu, eit tènnein bénédiction en Nean ar nehai hac ar ou zreu, hac eit merchein é ma de Zoué hemb quin en ou dès obligation ag er péh ou dès.

En ol e ouair é vér obliget de bayein en Deaugueu, ha n'eèllér quet manquein d'en obligation-zé, hemb torrein Gourhæmeneu Doué. Ol er péh han nès, e zou de Zoué; hac ean e vènn ma sacrifiehemb ul lod benac a nehai, eit discoein é houiamb grad tehou ag é vadeleah én hur hevir, hac ag er sourci en dès de bourvæein demb hun dobérieu.

(Conzet hun nès él léh aral ag er Pron hac ag en Instructioneu.)

Ag er Goleu hac ag el Lampreu.

Er mod d'alum Goleu durand en Officeu, e oai hanàuet ag er puarvet-cant vlæad (siècle). Er goleu-zé e eèll bout consideret èl er simbol a Jésus-Chrouist, péhani zou slcærdér er bet, hac a Fé er Fidelet, pèhani èl ur oleuèn spirituel, e ra dehai slærdér eit monet drèd de Zoué.

Alum e rér ehué goleu ital er-ré varhue eit discoein en ou dès quérhet durand ou buhé doh er scherdér ag er Fé, hac è hès esperance é veint lodéq ér Resurrection glorius, dré veriteu Jesus-Chrouist é péhani en ou dès credet hac esperet. El Lampr e alumer en Ilisieu dirac er Sacremand, e cell bout consideret el er symbol ag en dezir e zeli er Fidélet ou dout de chom dalh-mat en adoration dirac Jesus, ha de losquein guet carante cit-t'ou, el ma losq er goleu-zé en é inour.

Ag en Ançans.

En Ançans e zou er figur a bedenneu er Fidelet: en offrein e rér de Zoue èl ur merche ag en inour hac aboeissance e zou deliet tehou èl d'er Mæstr general drès ol quement tra zou, hac eit discoein en dezir hun nès ma sauon hur pedenneu bel-hac é dronn, guet er moguet ag en ancans-zé.

Ançansein e rér en Autærieu, eit pedein Jesus-Chrouist figuret en Apocalyps dré en Autær d'a-

gréein hur pedenneu figuret dré en ançans.

Ançansein e rér en Hroësieu hac el Limageu, eit ma pligeou guet er Sænt e represantant, offrein

hur pedenneu de Zoué.

Ançansein e rér er Fidelet, eit ou avertissein de hum sehuel trema Doué dré bedenneu gredus, ha de vihuein quen erhad, ma streàueint partout er oust vad a Jesus-Chronist.

Ag er Han en Officeu.

En Ælet hac er Sænt én Nean e gan hemb cèss mèlodi de Zoué, hac en Ilis en des reglet er han én Officeu eit hun désquein d'er mèlein ha d'en trugairicat guet-t'ai, ahoël a pe hum assamblamb eid en inourein. Ul lod vad e eèll laret ar ou houst n'ou dès quet bet méh é cannein treu e zispligeai de Zoué; perac en hur behai-ni méh é cannein gloër hac inour dehou.

Mæs en Ilis e vènn ma cannehemb modestemant ha poset; ha hoah posettoh d'er Sulieu ha d'er Gouilieu bras, aveit d'er-ré ordinær. Réd-e prononcein erhad er honzeu, ha hum accordein perpet: cannein a galon quêntoh eid a vêg, ha chongeal erhad é fal de Zoué bout cherviget, mèlet hac adoret a speret hac é gurionné. (*)

ARTICL III.

Ag er Sacrifice ag en Overèn.

Es Sacrifice ag en Overen e zou en excellantan ag en ol pedenneu. Er guir Sacrifice é general e senéfi ol en actioneu a Religion, dré béré é ta mab-dén de hum offrein de Zoué ha de hum joentein doh-t'ou; èl mei pedein Doué; er mélein, miret é Lezèn, er gontrition, en ævreu a visericord, hum zizobér ag un dra benac a balamor de Zoué, etc.

Er guir Sacrifice é particuliér e senéfi en offrand ag un dra sensibl groeit de Zoué, eit bout distru-

get pe changet eid e vrassan gloër hac inour.

Er Sacrifice e zou intérior pé extérior. Er Sacrifice interior e zou en offrand e ramb de Zoué a hanamb hun hunan eit hum joentein doh-t'ou, hac eit gobér ol é volanté. Ag er Sacrifice-zé é conz S. Paul a pe lar penaus Jesus-Chrouist en ur zonnet ar en doar, e adressas d'é Dad Eternel er honzeumen ag er Profæt David: Er Sacrificeu en dès of-

^(*) Boud e vou ehué goudé Livreu Breton ha Latin ag en Officeu eid er Gouilieu principal durand er blæ.

fret en dud eit ou féhedeu, n'en dint quet bet agréabl deoh; nezé me mès laret: Chetui mé eit gobér hou volanté. Ya, men Doué, me venn hé gobér, ha me zoug hou Lezèn ém halon. Ne rér er sort Sacrificeu-zé de Zoué, meid a p'er harér a uir galon.

Er Sacrifice exterior e zou en offrand ag un dra benac sansibl, èl ma hoai guharal en offrand a lonnet hac a einet, hac el mei bermen en offrand a Gorv hac a Oaid hur Salver idan en aparanceu ag er bara bac er gùin. Mæs eid inourein Doué dré er Sacrificeu exterior, réd-é ma vou interior en offrand, de laret-é, réd-é ma hum offrou er galon guet en dra sansibl e offrér de Zoué. Rac-cé ér goh Lezèn, er-ré e offrai Sacrificeu de Zoué, n'en inourent quet, ma ne joentent guet ou offrand exterior, en offrand a nehai ou hunan hac a hou haranté. El-cé ehué er Grechénion péré e assist ér Sacrifice ag el Lezen nehué, mar manquant a hum offrein int memb de Zoué, meriteu Jesus-Chrouist, péhani zou offret hac e hum offr ean memb dré zeourn er Belèg, e zou ur Sacrifice perpet agréabl de Zoue; mæs action er Grechénion-zé, n'inour quet Doué: rac n'en inourér, é-mé S. Augustin, meid a p'er harer. En offrand exterior e zeli bout perpet ur merche sincèr ag en dispositioneu a galon é quevir en Entru-Doné.

N'en dès enta hanni exant a offrein de Zoué er Sacrifice interior ag é garanté. Rac Doué n'en dès hur hrouéet meid eid en inourein hac er glorifiein; ha ne fehemb quet en inourein hac er glorifiein, meit doh er harein a greis hur halon drès quement tra zon ol.

Obliget-omb d'offrein ehué de Zoué ur Sacrifice benac exterior : hac en diaulet , revé S. Augustin , n'ou des goulennet Sacrificeu guharal guet er-re ou adorai, nameit rac ma houient é ma obliget mabdén d'offrein de Zoué ur Sacrifice benac exterior. Er Sacrifice exterior e sou bet consideret guet en ol pobleu ag er béd, èl er moyand excellantan eit discoein de Zoué en dispositioneu a hur halon é quevir é Vajesté souveræn, ha n'eèll quet bout a Religion èl léh n'en dès quet a Sacrifice exterior.

Mæs é petra é consist er Sacrifice el Lezèn nehué? Quent Lezèn Moyse peb-unan e oai libr d'offrein de Zoué er Sacrifice e gavai jaugeaplan eid en inourein. Abel e offrai é lonnet guellan : Caïn e offrai ag er péh e æstai : Melchisedech e offras bara ha guin é Sacrifice. Ér goh Lezèn Doué e ras d'er Juivet regleu certæn eid er Sacrificeu hac eid er péh e zeliènt offrein. Mæs èl ne oai quet possibl, èl ma lar S. Paul, ma vezai bet distannet colér en Eutru-Doué guet goaid el lonnet-hont e offrait dehou, Jesus-Chrouist en dès dismantet er Sacrificeu-zé hac ou homprènet ol én hani en dès offret ar er Groès, hac e zou continuet ar en Autærieu partout ér Grechéneah.

Ne hum abusehemb quet amen de gonz a Sacrificeu er Juivet: assès-é ma houiehait é hoènt ol er squèd hac er figur a Sacrifice Jesus-Chrouist, ha ne oènt agréabl de Zoué meid é quement ma hoènt offret tehou guet er santimanteu ag ur galon humiliet, ha guet ur Fé bihue ér Messi e ortai er Juivet, hac e oai represantet ha burhud offret dré er Sacrificeu-hont. Gobér injur de Jesus-Chrouist vehai chongeal bermen é heèltér inourein Doué dré ne vern péh Sacrifice dihaval doh en hani en dès ean instituet, hac e vou continuet én llis beèd er fin ag er béd.

Er Sacrifice ag en Overen e zou enta e Sacrifice a Gorv hac a Oaid precius Jesus-Chrouist, e offr Jesus-Chrouist hac en Ilis de Zoue dre zeourn er Velean, idan en aparanceu ag er hara hac er gùin, eit continuein ha represantein er Sacrifice ag er Groes: pe, el ma lar er Hatechen, en Overen e zou er Sacrifice ag er Groes offret a nehue en ur fæçon n'en des quet a Oaid scuillet.

En Overen e zou ur guir Sacrifice: rac dre er guirieu ag er Gonsecration e brononce er Belêg é Hanhue Jesus-Chrouist, er sustance ag er bara e zou changet ér sustance a Gorv hur Salvér, hac er sustance ag er guin ér sustance ag é Oaid. En Overèn e zou er Sacrifice ag er Groès offret a nehué; rac én eil hac éguilé en hum gav er memb Sacreficatour hac er memb Hosti, dré ma hum offr Jesus-Chrouist ar en Autær dré zeourn er Belég, quer guir èl m'en dès hum offret ar er Groès.

Jesus-Chrouist en dès instituet er Sacrifice-zé én noz ma hoait don er guerhein, don en trahissein, é complodein el laquad d'er marhue. Nezé é ras pouvoër d'en Apostolet ha d'er Velean ar ou lerh, d'obér er péh en doai ean groeit, ha d'offrein er Sacrifice èl m'en doai ean offret; ha penaus-benac ma larér en Overèn én un afin a léhieu ér memb momand, n'en dès neoah meid ur memb Sacrifice, péhani zou er Sacrifice ag er Groès continuet ha represantet dré bep Overèn: rac n'en dès partout meid er memb Sacrificatour hac er memb Hosti.

Ér goh Lezèn boud é hoai Sacrificeu a adoration, Sacrificeu a drugairé, Sacrificeu é remission ag er péhedeu, ha Sacrificeu a oulèn : él Lezèn nehué er Sacrifice ag en Overên é hunan e gomprên ol Sacrificeu er Juivet, hac instituet-a eit rein demb er moyand caërran hac excellantan e fehai boud :

1° eid adorein Doué quement èl ma veritt boud adoret; 2° eid en trugairicad quement èl ma teli bout trugairicait; 3° eit gobér satisfaction antiér d'é justice, èl ma teli bout groeit; 4° eit goulèn guet-t'ou er secourieu e zou necessær demb revé er hory ha revé en inean.

1° A hanamb hun hunan n'en domb quet capabl d'adorein Doué èl er Mæstr a quemènt tra zou ol, na d'en inourein quemènd èl ma veritt: mæs dre er Sacrifice ag en Overèn Jesus-Chrouist Doué ha Dén e hum offr hoah bamdé d'é Dad Éternel aveid omb, èl m'en dès hum offret ar er Halvær, ha ni e hum offr ehué dré d'ou ha guet-t'on eid hanàuein en ol droæd, puissance hac otorité en dès Doué ar-

n'amb hac ar guement tra zou crouéet.

2º Doué en dès reit demb hac e ra hoah bamdé, peb sort græce, secour ha benidiction revé er horv ha revé en inean, Penaus vehai demb-ni en trugairicad quemènd èl ma veritt? N'hun nès nitra a hanamb hun hunan de bresantein dehou. Mæs ni hun nès d'offrein dehou aveid omb dré zeourn er Belèg, er Sacrifice a Gorv hac a Oaid Jesus-Chrouist è Vab carantéus : èl-cé ni hun nès guel moyand d'en trugairicad, eit pe vehemb mæstr ag en ol treu crouéet ha m'ou offrehemb ol dehou én un taul é trugairé ag er vad en dès groeit temb hac e ra hoah bamdé.

3° Meritet hun nès er bouis a golèr hac a vangeance hun Doné: ne fehemb quet hun hunan gobér satisfaction antièr d'é justice eit hur péhedeu. Mæs er Sacrifice ag en Overèn en dès ur briz hemb som eit distannein colèr hun Tad, eid arrest é vangeance, eit désarmein é justice, a pe offramb dehou

Corv ha Goaid adorabl é Vab, péhani e hum laqua bamde ar en Autær itré é justice ha ni, hac e offr hoah bamdé er meritt ag é Bassion eit satisfaction aveid omb. Ne oulen guenemb meit ma hassistehemb ér Sacrifice-zé guet contrition ha guet er santimanteu en doai el Lair mat doh er Groès.

4º Dober hun nès a græceu hac a bep sort secourieu ér vuhé-men : n'eèllamb receu nitra guet Doué meit dré Jesus-Chrouist : rac-cé én Overèn ni e offr d'en Tad Eternel é Vab carantéus, eit goulèn dré-d'ou ha guet-t'ou en ol græceu ha secourieu a béré en hun nès dobér, pé ni ou goulèn aveid er ré-ral.

Él-cé ni e gav én un taul ér Sacrifice ag en Overèn er meyandeu excellantan d'adorein Doué, d'en trugairicad, de dennein ar-n'amb é vissericord, (en Overen cleuet guet Fé e veritt demb er remission a hur péhedeu veniel, hac en dispositioneu necessær eit hur boud er Sacremand a Benigen er pardon a hur péheden marvel), ha d'ur boud er secourieu necessær, non pas hemb quin aveid omb, mæs memb aveid er ré-ral. Rac er Sacrifice e zon offret eid en ol dud, é spécial eid er Fidelet bihue ha marhue, de laret-é, e zou hoah ar en doar, pé e zou ér Purgater. Rac a fæd er-ré zou én ihuern, ou foénieu e zou éternel, ha ne fehènt quet bout bèrreit na bihanneit.

Offrein e rér er Sacrifice aveid er-ré vihue, eit goulèn guet Doué conversion er béherion, perseverance er-ré just, salvedigueah en ol, hac er moyandeu necessær de bep-unan eit gounid er Baraouis. En offrein e rér eid en ineanneu ag er Purgatoër, eit ma pligeou guet Doué ou soulagein én ou foénieu hac ou zènnein guet-t'ou d'er joyeu éternel.

Ul lod vad a pe recommandant Overènneu eit ou ré dreménet, e fal dehai perpet ma vou laret en Overèn a Requiem, guet er chonge ou dès é ma profitaploh eid er-ré varhue un Overèn laret guet un Orlemant du, eid unan laret guet un Orlemant ag ul lihue aral. En dud-cé e hum dromp a vras: el lihue ag en Orlemant ne change nitra én Overèn, ha quer clous é pedér én un Overèn aral, èl é unan a Requiem, eid er-ré varhue e zezirér é particuliér recommandein de Zoué.

Er Sacrifice ag en Overèn n'en dai offret meit de Zoué hemb quin : rac-cé a pe larer, Overèn S. Pierr, Overen S. Yehan, Overen er Uéries, Overen er-ré varhue, etc., n'en dai quet laret é hoffrér er Sacrifice d'er Sænt-cé: quemènt-cé ne senéfi nameid en Overèn e offrér de Zoué de ou Gouil, hac e péhani é hádressér dehai é particuliér er pedenneu e larer quend er Sacrifice; just el ma hanhuer Overèn er-ré varhue, en hani e larer guet Orlemanteu du, hac é péhani é pedér é spécial eid er-ré tremenet. Mæs é gurionné ol en Overènneu e larer ne vern de béh dé durand er blæ, e zou offret de Zoue hemb quin e mimoer ag er Sænt, eid er Fidelet bihue ha marhue. El-cé en Overèn e zou Sacrifice en Ilis antiér. Jesus-Chrouist er pen a nehi, e offrer Sacrifice: en llis e zou ar en doar, de lareté, en assamblé a Fidelet Crechénion, e hum joentt guet Jesus-Chrouist eid en offrein guet-t'ou : bi e hum joentt ehué guet en Ilis e zou én Nean; hac èl-cé er Fidelet hac er Sænt joentet assambl guet Jesus-Chronist e oulen guet Doué misericord eid en llis e zou ér Purgatoër.

A fæd en Orlemantcu hac en dillad e chervige de laret en Overen, ni hun nès laret petra e represantant, en un expliquein er ceremoni ag en Urheu. Eèllein e rer hoah gober ar nehai reflexioneu devod. Par exampl:

En Amit e eèll bout consideret el er figur ag er mouched é laquas er Soudardet ar face hur Salvér, a pe stouyent ital é dreid eit gober goab a nehou.

En Aub e represantt er sai-uen e oai bet reit de Jesus é ti Herod, eit ma vezai bet seellet èl ur foll.

Er Hordon e represantt er gordèn guet péhani

é hoai bet garrottet er Jardrin-Olivet.

Er Manipul, péhani ne oai a gommance meid ur mouchèd e laquait ar vréh er Belég eit chervige dehou de dorchein é zeourn, e cell bout considéret èl er figur ag er gordèn guet péhani é hoai bet staguet deourn Jesus doh er pilær én é Flagellation.

Er Stol e represantt er gordèn e oai bet laqueit é quèrhen goug Jesus eit monet d'er Halvær; hac er Gasul, er Groès ponnér e oai bet laqueit ar é ziscoai.

Er Chapeu, peré a gommance ne cent meit mantelleu e zougait ér Prehecion, a pe rai glau, e eèll bout consideret èl er figur ag er vantell ru e cai bet laqueit ar ziscoai Jesus a pe cai bet discoeit d'er bobl.

Er Gasul a gommance ne oai quet feutet èl me bermen. Groeit oai ér mod guet ur sah, nameid ur feutt e oai d'er hlué eit passein er pèn. Hé zronsein e rait ar zivréh er Belég a pe oai requis dehou en doud é zeourn libr, hac a va-zé è ma deit er mod e uelamb hoah bermen de sehuel er Gasul, a pe sau er Belég en Hosti.

Hum chervigein e rér én Overen a Oriemanteu guéh ag ul lihue, guéh ag ul lihue aral, revé er Misterieu, pé er Sænt e inourér. Par exampl, er-ré e lar er Brevier Parisien, e hum chervige a Orlemanteu guén eit Misterieu glorius hur Salvér, eit Gouilieu er Guériezet, etc. A Orlemanteu ru eit Sul er Pantecoust hac er Sulieu aral beèd en Avènd. eit Gouil er Sacremant ha Gouilieu er Vartiret. A Orlemanteu violet eid en Avènd, eid en déieu a bénigèn, eit Gouilieu er Sænt Menéh ha Belean, hac er-ré en dès bibuet ér stad a Briedereah. A Orlemanteu guerh eit Gouilieu er Sænt Pabèt hac Escobet. A Orlemanteu lihue ludu eil er Hoaris; hac a Orlemanteu du guet ur vordèn ru eid er Bassion. En ol e ouair é ma libr en Ilis de changein hé reglemanteu a fæd er sort treu-zé, hemb touchal doh er sol ag er Religion.

A fæd en dispositioneu guet péré é ma ret assistein én Overèn, expliquet hun nès ind assès én eil a Ourhæmeneu en Ilis.

ARTICL IV.

Explication ag er Pedenneu ha Ceremonieu ag en Overen.

Durand ma vai er Belég doh hum usquein. hum represantet en Arh-Æl Gabriël e hannoncein d'er Uériès er Mistèr ag en Incarnation; hac a pe za er Belég doh en Autær, hum represantet hur Salvér é monst d'er Jardrin-Olivet.

Er Psalm Judica.

En Belèg e gommance en Overèn dré Sign er Groès; eit discoein é ma é Hanhue en Drindet Santel en hum assamblér cid inourein er mimoër a Bassion

Jesus-Chrouist. Arlerh ean e lar gueh-t'er-ueh guet er bobl er Psalm, Judica me, Deus... péhani zou un avertissemant demb de hum breparein eit ma heèllehemb tostad guet confiance ha guet ur joé santel d'en Autær, ar béhani é teli boud offret er Sacrifice. Er Psalm-zé e zou bet composet guet David én amzér ma téhai é raug Saül, ha ma hoai contraignet de vihuein ér mæz ag é vro. Er Profæt santel e hum accourage dré en esperance en dès de retourn un dé de Jerusalem, ha de hum bresantein dirac Doué ital é Autær, eid offrein dehou Sacrificeu. Contraign-é demb ehué bihuein peèl doh en Nean hur gùir bro; ni e zeli hum accouragein ha hum gonsolein dré en esperance a arribue inou. En Autær e zou er figur ag en Nean; red-é tostad dehi guet confiance ha guet ur joé santel. Er Belêg e gommance er Psalm, hac er bobl e rescond.

Er Belêg. Me dostei d'Autær Doué.

Er Bobl. D'en Doué e ra ol joé me youantiss.

Er Belég. Juget-mé, men Doué, ha difforhet mé doh en Nation péhani n'en dai quet santel : delivret mé ag en dén diléal ha trompour.

Er Bobl. Rac, o men Doué! hui zou me nærh: perac en e hoès hui me forbanet, ha perac é vehèn-mé hemb joé, durand ma hon affliget guet m'enemis.

Er Beleg. Groeit ma splannou hou scherder hac hou curionne; int vou em honduiou hac em laquei ar hou Manne santel hac en hou Tabernacleu.

Er Bobl. Me dostei d'Autær Doué, d'en Doué

e ra ol joé me youantiss.

Er Beleg. Me gannou melodi deoh, o men Doué! ah! m'inean, perac é hous-té trist, ha perac en em zroubles-té?

Er Bobl. Espèr é Doué; rac m'en trugairiquei hoah, a p'en dai ean-é men Doué, me ol joé ha confortance.

Er Belég. Gloër d'en Tad, ha d'er Mab, ha d'er

Speret-Santel.

Er Bobl. Èl mei bet a gommance, revou bermen, ha bamdé, ha de virhuiguin.

Ol er bobl e zeli laret, ahoël a galon, er Psalmzé guet er Belêg; rac ol en hun nès dobér a dostad d'en Autær guet santimanteu a fé hac a gonfiance, eid offrein er Sacrifice dré zeourn er Beleg. N'el larer quet durand er Bassion nac é Overenneu er-re varhue: rac é circonstanceu quen trist en Ilis ne gaige nitra joyus en he Officeu publiq. Bout-cou ehué paud a Gouvandeu é péré é lèh er Psalm-zé, é larér Pozenneu tènnet à Psalmeu aral.

Er Confiteor beed en Introït.

Disquennet a speret guet Jesus ér Jardrin-Olivet : a pe voq er Belég d'en Autær, chonget gueneoh péh tarh calon oai bet eit-t'ou bout trahisset quet unan ag é Apostolet.

Arlern er Psalm Judica me...er Beleg hac er bobl e ra ou Hovezion general, eit hum burificin ag er fauteu distér, péré e cèllehai miret ne dostehemb d'en Autær santel, guet confiance ha guet joé. En ol e ouair er Consteor (Me govessa doh Doué, etc.), n'en dai quet requis en expliquein.

Quend commance e Goverion general, er Beleg

e lar er honzeu-men ag er Psalm 123.

Er Belég. Hur secour e zou é Hanhue en Eutru-Doué.

Er Bobl. Péhani en dès groeit en Nean hac en doar.

Nezé ean e gommance é Confitor; mæs él léh ma lar er bobl ha dohoh hui, me Zad; ha hui, me Zad: ean e lar, ha dohoh hui, mem berdér; ha hui, mem berdér, etc. A pe vai achihue Covezion er Belég, er bobl e lar:

« Re-zei en Doué ol-buissant d'obér deoh mise-» ricord, de bardonnein deoh hou péhedeu ha » d'hou condui d'er vuhé éternel. »

Er Belég e rescond : El-cé re-vou groeit. (Amen)

Arlerh m'en devai groeit er Fidelet ou Hovezion general, er Beleg e ra eit-tai er memb peden, ha neze ean e oulen eit-t'ou hac eit-t'ai misericord guet Doué dré er beden-men:

« Re-zei en Doué ol-buissant hac ol-miseri-» cordius d'acordein demb er pardon, en absolven » hac er remission a hur péhedeu. »

Er bobl e rescond : El-cé re-vou groeit.

El-cé er Belèg e oulèn misericord dré bedenneu er bobl, hac er bobl dré bedenneu er Belèg, eit ma pligeou guet Doué ou furifiein en eil hac éguilé, ha ma heèlleint offrein er Sacrifice santel guet confiance.

En ul laret er Consiteor, ni e avoué dirac en Nean hac en doar é homb cablus a hilleih a béhedeu : ni ou hovessa doh Doué, hun nès offancet, doh en Ælet hac er Sænt, péré e zeli boud azéet guet Jesus-Chrouist eit jugein er béd, ha doh er Belég, péhani e zalh én hur hevir léh en Eutru-Doué ar en doar; hac arlerh ni e béd en Ælet hac er Sænt de oulèn aveid omb misericord ha de vout hun Avocadet ital en Eutru-Doué. Anfin ni e soo

ar hur halon, avèl er Publiquein, eit discoein é hanàuamb hur fauteu hac en hun nès quæ a nehai.

Er Belég hac er bobl e gontinu de oulen pardon ag ou fauteu, hac er græce de vout purifiet, eit ma veint dign de dostad d'en Autær santel. Chetui er pedenneu e larant guéh-t'er-uéh.

Er Belég. Men Doue taulet ar-n'amb ur seell amiabl, eit rein demb ur vuhé nehue.

Er Bobl e rescond: Hac hou pobl e hum re-

jouissou én-ah.

Er Belég. Discoeit temb é hok misericordius. Er Bobl. Ha reit temb er Salvér e za a hanah.

Er Beleg. Men Doue, cheleuet me fedenneu.

Er Bobl. Ha re-sauou mem boéh beèd-oh.

Er Belég. En Eutru-Doué ré-vou gueneoh.

Er Bobl. Ha guet bou speret.

Nezé er Belég quend monet don en Autær, e sau é zeourn d'er hlué, hac e lar a voéh ihuel, *Oremus*, (Pedamb), eid avertissein er bobl de laret guett'ou er pedenneu-men:

« Men Doué, hou supliein e ramb de bardonein » demb ha d'effacein hur pehedeu, eit ma vehemb » pur assès eit tostad d'er vamèn ag en ol sante-» leah dré Jésus-Chronist hur Salvér. El-cé re-» vou groeit. »

« Men Doué, hou supliein e ramb dré veriteu » er Sænt e zou ou Relégueu amen (A-zé er Be-» lég e voq d'en Autær) de bardonein deign me

» féhedeu. »

Liès durand en Overèn er Belêg e voq d'en Autær hac e zistro doh er Fidelet en ul laret, en Eutru-Doué re-vou gueneoh; eit ou saludein a berh

Jesus-Chrouist represantet dré en Autær, hac eit ou avertissein de laquad ol ou chonge er Sacrifice: hac er bobl e rescond dehou, ha guet hou speret, eit discoein é rant en effæd attantion ar er péh e bass ar en Autær.

En Introït.

Héliet Jesus ag er Jardrin-Olivèt beed Pales Caïph.

En Introit e zou un Antien tennet ordinæremand ag ur Psalm benac; ha guharal é larait er Psalm pen-d'er-ben. Arlerh é larér: Gloër d'en Tad, ha d'er Mab, ha d'er Speret-Santel, etc.; èl en achémand ag en ol Psalmeu. Hanhuet-é Introit, rac m'er hannér ér momand ma ha er Belég doh en Autær, ha rac m'en dai er guettan pedèn e lar er Belég a voch ihuel goudé ma vai montet doh en Autær. En Ilis e zezir ma tei er bobl de gannein, pé de laret é secrèd en Introit guet'er Belég.

Er mod de laret lod ag er pedenneu en ur horn ag en Autær, lod é creis, ha lod ér horn aral, e zou deit a nebediguêu. Ne chervige de nitra hum abus de zévis er ræzonieu naturel en dès reit léh d'en usage-cé: mæs rein e rér dehi ehué un explication misterius. Er horn diheu ag en Autær e represantt er Juivet, péré zou bet er-ré quettan galhuet d'er Fé; hac er horn clei e represantt en Idolatret, péré en des receuet guet joé en Aviél en doai er Juivet dispriset. Eit degass chonge temb ag er græce-zé reit d'en Idolatret diarbèn refus er Juivet, é leinér ér horn diheu ag en Autær er péh zou é raug ag en Aviél, hac é leinér, pé é cannér en Aviél ér hosté clei. Mæs anfin er Juivet e hum gonvertissou; hac eit quemènt-cé é tegassér arré el

Livr d'er hosté diheu ag en Autær, quênd achihue en Overèn.

Er Kyrie, eleïson. Er Gloria in excelsis.

Hum represantet Jesus é seellet guet truhé don S. Pierr eit touchein é galon,

En bedèn Kyrie, elekton, e zou guiriou grèq, péré e senefi, Eutru-Doue, hou peet truhe dohemb, En Ilis e adress er beden-ze tair gueh de bep-unan ag en tri Person adorabl ag en Drinded, hac e recommand d'er bobl hé laret guet er Belêg, pé é hannein guet santimanteu bras a humilité ha guet en disposition ag ur galon péhani e santt é misèr, bac e oulen misericord, en un avouéein en hi des nahet Jesus-Chrouist mui eit tair guéh, èl m'en doai groeit S. Pierr.

En un Overèn-Brèd er Belèg e ançans en Autær durand ma canner er Kyrie, eleison, eit presantein de Zoué pedenneu er bobl péré e oulèn misericord, hac eit supliein é Vajesté divin de receu er pedenneu-zé, dré Jesus-Chrouist, figuret dré en Autær.

Er hommancemand ag en Hymn Gloria in excelsis, e zou bet composet guet en Æled a pe annoncezant d'er Vugulion Gannedigueah Jesus-Chronist. En Ilis en dès can achihuet, hac e zezir ma tei er bobl d'el laret, pé d'er hannein a galon mui eid a vêg.

- « Gloër de Zoué é lein en Nean, ha peah ar en » doar d'en dud a volanté vat. Ni hou mel a gue-
- » ment ma homb capabl. Ni hou c'ador. Ni hou
- clorifi. Ní hou trugairica diarbèn hou cloër infini.
- Doué, Roué en Nean! O Doué, Tad ol-buis-

» sant! O hun Eutru Mab uniq Doué, Jesuschrouist! O Eutru-Doué, Oén Doué, Mab en
Tad! O hui péhani e efface péhedeu er béd, hou
peèt truhé dohemb! O hui péhani e efface péhedeu er béd, receuet hun humbl pedèn! O hui
péhani zou azéet én tu diheu d'en Tad, hou peèt
truhé dohemb! Rac hui zou hou c'hunan santel,
hou c'hunan er Mæstr souveræn; hou c'hunan
drès en ol treu crouéet, o Jesus-Chrouist, guet
er Speret-Santel é gloër Doué en Tad. El-cé
re-vou groeit. »

El m'en dai er Gloria in excelsis, ur Hantiq a joé, n'el larér quet é Overènneu er-ré varhue, nac én déieu a bénigèn.

Er Beden hanhuet Collect, hac en Abostol.

Héliet Jesus casset ha dégasset a di-de-di ér guær a Jerusalem.

Gowné er Gloria in excelsis, er Belég é voq d'en Autær hac e zistro doh er Fidelet eit ou saludein, èl m'hun nès deja laret. Ean e zigueor é zivréh én ul laret, Dominus (en Eutru-Doué), hac ean e joentt é zeourn en ul laret, vobiscum (re-vou guenech); eit discoein dré er gest-zé en dezir en dès ma hum joentou Doué guet er bobl, ha ma vou guet-t'ai. Nezé ean e dro arré doh en Autær, hac e lar, Oremus (Pedamb), en ur sehuel é zeulagad hac é zeourn trema er Grucifi, eid avertissein er bobl de hum joentein guet-t'eu a intantion hac a attantion, ha de lusquein, èl-d'ou, ou halon trema Doué. Rac-cé é ma hanhuet er bedèn e larér nezé, Collect, de laret-é, dastum hac union a santiman-

teu ha dezireu er Fidelet eit bout presantet de Zoué. Er bedèn-zé e change revé er Gouilieu hac er Misterieu e inourér durand er blæ. Durant ma vai er Belèg doh hé laret, ean e zalh é zivréh digueor, revé er ourhæmèn en dès reit S. Paul d'en dud, de bedein en ur sehuel deourn pur trema Doné.

A pe vai achibue er Collect, er bobl e rescond, Amen (El-cé re-vou groeit), eit rein d'antand en ou dès laqueit ou attantion, ha goulènnet ehué guet Doué er péh en dès er Belég goulènnet é hanhue en assamblé. Rac-cé eit ma heèlleint laret guet gurionné en ou dès laqueit ou attantion, ind e zeli hum joentein guet er Belég, eit pedein èl-d'ou ha

guet-t'ou é Hanhue Jesus-Chrouist.

Arlerh er bedèn-zé er Belèg e leine, pé e gan en Abostol, péhani zou ul Leçon tènnet ag er Scritur Santel, e rér d'er bobl eit ou instrugein hac on disposein de brofittein ag er Sacrifice. Hanhuet-é Abostol, rac ma vai tènnet ordinærement a Lihèreu S. Paul pé en Apostolet aral. Guharal é larait perpet dihue Leçon èl-cé, unan ag en ancién Testamant, hag en aral ag en Testamant nehué, èl ma rér hoah guhavé d'en déieu yun. Nezé er Belèg goudé m'en devai laret, Oremus (Pedamb) quend er Collect, e soupl en ul laret, Flectamus genua (stouiamb ar hun deulin), ha quentéh en ur sehuel, ean e lar, levate (sàuet); rac guharal a pe rai er Belèg er ceremonieu-zé, er bobl e hum brosternai eit pedein un hærrad é silance, hac e sàuai eit cheleuet er Collect hac er Leçon e larait ar hé lerh.

Er Fidelet e zeli cheleuet en Abostol guet respèt hac attantion, ha laquad poèn de brofittein ag el Lecon-zé.

Er Graduel'e zou pedenneu e larér itré en Abosdtol hac en Aviél. Tènnet-ind ordinæremand ag ur Psalm pe ag un andræd benac ag er Seritur santel. Ind e change revé en amzer hac er Gouilieu, hac e chervige de breparein er bobl de cheleuet erhad en Aviél.

Arlerh er Graduel è ta en Alleluia, de laret-é, mêlamb Doué, péhani zou ur han a joé, eit discoein é houiamb grad de Zoue ag er græce en dès reit temb de hanàuein er uirionné guhavé, é spécial d'er Gouilieu bras, é cannér hoah ar er memb ton guet en Alleluia, ur Brozèn, péhani zou ordinæremand un instruction ag er Mistèr, pé ar er Gouil e inourér.

D'en déieu a bénigèn ne larér quet Alleluia: mæs larein e rèr én é léh ul lod benac ag ur Psalm, pé memb ur Psalm pèn-d'er-bèn; hac er bedèn-zé e zou hanhuet Træt, rac m'hé hanner ar un ton canvéus, pé rac m'hé hannér pèn-d'er-bèn èl d'hun benal.

Er bobl e zeli ehue laret, pe cannein er pedenneu-zé, pé gober méditation ar en instructioneu ou dès cleuet en Abostol, pe laquad ou chonge guet un dra vat benac, pe gober ur beden benac é particulier eit hum zisposein de cheleuet en Aviél.

En Aviél.

Consideret pebéh dezir en des bet Jésus d'hul laquad ér guir hend, à p'en des signet guet é Oaid er gurionneeu e yet de gleuet.

Quent commance en Aviél er Belèg e soupl é creis en Autær, hac e lar er bedèn-men:

« Doue ol-buissant, purifiet me halon ha men

» divès, avèl m'hou poai purifiet guêneu er Pro» fæt Isaï guet ur hleuèn tau : pligéet guet hou
» misericord me rantein ehué pur, eit ma heèllein,
» èl ma faut, annoncein hou ç'Aviél santel, dré
» Jesus-Chrouist hur Salvér. El-cè re-vou groeit. »

Durand er bedèn-zè er bobl e zeli goulèn guet Doué er græce de brofittein ag en Aviél e yér de laret; hac a pe lar er Belèg, Dominus vobiscum (en Entru-Doué re-vou gueneoh), ind e zeli renehuéein ou attantion, en ur gonsiderein é hant

de gleuet conzeu ha Doctrin Jesus-Chrouist.

Er Belég e ra Sign er Groès ar el Livr ag en Aviél, eit rein d'antand ne brofittér a Zoctrin Jesus-Chrouist meid é quement ma carér é Groès, é boénieu hac é souffranceu. Ean e ra hoah Sign er Groès ar é dàl, ar é zivès hac ar é galon, hac er Fidelet e rinq ehué gobér èl-d'ou, eit disclæriein n'ou devou jamæs méh ag er gurionnéeu ag en Aviél, mæs en ou avouéeint a voéh ihuel, hac é laqueint ou ol joé d'ou héli ha d'ou fratiquein.

Er Fidelet e chom én ou sau durand en Aviél, eit discoein é mant prest d'aboeissein de voéb Jesus-Chrouist, péhani e gonz doh-t'ai en Aviél, hac

é tougant respèt d'é Zoctrin.

A pe vai achihue en Aviél ha ma voq er Belég d'el Livr, er bobl e rescond, Laus tibi, Christe (Jesus, re-vehet mêlet), eit discoein en desir ou dès ma tei en ol de zoug d'en Aviél er respèt hac en aboeissance e rantant-int debou guet er Belég.

Ordrenet-e gober, d'er Sulieu e special, er Pron arlerh en Aviel, eid expliquein d'er bobl un dra benac ag er peh e vai bet leinet, pe ur poend benac ag er Religion. (Laret hun nès deja eit petra e rer er Pron, en un expliquein en eil a Ourhæmeneu en His.)

Er Credo.

Consideret guet anquin en disprisance e rér er béd a Zoctrin Jesus-Chrouist.

GUHARAL a pe oé achihue er Pron, é havertissait er bénitandet hac er-re ne oènt quet badéet, de sorti ag en assamblé, ha nezé é larait, pé é cannait, él ma rér bermen, er Symbol hanhuet a Nicé, rac mei bet composet a greihue ér Honcil general a Nicé, assemblet inemp d'en héritiq Arius, péhani e nahai Divinité Jesus-Chrouist. Er Fidelet e zeli ehué laret er Symbol-zé, pé er cheleuet, pé er hannein én ou sau, eit disclæriein guet solannité à credant ol er péh e vai bet leinet tehai én Aviél hac expliquet ér Pron, hac é general ol er péh e grèd en Ilis.

« Me grêd én un Doué hemb quin, en Tad olbuissant, péhani en dès groeit en Nean hac en doar, hac ol er péh e uélér ha ne uélér quet; hac en un Eutru hemb quin Jesus-Chrouist Mab uniq Doué, ha gannet ag en Tad a ol éternité. Doué a Zoué, sclærdér a sclærdér, gûir Doué a uir Doué; péhani n'en dai quet bet groeit, mæs angeandret, péhani zou lodéq én ur memb sustance guet en Tad, ha dré béhani é ma bet groeit quemènt tra zou. Péhani zou disquénnet ag en Nean aveid omb-ni tud, hac aveit hur salvedingueah. Péhani en dès quemèret ur horv hac e zou gannet ag er Uériès Vari dré opération er » Speret-Santel, Hac en dès hum hroeit Dén.

» Péhani zou bet ehué grucifiet eid-omb idan » Ponce-Pilat, en dès anduret hac e zou bet laqueit » én ur bé. Péhani zou ressuscitet en drivet dé revé » er Scritur. Péháni zou montet d'en Nean hac azéet én tu diheu d'en Lad. Péhani e zei un eil » guéh lén a bloër eit jugein er-ré vihue hac er-ré » varhue, hac a béhani er Ranteleah e vou hemb » fin. Me grèd er Speret-Santel, péhani zou ehué » Doué hac e ra er vuhé; péhani e za ag en Tad » hac er Mab; péhani zou adoret ha glorifiet as-» sambl guet en Tad hac er Mad; péhani en dès » conzet dré guêneu er Profætet. Me grèd en Ilis » péhani zou Unan, Santel, Catholiq hac Aposto-» lig. Me hanàu ur Vadiend hemb quin eid er re-» mission ag er péhedeu; hac ingorto-on a re-» surrection er-re varbue, hac ag er vuhé de zonnet. » El-cé re-vou groeit. »

Er Symbol-zé e zeli bout cannet ol assambl, èl d'un henal, ha non pas pozèn-ha-pozèn èl er Psalmeu. N'el larér ordinæremant meit d'er Sulieu ha d'er Gouilieu principal, èl mei Gouilieu er Uériès, ré en Apostolet ha ré en Doctoret ag en Ilis, a gaus d'er péh ou dés groeit eit perdèg ha dihuèn er Fe.

En Offertoër, pé Prov ag en Hosti.

Contamplet Jesus doh hum offrein d'é Dad éternel é Sacrifice eit hur péhedeu.

ARLERH er Symbol er Beleg e salud er bobl dré er honzeu-men; en Eutru-Doué re-vou gueneoh: ha goudé m'ou dès rescondet, ha guet hou speret, eit discoein é mant attau joentet a attantion guet-t'ou, ean ou avertiss de renehuéein ou devotion, en

ul laret, Oremus (Pedamb). Nezé er Belèg e larun Antién tènnet ag er Scritur santel, ha péhani e

jauge guet er péh e ya d'obér.

Guharal, opèn en Antién, é cannait ur Psalm durand ma hoai occupet er Belég e receu proveu er Fidelet. Mæs a oudé mei torret er mod de monet de brov en Overèn, a gaus d'en abusanceu e arrihuai diarbèn quement-cè, béniguein e rér bara, péhani zou offret é hanhue er bobl, eit bout rannet itré d'ai è sign a union hac a Gommunion. El-cé er Belég n'offr bermen de Zoué meid er hara hac er guin destinet eid er Sacrifice, hac e oni provet guharal dré er bobl. Quemér e rait én amzér-hont ag er provey er péh e oai requis eid en Overèn hac eit sacremantein er-ré e oai disposet de gommuniein, ha béniguein e rait er rest eit bout rannet é sign a Gommunion, itré er-ré e assistai én Overèn. hemb communiein.

Er Beleg en un offrein er bara de Zoue, e lar er beden-men:

« Receuet, ô Tad santel! Doué ol-buissant hac » éternel, en Hosti-men pur ha glan, c offran » deoh, mé hou servitour indign, deoh-bui men » Doué, en Doué bihue ha veritabl: m'en offr » deoh cit me féhedeu, péré zou hemb nombr, eit » m'offanceu ha lisidantæt, eid ol er-ré zou amen » presant, ha memb eid en ol Fidelet Crechénion » bihue ha marhue, eit ma vou aveid-on hac » aveit-t'ai ur vamen a salvedigueah eid er vuhé » éternel. El-cé re-vou groeit.

A pe lar er Belég quend er Gonsecration un Hosti pur ha glan, ne gonsider quet a nehou er bara hac er guin revé er peh m'en dint a nehai ou hunan., mæs revé ma teliant bout changet ér sustance a Gorv hac a Oaid Jesus-Chrouist, péhani zou é gurionné en Hosti pur ha glan offret eid effacein hur péhedeu.

En ur gaigein en deur guet er guin er Halice,

er Beleg e lar er Beden-men:

« O Doué, péhani dré un effæd admirabl a hon » c'ol-buissance, en dès crouéet Mab-Dén ag un » nature qu'en excellant, ha péhani dré ur marveill » hoah brassoh, en dès reparet hou labour cou» chiet dré er péhet; accordet temb dré er Mistèr » e represantt er gùin hac en deur-men caiget as» sambl, er græce de vout lodéq é Divinité hur » Salvér Jesus-Chrouist hou Mab, péhani en dès » hum humiliet het-hac hum obér Dén èl-omb, » ean péhani e vihue hac e jouiss ag er memb gloër » gueneoh ha guet er Speret-Santel, un Doué » hemb quin, a viscoah de virhuiquin. El-cè re» vou groeit. »,

Er Belèg e gaige ur banniq deur é-mésq er guin, el m'en doai groeit Jesus-Chrouist a pe instituas er Sacremand ag en Autær eit represantein: 1° Er Mistèr ag en natur a Zén hac en natur Zoué joentet assambl é Jesus-Chrouist; 2° en union misterius e zou itré er Fidelet ha Jesus-Chrouist; 3° en deur hac er Goaid e ridas ag é gosté ar er Halvær. Er Belèg e vénig en deur, ha non pas er guin; rac er guin a-zé e représantt hur Salvér; en deur e represantt er bobl, hac er bobl hemb quin en dès dobér a vout béniguet ha purifiet eit bout joentet guet Jesus-Chrouist. El-cé é Overenneu er - ré varhue en Ilis ne vénig quet en deur, eit reim d'antand n'hi dès mui berh er bet ar en incannen treménet ag er béd-men.

Durand ma ra er Belèg er ceremoni-zé, er bahi e zeli hum humiliein ha goulèn er græce de wout purifiet ha santefiet, eit ma veint cavet dign de dostad de Jesus-Chronist.

En un offrein er Halice de Zoué, er Belég e lar er bedèn-men:

« O Doué! ni e offr deoh er Halice-men a sal-» vedigueah, hac e supli hou miséricord ma vou » agreabl d'hou Majesté divin, eit hur salvedigueah » ha hani ol er bèd. El-cé re-vou groeit. »

En bedèn-zé e zon hosh ur merche é ma é hanhue er bohl é hoffrér er Sacrifice, hac é ma offret eid en ol. Er Fidelet e zeli enta hum joentein arré guet er Belèg eit gobér en offrand-cé de Zoué, ha hum offrein ebué guet-t'ou.

Nezé er Belég e soupl é creis en Auter, has e ra de Zoué é hanbue er bobl er bedèn-men tènnet ag er Scritar Santel :

« Ni e hum bresantt dirac-oh, men Doué, guet » ur speret humiliet ha guet ur galon glaharet; » receuet ni guet truhé dohemb, ha groeit ma vou » agreabl hur Sacrifice d'hou Majesté. »

Arlerh ean e sau é zeulagad hac é zeourn trema en Nean, èl pe vehai eit degass a inou græce ha vertu er Speret-Santel, hac ean e ra Sign er Groès ar er bara hac er gùin, en ul laret:

« Beit, Speret santeficateur, Doné ol-buissent » bac éternel, deit ha béniguet er Sacrifice-men » destinet ha preparet eid inouvein hou c'Hanbue » santel.»

Nezé esa e vénig en ançans, guet péhani é han-

cans er bara hac er gùin, hac en Autær, en ul laret er beden-men:

» Groeit, men Doué, ma sàuou beèd-oh en an-» cans-men e hoès béniguet, ha ma tisquennou » ar-n'amb hou misericord, etc. »

Er Fidelet e zeli ér momand-cé rein lusq d'on halon trema Doué, cresquein ou fedenneu gredus, ha goulèn guet er Belèg er pèh e oulen aveit-t'on hac aveit-t'ai.

El Lavabo.

Consideret pebéh un tarh-calon oai bet eit Jesus bout condannet guet ur Juge, pehani e ouiai sur é hoai innoçant. Hilleih e ra hoah dehou bamdé er memb affront guet Pilat.

Es Belège olh é zeourn eit rein d'antand é teliér bout pur a speret hac a gorv eid offrein er Sacrifice santel; rac-cé ean e supli en Eutru-Doué de burifiein é galon ag en distérran fauteu, en ul laret er Pozenneu-men ag er Psalm 25. Hac er bobl ne ouhai quet gobér guel eit ou laret ehué guet-t'ou-Rac mar dai ret bout pur eid offrein er Sacrifice, réd-é ehué bout pur eid assistein én-ou ér mod ma houlèn Jesus-Chrouist.

« Me olhou men deourn guet er-re dibéh hac » innoçant, ha me hum zalhou tost d'hou ç'Autær, » men Doué, eit cleuet hou melein, hac eit bru-» dein hou marveilleu. Me mes bourret ma vezai » bet brahue hou ti, hac el léh a zamurance hou » cloër. Ne gollet quet m'inean 'guet er-ré n'ou des » quet hou tougeance, na mem buhé guet en dud » malicius, péré durand ma rant ag un tu gueu é » peb mod doh en Nessan, e fal dehai hou c'inou» rein ha pligein deoh ag en tu aral. Mæs eid-onmé, me més goarnet m'inean divlam, delivret
mé, hac hou peèt truhé doheign. Me mès quêrhet attau guet en hènd a urionné. M'hou mèlou,
men Doué, én assambléieu. Gloër d'en Tad, ha
d'er Mab, ha d'er Speret-Santel, etc. »

Arlerh el Lavabo, er Belèg e sàu é zeulagad hac é zeourn trema en Nean, eid offrein hoah de Zoué er bara hac er gùin, en dès deja offret peb-unan d'é du. Eit quement-cé ean e soupl é creis en Autær, en ul·laret:

« Receuet, Drinded Santel, en offrand-men e » ramb teoh é mimoër a Bassion, a Resurrection, » hac a Ascansion Jesus-Chrouist hur Salvér, » hac é inour en Itron Vari perpet Guériès, » é inour S. Yehàn er Badéour, en Apostolet S. » Pierr ha S. Paul, é inour er-ré zou ou Relegueu » amen (en ol e ouair é hès Relegueu ér mein sa- cret), hac en ol Sænt aral, eit ma caveint én- ou ou gloër, ha ni hur salvedigueah, hac eit » ma pligeon guet er Sænt e inouramb ou mimoër » ar en doar, pedein aveid omb én Nean, dré Je- » sus-Chrouist hur Salvér. El-cé re-vou groeit. »

Er bedèn-zé joentet guet er-ré zou en hé raug, e zou ur merche é ma offret er Sacrifice ag en Overèn eit represantein er Misterieu principal a vuhé Jesus-Chrouist. Er gùin hac en deur caiget assambl e represantt Incarnation hur Salvér, dré béhani en natur a Zoué hac en natur a Zén e zon bet joentet assambl én ur memb Person. En offrand e ra er Belêg ag er bara hac er gùin quênd er Gonsecration, e represantt Gannedigueah hur Salvér, péhani, èl ma lar S. Paul, en dès hum offret aveid omb d'è Dad Eternel, én un autréein ér béd. Er Gonsecra-

tion a Gorv hac a Oaid hur Selver idan en apperancou ag er bara hac er guin, e represant é Varhue ar er Groès. Anfin en offrand e ra er Belég a Gorv hac a Oaid hur Selver arlerh er Gonsecration, e repressant é Resurrection, dré béhani é ma antréet en ur stad n'en dai mui chujet de zroug er bet, hac é Asçansiou, dré béhani é ma hum bresantet lén a hloër én tu diheu d'en Tad Eternel. El-cé a pe yamb d'en Overèn, ni e eèl laret é hamb de wélet Jesus-Chrouist é quemér ur horv, é tonnet ér béd, é verhuel, é ressuscitein, é vontein d'en Nean, etc.

Offrein e rér chué er Sacrifice eit gloër er Sænt, rac m'ou dès obligation ag ou gloër d'er vertu a Sacrifice Jesus-Chrouist, péhani zou continuet én Overèn; rac êl m'en dai glorifiet Jesus-Chrouist dré er Sacrifice ag en Overèn, er Sænt, péré zou é vambreu, e zou chué lodeq én é hloër; rac er Sænt e gav ou gloër doh hum offrein guet Jesus-Chrouist ou fèn, hac èl-cé en Overèn e zou assambl Sacrifice

er pen hac er mambreu.

Er bobl e zeli contamplein er Misterieu comprénet er bedèn-zé, ha hum joentein guet er Belég eit hé laret.

En Orate, Fratres.

Consideret pobèh méh oai bet eit Jesus bout presantet d'er bobl guet ur goh vantell ru ar é ziscoai, mr gorzèn én é zourn, ha bout comparaget doh Barabas, ul lair, un torfætour. Ne ret hui bamdé er memb insult dekou?

ARLEAH er beden hun nes expliquet, er Beleg e voq d'en Autær, bac e zistro don er bobl en ul laret:

« Pedet, mem berdér, ma vou me Sacrifice,

» péhani zou chué hou c'hani, agréabl de Zoué en » Tad ol-buissant. »

Er bobl e sentt doh er Beleg, hac e hum joentt guet-t'ou eit pedein er mod-men:

« Pligéet guet Doué receu er Sacrifice e offret » dehou, hac e offramb ehué dré hou teourn, eid » inour ha gloër é Hanhue, eit hur profitt particu-

» lier, hac eid avantage ol é Ilis santel. »

Réd-é ma tei er Fidelet de laret er honzeu-zé a greis ou halon, en ur gonsiderein penaus : 1° Er Belèg e offr er Sacrifice non pas hemb quin é Hanhue Jesus-Chrouist, mæs chué é hanhue en Ilis; 2° Er bobl e zeli hum joentein guet er Belèg, hac offrein guet-t'ou er Sacrifice; 3° Er Sacrifice e zou offret eid inourein Doué; hac eit profitt er Fidelet péré en offr, de laret-é, eit meritein dehai er remission ag ou féhedeu, hac en ol græceu ha secourieu spirituel ha tamporel; 4° Ol en Overenneu e larér, e zou eid avantage en Ilis, penaus-benac m'en dès er-ré e recommandér é particuliér, ul lod spécial én-ai.

Goudé m'en dès er Belèg dastumet dezirien ha santimanten er bobl, en ur rescond, Amen (El-cè re-vou groeit), ean e lar ur bedèn e hanhuer Secrètt (merhad), rac n'hé larer quet a voéh ihuel.

En Ilis en des reglet ma vezai laret èl-cé en Overen lod ag er pedenneu a voéh ihuel, lod aral dissonniq, non pas ma fal dehi cuhein doh er Fidelet er péh e oulèn guet Doué aveit-t'ai, mæs eit lausquein léh guet-t'ai d'obér ou reflexioneu particuliér durand ma pèd er Belèg é hanhue en assamblé, pé quentoh eit dégass chonge tehai penaus Jesus-Chrouist durand é Bassion ne zeuhantéras quet

burhud ur guir, deusto peguemend en en anjuliait hac en en outrageait.

Er Preface. Er Sanctus.

Consideret guet péh doustér é souffr Jesus bout condannet de verhuel doh ur Groès.

En Belèg e achihue er bedèn hanhuet Secrètt, èl en ol pedenneu ag en Ilis, dré er honzeu-men: Dré hur Salvèr Jesus-Chrouist, péhani e vihue hac e jouiss ag er memb puissance ha gloër guet en Tad ha guet er Speret-Santel; nezé ean e san é voéh èl eit goulèn guet er bobl mar dint coutant ag er peh en dès goulènnet guet Doué aveit-t'ai, en ul laret: A viscoah de virhuiquin; quentéh er bobl eit discoein en ou dès laqueit ou attantion ha pedet chue guet er Belèg, e rescond tehou: El-cé re-vou groeit. Ean e gontinu, hac e salud er bobl, èl en ordinær, dré er honzeu-men:

Er Beleg. En Eutru-Doué re-vou gueneoh.

Er Bobl. Ha guet hou speret.

Er Beleg. Reit lusq d'hou caloneu trema en Nean.

Er Bobl. Ni ou dalh sauet trema Doue.

Ean e ra dehai en avertissemant-cé, rac m'en dai requis hum sehuel drès er squèndeu ha montein a speret beèd lein en Nean eit boud ér stad de hum joentein guet en Ælet, ha de gannein guet-t'ai er Hantiq, Santel, Santel, Santel, etc. Ha mar manquamb nezé a renehuéein hun attantion hac a sehuel hur halon trema Doué, ni e larou gueu en ul laret, habemus ad Dominum.

Goude m'en devai er Fidelet disclæriet ou dispo-

sitioneu, er Belég e gontinu:

Er Belég. Trugairicamb er Mæstr souveræn hun Doue.

Er Bobl. Just ha ræzonabl-é quement-ce.

Réd-é ma vou er bég hac er galon de unan eit prononcein er rescond-cé.

Er Belég: « Ya sur, digu ha just-é, un dra ræ-» zonabl ha salvus-e hou taugairicad de bep cource

» ha partout, o Tad santel, Doué ol-buissant » bac éternel, dré Jesus-Chronist hun Eutru; dré

» béhani en Ælet e vêl hou Majesté, en Domi-

» nationeu hé ador, er Puissanceu he inour guet » un dougeance respetuus; ol en Nean hac er

» Vertuyeu ag en Nean hac er Serafinet heurus e

» gan ol assambl gloër dehi guet er brassan joe. » Guet-t'ai e teziramb ehue, mar plige gueneoh,

» joentein hur boehieu, eit laret teoh guet un

» humbl avouéance :

» Santel, Santel, Santel-e er Mæstr souveræn, • Doné en Arméieu : En Nean hac en doar e zou

» carguet a hou cloër, Hosanna è lein en Nean. » Re-vou mêlet ha trugairicait † en hani e za é

» Hanhue en Eutru-Doué. Hosanna é lein en Nean. »

Er guir Hosanna e senéfi, salud, gloër ha bénidiction. Er Préface-zé e zou en hani cummum hac ordinær : rac bout-çou ré propr d'er Sulieu ha Gouilieu principal durand er blæ : hui ou havou él Livr a Officeu en Ilis.

En Ilis en dès désquet er Hantiq Sanctus... guet er Profæt Isai, péhani, én ur vision, e gleuas Cherubinet doh er hannein. Hi hé dès ean hirreit guet er honzeu e laras bugalé er Juivet eid inourein Jesus-Chronist èl ma hantréai é Jerusalem: Re-vou mêlet en hani e za é Hanhue en Eutru-Doué... Hac

en ur brononcein er honzeu-zé er Belèg e ra Sign er Groès, eit rein d'antand penaus en action dré béhani é ta Jesus-Chrouist devad omb ar en Anter, e zou ur represantation ag er Sacrifice ag er Groès.

Durand er Préface er bobl e zeli hum jeentein guet er Belèg eit trugairicad Doué èl-d'ou, hac eit hum zisposein de laret a greis ou halon guet en Ælet: Santel, Santel, Santel, etc.; ha guet en Ilis: Re-vou mêlet en hani e za. etc.

Canon en Overèn.

Héliet Jesus é monet d'er Hawar, quet é Groès ar . é miscoai.

Rai hir vehai expliquein guir ha guir er pedènneu, men : erhoalh-é ma houion er Fidelet é general petra e oulen er Belég aveit-t'ai. Hanhuet-int Canon, rac ma comprénant er regl certæn, hac er honzeu dré béré é ma bet groeit attau, hac é von groeit perpet er Gonsecration.

Arlerh er Sanctus, er Belêg e sau é zeulagad hac é zeourn trema en Nean, hac e gommanoe er bedèn-men, en ur souplein hac en ur voyuein d'en

Autær:

a Ni hou supli enta, Tail len a zouster hac a visericord, ha ni e oulen gueneoh dré JususChrouist hou Mab uniq hun Eutru, ma hagréehait ha ma véniguéhait er Proveu-men † c offramb teoh de guettan eit hou c'Ilis Catholiq, eit
ma pligeou gueneoh rein dehi er peah, he honservein, he laquad de unan, hac he hondui
paitout dré er béd, goet hun Tad Santel er Pab,
guet hun Esseb, hac er-ré hur hondui hac e

» gommand ar-n'amb a hou perh, ha guet ol er-ré » e ra profession ag er Fé Catholiq hac Apostolig. »

Er Beleg en al laret, ma veniguehait er proveumen, etc., e ra tair guéh Sign er Groès ar er bara hac er gûin, eit rein d'antand n'en dai meit dré er vertu a Groès Jesus-Chrouist é heèll en offrandeuzé bout béniguet hac agréet guet Doué.

Er bedèn-zé e zou hoab ur merche splann penaus: 1º Ol en Overenueu e zou offret eid en ol Fidelet Catholig, hac é spécial eiter-ré zou carquet a hur hondni revé en inean ha revé er horv, eit ma beellebemb, el ma lar S. Paul, bihueio é santelezh, é

neah ha tranquilité.

2º En ol Overenneu é houlènner guet Doné eid en llis, 1º ma rei dehi er peak inemp d'er-ré e ra brizel dehi a zianves; 2º m'he Monservou er muir Fé inemp d'er-ré e attaq hé Doctrin, èl mei er Juivet, er Bayannet hac en Méritiquet : m'hé laquei de unan inemp d'er Sismatiquet ha d'er ré e glasq laquad dissancion itre he bugale: m'he honduiou en ur rein dehi Bugulion mat ha sourcius de zistroein er béherien ag er goal hènd ha d'ou laquad én bènd a urionné.

3º Ne bedér quet é publiq eid en Hugnenaudet, en Héritiquet hac er-ré escommuniet; mæs deliet-é goulen eit-t'ai e segred ma hum gonvertisseint.

Goudé m'en des er Beleg pedet eit en llis e general, ean e bed eid er-ré zou presant én Overen, hac eid er-re e fal dehou recommandein de Zoué é spécial, en ul laret :

« Hou peèt change, men Doué, a hou servite-» riou hac a hou serviterezet N. N. »

A-zeer Beleg e ra un tamiq arsau eit recomman-

dein é particuliér er-ré ma lar en Overèn én ou intantion.

Leinein e rait guharal en Overen tri roll : ér hetan é hoai merchet hanhueu er Fidelet péré e oai en ur garg benac ihuel, pé en doai rantet ur chervige benac d'en Ilis; ha hennéh e oai leinet a voeh

ihuel en andræd-men ag en Overen.

Én eil roll é hoai merchet hanhueu er Sænt, é spécial er Vartiret; hac a pe gavait en doai meritet unan-benac dré é viracleu ha vertuyeu bout laqueit é rang er Sænt, ne rait quin meit merchein é hanhue er roll-zé, pé ér Hanon, èl ma larait nezé; a-va-zé è ma deit er guir canonisein ur Sant, hac en usage de leine hanhueu er Sænt é Canon en Overèn. Er roll-zé e formai er bedèn e yamb d'expliquein touchafit.

Anfin ar en drivet roll é hoai merchet hanhueu er Fidelet e varhuai ér Gommunion ag en Ilis; ha hennéh e oai leinet én andræd ma pedér eid er-ré varhue arlerh er Gonsecration. Mæs a oudé ne vourr quet mui er bobl ag en Officeu hir, en Ilis en dès groeit ur regl general, ha lansquet peb unan libr én ur certæn fæçon de bedein eid er-ré ma toug é

intantion.

Goudé m'en des er Belèg offret er Sacrifice eid ol en Ilis, ha recommandet er-ré ma fal dehou pcdein aveit t'ai, ean e offr é spécial eid er-ré e assist en Ovoren, hac e hanhue hilleih a Sænt, eit ma pligeou guet Doué dré ou intercession scuillein é vénidiction ar en Ilis. Chetui pe-dost er bedèn e lar eit quement-cé.

« Hou peet chonge ehué a ol er-ré zou amen » presant, eit réré é hosframb, pé péré e offr deoh

» dré hun deourn er Sacrifice-men, aveit-t'ai, hac » aveit ou ré, (er guirieu-zé e zisco é homb obli-» get de bedein en eil aveid éguilé ér Sacrifice ag » en Overen), aveid er remission ag ou fehedeu, > aveit tennein ar nehai er secourieu necessær reve » er horv ha revé en inean, aveid hou c'adorein » hac hou trugairicad, (er pedair intantion guet » péré é ma offret er Sacrifice), én union guet er » Uériès glorius Vari, Mam d'hun Doué ha Salvér » Jesus-Chrouist, ha guet en Apostolet ha Mär-» tiret Pierr ha Paul, Andreu, Jaq, Yehan, Philipp, Bartholomé, Maheu, Hémon ha Thadé, Lin, Clet, Cleman, Xist, Corneli, Cyprian, Laurance, Chrysogon, Yehan ha Paul, Com ha Damian, ha guet en ol Sænt aral, eit ma pli-» geou gueneoh dré ou meriteù ha pedenneu ac-» cordein demb attau ha partout hou secour ha » protection dre Jesus-Chrouist hur Salver. »

Durand er bedèn-zé er bobl e zeli hum joentein guet en Ilis e zou en Nean, eid offrein er Sacrifice, ha goulèn guet Doué er græce de guerhet ar bazeu er Sænt, eit ma veint un dè lodeq en ou zriomfl.

Er Belég e olo en Hosti guet é zeourn.

Consideret pebéh ur méh oai bet de Jesus, er burtæd memb, bout dihusquet dirac er bobl, ha bout staguet nuah doh er Groes.

Én goh Lezen a pe falai de unan-benac offrein ur Sacrifice, ean e laquai é zeourn ar ben el lon e bresantai eit bout sacrifiet, èl pé vezai bet eit disclæriein dre en action-ze é banàuai en en doai meritet er marlue, mæs èl ne oai quet mæstr ar é

vahé, é presantai en Hosti-zé eit bout sacrifiet en è téh, hac é pedai Doué de scèllet doh en dezir ag é galon diazben en offrand e rai d'é Vajesté, ha de hardennein dehou é béhedeu. Guet er santimanteuzé é bastèn ehué er Belég é zeoura ar en Hosti é hanhue er Fidelet, el pe vehai eit laret : Men Doue, meritet un nes er marhue dre hur pehedeu; mæs el n'en dai quet capabl hur goaid-ni d'effacein hur fauteu na de zistannein hou coter, e hamb de bresantein en hul leh hou Mab umq, e gargamb a hou c'udorein aveid omb, hac a bayein han dele. Er bobl e zeli a-ze hum offrein de Zoné dré Jesus-Chrouist ha quet jesus-Chrouist, èl un Hosti bihue pehani e hum zispos de souplein e peb tra idan é volanté santel. Ne febent quet geber guel eit laret er bedèn-men :e lar nezé er Belég :

» Ni hou supti enta, men Doué, d'agréein en » offrand-men, dré béhani é hanauamb ol é homb » chujet ha déléabl deoh, eit ma pligeou gueneoh » rein demb er peah er vuhé-men, hun delivrein » ag en dannation éternel, hac hul laquad én nombr » ag er-ré choæget eit bout heurus gueneoh de » virhuiquin, dré Jesus-Chrouist hur Salvér. El-» cé re-vou groeit. »

Arlerh er bedèn-zé er Belèg e ra Sign er Groès istroh eid ur uéh ar er bara hac er guin, sit annon-cein é raug Marbue Jesus-Chrouist, péhani zou represantet ha continuet er Sacrifice ag en Overèn. Honnèn-e er bedèn e lar nezé : n'en dès quet ur guir de golf a mehi.

» Pligeët gueneoh, o Doué, ni hou supli, gober » ma vou en offrand-men beniguet e peb mod +, » receuet +, approuvet +, ræzonabl hac agreabl di-

- " are hou teulaged, eit me tei de voud aveid emb
 " Corv † ha Goaid † hou Mab Jesus-Chronist hor
- » Salver. »

Jesus-Chrouist é en Hosti-zé, péhani zou bet béniguet, ha santefiet revé mei Dén, dré é Incarnation, offret ha receuet én é Gannedigueah, sacrifiet hac aprouvet ar er Groès, deit de vout tout spirituel ha rezonabi dré é Resurrection, presantet hac agréabl de Zoué dré é Asçansion. Ni e oulèn chué drè er beden-zé er græce de receu santelemant hac cit hur salvedigueah, Corv ha Goaid Jesus-Chrouist er Sacremand ag en Antær. Er bobl e zeli durand m'hé larêr, renehuéein ou attantion, ou Fé hac ou devotion, sac tost-é Jesus de zisquen ar en Autær.

Er Consecration.

Adoret Jesus sauet er Groes.

A Pe dosta d'er Gonsecration er Beleg e change a langage. Beed er momand-vé can e gonz én é hanhue propr hac è hadhue er bobl : mæs a-zé ean e guemer léh Jesus-Chrouist, pé quentch Jesus-Chrouist-è e gonz hac e gonsacr dré è gueneu. Ehué ne ra ean meit devis er péh en dès Jesus-Chrouist groeit ha laret. Ean e guemér er bara, hac er Halice arlerh, èl ma ras Jesus-Chrouist : can e sau é zoulagad trema en Nean en ur brogairiend Doue, el ma ras Jesus-Chrouist; can e guirieu e brononças Jesus-Chrouist, ha dré er guirieu e brononças Jesus-Chrouist, ha dré er guirieu-zé can e change, el ma ras Jesus-Chrouist, cer bara é Corv, hac er guir é Goaid Jesus-Chrouist : quènd achinue en Overèn, can e

dorr en aparanceu ag er bara, hac ou rann, èl ma ras Jesus-Chrouist. Goudé m'en dès dré er honzeu divin-zé changet er sustance ag er bara ér sustance a Gorv hur Salvér, hac er sustance ag er gùin ér sustance ag é Oaid, ean ou ador guéh-t'er-uéh, hac ou disco d'er Fidelet, eit m'ou adoreint, hac eit represantein Jesus-Chrouist sauet ér Groès.

Durand er Gonsecration er bobl e zeli contamplein er peh e bass ar en Autær, gober un Act a Fé ar en transustantiation, ha pedein Doué d'ou chan-

gein ol é Jesus-Chrouist.

Arlerh er Gonsecration, er Belèg e soupl isellan ma heell, en ul laret er honzeu-men a Jesus-Chrouist:

« Quel liès guéh ma rehait quement-men, groeit » ean guet chonge a hanan. »

Nezé ean e gontinu d'offrein de Zoué Corv ha Gosid adorabl Jesus-Chrouist, dré er bedèn-men :

« Rac-cé, men Doué, ni ou serviterion, ha guenen.b hou pobl santel, guet chonge a Bassion er
memb Jesus-Chrouist, ag é Résurrection hac a
é Asçansion glorius, ni e offr d'hou Majesté, ag
en donæzoneu e hoès groeit temb hac e hoès laqueit itré hun deourn, un Hosti pur †, un Hosti
santel †, un Hosti glan †, er bara ag er vuhé
éternel †, hac er Halice ag er salvedigueah perpetuel †. »

N'en dai quet mui eit béniguein en Hosti e ra er Belèg Sign er Groès ar nehou arlerh er Gonsecration; mæs eit rein d'antand penaus er Sacrifice ag en Overèn e dènn ol é nærh ha vertu ag er Sacrifice ag er Groès, péhani zou, èl m'hun nés liés remerquet, represantet ha continuet ar en Autær.

En offrand-cé e ra er Belêg de Zoué a Gory hac a Oaid Jésus-Chrouist arlerh er Gonsecration, e zou, èl m'hun nès laret én un expliquein er bedèn e zou itré el Lavabo hac en Orate Fratres, ur represantation ag en offrand e ras Jesus-Chrouist ag é Gorv hac é Oaid en un antréein en Nean dré en Asçansion, hac e rei dalh-mat durand en éternité. Rac-cé é lar er Belêg en en offr de Zoué guet chonge hac é mimoër a Resurrection hac a Ascansion Jesus-Chrouist. Ean e lar hoah é hoffr de Zoué, ag en donæzoneu en des laqueit itre hun deourn un Hosti pur.... rac en Hosti pur-zé ne hum gav presant ar en Autær nameit dré er changemand admirabl e zou bet groeit ag er bara hac er gùin, péré zou donæzoneu hun nès receuet guet Doué, é Corv hac é Goaid hur Salvér, péré zou en Hosti pur, santel ha glan, hac er bara a vuhé disquênnet ag en Nean, revé conzeu ha promess Jesus-Chrouist.

Er Belég e oulen guet Doué ma tei en ol de brofittein ag er Sacrifice e offr d'é Vajesté.

Consideret peguement en doai bet Jesus d'andur durand tair ær ma hoai bet é buhé doh er Groes.

Goudé m'en dès er Belég offret de Zoué er bara a vuhé hac er Halice a salvedigueah, ean e oulèn ma tei en ol de vout lodéq é meriteu Jesus-Chrouist quer presant ar en Autær, èl ma hoai ar er Halvær. Ean e gommance dré er bedèn-men:

- » Pligeet gueneoh, men Doué, agréein er Bara-» men a vuhé hac er Halice-men a salvediguesh,
- » èl ma hoès agréet donæzoneu Abel hou servi-
- » tour, ha Sacrifice er Patriarche Abraham, hac

» hani hou Peleg bras Melchisedech, rac bout cou » amen ur Sacrifice santel hac un Hosti par, é

» comparage dok er-re kont. »

Er bedèn-zé en dès dobér a woud expliquet. Jesus-Chrouist eid boud agréabl d'en Tad éternel, n'en dès quet dobér a vout recommandet : n'en dai quet enta a gaus tehou, mæs a gaus temb-ni é ra er Belèg er bedèn-zé, péhani e zeli boud antendet ér mod-men :

» Men Doué, a pe ne hoès agréet guharal Sa-» crificeu Abel, Abraham ha Melchisedech na-» meit rac ma hoènd er figur ag en hani e offramd » teoh hinihue, ha dré guemènt-cé chérisset en dud » ou offrai deoh; ni hou conjur de durel ar-n'amb » ur seèll amiabl, a p'en d'ai guir é hofframb teoh » Jésus-Chrouist, en Hosti figuret dré er Sacri-» ficeu-hont. »

(Mar caret leine Histoër en ancien Testamand, hui e welou petra-é bet Sacrifice Abel, hani Abraham, hac hani Melchisedoch, hac é péh tagon é hoent, drès er Sacrificeu ag er goh Lézèn, er figur a hani Jesus-Chronist.)

Arlerh er péh hun nès expliquet, er Belèg e soupl é creis en Autær, eit hum humiliein dirac

Doué, hac e lar er bedèn-men:

» Doué el-buissant, ni hou supli d'ordrénein » ma vou douguet en Hosti-men bet-hac hou c'Au-» tær santel dré zequrn en Ælet, acelfin goudé m'hur » bou receuet Corv ha Goaid sacret hou mab uniq, » ma vehemb-carguet ag en el bénidiction ha græ-» een ag en Neun, dré er memb Jésus-Chrouist hun » Eutru. El-cé ré-veu groeit. »

Er beben-zé e oulen arre boud expliquet : rac

Jesus-Chrouist, eit boud-ean ar en Autær, ne guitta quet en Nean, hac èl-cé n'en dès quet debér a vont douguet d'inou dré zeourn en Ælet. Mæs èl m'en dai carguet en Ælet a bresantein de Zoué pedenneu ha sacrificau en dud, er Belèg é hanhue er bobl e oulén ma tei un Æl èl pe vehai de cheirrein en dezir hun nès ma vou er Sacrifice ag en Overèn profitabl aveid-omb, ha de hresantein en dezir-zè de Zoué. Just-èl pe larehai:

« Men Doué, n'en domb quet ni dign de bre» santein dech en Hosti pur-men én ur fæçon ma
» vou profitabl aveid-omb, èl ma teziramb; rac» cé commandet de unan ag en Ælet e zou dalh» mat dirac-oh, presantein hun dezirieu d'en Au» tær santel (Jesus-Chrouist) én Nean, ha hum
» joentein guenemb eit ma vou profitabl aveid-omb
» en offrand e ramb a nehou ar en doar, »

Er beden-ze e zou ur suit ag en aral, hac er bobl ne ouhai quet gober guel, eit ou laret a galon guet er Beleg.

Er Belêg e bèd eit er-ré treménet.

Caërræd-oai elouet jesus é pedein eid er-ré el laquai d'er markue, kac é kescusein ou zorfæt!

Amen oai é leinait guharal en drivéd ag er rolleu. a bèré en bun nès conzet.

Goudé m'en dès er Belèg hum groeset en achemand ag er bedèn hun nès expliquet, ean e sàu é zeourn trema en Nean, en ul laret:

« Hou peèt chonge ehué, men Doué, a hou ser-» viterion ha servitoureset N. ha N. péré en dès » bihuet én hur raug ér profession ag er memb » Fé guenemb, hac e zou marhuet é peah gue-» neoh. » A-zé ean e ra un tamiq arsau eit recommandein é particuliér en incanneu treménet eit péré é fal debou pedein, hac arlerh ean e gontinu ér fæçonmen:

« Ni hou supli d'accordein dehai dré hou mise-» ricord, ha de ol er-ré e repos é Jesus-Chrouist, » el léh a refræscadur, a sclærdér hac a beah, dré » er memb Jesus-Chrouist hun Eutru. El-cé re-vou » groeit. »

` En Ilis n'offr quet er Sacrifice eid ol er-ré varhue é general, mæs eid er-ré zou marhuet guet er Sacremand ag er Fé, hac é peah guet Doué, ha n'en dint quet hoah arribuet el lehuiné éternel. Elcé n'en offrér quet eid er Sænt, rac m'en dint dejà èl léh a refræscadur, a selærdér hac a beah : n'en offrér quet ehué eid er-ré dannet, rac n'ou dès quet receuet, pé n'ou des quet conservet er Sacremand ag er Fé, ha m'en dint marhuet é malgræce Doué. Mæs a fæd en ineanneu ag er Purgatoër, n'en dès hanni a nehai n'en dai recommandet de Zoué é quemènd Overèn; hac en Ilis e oulèn aveit-t'ai er refræscadur, a gaus d'er pouaband ag en tan e andurant; er sclærdér, a gaus d'en tihoéldæd é péhani e mant; er peak, a gaus d'en nehance ha treboulance e santant.

Er Bobl e zeli ehué, peb-unan én é barticuliér, recommandein de Zoué en ineanneu eit péré en en dès intantion; hac arlerh pedein é general eid of er-ré zou ér Pargatoër.

En Nobis quoque peccatoribus.

Pedet Jesus d'accordein deoh a vremen er memb græce e ras ar er Groes d'el Lair mat.

Quènd er Gonsecration, er Belég e oulen guet Doué ma tei en Ilis e zou ar en doar, de vout lodéq guet er Sænt : arlerh er Gonsecration ean e oulen er memb græce eid en Ilis e zou er Purgatoër, hac anfin eit t'ou hac eid er-ré zou presant ér Sacrifice. Rac-cé ean e sau é voéh ér hommancemand ag er bedèn-men, eid avertissein er bobl de hum joentein guet-t'ou, hac ean e sco ar é galon, èl er Publiquein ag en Aviél, en ul laret:

"Ha ni ehué queih péherion ma homb, hemb

"Musul, groeit ma vehemb lodéq ha participant

"Ha groeit ma komb lodéq ha participant

"Ha ni ehué queih péherion ma homb, hemb

"Ha ni ehué queih péherion ma homb, ha misericord hemb

"Ha ni ehué queih péherion ma homb, ha misericord hemb

"Ha ni ehué queih péherion ma homb, ha marticipant

"Ha participant

"Ha ni ehué queih péherion ma homb, ha marticipant

"Ha ni ehué queih péherion ma homb, ha marticipant

"Ha ni ehué queih péherion ma homb, ha marticipant

"Ha ni ehué queih péherion misericord hemb

"Ha ni elué queih participant de l'elué péherion de l'elué péherion misericord hemb

"Ha ni elué queih participant de l'elué péherion misericord hemb

"Ha ni elué

» Dré Jesus-Chrouist hun Eutru:
» Dré béhani é ret perpet germein ol er madeumen, en ou santefiet †, é ret dehai cresquein †,
» en ou béniguet †, hac en ou ret temb. Dré-d'ou †,
» guet-t'ou †, hac én-ou †, é ma deliet teoh en ol
» inour ha gloër, ô Doué †, Tad ol-buissant as» sambl guet er Speret-Santel †, a viscoah de vir» huiquin. »

Er Beleg e hanhue a-ze ur Sant a bep condition,

mæs ol Martiret, hac ean e oulen ma vehemb receuet én ou hompagnoneah, non pas a gaus d'hur meriteu.... rac, pe ne seellehai Doué meit don meriteu en dud, pihue e cellehai pad en e bresance.

Eit comprenein er honzen-ze: dré Jesus-Chrouist... dré béhani é ret germein ol er mudeumen, en ou santesset, é rait dehai cresquein, en ou béniguet, hac en ou ret temb; rèd-è remerquein é hoai én andræd-ce ag en Overèn, é rait gabaral er vénidiction ag er fréh, ag er potage, ag el teah, ag er mèl, ag er hiq, etc., eit goulèn guet Doué er græce d'obér un usage vad a nebai. Pemaus-benac mei changet er mod de véniguein er madeu-zé durand en Overèn, en Ilis en dès conservet er bedèn e rait ar nehai, rae ma jauge assès gnet Corv ha Gosid hur Salvér, péhani zou reit temb idan en

aparanceu ag er bara hac er guin.

Expliquet hun nes deja perac-é à ra er Belég Sign er Groès ar en Hosti arlerh er Gousecration. A-zé ean e ra guet en Hosti memb tair guéh Sign er Groès ar er Halice, ha dihue néh vis-a-vis d'er Helice, én ul laret: dré-d'ou, guet-t'ou hac én-ou é ma deliet tech en ol ineur ha gtoër, o Tad olbuissant assembl quet er Speret, etc., eit roin d'antand n'en dès meit Sacrifice Jesus-Chrouist e cell rantein de Zoué en inour e zou deliet teheu, ha n'eeller inourein Doué nameit dré Jesus-Chrouist, (hanni ne ya d'em Zad nameit dré-on); guet Jesus-Chrouist, (en-n'emb n'en dai quet gueneign, e zou inemp teign); hac é Jesus-Chrouist, (ur brang distaguet a zoh er chouche, ne fehai quet doug fréh.)

Er Beleg en ul laret er guirieu-men, e ma defiet tech en ol inour ha gloër, e san er Halics hac en Hosti assembl, eit discoein dre en action-ne quer clous et dre er honzeu, n'en dai meit dre Jesus-Chrouist, bac e Jesus-Chronist, é heell en Drinder adorable receu en ol inour ha gloër e zon deliet debon. Sonnein e rér nezé ur hloh bihan, eid avertissein er bobl d'aderein Doné dre Jesus-Chrouist. Gubaral ne oai quet quentéh arlerh er Gonsecration, mæs en andræd-men ag en Overèn e sauait en Hosti hac er Halice eit bout adoret quet er Fidelet.

Er bobl durand er beden, Nohis quoque peccatoribus, e zeli ehué scoein ar ou halon, èl er Belèg,
eit goulen guet Doué misericorde, hac er græce de
voud un dé lodêq guet er Sænt é Ranteleah en Nean:
ind e zeli trugairicad Doué ag en ol madeu e ra
demb dré Jesus-Chrouist, hac en adorein dré Jesus-Chrouist, guet Jesus-Chrouist, hac é JesusChrouist, ér momand ma sau er Belèg er Halice

hac en Hosti.

Er Pater noster.

Caërræd un Testamand en dès groeit temb Josus az er Groès, en ur rein demb er Uériès eit bout hur Mam.

Én achémand ag er bedèn, Nobis quoque peccatoribus, er Belèg e brononce a voéh ihuel er honzeu-men, Per omnia secula seculorum, (A visceah de virhuiquin), eit goulèn guet er bobl mar
dint coutant ag er péh en dès greeit ha larci én ou
hanhue; ha goudé m'ou devai reit ou housantemant en ur rescond Amen (El-cé re-vou groeit),
can ou houvi dré er guir-men, Oremus (Pedamb).
de hum joentain guet-t'ou eid adressein de Zoué er
bedèn admirabl en dès hur Salvér désquet temb.

Mæs quent he hommance ean e ra d'antand n'hur bezai jamæs credet hum adressein dob Doué guet quemènd a gonfiance, quenevé m'en dès Jesus-Chrouist désquet hac ordrénet temb er gobér. Raccé ean e lar a voéh ihuel é hanhue er bobl:

« Instruget ma homb dré Ourhemeneu salvus, » ha revé en instruction divin e zou bet reit temb,

» ni e guemér en hardéhtæt de larèt : Hun Tad pé-

» hani zou én Nean, etc. » (Expliquet hun nès de-

» ja er bedèn zé.)

Guharal ne laret quet calz, mui eit bermen, er Pater hac er Credo a voéh ihuel nameit én Overen: rac él ma hoai permettet d'er-ré ne oènt quet hoah badéet, assistein en officeu aral, cuhein e rait doht'ai er Misterieu, guet eun ne vezent bet profanct guet tud a béré ne oait quet hoah assuret. Mæs én Overen, el ne oai meid er Fidelet en essamblé a oude en Aviel, ne zougeait quet a ou laret a voeh ihuel. Mæs er bobl é leh rescond, Amen, èl d'er pedenneu aral, e lar pen-d'er-ben er seihvet goulen ag er Pater: Sed libera nos à malo, (Delivret ni ag en droug), hac el-cé é bèrr guirieu ind e oulen quemend el er Beleg; rac, el m'hun nes deja remerquet, er seihved goulen-ze e ma comprenet en hueh aral: ind e lausq guet er Beleg de rescond, Amen (El-cé re-vou groeit); hac èl ma talh léh Jesus-Chrouist en ou hevir, er guir Amen en e veg e senefi, ya, me Zad, delivret ind ag en droug. Ean e bouis memb ar en Eutru-Doué de seèllet doh dezir er Fidelet, bac én ou hanhue ean e gontinu ou goulèn ér fæçon-men:

« Delivret ni, men Doué, ni hou supli, ag en ol » drougueu treménet, present ha de zonnet; ha

• dré intercession en Itron Vari Mam de Zoué, perpet Gueriès, hac hou c'Apostolet heurus Pierr, Paul hac Andreu, accordet temb er peah er vu-• hé-men, a-celfin dré er secour a hou misericord, » ne vehemb jamæs é sclavage er péhet, ha ma ve-» hemb perpet en abri doh peb sort dangerieu, dre » Jesus-Chrouist hou Mab uniq, hun Eutru, pe-» hani e vihue hac e jouiss ag er memb puissance » gueneoh ha guet er Speret-Santel, un Doué hemb

» quin, a viscoah de virhuiquin. »

En drougueu treménet, a béré é houlennamb, guet er Beleg, bout delivret, e zou hur pehedeu, en drougueu presant, e zou en tantationeu péré hun doug d'er péhet; hac en drougueu de zonnet, e zou er poénieu tamporel pé éternel, e stleige ar é lerh er pehet. Rac-ce a pe oulennamb guet Doué bout delivret ag er péhet, ni e oulen ehué bout delivret ag en ol drougueu, a p'en dai er pehet er brassan droug e fehai bout, hac er ourièn ag en ol drougueu; hac a pe oulennamb er peah, ni e oulen en ol madeu; rac hemb er peah guet Doué, petra-é ol en treu ag er béd?

En ul laret er honzeu-men, reit temb er peah... er Belég e hum groèz guet er Blatinen-Calice, péhani zou er Symbol ag er peah, eit rein d'antand n'eèllamb hur boud er peah nameit dre Groes Jesus-Chrouist. Ean hé goulen dré intercession er Sænt, eit bout surroh a vout cheleuet guet Doué; rac-cé ean e hanbue é spécial er Uériès glorius Vari, péhani zou Mam d'en Doué a beah, hac en tri quettan é-mésq en Apostolet, péré en dés annoncet er peah d'en ol pobleu ag er bed, a berh Jesus-

Chrouist.

Er bobl ne ouhai quet gobér guel eit laret er bedèn-zé é segrèd guet er Belèg.

Er Belêg e dorr en Hosti.

Contamplet Jesus 6 verhuel doh er Groès eit salvedigueah en ol.

En Belèg en un achihue er bedèn hun nès expliquet, e rann en Hosti è tri pèh, eit gobér èl ma ras Jesus-Chrouist péhani e dorras er bara sacret quènd er rannein itré é Apostolet: ean e ra en action-zé quentéh arlerh m'en dès goulènnet er peah, eit rein d'antand penaus Jesus-Chrouist n'en dai marhuet ar er Groès, ha ne hum ra demb ér Sacremand ag en Autær, meid eit rein demb er peah, hac hun delivrein ag en ol drougueu. En ol e ouair penaus a pe dorr er Belèg en Hosti, ne dorr quin meid en aparanceu ag er bara, èl m'hun nès laret en un expliquein er Sacremand ag en Autær.

É Spagn guharal er Belèg e rai nau peh ag en Hosti, eit represantein nau Mister a Jesus-Chrouist. Er hettan e oai hanbuet Incarnation, en eil Gannedigueah, en drivet Circoncision, er buarvet Transfiguration, er bempet Passion, en huéhvet Marhue, er seihvet Resurrection, en eilvet Gloër Jesus én Nean, hac en nauvet Ranteleah Jesus a pe

zei de jugein er-re vihue bac er-re varhue.

Mæs en Ilis Latin é general ne rér meit tri péh ag en Hosti: Er Belèg e gommuni bermen guet den anchai (me lar bermen, rac guharal ne gommuniai meit guet unan hac ean e rannai en aral itré er Fidelet e zezirai communiein), hac en drivet e vai caiget ér Halice guet er Goaid précius. Er Belèg quènd er haigein guet er Goaid précius, e ra guet-t'ou Sign er Groès tair guéh ar er Halice en ul laret : re-vou perpet peah en Eutru-Doué gueneoh; eit rein er vénidiction d'er bobl dré veritt en Hosti e zou bet torret eit-t'ai, hac er bobl e zezir d'er Belèg er memb bénidiction en ur rescond tehou, ha guet hou speret.

Er gustum-zé de gaigein ur péh ag en Hosti guet er Goaid précius, e zou deit diarbèn en usage e oai guharal de rein er Gommunion d'er Fidelet idan en aparanceu ag er gùin, quer clous èl idan en aparanceu ag er bara : èl ne oai quet attàu assès a uin consacret eit rein d'en ol, laquad e rait ér Halice gùin pehani ne oai quet consacret, ha caigein e rait én é vésq ur péh ag en Hosti, èl ma rér hoah Gùinér er Groès, eit ma vezai bet ahoël santefiet dré Gory adorabl Jesus-Chrouist. Penausbenac ne rer quet mui er Gommunion d'er bobl idan en ihue aparance, en llis en dès conservet er mod de laquad ur péh ag en Hosti ér Halice, eit represantein dré en aparanceu-zé joentet assambl Resurrection Jesus-Chrouist, avel m'en dai represantet é Varhue dré er bara hac er gùin consacret peb-unan d'é du. Er Belèg en ur obér er ceremonizé e lar er bedèn-men :

- « Re-zei Corv ha Goaid sacret Jesus-Chrouist » caiget assambl, de voud aveid omb-ni péré e » hum zispos d'ou receu, ur vamèn a vuhé éternel. » El-cé re-vou groeit. »
- Durand ma torr er Beleg en Hosti, er bobl e zeli trugairicad Jesus-Chrouist en dout hur haret betha rein demb e Gorv hac e Oaid precius eit bout magadur bun inean, ha goulen ma vou e Resurrec-

tion un arrès aveid omb ag er Resurrection glorius hag ag er vuhé éternel.

En Agnus Dei.

Consideret a vras er burhudeu e arrihuas ar en doar hac én Nean ér momand ma varhuas Jesus doh er Greès.

Arlers er ceremoni hun nes expliquet, er Belég e lar tair guéh en ur scoein ar é galon :

« Oén Doué, péhani e efface péhedeu er béd, » hou peèt trubé dohemb. »

Mæs en dairvet guéh é léh, hou peët truhé dohemb, ean e lar, reit temb er peah; eit goulèn guet Doué er peah èn Ilis, hac itré er Brincet Crechénion. Er bobl e zeli ehué laret er bedén-zé guet er

Belêg, pé hé hannein guet fé ba devotion.

En Overenneu a requiem, é léh hou peèt truhé dohemb, reit temb er peah, é larér, reit tehai er repos èternel, ha ne larér quet er guettan Oræson e za amen arlerh. Rac en Ilis n'offr er Sacrifice meid eid en ineanneu e zou ér Purgatoër; hac èl m'en dint marhuet é peah guet Doué, ne chom mui de oulen aveit-t'ai meit ma veint delivret ag ou foénieu ha ma heint d'er repos éternel.

Arlerh en Agnus Dei, er Beleg e soupl e creis

en Autær eit laret er beden-men:

« O Salver Jesus-Chrouist, pehani en des laret » d'en Apostolet : me lausq guencoh er peah; me » ra deoh me feah, ne seèllet quet doh me fehedeu,

» mæs doh fé hou c'Ilis, ha pligeèt gueneoh rein

» dehi er peah hac hé laquad de unan revé hou vo-

» lanté; hui péhani zou Doué, e vihue hac e driomfl

» a viscoah de virhuiquin. El-ce re-vou groeit. »

A-zé-é é rér er peah de voquein én Overèn-Brèd, eit rein d'antand d'er Fidelet è teliant bihuein é peah en eil guet éguilé, ha hum laquad ol de unan é Jesus-Chrouist, eit ne reint mui meid ur horv hac ur speret, èl ma lar S. Paul, mar fal dehai bout dign de receu en Doué a beah. Eit quemènt-cé é lar er Belég er bedèn hun nès expliquet. Arlerh ean e ra é particuliér en ihue bedèn-men, eit hum breparein d'er Gommunion:

"O Salvér Jesus, Mab Doué, péhani dré volanté hou Tad assambl guet er Speret-Santel, en
dès reit dré hou marhue er vuhé d'er béd, delivret mé dré hou Corv santel hac hou Coaid sacret, a ol me féhedeu hac ag en ol drougueu aral;
groeit ma talhein-mat perpet doh hou Courhæmeneu, ha jamæs n'em lausquet de hum separein dohoh-hui, péhani e vihue hac e jouiss ag
er memb gloër guet en Tad ha guet er SperetSantel, un Doué hemb quin, a viscoah de vir-

» huiquin. El-cé re-vou groeit. »

« Salvér Jesus, ne bermettet quet ma chervigeou

» d'em Jugemant na d'em hondannation, hou Corv

» hac hou Coaid adorabl e yan de receu, deusto

» n'er meritan quet; mæs groeit dré hou miseri
cord ma vou me Hommunion un dihuèn eid me

» inean hac eit me horv, hac ur remæd salvus

» aveid-on. Accordet teign er græce-zé hui péhani

» e vihue hac e jouiss ag er memb gloër guet en

» Tad ha guet er Speret-Santel, un Doué hemb

» quin, a viscoah 'de virhuiquin. El-cé re-vou

» groeit. »

Er-ré e zezir communiein, ne fehènt quet gobér

guèl eit laret er pedenneu-zé a galon guet er Belég.

Neze er Belèg e guemer Corv Jesus-Chrouist en ul laret dissonniq er honzeu-men ag er Psalm 115:

« Me guemérou er bara ag en Nean, ha me be-» dou Hanhue en Eutru-Doué. »

Nezé ean e sau é voéh hac e lar tair guéh en ur scoein ar é galon, er honzeu-men e laras er Cantenier a pe hum bresantas dirac Jesus-Chronist:

« Men Doue, n'en don quet dign ma hantréchaît » ém halon; mæs laret hemb quin ur guir, hac é » vou guelleit d'em inean. »

Arlerh, eit ma tei chonge tèhou én ur gommuniein; a Bassion hur Salvér, ean e hum groèz guet en:Hosti, en ul laret:

« Re-zei Corv Jesus-Chrouist hur Salvér de oarn « me inean eid er vuhe éternel. »

Goude m'en dès communiet idan en aparanceu ag er bara, ean e chair guet respèt er berhonneu e eèllehai bout chomet ag en Hosti ar er Horporal, hac ou lag er Halice en ul laret:

- « Petra e zacorein-mé de Zoué eid en ol vad en » dès groeit teign? Me guemérou er Halice a sal-
- » vedigueah, ha me bedou Hanhue en Eutru-Doué;
 » me bedou Doué en ur gannein mélodi dehou, ha
- » me vou delivret a m'enemiset.» (Ag er Psalm 115.)
- » Nezé ean e guemér er Halice, hac e hum groèz guet-t'ou en ul laret:
 - « Re-zei Goaid Jesus-Chrouist hur Salvér de » oarn me inean eid er vuhé éternel. »

Durand ma communi er Belèg, er Fidelet péré en dès dezir de gommuniein, e zeli hum breparein.

Br-ré n'en dint quet disposet d'er gobér, e zeli hum humilièin, ha laret guet er santimanteu brassan a hlahar hac a gontrition: Domine, non sum dignus.... Men Doué, ne veritan quet hou receu....

Mar hum bresantt unan-benac eit communiein, laret e rer er Confiteor a voeh ihuel, eid avertissein er Beleg, hac eit ma tei er-re e hum bresantt d'obér ou Hovezion general, mar ou des manquet a he gober guet er Beleg er hommancemand ag en Overèn.

Guharal quentéh el m'en doai communiet er Beleg, ean e rai er Gommunion d'er bobl, hemb laret pedèn er bet. Mæs a oudé mei deit er mod de rein er Gommunion quent ha goudé en Overèn, el ma oai requis er circonstanceu-zé laret er Confiteor, etc. en llis en dès reglet ma vezènt ehué laret quent Communion er bobl en Overèn.

A pe vai achihue er Confiteor, er Belêg e zistro un tamiq doh er bobl eit laret, èl ér hommancemand ag en Overèn, Misereatur... hac Indulgen-

tiam...

Arlerh ean e guemer en Hosti, hac e lar er honzeu-men:

« Chetui Oén Doué, péhani e efface péhedeu er » béd. »

Quentéh ean e lar tair guéh er bedèn-men é hanhue er-ré zou prest de receu :

« Men Doué, n'en don quet dign ma hantréchai^t » ém halon; mæs laret hemb quin ur guir, hac é » vou guelleit d'em inean. »

Laquad e cér un duell ar zeourn er-ré e gommuni, non pas eit ma sébeint ou bêg guet-t'hi, èl ma ra ul lod vat, mæs eit receu er berhonneu e cèllehai couéb a-zoh en Hosti. Er mod d'hé derhel, a fæçon, n'en dai quet enta joentein en deourn idan d'hi. Peb-unan e zeli digueor é vêg modestemant, avance un tamiq é dead ar é zivès, ha sehuel é bèn ihuel assès eit ma huélon er Belég petra e ra.

En ur zistribuein er Gommunion de bep Fidel,

er Belêg e lar:

« Re-zei Corv Jesus-Chrouist hur Salvér de oarn » hou ç'inean eid er vuhé éternel. »

De zezirein vehai ma tehai peb-unan ér momand ma prononce er Belèg, Corpus Domini nostri Jesu-Christi, de laret, amen, eit gober un Act a Fè ar bresance hur Salvér ér Sacremand ag en Autær

quènd er receu.

Er-ré ne gommuniant quet én essad, e zeli communiein a zezir; de laret-é, hum humiliein dirac Doué; hum joentein a galen doh Jesus-Chrouist; goulèn guet-t'ou en dispositioneu necessær eit éommuniein santalemant, hac er supliein d'accordein dehai er memb græceu el p'ou dehai er bonheur de gommuniein en essæd. (Expliquet hun nès en dispositioneu requis eit communiein erhad en articlag er Sacremand ag en Autær).

Pedèn goudé er Gommunion.

Consideret pebéh ur joé oai bet eid en Disciplet a pe gleuezant é hoai resuscitet Jesus.

Gouné er Gommunion er Belég e guemér gùin ér Halice eid er purificein, hac arlerh ean e guemér guin ha deur eit golhein é visiet, en ul laret :

« Groeit, men Doué, ma receuehemb guer ur » galon pur er péh çou antréet én hur bêg, ha ma

- » tei ag un donæzon tamporel, de voud aveid omb » ur remæd éternel.»
- « Doué ol-buissant, re-zei Corv Jesus-Chrouist » e més receuet, hac é Oaid e mès ivet, de vout bi-» huance continuel me inean; ha groeit dré hou » cræce ne vou mui én-an nitra couchiet dré er » péhet, arlerh ma hon bet maguet guet Sacre-» manteu quer pur ha quer santel; hui péhani e » vihue hac e driomíl a viscoah de virhuiquin. » El-cé re-vou groeit. »

Arlerh ma vai goleit er Halice, er Beleg e leine én horn diheu ag en Autær un Antién, hanhuet Communion, rac m'he hannait guharal durand ma rait er Gommunion d'er bobl. Nezé ean e retourn de greis en Autær eit saludein er Fidelet dré er honzeu-men, en Eutru-Doué re-vou queneoh. ha goudé m'ou dès rescondet, èl en ordinær, eit merchein ou attantion, ean ou avertiss (Oremus) de hum joentein guet-t'ou er beden e ya de laret, eit trugairicat Doue ag er græce ou des bet de receu Jesus-Chronist. En Oræson-zé hanhuet Post-Communion (pedén arlerh er Gommunion), e zou un temall d'er Grechénion lache ha digas, péré ne brezant quet hum laquad er stad de gommunein a pe assistant en Overen, el ma rai er Fidelet guharal. Hi zou ehué ur merche ag en dezir en dès en Ilis ne vou quet reit de gommuniein nameit durand en Overèn, penaus-benac ma hum gav paud a circonstanceu é péré é ma requis gober autremant, é spécial ar er mæzeu.

Én achemand ag er Post-Communion, er bobl e rescond Amen (El-cé re-vou groeit), eit discoein é mant coutant ag er péh en devai goulènnet er Be-

leg en hanhue.

Digitized by Google

De Goaris er Belég e lar hoah un Oræson aral, e hanhuer pedén ar er bobl; ha quent he hommance, ean ou avertiss de hum zerhel humiliet, dré er honzeu-men, hum zalhet prosternet dirac Doué. Guharal ma larait d'en déieu yun er Gospereu quentéh arlerh er Gommunion, er bedèn goudé er Gospereu e chervigeai de post-Communion, èl ma ra hoah én deieu dehuehan ag er suhun santel. Mæs a oudé mei deit er mod de dorrein er yun quentéh èl creisté, en Ilis en dès reglet ma vezai laret ur post-Communion èl d'en déleu aral, hac ar hé lerh, en Oræson e zeli beut laret goudé er Gospereu, de béhani é hès reit en hanhue a bedèn ar ér bobl.

Goudé m'en devai er Belég saludet er bohl ér mod ordinær, ean e lar, ite, Missa est (hui e eèll hum dènn, achihue-é en Overèn); hac er bobl e rescond, Doué re-vou trugairicait. D'en déieu yun ha d'en déieu a bénigèn, é leh ite, Missa est er Belég e lar, benedicamus Domino (mélamb Doué); hac er bobl e rescond arré, Deo gratias. D'Overenneu er-ré varhue ean e lar, requiescant in pace (deènt de reposein é peah), hac er bobl e rescond, Amen. Chetui er ræzon ag en differance-zé: guharal ne larait ite, Missa est, meid a pe zeliai er bobl sorti quentéh arlerh en Overèn: ha n'el larait quet d'en déieu a bénigèn na d'Overenneu er-ré varhue, rac ma hoai attàu ur bedèn, pé ur ceremoni benac d'obér arlerh en Overèn.

Er mod de rein er vénidiction én achémand ag en Overèn ha de laret en Aviél revé S. Ychàn, n'en dai quet ancién. Er vénidiction e oai reservet guharal d'en Escobet, ha quentéh él m'en doai er Belég laret ite, Missa est, ean e hum dennai quer clous èl er bobl. É Paris é héliér hoah pe-dost en usage-cé én Overenneu ar-gan. Mæs èl ma tai d'er Fidelet dré zevotion goulèn boud avielet arlerh en Overèn, eit tènnein ar nehai græcen Doué vertu er honzeu divin ag en Aviél, er Velcan en dès hum accourcet a nebedigueu de leine arlerb en Overèn er hommancemand ag en Aviél revé S. Yehan, hac anfin en Ilis en dès groeit a guemènt-cé ur regl general.

Quent rein er venidiction d'er bobl, er Beleg e soupl é creis en Autær eit gober er bedèn-men,

péhani zou un Act a drugairé :

« Agréet, Drindèt santel, en avouéance a me » sujidigueah hac aboeissance; ha groeit ma vou » agréabl deoh er Sacrifice e mès offret d'hou Ma-» jesté pebéh quen indign ma hou, ha ma tènnou » hou misericord ar-n'an hac ar ol er-ré eit péré » en e mès ean offret, dré Jesus-Chrouist hun » Eutru. El-cé re-vou groeit. »

Durand ma ra er vénidiction, er bobl e zeli hum humiliein, ha pedein Doué de rein dehai é vénidiction dré zeourn er Belég. Ind e zeli sehuel eit cheleuet guet respèt en Aviél; adorein er Verbéternel angeandret a ol éternité ag en Tad, ha deit de vout Dén aveit omb; en trugairicat mei pliget guet-t'ou disquên én hur mésq eit hun instrugein, ha chom guenemb eit beut bihuance hun inean ér Sacremand ag en Autær; anfin goulèn guet-t'ou er græce de gouservein er galité a vugalé de Zoué en dès meritet temb dré é Incarnation, dré é Varhue, dré é Resurrection ha dré é Asçansion.

Quent sorti ag en Ilis, arrestet un tamiq hou speret de gontamplein er Misterieu e hoès guélet

represantein ar en Autær, ha heulennet guet Doué er græce ne vou quet en Overèn e hoès cleuet, hemb profil aveid-oh. Retournet d'er guær èl unan e zehai a ziar er Halvær a uélet laquad Jesus-Chrouist d'er marhue. El-cé re-vou groeit.

ARTICL V.

A CERTÆN PRATIQUEU A BUR DEVOTION.

Ag er Perhindedeu.

Penaus-benac m'en dai Doué partont, un dra suré neoah en hum blige e tiscoein é buissance hac é vadeleah é certæn léhieu, dré er Miracleu hac er secourieu spécial e accord d'er-ré ou visitt guet devotion. Er gustum d'obér Perhindedeu é béyeu er Vartiret, én Ilisieu, pé Chapélieu ma repos Relégueu er Sænt, él léhieu en dès Doué inouret dré ur Miracl benac, etc., en dès commancet guet en Ilis. Er voyageu-zé a zevotion e zon ur merche a Fé er Fidelet péré ou groa guet un isprit a respêt hac a Religion. Er boén e vai doh ou gobér, e gasti er horv, hac eèil bout profitabl eid en inean. El limageu, er Proveu, er Relégueu, er Miracleu e uélér él léhieu santel-zé, e ziousq er Fé hac e duèm en devotion...

Mæs tremenet-e en amzer hont ma hait dre zevotion d'er Perhindedeu : en darn-muyan bermen ne yant dehai, meit dre guriosité, dre vanité, meid eit cavouet en tu d'ober chervad, de goroll, de hum zivertissein, de uelet ha de vont guelet.... ha quemend a ræzon vehai bermen d'ou dihuèn, el e oai guharal d'ou honseillein. Mar fal deoh tennein profit ag er Perhindedeu, queret dehai guet modesti ha devotion. Ne hum abuset quet guet peb sort langageu durand en hend; mæs conzet a dreu mat, ha pedet liès. Ne yet quet dehai é sigur cavouét Covezerion péré e bass tout; guel vehai deoh chom ér guær. A pe vehait arrihue el léh, groeit hou tevotion a uellan ma geellehait, ha goulènnet dré intercession er Sant e inourér inou, er græce de zistag hou calon muyoh-mui doh er béd, de renonciein deoh hou ç'hunan, ha de guerhet ar bazeu Jesus-Chrouist. Betournet d'er guær guet er memb santimanteu e zeliet hou pout bet en ur monet.

Ag er Berdiaheu.

Un dra vad-é hum laquad ér Berdiaheu aprouvet dré en Ilis. Mæs quent hum ingagein, examinet erhad ha hui e eèllou guet quemènt-cé accomplissein hou teværieu general ha particuliér. Rac lausquein en deværieu é sigur gobér devotioneu aral, e zou un abusance hac ur sotiss ag er-ré lourtan. Ne hum ingaget quet dré vanité na dre er respèt ag er bed. Héliet er reglemanteu ag er Verdiah guet er memb speret meint bet instituet, ha ne hum goutantet quet a reglein hemb quin en dianvés ; doh er galon é seèl en Eutru-Doué. Ne chonget qu'et gueneoh, èl ma ra ul lod vad, è ma assès boud en ur Verdiah eit bout salvet; n'en dai quet en abid-é e ra er gùir Grechen. Eèllet vehai laret d'er sort Crechénion-zé er péh e larai Jesus-Chrouist d'er Farisiennet, en ou dès un dianvès caër, mæs é mant lous a ziabarh. Er mercheu e zouguér eit discoein é vér ag ur Verdiah, e zou un avertissemant

Digitized by Google

continuel de vihuein santelemant, de rein exampl vat d'er ré-ral, ha d'avance dalh-mad é vertu. Erré ne hum ingageant quet guet en intantion-zé, e zisco n'ou det quet paud a Religion, hac é fal dehai

gobér goab a er gùir devotion.

Er pratiq de zoug Limageu, Croesieu, Chapeletteu, lieinage péré e vai bet touchet doh Relégueu er Sænt, e zou chué otoriset dré en Ilis. Mæs hum drompein a vras vehai laquad ol en devotion ér sort treu-zé. Doué é vènn boud adoret ha cherviget a speret hac é gurionné, ha liès mad er-ré zou quer presset d'ou dout Relégueu èl-cé, ne rant quet paud a gas eit disinourein Jesus-Chrouist hac er Sænt dré ur vuhé tout contrel d'en Aviél. Er guettan ha guellan devotion e zou laquad poén de hum zizobèr a hun defauteu beèd er-ré distérran. (Leinet er hettan Chapistr ag er Hombat spirituel.)

Er mod d'avièlein er bobl e zou ehué ur pratiq santel hac anc én, ha bout cou léh de gredein arlerh er pèh en dès Jesus-Chrouist ansaignet temb, é heèllamb tènnein ar-n'amb peb sort græceu dré vertu é gonzeu divin. Mæs eit quemènt-cé ni e zeli laquad hun ol studi de bratiquein é Zoctrin; rac un dra monstruus vehai discoein én aparance quemènd a respèt éid en Aviél, hac en disprisein én donn ag er galon, én ur obér tout er hontrel d'er

péh e gommand.

Ag er péh e rantt mad-dén heurus é quemènt ma heèll boud ér vuhé-men.

CHELEUET er moyandeu e hoès de vout heurus é quement ma heèll mad-dén boud ér vuhé-men. Jesus-Chrouist ean memb-é ou ansaign deoh.

- 1º Heurus er-ré peur a speret, rac Ranteleah en Nean e zou dehai.
- 2º Heurus er-ré douce, rac ind ou devou doar er-ré vihue.
 - 3º Heurus er-ré e ouil, rac consolet veint.
- 4º Heurus er-ré en dès hoant ha séhæd d'er santeleah, rac goalhet veint.
- 5º Heurus er-ré charitabl ha misericordius, rac ind e gavou misericord.
- 6º Heurus er-ré pur a galon, rac ind e uélou Doué.
- 7° Heurus er-ré e gar er peah, rac galhuet veint bugalé de Zoué.
- 8° Heurus er-ré e andur a balamor d'er santeleah, rac Ranteleah en Nean e vou dehai.

Dré er-ré peur a speret, Jesus-Chrouist e antand, 1° en ineanneu humbl; 2° en dud peur e vihue coutant én ou feuranté; 3° er-ré pihuiq e zou distag ou halon doh en danné.

Dré er-ré douce, Jesus-Chrouist et antand er-ré n'en dint quet vélimus, ne garant quet en disput nac en dissancion, ne vourrant quet hum glêm na murmurein. Doar er-ré vihue e zou grateit dehai, n'en dai quin meid er Baraouis.

Dré er-ré e ouil, Jesus-Chrouist e antand : 1° Er-ré e huannad a gaus d'ou féhedeu propr, pé diarbèn péhedeu er-ré-ral; 2° Er-ré e ra pénigèn; 5° Er-ré e andur a balamor de Zoué en afflictioneu ag er vuhé-men.

Dré er-ré en des hoant ha séhæd d'er santeleah, Jesus-Chrouist e antand er-ré e zezir guet grèd bout santel hac agréabl de Zoué, hac e guemér en ol moyandeu possibl eid avance é parfætion.

Dré er-re charitabl ha misericordius, Jesus-Chrouist e antand er-re e assist en Nessan, a guement ma heellant, én é zobérieu spirituel ha corporel, pé ahoël en des truhé doh-tou, e suport é zefauteu, ou escus, hac e bardon a uir galon en anjulieu e rér dehai.

Dré er-ré pur a galon, Jesus-Chrouist e antand er-re zou distag ou halon doh peb sort péhet, hac e hum boéni dalh-mad eit feahein ou goal inclinationeu.

Dré er-ré e gar er peah, Jesus-Chrouist e antand er-ré e gommand perpet ar en dezirieu ag ou halon, e vihue é peah guet ou housciance, guet Doué ha guet en Nessan, hac e labour eit laquad en accord hac amitié itré en ol.

Dré er-ré e andur a balamor d'er santeleah, Jesus-Chrouist e antand er-ré zou casseit, pé goal drætet, pé décriet, pé dispriset rac ma sauant perpet én tu guet er urionné hac en devotion; én ur guir, er-ré e ra ou devær. Hoc fac, et vives.

Groeit èl-cé, ha hui hou pou er vuhé éternel. Luc, Chap. 10.

Accomplisset e mès er péh em boai grateit: Deoh-é helí bermen en hènd e mès discoeit. Hanauein, carein Doué, er chervige guet courage Eit bout heurus guet-t'ou; hennéh-é hou partage.

Jesus Re-vou mêlet.

LITANIEU

ER UÉRIÈS GLORIUS

Eurau-Doué, hou peèt truhé dohemb.

N. Eutru-Doue, etc.

Jesus-Chrouist, hou peèt truhé dohemb.

N. Jesus-Chrouist, etc.

Jesus, cheleuet hur pedenneu.

N. Jesus, cheleuet, etc.

Jesus, receuet hur pedenneu.

N. Jesus, recouet, etc.

Tad éternel, gùir Doué,

N. Hou peet truhé dohemb. Jesus, Salver er bed, gùir Doué,

N. Hou peèt truhé dohemb.

Speret Santel, gùir Doué,

n). Hou peèt truhé dohemb.

Drindet Santel, un Doué hemb quin,

N. Hou peèt truhé dohemb.

Santès Mari:

Gùir Vam de Zoué,

Gùériés santel er Gùériézet,

Mam de Jesus-Chrouist.

Mam d'er vamèn ag en ol græceu,

Mam a burtæt.

Mam a ùerhtæt.

Mam ha Gùériès.

Mam exantt a bep sort péhet,

Mam digurde vout caret,

Mam dign de vout admiret,

Mam d'hur Hrouéour.

Mam d'hur Salvér,

Gùériès parfæt,

edet aveid omb

Pedet aveid omb.

Pedet aveid omb. Gùériès inourabl, Guéries dign de vout melet, Guériès puissant étal en Eutru-Doué, Gueries len a druhe hac a vadeleah, Gueries fidel, Miloër a santeleah. Damurance er sagesse divin, Mam d'er pen a hun ol joé, Tampl es Speret-Santel, Lestr a inour, Scuir parfæt a zevotion. Bosèn misterius. Gloër leigné David, Limage a burtæt, Sanctuær a garanté, Arg ag en alliance nehué, Dor er Baraouis. Stirèn en dé, Pedet axeid oml Recour er-ré clan, Retirance er béherion, Consolation en dud affliget, Secour er Grechénion. Rouannès en Ælet, Rouannès Batriarchet, Rouannès Brofætet, Rouannès en Apostolet, Rouannès er Vartiret, Rouannès er Govezerion, Rouannés er Guériézet, Rouanuès en ol Sænt ha Santézet, Rouannès spécial er Verdér ag er Rosær, Oén Doué, péhani e efface péhedeu er bèd; ». Pardonnet temb hur fauteu,

Oén Doué, péhani e efface péhedeu er bèd; . Re-

ceuet hur pedenneu.

Digitized by Google

Oén Doué, péhani e efface péhedeu er bèd; p. Hou peèt truhé dohemb.

- y. Jesus, hur cheleuet.
- R). Jesus, hur receuet.
- y. Pedet eid omb, guir Vam de Zoué;
- R). Eit ma tehemb de vout dign a bromesseu Jesus-Chronist.

FIN.

En Edition nehué ag el Livr-men ne hum gav, é Guéned, nameid é ti De LAMARZELLE, Imprimour, ha Livrour ar el Liceu.

ROLL

Ag er péh zou comprênet él Livr-men.

CHAP. I. Obligationeu ur Hrechén, page	5
Art. I. Ag er Vertuyeu é general,	9
II. Ag er Fé a Grechèneah,	13
III. Explication a Symbol en Apostolet,	19
IV. Ag en Espérance a Grechéneah,	47
V. Ag er Garanté a Grechéneah,	55
Снар. II. Peèllet doh en droug,	83
Art. I. Ag er pehet Originel,	85
II. Ag er pehet Marvel,	87
III, Ag er pehet Veniel,	90
IV. 'Ag er pehedeu a Ignorance,	93
V. Ag er péhedeu a Fragilité,	96
VI. Ag er pehedeu a Valice,	97
VII. Ag er seih pehet Capital,	101
CHAP. III. Groeit er mad,	133
Art. I. Ag er guettan Gourhæmen,	134
II. Ag en eil Gourhæmèn,	146
III. Ag en dairvet Gourhæmen,	155
IV. Ag er bedairvet Gourhæmen,	160
V. Ag er bempet Gourhæmen,	182
VI. Ag er huehvet Gourhæmen,	186
VII. Ag et seihvet Gourhæmen,	190
VIII. Ag en eihvet Gourhæmen.	200

IX. Ag en nauvet Gourhæmen,	page 210
X. Ag en decvet Gourhæmen,	211
CHAP. IV. Cheleuct en Ilis,	213
Art. I. Ag er guellan a Ourhæmeneu en	Iļis, 215
En Avend,	216
Nendelêq,	218
Gouil S. Stevan,	22 0
Gouil S. Yeyan en Áviélour.	idem.
Gouil er Sænt Innoçandet,	idem.
Circoncision Jesus-Chrouist,	idem.
Gouil er Rouéet,	222
Purification er Uériès ,	223
Er Septuagesim,	225
Morhèr el Ludu,	226
Er Aoaris,	227
Sul el Lore,	229
Er Rieu-hemb-Lid ,	231
Gitnér er Groès,	233
Sadourn-Vasq,	235
Sul-Vasq,	237
Annonciation er Uériés.	239
Prehecion S. Marc hac er Rogation	eu, 241
Rieu en Asçansion,	242
Er Pantecoust,	243
Sul en Drinded,	245
Rieu er Sacremant,	246
Camadianah C Vahanan Dadiona	917

. ,			Ш
	Gouil S. Pierr ha S. Paul,	p a ge	248
	Assomption er Uéries,	. •	250
	Gannedigueah er Uéries,		252
,	Gouil er Rosær,		2 53
	En Dedicace ag en Ilis,		254
	Calan-Gouyan,		256
	Commemoræson er Fidelet tremenet	,	257
	Conception er Uériès,		2 59
Art.	II. Ag en eil a Ourhæmeneu en Ilis,	-	260
	III. Ag en dairvet Gourhæmèn.		264
	IV. Ag er bedairvet Gourhæmen,		267
	V. Ag er bempet Gourhæmen,		269
	VI. Ag en huehvet Gourhæmen,		272
Снаг	. V. Ag er Sacremanteu,		273
Art.	I. Ag er Sacremand a Vadiend,		275
	II. Ag er Sacremand a Gonfirmation	3,	287
	III. Ag er Sacremand ag en Autær,	•	291
	IV. Ag er Sacremand a Benigen,		305
	Ag en Examen a gousciance,		308
	Ag er Gontrition,		318
	Ag er Ferm Propos,		327
	Ag er Govezion,		332
	Ag er Satisfaction,		342
	Ag en Absolven,		354
	V. Ag er Sacremand a Nouyen,		359
	VI. Ag er Sacremand a Urh,		363
	VII Amon Community Than		

CHAP. VI. Goulènnet hac e vou reit teoh, pag	e 385		
Art. I. Ag er Beden particulier,	392		
II. Ag er Pedenneu publib,	407		
III. Ag er Sacrifice ag en Overen,	414		
IV. Explication ag er Pedenneu ha Cer	IV. Explication ag er Pedenneu ha Cere-		
monieu ag en Overen,	42 0		
V. A certæn Pratiqueu a bur Devotion,	468		
Ag er péh e rantt mab-dén heurus	ėr		
vuhė-men.	471		
Litanieu er Unériés	474		

FIN AG ER ROLL

Cett 7895.41 Instructioneu santel ar er gurionn Widener Library 005710712